

槐軒集十卷

〔清〕王曰高撰

北京大學圖書館藏清康熙八年自刻本

附《四庫全書總目·槐軒集十

卷》提要

序

凡物非其性之所近則不暇以



稱鄒魯之人篤好文學蓋其天性然也昔嘉隆之際濟南李千鱗以古學倡導天下七子之徒相為唱和一時翕然為風流所宗自是以後名人鉅

吳序一

儒往往接踵代興豈非泰山徂徠天地靈秀之氣磅礴鬱積而生者乎今之以詩名天下者王君阮亭其尤也而阮亭之兄北山先生同時奮起如平原之與清河端明之與潁濱可謂盛矣吾友賀子天士常與予言北山

之為人其志節在君父其氣誼在友
朋其性情嗜好在於文章山水予讀
其詩淡蕩清遠有阮亭之風而其為
文匠心稱意不假瑣飾今之作者固
未能或之先也夫人非其性之所樂
雖勉強為之而不可以望其有成故

吳序二

士方困阨輒發憤力學思自表見及
其一旦得志則嗜欲動乎其中而勢
利毆乎其外求其玩心於高明留意
於篇籍者其亦鮮矣北山少孤食貧
能以文章發聞於時自致通顯今且
優游於黃扉綸閣之間出入風議為


天子密勿侍從之臣而能以其餘閒游
獵藝文馳騁翰墨生平之所好至於
富貴而益不倦故其所為詩文類皆
和平爾雅無鉤棘之苦無雕鏤之迹
豈屑屑與常布閭巷憔悴專一之士
競聲病而較短長者哉蓋其性之所

吳序三

近故為之必專且勤方將日進不已
而未可以量其所至也夫辭章風雅
之事未嘗一日歇絕於世嗣是以往
吾知好學深思以古人自期者將倡
於鄒魯而盛於天下其必自北山兄
弟始矣

康熙八年歲次己酉花朝日年家弟

婁東吳偉業頓首拜序



吳偉業

序

古之稱詩者大都以十五國之風采而獻之天子所以美謠俗而敦禮教也降而修詞之家各是其說以趨新闢異而詩道寢微鳩喧鵲鬧幾同聚訟記所謂溫柔敦厚者求之海內而

書序一

鮮有當焉豈古學之不易復耶抑留意古學者之無其人耶魯齊之鄉岱宗高峙居山蔚狀稟天地之中氣其人薦好文學天性然也自歷下李觀察邊尚書許佐史以來振興風雅拔中原之纛而詞壇互禪久而稱昌今

日之領袖英絕為蒞林所宗法者指
不勝屈豈非一時之盛哉蒞山王北
山給諫其一也北山少孤力學壯歲
蜚聲其簡雲追電一瞬千里驚人之
才有不可以涯俟測者願其為人春
容深靜退然有以自下師友之間惘

中序

幅朒摯以真氣相孚植其本而茂其
華北山之人即北山之詩若文欵其
在館中也丹鉛不輟貫穿經史不歇
以京華日月消諸車轍馬跡間其在
諫垣也不傲不隨卓然有以自立所
言皆國家利病之大者補牘沽名批

鱗市直皆有所不取樂與其鄉之一
二同心之友更唱迭酬分題擊鉢落
紙如飛詩成競寫茲哀其數年之什
出以問世洋洋乎大觀哉余向披北
山闢牘深服其為有本之學讀其全
詩而益歎其學之進于古也務歛其
鯨呿虎視之才春萼晨葩之采一澤
之以溫柔敦厚以合於詩教以砥夫
今日之脩詞者三百篇不可循畦而
濬源哉輶軒之采無踰是者北山其
進而陳諸

康熙七年戊申中秋後二日西浙

曹爾堪題于虎正



曹序

序

嘗讀秦漢以來名世諸君子之文光偉特達千百世不可掩抑則其人之氣量必有見之文章不盡見之文章者設使生當其貴獲遇其人接其言論風采當不知何如赫奕而其人固已在千百世之上今給諫王北山先生予既當

其世遇其人矣其氣值
文章既已而世推重自瀆
中秘書以至陳垣崇論
閩海建白在

帝左右而其力

國家宏網羅稱知人能得
士江南才俊咸于先生
而泰岱之仰也予待罪
青齊膏過通德之里
門庭肅肅肯太失八方

無恙而先生脩極色養
內外雍穆無間及見其貌
和平樂易望之有壁立
千仞之意希之言汪々
千頃而不可推測則雖
未盡觀其制化之書藏
名山而永千範者而天
下之文章已莫大乎是
矣戊申先生遊南中同
人梓其槐軒集貽予一

編命予序予始得盡讀
先生古文詞紆徐容止不
為危言激論而往復百
折嶮巖陡削有水石吞
吐之奇有洞壑嶽峙之
槩何向之所見若一而奉
漢以來名世之文復見于
今日也吾觀先生之詩與古
文詞天高而人深雖世固
境造形緣情定則所而

宏纖大小規制條流不一
而大約以風趣淡宕為情
凡昔人而比量尤與柳河
坡公相韻頤也乃悅者
謂詩之為用以吟咏性
情而連光景則茲編之
駘蕩自喜誠足而風人
之極事而先生又歷清
華必更有經國之文俾
繼許而輔蔽

皇猷者日星而昭朗不知

坡公之文熟籌軍國

洞達天人固允為一代

榮觀朕至今讀海外之

化孰其流風絕不知有

策畧諸篇柳州流傳奕

世不在博辯鴻文而在

山水諸遊記則文人所

托性情有鍾固符

乎不磨之數也夫隆名

駿業與運會俱遷徙而

灑洒淡曠之氣足此

古今而不敝由是言

先生經國鴻文固不盡

于此而于此觀其蘊矣

千百世下讀先生之文

安在不如今日之讀秦

漢以來名世諸君子

文乃當吾世而及見先

生之人希其文也豈不

足而厚幸也哉

康熙八年歲次己酉春

分標下季家弟周

亮工頓首書于賴

古堂



序

予性耽吟咏如春鳥秋蟬鳴不擇響而時々自發其響如不可已未堪持贈及入館席見登孺年兄眉宇墨芬咳唾玉屑知舉體皆風雅矣時手扶一編或詩歌或小序其所為貪素自

異序一

守與夫通籍紀遇神明蓄洩觸境矢言洵有古直忠厚之遺夫出之於心而即有得於心者言也方其擬議協適吟諷反覆之餘胸懷悠然有與之俱往者矣故讀槐軒諸詩如長吉日有所得即標記納古錦囊中稍一剪

裁即奇艷絕世諸古文記序又如右
軍太傅氏有所歷不肯輕自放過一
花一石一雨一晴盡收拾什之管城
而幽古香冷盈溢楮幅敘述之中感
慨生焉以是自汰性情而性情無不
歸道非徒漫作志林已也行將舉

吳序二

朝常國故典謨制誥一緯以大手筆
大者嵩岱恒華興雲出雨潤澤八埏
次亦仙巖靈洞逶迤恍惚莫得其所
歸歲日月星辰宗彝黼米藻火華蟲
天地民物備于九罏之章服之者亶
不下堂殿而萬方作肅光天之下薄

海內外有壬有林始共服登孺風雅
自命耳茲視軒一刻固嚙矢也

同學弟吳國對頓首



吳序三

槐軒文集序

予齊年友王子北山
資樸茂而篤於學與
人交絕少城府無賢
愚咸推為長者好讀

序

書無所不通尤留意
於風雅雖一觴一詠
皆有以見其性情之
所寓不屑與時流競
多靡蓋王子之寄託

遠矣戊戌歲同人讀

書館中露晚星初硯
几相接王子聲譽籍
甚辛丑王子改授給
諫癸卯典江南試事

序

後徘徊斗牛酬唱經
揚震澤間哀然登
作者之壇矣昌黎曰
仁義之人其言藹如
苟非其人殆已難言

之始未嘗不務於挾
藻摘辭而卒騁靡破
碎與啾嘈囁語無以
異王子之所為固不
僅以其文所由越時

序

王

流數等歟今王子

予告旋里築室於山中

蓋刻厲求所未至又

有西樵阮亭二子為

門內唱和鄒魯文學

我知其振自王氏矣

僅曰與滄溟之徒爭

千古哉茲王子梓所

著槐軒集詩文若干

篇首問世予為叙序

序

甲

梗概云

康熙八年歲次己酉

黉賓月吉旦楚深

年眷弟熊賜履謹

題於京邸之下學

堂



序

五

序

自百人有三不朽之說而歐陽子推原其本以為
施於事矣不見於言可也修於身矣不施於事不
見於言亦可也余始讀其言而深然之又思自唐
虞以迄成周書有典謨訓誥詩有風雅頌以為是
臯益尹說周公召公山甫吉甫之徒所著吾不能
見其人猶得知其孰聖孰賢者由所傳之言而論
列之也又安知千百歲後不有讀今人所言可以
得吾之行事與修身者乎乃布衣蕞爾之士或能

鄉序一

著書立說而不能有所著以表見至於有文章而
在位者又不屑專意肆力以勉為之李習之有言
得於時者雖負作者之材其道既能被物則不肯
著書矣此古今作者雖多求其卓然可傳以無愧
立言之任者終未常多得也歟今給諫王北山先
生余同年友也向允知其為人敦樸易直東修勵
志有不言躬行之風自翰林遷給事中論思獻納
凡於國家大事吏治民情知無不言言無不盡固
已得立言之大者矣頌性喜為詩自入直視草以

及庭闈游覽無不時有詩淺深疎密各極其致
百變而率歸於渾涵至其為文舒徐自得而立義
甚高汪洋無窮而用法有要雖其登涉所至偶然
肆筆未常有意於求工而刻意為文者注焉邇為
不可及庶幾有去鄭復雅揚本抑末之能焉先生
之為可傳固不僅以文章顯即其材力所至於文
章尤未見其所止而使一時之人士誦其言觀其
行事推本其立身居己之大閑則其言未始不可
恃矣昔權衡與之序陸贄云覽公之作則知公之

歸序二

為文覽公之奏則知公之為臣使宣公而無權古
揚今推文藻思之言雖後之低徊向往者又何所
自而慨然如見其為人乎嗟乎世豈無懷才而不
得志者營營汲汲抱閤守殘期夫一言之得傳於
後終不能為宗廟朝廷之文以顯名一世此楊子
雲之著書所以見輕於當時也今先生道能被物
而又負作者之材得時而能著書若此以視夫文
章之名雖傳而德功未著者其為得失相去更何
如哉

康熙己酉正月南蘭陵年小弟鄒祗謨拜撰



歸序三

序

今之言詩文者吾知之矣當世士大夫言詩則稱少陵言文則稱廬陵蓋以少陵之詩廬陵之文其法大備為後世所誦說故今人之詩文無不依傍兩家規矩焉自求其合摹擬近似即自號於天下曰吾詩少陵矣吾文廬陵矣舉世亦群然推之以為莫可及嗟乎人苦才之見短以古人為依傍即神似古人不免有學步之譏曷若天才傑出飛揚獨立超然不群者乎夫詩文非一途也有優於才

賀序一

者有優於法者如少陵廬陵皆以法勝者也詩至太白文至子瞻其才由於天授此豈易見哉乃數百年後今有荏平王北山先生先生少有神明之譽其為詩文握管立成如風雨之驟至雲霞之忽生不可意擬又如萬斛泉隨地湧出流而不竭人以太白子瞻目之無不服其優於才也先生負才既優年少登第讀中秘書受知

天子出居諫垣昌言廟廊之上于過可為榮矣恒流處此必縱心娛樂之事先生惟詩文是好殷七著

作時見忠愛之思雖當寒暑必手一編不輟于詩自三百篇而下無所不窺于文自唐虞三代而後無所不覽未嘗摹擬一家求似于古人而自無不與法相合此能兼李杜歐蘇數人而為一人者也豈特其才之傑出哉可見其學之深矣昔陳同父云開拓萬古心胸推倒一世豪傑其北山先生之謂歟或有疑斯言之為諛者試求槐軒集讀之當知予之非謬也

雲陽年家後學賀宿天士拜題

賀序二



序

在平王北山先生由翰林入諫垣聲名重於朝野詩文尤著公卿間頃來江南余謁之於京口即以一編相示余時捧讀與賀子天士嘆服其才已而招遊金焦北固間流連憑眺既別又相遇於吳閶門及過毘陵復偕鄧子許士陳子賡明與先生觴咏累日漸以習知先生之為人然後知先生之所以能為詩文者固有在也蓋天下詩文之壞由于偽而詩文之偽由於心昔之聖人道其于心而欲

董序一

以喻之天下垂之後世不能不托之於言於是乎有典謨訓誥誓命之文以為書而質言之不足者歌詠言之於是乎有賦有興有比而為風雅頌之詩二與書固將以達乎心之所欲言初非鋪張粉飾故為是以誇於天下萬世也而天下萬世之文已莫過於此矣文字既繁體裁亦異有制敕疏表論議書記序傳碑銘之不一而其源皆出於書有騷辭樂府古體律詩絕句之不一而其源皆出于三百之詩為之者但當達於心之所欲言不宜先

有求工之念在其意中而與詩書之旨相背也乃

世之求工者徒事浮華固無一言之合於道即稍求合矣而言忠不能動凡為臣者之忠言孝不能動凡為子者之孝言敬愛與信不能動凡為兄弟凡為朋友者之敬愛與信彼方謂吾言如是即可以飾為忠飾為孝飾為敬愛與信也狀而終不可飾者不本於心之誠然而徒為是言以欺世數陳雖至皆泛然無剴摯切當之言其心之偽也就其言而可以決之矣自吾見先生以來知其殷

董序二

然相感坦然相示者其言之所發一如其心宜乎一編之中凡繼念君親繫情于兄弟朋友與夫謨猷之入告民物之疇咨登臨讌飲之感觸皆自然出于剴摯切當而不借外加之色虛張之氣以為影響形侶之言也不偽于心因以不偽于言而言皆可傳殆有詩書之遺意焉今天下漸向太平當守臣工正當以文章為經國之大事然不本于詩書之道則終為無本而不可以行之久遠誠得如先生者為比肩若古大臣之咨嗟告誡賡歌而矢

音焉則余雖草野儒生亦得竊比于刪定以揚

昭代郁之文願先生并拜公卒勉之爾

康熙七年戊申秋月年家後學常州董以寧文友

拜撰



卷三

序

昔人稱三不朽而以立言居其末蓋為徒有其言者言耳為其言能見信於人主而措施於天下即功矣其言能見信於人主而措施於天下使天下之利由是興害由是去社稷生民之大計由是定非德而何故知言者能兼德與功而即居其上也固宜若夫簞歌陋巷之子其言無由上達於天子窮年斃世盡心文字之間莫可傳於後世儻果足傳矣是亦一不朽也故曰徒有其言也非惟簞歌

槐軒文集

陳東一

陋巷之子為然即仕於朝者非居可言之職其言亦無由上達非其職而言者必譁狀議之欲冀其言之行而有功於天下也噫亦難矣信乎能言之人必待居可言之職而後其言為有用也歐陽公曰學古懷道者仕於時不得為宰相必為諫官宰相行其道諫官行其言言行道亦行此即予之所為兼德與功也給諫王先生北山以能言之人而居可言之職故自立朝以來抗陳諸大疏凡天下之利害社稷生民之大計無不侃侃入告皆已見

信於人主次第見諸施行所稱有功德于時而不朽於後日者先生亦可無憾也已先生又以草疏之暇旁及古文詩歌諸體體裁之安雅詞令之俊逸忠足婉美古人蓋先生之不朽前此而已足矣況乎諸體之又臻其妙如此也歐陽公又云諫官任天下之責慎百世之譏非才且賢者不能非先生誰足語此耶戊申春先生遊江南因出其集屬吾友賀子天士為之較梓而命予為序予婉言之不文而又不敢以辭噫先生今還朝矣江南

魏軒文集

陳序二

夙為財賦之區通者以名病其實民俗之凋敝先生固已目覩而心傷之得無朝市之間尚卷之未盡悲耶江南幸辱先生之遊將所以不朽其言者又烏可量也與

康熙戊申孟冬蘭陵年家浚學陳玉璫琳峯撰



魏軒詩集卷一目次

五言古

永魯高士

秋日館中讀書

館課

賦得春水滿四澤

望五雲多蒙咏懷

過友人寓次壁上韵

訓人以太史章兒餉

贈別寓仙之閩

家音至次斐竹弟寄來韻

夢到家園食杏

贈蕭韓坡同年督學

伏日

七夕

魏軒詩集

卷一目次

一

雜咏

詠劉烈婦奇節

初度前一日宿吳江僧舍憶斐竹大弟用李

長吉潞州寄兄韻

湖州舟中戲作

客湖州雨中招集蓮花莊有作

登陶山

澗泉

遊靈巖步蘇穎濱原韵

退谷宿言

遊水盡頭

西山戒壇

遊化陽洞

七夕後一日中頂觀荷次趙鐵源作

中元夜天寧寺塔對月憶舊

辛亥九日集梁園拈秋菊有佳色分韻五首

五月十三日豐臺觀火樹

題牡丹名一門雙鳳

初夏宋伯儀張景韓家庶劭兄招飲報園寺

海棠方丈即事

重五日同友人豐臺看芍藥

和淵明問來使

槐軒詩集

卷一 月次

二

和王無功在京思故園見鄉人遂以為問因

東又樸

擬荅來使用朱仲晦原韻

贈杜司業肇余同年寄郭懷蓋背學粵西

庚戌冬暮贈別賀天士南還次其原韻

送張孫山學士歸富川

贈別李笠鴻

送潘次耕歸吳江

寄懷賀天士

山中曉起望雲物

西山示同遊魏子紹聞

送張桐仙成進士還海陵

槐軒詩集

卷一 月次

三

七言古

靈槐篇

濠洲亭懷古館課

北風行送大弟還里

送別郭懷蓋同年視學廣西

癸卯初度望家園有懷

五月十九日為樸菴兄壽

中秋前一夕次李太白金陵城樓月下吟韵

時在南園

贈別賀天士

夏日西陂道中感舊

槐軒詩集

卷一 目次

四

夏陽即事

醉春圖記略

東光縣贈別寓仙耿兄兼以為祝

寄上顧菴曹夫子時大世兄掌公公車還里

中秋詠黑兔圖

侯耀寰復其舊第詩以賀之

送張瑤山學士大歸

蜀道易送爾成兄之任屏山

祝紫垣初度

地震行

賀孝感熊青薇先生拜相

百鹿圖墨苑歌

輓東海陳將軍歌

槐軒詩集

卷一 目次

五

槐軒詩集卷二目次

五言律

省中春雨二首

酬友人見懷

月下看署中庭槐

蕭韓坡庭中看月二首

中元宵坐子言弟寓二首

寄懷宜兄病中

張瑤山同年初度二首

呂慈園留別次韻却寄

槐軒詩集

卷二目次

一

平子石門遇其歸伴二首

九日遊豐臺即事四首

重遊萬佛閣限韻四首

伯母壽日南至二首

山莊麥秋二首

中秋夜存古坐

曉桂

佛頭山二首

匡山

水山

牛首山

魯高士墓二首

文游臺次胎上見懷韻

燕子磯相憶之作二首

朱霜舫同年招飲萬竹園

次友人寄來韻

海宿五雲兩兄見過

題晦之小像

送友人之貴池二首

賦得獨客夢歸家

道士院牆陰牡丹

寒食後二日同樸菴澤方兩兄晚遊步韻二首

送友人還里二首

古城僧舍小憩

昭慶寺小閣月夜

雨中渡江賦得山色有無中二首

槐軒詩集

卷二目次

二

清明遊紅橋同天士諸子分韻

再遊紅橋

大士閣 迷樓故址

遊金山次天士韻

避風館晚眺

吳伯成明府招飲秦園

瓶中杏花 馬山

張秋訪陸雲甫

德水荅程正夫贈別

過陳說巖學士齋中咏竹影

陶山拜范少伯墓

留別雲甫

王泉山和呂慈園韻

香山次李湘北韻三首

初秋有貝丘之行過土山寺小憩

憩清涼寺

乙卯上巳西郊遊 王園步寓仙韻五首

送耿又樸歸省次留別原韻四首

送鄒桐崖以中翰從 王師之江右二首

耀子試周月寓仙見示一詩戲步其韻

壬子夏曙聞二子蚤起入塾志喜

子也 緡紀二

甲寅十一月十八日以相 陵地之 命

槐軒詩集

卷二

三

陛見後是日午戰育第四男子志喜

次寓仙賀韻

五言排律

上駐蹕南苑大閱甲士奉 召從觀恭紀

杜夫子壽

壽友人

黏拙翁先生紀名宦

秋初寄懷大宗伯梁玉立先生十六韻

槐軒詩集卷三目次

七言律

己亥守歲

元旦早朝

元旦玉堂回拜

人日即事

立春日桃李奉老母嘗新用東坡韻

立春日微雪次里中友人來韵

清明後二日偕杜肇余尋杏花二首

友人飲碧桃花下分韻三首

偕友人看牡丹三首 庚子初度

槐軒詩集

卷三

一

觀韋公寺海棠

次隱之初度日在福州見懷

次葦亭夢中和子韻 玉署槐檐聽雨

蓮塘寄同人陳參野 七夕同友人遊中頂

歸來露坐用袁中郎七夕韻

中元中頂觀蓮二首 次友人寄來韻

懷大來吳子

崔山翁初度在京邸適有熊夢之報

雪朝次李義山韻二首

雪中過爾茂次韻 慈壽四首

阮亭弟之廣陵志別二首

送別吳默巖同年假歸

送呂慈園同年省親二首

七夕遊海沈 贈信初歸省親一首

春日遊西山二首 四月望日再遊西山

送潤山暫歸兼懷宜兄

次潤山韻

過吳江懷邵嶧暉同年

槐軒詩集

卷三 目次

二

送富雲麓同年南還 程石臞初度二首

贈別陳參野同人歸覲

懷別掌公世兄 衡波澳同年成進士

程沛霖倅信平 贈田子綸

譚玉章滑告歸養二首

送友人李淮陽 送均五兄之徐州庾

王雪洲同年過於金陵詩以問之

送別俞以除

晏滄以木水遠寄京師賦言為謝

魯公庄

甲辰迎賀靜也辛丑成進士

雨中桂樹 詠紫薇花

聞期憶舊 遊牛首山

贈朱來公二首 胡貞岩署中觀新劇

別王黃湄同年 寄張於周同年孝廉

冒辟疆贈詩依韻奉和二首

舟次寄懷友人 登萬壽閣

啖冰聖植限韻 五日咏懷

槐軒詩集

卷三 目次

三

中秋次友人韻二首

九日館中次吳默巖韻二首

石麟山 郡居對梅有懷

祀榆山先塋

夏日邀友人園集不至次來韻

遲史戒菴宛西同飲文杏館

觀花磚日影勵志二首

友人新賦小星戲東二首

雨中次張瑤山見示

九日登高懷故園 雪

登岱四首

雨中坐張永老得月亭

謁闕里 謁聖村

冬日過歷下 喜雪次友人韵三首

寄賀傅汝湄同年雙喜

贈柳靖侯 送芳華年兄之通州

西樵兄奉 詔山右 送禮吉兄還里

廣陵署中志懷遺西樵兄阮亭弟

槐軒詩集

卷三 目次

四

平山堂夕眺

維揚諸子遨遊紅橋次天士韵

金山 甘露寺次杜牧之韵

多景樓 過丹陽登三義閣

謁曹夫子 戊申初度四首 特在松陵

再用寓仙福州見懷原韵

再用庚子京邸韵 次友人韵

湖上有感 驪園茂 寄友人

五日登虎丘寺塔同吳門諸子 贈吳伯成

放生池雨中志感

閨園咏荷次天士韵 荅賀天士 別合陽兄

待開通濟書祠碑冊後

惠濟祠臺上夕眺

七月一日次少陵題終明府水樓韻

仲家淺謁 仲夫子廟

苦水舖旅舍題壁

過德水留別雨來昆弟

槐軒詩集

卷三 目次

五

新店旅舍

和孫止瀾學士贈別原韻 二首

將出都次同年楊爾茂韻留別

訓同年孫忤庭贈別步原韻

梅花次路聞遠韻二首

友人遺一嘉柏植之園中賦謝

夜坐舊槐軒有述

己酉初度荅寓仙相示原韻

出都門有懷 潞州南郭聞蟬

雨中坐槐軒用天士韵

奉寄梁大宗伯步見贈原韵

天士將遊燕以詩别予次韵奉答

次屏間程端伯韵 馬莊春雨

曹南看牡丹三首 巢雲閣集牡丹名

夏日同林郎山閣仲朗遊月巖汎觴泉上首

次無聲上人留别韵 耐冬花

寄懷陳樹峰 寄祝寓仙用舊韵九首

過門頭村次袁中郎韵

槐軒詩集

卷三 目次

六

瀛臺賜宴汎舟觀荷恭紀二首

恩榮與宴紀事

癸丑七月十二日耀兒生日作

御試後答友人見懷韵二首

武闈即事和馮相國見示之作

又和陳學士說巖

初春萬柳堂看雪和亦園主人原韵一首

西山煙霞窟懷友人

摩訶菴丁香花下分韵二首

夏日同越長六歸孝儀兩孝廉看摩訶庵西

園杏實賦贈

七言排律

觀平定雲南露布恭咏館課

賀高陽相國李館師舉仲孫

槐軒詩集

卷三 目次

七

槐軒詩集卷四目次

五言絕句

野步尋杏花

西陂道中四首

西陂秋日二首

新竹

夢中得詩

西塢賞蓮

中秋朔夜夢

韓夫子

歲暮題古槐

清明上冢

雪霽

偶見

書感

槐軒詩集

卷四目次

一

七言絕句

錦荔枝

官道柳有感

夢晤兆麟友人二首

夜步蓮塘詰朝向主人索花

詠梔子二首

滁陽道中四首

過新嘉驛和壁間韻三首

偶感遺事

入關即事六首

西陂雜咏二首

柳陰憶舊

菊月夜歸自郡

幾望夜二首

春宵

夜起

玉簪花

催妝詞和友人二首

次友人寄韻二首

懷栢齋友人

題龍虎圖二首

獨酌松陰下三首

嘗麥

漁樵圖二首

風前玩水

投詩清流

旭日

憶晏滄齋中芍藥

靖蜓二首

荷初作花

詠蓮

謝友人惠白蓮

槐軒詩集

卷四目次

二

默巖舟將發以書却寄并示一絕即韻奉酬

志別二首

使館寄懷

過徐君祠

下相城項王廟

登金山二首

多景樓

焦山

三詔洞焦震士像

過丹陽徐偃王廟

牡丹二首

過天士別業

坐悟石軒

吳興道中

河舫即事

過露筋祠

宿預湖

平橋道中口占

湖忠大堤二首

武陽書舍聞隔鄰紡績聲

阿井

內城道中二首

出都口占

曹南看牡丹

四首

曹南牡丹譜十一首

花王

獨占先春

一簇錦

瀛洲萃錦

天香慙露

錦帳芙蓉

槐軒詩集

卷四

三

寒蟬月

銅江春

飛燕新粧

蜀江錦

五瑞玉

首荷花二首

五雲齋柳二首

石經山

退谷

次壁間韻

憶家山

夢中得句

送攸湄出廣寧門西南路望西山峰巒秀美

有懷天士鐵樵四兄

漫占

玉署舊作

槐軒詩集

卷四

四

槐軒文集卷五目次

賦

春雪賦 節課

北山賦 題東臯子

記

岱岳遊記

重修荏平縣學廟碑記

都城東岳廟題名碑記

王氏族譜碑記

槐軒文集

卷五目次

癸卯忌日記

僑寓記

閒園記

瀛臺賜宴恭紀

豐臺看芍藥記

重遊摩訶菴杏園記

槐軒文集卷六目次

記

牛首山遊記

遊西山記 七首

遊上方山記

清明紅橋遊記

遊金山記

遊焦山記

初遊西湖記

再遊湖上記

吳興峴山記

重午登虎丘塔記

遊孤山記

遊華不注記

重遊龍洞記

重五遊千佛山題名

槐軒文集

卷六目次

序

續修邑志序 鄒公序 張子制義序

信初詩草序

天玉詩草序

邑侯周公壽序

賀紫垣舉子序

賀天士初度公祝序

薛母七十壽序

槐軒文集卷七目次

傳

西寧憲副前在平令塢岡李公傳

旌表楊節婦傳

信平鄉兩孝子傳

表公傳

贊

江天垂釣圖贊

題友人小像

槐軒文集

卷七目錄

一

小像自贊

石丈贊

志銘

先考贈庶常鄉賢府君行述

先慈季太孺人行述

韓晴嵐先生行實

薛文學巨公墓誌銘

槐軒文集卷八目次

志銘

董文學蓬瀾公墓志銘

先三兄文學修裕暨張董兩孺人墓志銘

亡弟文學斐竹墓志銘

博平劉太學晶白兩配李孺人墓志銘

博平劉太學晶白先生墓誌銘

舞陽縣令張獻彤暨配呂夫人墓志銘

傅太學穎伯公墓志銘

槐軒文集

卷八目錄

一

吉安司李陸冲默墓志銘

莊平文學張公養卓墓志銘

莊平張太學存古公墓志銘

莊平文學張公微垣墓志銘

誄

祭同年庶常呂慈園文

祭同年鄒訢士文

友人紫垣輓章

振兒訣辭

槐軒文集

卷八 目錄

二

槐軒文集卷九目次

策

戊戌科廷對策一首

癸卯科江南策問五首

疏

請舉 經筵疏

恤災為修省之實疏

請傳改閏疏

請寬遷海逋賦疏

請頒經書疏

槐軒文集

卷九 目錄

一

御試慎選舉疏 預籌賑災疏 表忠疏

議

御試治河議

槐軒文集卷十目次

雜著

玉署初筆

北園初記

初正偶筆

二餘漫紀

槐廔漫錄

跋冊府元龜卷後

跋副憲鍾文子先生傳

聞後記事二首

槐軒文集

卷十 目錄

附

吳太守寄祝初度序 吳梅村寄祝初度序

賀天士寄祝初度序

賀天士藁蕤閣記

蕭韓坡壬寅初度雅集記

耿寓仙題槐軒僑寓記

張瑤山槐軒續草跋

張東萊跋槐軒集

傅汝眉跋槐軒集 閱槐軒集自記後

槐軒詩集卷之一

荏山王曰高北山著

五言古

咏魯高士仲連

今古稱高士爭傳燕將書一矢下奔罅功成竟焉
如帝泰出快論新衍迺趙趙圍解不受爵浮海意
自舒言留天地間身歸舊草廬至今千載下國人
有令譽

秋日館中讀書館課

槐軒詩集

卷一 五言古

一

聖世崇文日聯翩集 帝都朱火方謝序清風已
戒塗驤首珥征蓋冉冉南端超案牘無餘事望古
遙相娛共究天人策瀏覽山海圖 皇路正熙恬
玉燭調六符清暉入綺寮華月流軒檻校蠹芸香
案搗文鳳沼沚承鮮悠謬疑義相與鋪華國匪
有裨澤躬以自撫道義欽所秉夙心矢靡渝康時
寶石畫報德撫徽軀古人亦何為習勤惜斯須鳳
翮揚華轂龍文麗天衢縹緗有至樂高歌念吾徒
乘時庶無怠莫令道心孤

賦得春水滿四澤

青澤周三春靈雨知時節破塊復濯枝洒然激碧
徹次泉沸高嶺幽湛更迴絕悠狀與意會此際曷
能說蘭谷蘂清影冰雪何凜冽倚戶絕交游泥深
阻鞅轍檢視古人編元坐銷良月

望五雲多慶咏懷

肅肅槐棘幹亭亭松栢姿下有鸞雀族上巢鳳凰
之盛代多奇瑞卿景值其時火流王屋曜雲起汾
陰祠玉燭調寶曆金莖秀華芝三能以一色紫宮

槐軒詩集

卷十五言古

二

耀重離爛縵廢復旦逶迤載靈旗淒淒膚寸合潤
物膏不私修士負儻懷仰眺欲嗽詞奎聚東井次
商霤散瑤枝天地不愛寶泰階良在茲黼黻雖無
補圭璧聊自持璫璵登廟器豫章構厦宜會際風
雲力霖雨及海涯弘濟須偉抱覽暉齊風儀矯羽
鳴閭闔翹首睨間維帝鄉如可願溫飽非吾期

過友人寓次鐸上韻

窈窕廂間塘詰曲塘陰路水漲蘆荻滋平疇皆記
濩高下渾一色空青襟雲樹此中有幽人靜對忘

昕暮噓然長嘯餘真心快所遇舉網即錦鱗淪井
作雪乳徐步歷芳洲徙倚倒杖屨相期荷葉鮮重
來聽夜雨

酬友人以太史章見餉

太史家聲古千秋大業傳士祿廉有韻友以道為
堅珍此不磨德携來寶氣妍開函重拜惠雅意併
相宣

贈別寓仙之閩

所交天下士無如君最真意氣凌霄漢節槩邁等

槐軒詩集

卷十五言古

三

倫平生多不屑所重唯君親千里來京邸相見誨
諄諄風雨剪燭話月夜及花晨十年契闊意邂逅
願未伸一朝辭此去馳驅溯江閩問君何時回屈
指計明春鶯花三月暮西山夢幾巡孟蘭當初度
雅集記良辰江上西風起采采吳中蓴念子行當
久使我愴心神貧病多拂意遠路長艱辛道義于
秋業宗祧百年身珍重勿復道蚤返汶水濱

家音至次斐竹弟來韻

細雨鳴回廊芳草夢池塘挑燈照花髻歡笑集中

堂灼灼園中卉隨風飄異香異香欲帶人助我吟
興長呼童酌我酒不須賞鵲鵲顏然輒就醉任爾
倒壺觴忽憶西風日吹我鴈南翔相思未可見鬱
陶令人狂名疆辭榆社何時至故鄉戶外屨亦滿
室中靜琴張知友情難寫吟罷奏清商槐軒聽夜
雨相與對匡牀

夢到家園食杏

故園文杏熟紅黃綴滿枝童冠三四輩追逐及芳
時一來客京邸五季處於斯回首舊遊邈所歡不

槐軒詩集

卷一 五言古

四

可追今我總永晝忽夢到家宿乘鞭匹馬暮兒童
能相隨視我原上樹歲時仍華滋杏子鶯黃候麥
浪洒清颺周行原野濶選實一嘗之相然拾取際
入口甘如飴回視樵子輩相呼但咄咄宦遊亦偶
爾歸來不須疑今甘與子同共嘗且相知貧賤自
足歡富貴復何為偏側復偏側中懷不自持歛然
乃夢覺夕陽入果愚俯視庭樹綠倍增故園思

贈同年蕭韓坡督學

同學六七年朝夕長相守而今君將行出門三月

久三月未云久離愁不可帶屈指歸來時已在梅
春後方君歸來日余亦將歸壽何時始相逢歡言
一攜手君昔之江右文衡光星斗而我守石渠蕭
條坐北牖客秋我南遊君折長亭柳相見未幾時
替學已大受謙謙不自多道積光逾厚此行式多
士與北空才數荃蕙充華龍械櫟皆新樵三月教
大行頌聲滿人口勉旃復勉旃相待酌春酒

伏日

靡歲不有暑愚民苦怨咨河朔痛飲日東方振劍

槐軒詩集

卷一 五言古

五

時丈夫當有事掩身以自持他年懷壯畧誰能負
所期

七夕

出涉曾無與入食更無魚人曝笥內錦裁曬腹中
書應聲唯絡緯相伴有蟋蟀有巧乞不得天上巧
何餘

雜咏

夜來形苦疲獨坐空搔首未幾神已倦携衾向南
牖欹枕猶未穩銀鹿蹉然走報道東池人相邀灑

斗酒起荅謝不能事君意良厚相見無一言嗟
但開口君自浮白去我亦泛揮手兀然黑甜鄉
來月在柳寒衣步庭除此意不可負呼童秉我燭
讀我篋所有忽憶酒狂人此時應雷吼試問昨宵
與明朝能飲否

詠劉烈婦奇節

節烈者劉生瑩元配也遇兵難博城陷扼二女
殉於池濠義不及辱國人哀之歌以為風

天地鍾正氣義烈古所欽我聞劉母事太息愴中

槐軒詩集

卷十五言古

六

心總筭事君子壺範嗣徽音湔馬遇大難烈節更
嶄嶄捐軀清冷泉甘為白壁況古傳銀瓶女芳踪
可共尋亦有玉雞潭碧波流至今此事固不常痛
切哀怨深音容愜以嘯生氣儼若臨貞魂終古在
女史傳懿箴感彼千載下遺風

初度前一日宿吳江僧舍悵然憶斐竹大弟

用李長吉潞州張大宅寄兄韻

春肅吳江夜燈灑花氣寒客來憚榻畔舊恨寫溪
殘稚松未成蓋碧草色相鮮檐橫西山月爐沸茶

白煙憂深頻移枕薄帷燦綺蓮扇搖雙明鏡簾鋪
水荇錢有夢思池草無心到管絃雪斷隨陽鴈風
折露井蘭三芝秀方茂一本忽摧殘傷心宿草地
夢破竹葉船江離欲薦藻芳醴羅椒筵良聞靜者
語腸斷憶昔年

湖州舟中戲作

匆匆出里門儵忽弦朔易清明逝水流又已重午
至松茗走新估吳錫滿山肆紅袖羅青岩煙景鋪
空翠兩岸芙蓉火雨足稻畦膩好鳥變新聲落花

槐軒詩集

卷一平言古

七

從風墜卷中披舊題夢裡憶往事咲殺西子湖不
值一嘔淚

客湖州招集蓮花庄有作

雲溪一日雨阻我登山屐扁舟滯湖頭兀兀愁孤
客賴有太守賢名園張華席冒雨尋花去委巷通
深逕入門竹迤幽衣袂皆沾草苔滑感蒼蘚行者
意踟躕庭砌森長松老榦如交戟鼠姑百餘本寶
欄俯文石亭前開淥沼新荷雨中碧聽之有清音
珠光濺如鱗遙山環翠屏雉堞間相畫此地洵名

勝對之不能釋云是蓮華在松雪當年宅主人今
為誰敞閒堂復闢我來集斯墅懷古細時昔白蘋
挹柳憚樊川情脉脉吳侯個儻人風流踵前迹德
政銘峴首與誦率成冊公暇延俊髦聯咏意自適
愚谷亦何人山水有畸癖聞道蒼溪好訪戴來山
磧未快弁蒼遊淫霖永今夕竹葉聊取醉簷溜任
滴詐鼓琴曲未終此宵良可惜西樓夢自清餘懷
散裝積歸來展書讀古人饒我益剪燭蓬窓下夜
靜聞朔澹坐待明日晴鳴曉吳江陌

槐軒詩集

卷一 五言古

八

登陶山

昔聞陶山上有越大夫墓我今來山中披艸僅得
路斷垣餘紺瓦寒跡交狐兔長嘯響林樾回首日
已暮登高眺平楚遠烟紫古木身世兩俱忘偃蹇
回余步

澗泉

下馬步深山忽聞清澗響似有幽人琴坐卧白雲
上詰曲歷寒流旦夕遙相望勞二行路客覓回心
目曠

遊靈巖和蘇穎濱原韻

山路幾巔屹崎曲何所底豁然倦眸開列峰青如
洗呼童汲清泉為我濯塵袪百里近名山我來一
何稽且欲讀我書行勝手自啓步入山之厓怒石
欲相舐上有甘露泉啜之如清醴俯瞰百尺松偃
視萬重陞何當策杖來行脚自舂米不敢超塵凡
聊將勤四體廬山為長兄洞庭為季弟遙望嶺頭
雲天邊樹若霽

退谷寤言

槐軒詩集

卷一 五言古

九

偶宿煙霞窟夜聞泉聲沸覺來無一言嗒然欲忘
寐回首十餘年擾擾嘗世味我心本無營去住何
足謂不來此中眠安知山中貴

遊水盡頭

言尋水盡頭為指山谿路行行入荒巖紆曲留余
步流水清且駛亂石為之聚潺潺濺人裾雅有琴
中趣坐聽渾忘疲且以愜我素山間柿葉紅秋實
滿原樹美蔭行且息一步一回顧人言秋山佳斯
語良不誤試問山中樵水源於何源荅云五里餘

巉崑恐難赴同儕方賈勇相與導前驚天階不可
升有路溪奚怖循行二里厓巨石當徑怒有若五
丁開鑿削痕如故猱然踞其上聊以伸吾脞俯視
山間泉泉源此已涸樵子向余言是即水窮處余
意殊不然中道何足據努力向前途曠若有餘慕
望去西南隩谷口已陡住大石亘其隄山靈如有
遇昔予忘年友讀騷歌零露余也胡不然竭蹶弗
能措從予者為誰周即紫海南二客不能從巖下
號且呼呼余佯未應欲令迷將懼遣僮趨山巔健

槐軒詩集

卷一 五言古

十

足如飛鶩轉睫俯山榭云有水中注經冬常不枯
千載射蟾兔滴滴一縷溜秋瀑時汜護此遊良不
虛水盡于斯悟不向此中尋幾為樵者悞回首十
餘年稍抒平生悵歸去寄我友今夕了此務殷勤
謝山靈重來再為賦

戒壇

西山有戒壇相傳自唐代刹以慧聚名門與青山
對智周律清嚴龍樹衍其派有明正統間萬壽表
上界至今二百年草木青餘靄雙松覆殿庭人去

碑猶在勝境半銷沉喟焉感興廢我來選佛場
額極樂峰如黛明月上東嶺皎然清可愛良友坐
深更靜會各有類此中有至人彷彿聞警效清言
一何永湛如飲沆瀣散步長松陰愴恍飛霞佩安
得生羽翰灑然騎鵬背翔翔雲中仙俯視慚流輩
春風木末來萬物生安態俛仰千載餘茫茫憶太
塊人如螻蛄聲山靈亦何耐採彼南山薇自種元
修茅身世兩無營何用勤藻績念子兩月前雙脚
幾病癢前除積垢塵猛力芟蕪穢今始策杖來登

槐軒詩集

卷一 五言古

十一

高極聆睇下有耦耕夫南畝已併載遙望東南雲
家山倚泰岱

遊化陽洞

昔望極樂峰蒼蒼但目送今登馬鞍山搖搖欲飛
鞚僧指嶺頭雲冲舉若將行行逼危巖巖翠風
吹動山花不記名春鳥時一啼行脚楚然來遙向
白石棟瞿曇是我師廿年抱牖夔望望不可極聊
以息吾踵剝啄入小扉乃至化陽洞諺云麗涓谷
當年藏其用磐礴俯層厓柔桑手摩弄頽然傾一

臺夕陽煖如烘隱几淨妄想兀兀已成憺仙人呼
我叱佳境莫須空山僧秉炬迎寒裳吾從衆下下
入重淵文石果波凍或為蟠蚪龍或為翬彩鳳或
如龜趺形或如蛛網綴或如獅子坐一吼時欲哄
或作仙人橋平掌宜鶴控或為鍾乳泉滴滴如數
蓮變幻非一端歷歷作珍貢洞底一小穴匪人能
入縫中有大士碣昔為優婆頌一嫗墜臂井還家
如曹魯似此頗誕奇或為好事誦陰房氣幽森聲
樂何須閑還窺一線天豁然發覆幬出谷等遷喬

槐軒詩集

卷一 五言古

三

此中猶自訟何年再此遊相携有二仲回首露茫
茫風開疊嶂霜長嘯考槃歌松風醒我夢

七夕後一日中頂觀荷次趙鐵源太史作

朝出右安門擘轡日亭午遠望西南山蒼蒼但煙
樹有地曰中頂香亭即其處四面遠清溪紅蕖嬌
綠渚散步憩柳蔭別院開白苧解衣藉草茵何必
問盧旅呼童開小閣適意忘賓主几簟可安眠橫
膝無倫序值此勝地遊况逢同心侶永夕歡厭厭
一枕頓忘暑荷花恣意開冉冉香入戶草橋當其

前行入渡南浦夕陽欲催人循歸移別所駐馬九
蓮名門日晏猶難去揮手謝同遊今夕樂幾許

中元夜天寧寺塔對月憶舊

初秋涼夜月佳地漫徜徉昨雨今宵霽皓彩生東
方皎皎孤塔上光輝自發揚伏寥天宇闊照耀微
中央清光固難寫流影到我旁庭樹各異彩顧盼
有餘光況復良朋來歡愉更非常同心南北客時

海陵秦以卿宛亭李卧衡齊南張喬臣同里溫惺還諸子晤言在一堂去年值

此夕昆弟共徊翔仲子欣庭趨歡愛敬舉觴共秋同鐵

槐軒詩集

卷一 五言古

十三

槐軒期雨兄及輝兄看燃燈塔間念舊渾不寐徙倚步長廊今夕

良不易此會曷能忘別後還相憶踟躕待報章

辛亥九日偕高少宰念東沈學士繹堂宋臬

憲荔裳程別駕崑崙陳侍講說巖謝中翰

方山家西樵貽上集梁家園拈秋菊有佳

色分韻五首

京國逢九日梁園開舊遊海內羣彥集登高盛事
優爽氣來西山夕霞滿東樓開尊臨水岸蘆荻風
颼颼黃花何草草枝葉互相糾伊人邈何許室遠

路阻脩努力戒前途寢與念同儔此會良不易過
此將焉謀願言理衿佩勿貽形影羞人生貴適意
勞勞何所求廓然友千古滄懷偏宜秋歸去來山
中招隱且淹留

其二

相邀尋勝遊登高俯平陸興言在何所南山採秋
嘉木有餘蔭藥苗滿空谷采之貢君子且以私
時貴奮飛奚取長鹿鹿紉蘭蕙薰繡進德
綴脩竹履道自坦坦何用季主卜顏齒倘可制吾

槐軒詩集

卷一 五言古

十四

以行自牧

其三

時序何推遷忽焉遇重九駕言欲行邁知己一携
手云是同心人相待梁園右詰曲水邊亭門外識
五柳望遠上層樓看山開四牖採菊向東籬用祝
南山壽日月倏以除雁來葉落厚殷勤最邁征此
意不可負邂逅盡良朋歡言酌大斗不須費金龜
且盡杯中酒相將來故人各傾室所有竹葉既無
今銀鹿何須走但願自今時相逢開笑口此樂未

云極此心盟已久

其四

秋深風未冽秋花滿六街閉署官多冷令節集同
儕紛披幾枝菊隨意任鋪排蟲語傷前除落葉響
空階登山躡屐齒努力俯青厓不綠心夙契那復
逐世俗時日並晴和斯會洵云佳合當載酒來不
問八關齋金谷與蘭亭曠然挹古懷

其五

杖策入都門匝月不遑息軟塵撲鼻生怫鬱填胸
槐軒詩集

卷一 五言古

十五

臆良友約登高今夕當會食擾擾東西走欲速恐
不克騷客踞吟壇瑤光生翰墨今章得陶句斯語
實奇特不須嚴律法率爾寫秋意入座攬菊英錯
落黃金色佳人憐遲暮舉之用自飾潔身事君子
視爾以為則悠悠行邁心忤忤何諒直

豐臺觀火樹合子 阜月望三日

仲夏竹醉日里社紛致禋 漢壽傳芳節修祀及
茲辰都城西南垌豐臺有良薑蒔花可代畊異卉
競妍新穀雨暮春後芍藥動遊人所以來斯地看

花不厭頻我來携稚子

是日耀子隨往

逐俗亦同塵松原

憩籃輦宴坐倚華茵東方皓月上簫鼓喧北鄰銀

花將發處火樹紛然陳或為一枝柯華實列奇珍

或為胃索架懸綵當重圍須臾火具舉百戲競欲

伸巾咽填委巷走馬驅朱輪登高一以眺如山比

肩身謹然稱奇絕僊師幻若神香几與曩鼎綠字

間絲綸馬乳滿架發華燈綴彩綉騎牛者誰子迎

福錫庶民以此競小技鄉里詫絕倫小子方就傳

輟業來逡巡回憶黃花約忽馬十餘春

已亥九日曾與同館

槐軒詩集

卷一五言古

六

諸友遊此月光方晶晶人影已姓姓歸去華林酌仰卧

瞻青旻

題牡丹名一門雙鳳

我來翫花叢鼠姑滿東園中有嘉名者一門雙鳳

羽起問花主人茲名何所取主人前致辭名實信

非謂一枝必並蒂華萼競輝吐起看花枝上竟有

三秀臘大叫驚衆人是品果稀觀女三始為聚三

市即成虎吾家鍛鏤賢龍鳳有前武何為花爭奇

異瑞尤堪數昔在陳太丘詣荀偶賓主六龍為下

食時有德星聚三鳳呈奇瑞此會實罕遇嘆息對

此花虛名何呀慕屈指天寶年流光忽幾度紛紛

富貴徒相看成遲暮呼僮浮大白吾其為花駐

初夏宋伯嚴張景韓家庶劭兄會飲報國寺

海棠院方丈即事

時三君皆將之任邑宰

三春少樂事四海多風塵偶來花樹下相與倒角

巾良朋兼勝地追遲及芳辰明公斲地主為我埽

花茵流連自永夕風緩鳥聲頻情洽言無諱有意

靡不伸諸公皆良牧旦夕驅華輪行當布德化棠

槐軒詩集

卷一五言古

七

陰遍芳營回念今夕會寤寐渺難親起來躡雙屐

移樽就松筠慨然發高咏歡呼動比鄰夕月方在

樹檐焉若忘神今夕吾徒在陶然樂天真四方多

戰壘枕戈念遠人有酒不能歡有花莫致詢何日

昇平讌斗酒問花新

乙卯重五日同友人豐臺看芍藥有述

仲夏維五日紅藥正繁時同人緣休澣追逐向花

籬策杖出城關相將水之湄披襟各有適談咲隨

所宜十年前後事快意不自持興酣忽大叫傾倒

無復疑徒倚，循別墅衆卉，恣紛披。或紅如鞢鞞，或紫若瑠璃，或淡如傅粉，或白如凝脂。天人得所養，淺深盡華姿。物以色自媚，君子欽令儀。取權貴乘時，何必待來茲。逝者不為樂，白日忽已馳。薄暮間道歸，逶迤水中坻。次第出村落，流連傷小池。柳陰罨平橋，飛雨欲成絲。紛紛車馬路，酒徒半傾歌。翻思東南地，荷戈正艱危。良長鋒鏑裏，形神安得怡。樂哉太平叟，祝鯁空有期。

和淵明問來使有小序

槐軒詩集

卷一 五言古 大

乙卯夏趙鐵源有粵東之役，道過荏山時館陶耿又樸家居，念其遠遊策馬來晤于閒園，是夕趙未至，適有家僮餉園中果，向都中來者耿子附以書為道園中花木之勝，因有是作。

雙僮故園來，二徑應寓日。為問西軒前，新秀幾枝。菊松蔭宜倍長荷香，今已馥開簾坐北牖，嘉客眠。

正熟

和王無功在京思故園見鄉人遂以為問因

東又樸

三年客京國，旅食未擬回。忽傳故人信，云自閒園來。嘉賓雖至止，何人共把杯。忍愧問良友，應門哂僮奴。草木半蒙茸，松筠映池臺。藥欄仍舊否，新花幾徑栽。荷香次第放，竹籬長短裁。應添梧蔭翠，早種孤山梅。石逕少人跡，一生莓苔黃。精幾葉長芙蓉間，叢開殷勤寄良訊。裝緘定疑猜，何當抽簪去。一莛故園菜。

擬荅來問用朱仲晦原韻

槐軒詩集

卷一 五言古 尤

我從東郡來，遠見京華客。共談桑者語，聊慰風塵色。問我家園景，余言子宜識。園樹總茂密，榆柳各長成。紅藥連竹砌，松陰護草亭。為喜園最樸，樂郊傍林坳。小閣臨大道，短牆隨地形。梧從舊年大，蘭宜今秋榮。槐黃絢長夏，晚翠是冬青。苑果先後熟，林花參差明。答竟長太息，翛然動我情。山中禾黍好，且復事耦耕。

贈杜司業肇余戊申

五年江上別，今夏湖邊聚。坐談不終夕，匆匆回余步。平生幾人歡，如君誠難遇。胡為不久留，驅車畏。

遲暮相期京華道屈指及秋露余舟行且阻君來
又及涸九月菊花黃先後金門路十月際小春梅
花滿江樹是君初度辰把筆長楊賦念君病新除
養生更須數古來賢達人任真以自娛高堂悅雙
親人生他何慕室中有佳兒嘻嘻堪腹顧少年謁
承明樂事靡不足君其善自愛學道貴能悟靜中
圓身世白駒等烏兔黃金總無術朱顏聊可駐喬
松他年遊待子秀水渡

寄郭懷蓋館長督學粵西 辛亥

槐軒詩集

卷一 五言古

壬

憶君之粵西於今已踰年別愁言不盡計程越八
千懷君顏色好祝君錦里還視士徧五嶺風氣何
蔚然山有父筆秀樓亦曰籌邊閒訪勾漏洞因之
紫練泉柳州名獨勝青蓮美可傳屈指求歲暮課
績亦云竣相見承明日重與問風煙好附梧州便
珍重寄荅箋

贈別賀天士次其原韻 庚戌

人生貴知己何必歎別離別形雖隔兩地心相
知去日但苦短來日復嫌遲高堂時凝目與君暫

此辭相越千餘里後會須有期歡聚遂忘久臨岐
忽有思努力慎前途歸計勿復疑對酒且開顏黯
然聽歌驪君來我有鄰君去失戒師雲樹長相望
井水願隨宜君懷愛日誠蕪矢令名垂著書練水
涘臨流鑒清規

送張簣山同年歸富川 辛亥

脩然成高蹈我愛張簣山憂深懷 君國侃侃動
天顏立言本無欺何知納牖艱竊竊愛 聖躬總
總念民瘼論說限以至敷奏咫尺間移時 天語

槐軒詩集

卷一 五言古

壬

溫從容歸侍班奉身苟無違進退何足關采采江
離畔且以紉芳蘭古來忠諫義貴在善轉圜入告
抒所學詞氣自安閒委蛇著臣節深愛回 主歡
格心不在貌何必檻可攀承 命暫假沐讀書螺
湖灣鷺洲教可衍危言訓可頒家國原無二忠孝
自一般律心學山院 瑤山讀書處曰講學山
房有律心洗心諸亭 君恩
早賜環

贈別李笠鴻 癸丑

笠鴻真異人歷落固無比讀書破萬卷學道不謀

仕俳諧擅詞場令譽隆隆起文成四海驚
人耳一朝來都門碎琴擁書史通人爭問名考樂
晤彼美凌雲賦已成同時羨吾子有如宗少文卧
遊樂山水忽復趣歸裝江瀕採芳芷計日返初服
芥園祝燕喜願養娛大年順時綏福履行已貴自
得不在誇金紫游戲視人間仙術聊爾爾別後將
何為枕流以漱齒入山恐不深負耒耜耜采
南山之高風懷綺里人生愛適志如君亦足矣千
秋樂府傳作者人姓李

槐軒詩集

卷一 五言古

五

送潘次耕歸吳江

吳江有奇士才華重南金
竭來長安市一朝碎胡琴
雖下名日起抱却但長吟
寸心有至性意氣一何深
博雅真吾師淵源自亭林
次耕為顧寧人先生高弟暇日
躡雙屐名園酒共斟
有時夢初覺月下時招尋
歡洽固無比語言多良箴
忽聞覓歸棹靜好待瑤簪
登堂同介旨玉樹喜森森
垂虹橋畔月懷人遲好音
著述千秋業行藏一生心
君去平望里愛日惜分陰
珍重難為別何日共披襟

寄懷天士

與君別離久相憶望江天
書傳動累月人至輒隔年
雙鯉致殷勤情誼何纏綿
金玉懷嗣音箴規靡不全
愛深情自切字字佩韋弦
珍重拜君誨中心時拳拳
為言相念甚獻歲來幽燕
千里足累糧詎惜行迢邐
余亦懷饑渴朝夕願比肩
所重在道義一言敢披宣
君有垂白母愛日正所先
承歡在膝下薪水必潔蠲
安能重然諾遠涉歷山川
白雲時在望倚閭念常懸
願息山中駕祝鷄練湖田

槐軒詩集

卷一 五言古

五

山中曉起望雲物

夜宿煙霞窟曉來雲擘絮
絮滿然滿西嶺山光忽失
據同儕競喧呼披衣試一
覷對之生遠心塵襟為之
濾兩腋清風來微軀思軒
蕭念彼乘雲人鸞鳳紛相
御我欲往從之營營雜百
慮勞薪悟轉樞順時寶令
譽一語未及終歛被風吹
去豁然見天心萬景始昭
著

西山示同遊魏子紹聞

看山須解人精神輒數倍
胸中乏丘壑相對殊憊

憤所以局趣子閉戶羞祿祿非不誇雲煙了不知
所愛我來同魏子斯遊得三昧足到不輕過目經
不虛廢有聞必共析有遇必競載有時觸深心緬
然羨長嘔古今閱幾人寒燠遞更代何以酬名山
千秋大業在性地發靈光雲嵐憶心肺我有勝俗
策汰之以無類魚鳥本忘機天淵何足礙松風清
人耳白雲時變黤他年再此遊憑高恣遠睎

送張桐仙成進士還海陵

讀君耐軒集快若清飈至四座起雲煙颯然生蒼

槐軒詩集

卷一 五言古

五

翠南史與文昌居然主客位懷我岱雲篇千里如
把臂今春來京華對策三千字寶氣燭霄漢干將
無不利丹陛覲 天顏曲江舒錦轡敷奏及天人
稍酬平生志余也為君喜相然破夢寐五月晝錦
歸家山且自悲羅浮夢中遊雞湖饒佳事熟籌治
安策好將絃歌試一行奏最時琴鶴只卧治屈指
來春明再入金門地視草鸞坡餘中原樹赤幟名
傳異域欽國寶識文瑞此別雖云亟珍重願留意
勿謂學仕優學仕今方始

七言古

靈槐篇

邑之學宮 聖殿前有古槐枝幹魁梧可蔭畝
許相傳數百年植也同學張子命為賦之乃作

歌曰

蒼蒼虬龍姿植身集靈臺枝柯何磊落大用需良
才今來展謁荏山隅 先聖殿宇瞻崔巍前有古
槐生頗奇鐵幹銅質藏風雷地亦不能為之動山

亦不能為之摧養成大器光椿柱保順天和應三

槐軒詩集

卷一 七言古

九

台後起觀者咸歎息拜罷庭前為動色爾何不生
於龍門之上泰山巔百尺五松同其妍又何不生
於道周之左深谷中秋杜樗櫟固其窮今來寄身
此靈地根株未肯逐飛蓬君不見圍墻之宇 天
廟中喬松蒼栢如蚪龍又不見玉署堂前三公槐
乘時敷榮近天街太史珥筆集其下騷人墨士避
塵埃此君靈氣殊不偶八千大椿同君壽天長地
久無崩籌承承奕葉如松茂由來三槐名足多此
君此地更如何

瀛洲亭懷古 館課

傳聞海上有仙山方丈咫尺不可攀人間何處有
蓬萊謫仙時寄暫徘徊漢代已開賢良詔力田孝
弟登樞要唐初更重文學臣北門西掖稱嘉賓一
時預起瀛洲譽金殿銀臺獨著書天子猶深仙籙
羨班冠玉筍何焯如自此累朝多寵遇蒙恩往往
叨主顧蓮炬撤歸慕火餘視草常秘溫室樹古今
異代不同時名實克全視所期芳躅猶記頌前刑
修士曷當忘日孳君不見喬木結根山之阿經年

槐軒詩集

卷一 七言古

十

雨露秀枝柯一朝採作天家貢楮充棟力何多
又不見鳳雛養翮在巖谷臨流刷羽盟幽獨有時
覽輝下人寰高岡鳴豫翔華屋遠遊何必逐赤松
納約巷遇有奇逢勝地由來多懿範豈與夫箕山
穎水誇遺世之孤蹤

北風行送大弟還里

平沙漠漠足北風游子孤征逐歸鴻為言此別腸
堪斷蕭條匹馬如轉蓬出門日煥衣裳薄中路蒼
茫塵色惡須臾不見拱樞城蘆溝一望但蕭索昔

槐軒詩集

卷一 七言古

土

時西陵阻惠連今來送別我家季道長日短多飛
霜屈指決旬乃可至抵家便可寄平安千里關河
行路艱宦味卿心兩相負愁別此日憶家山家園
二月飛花時桃杏如雲動香颺故人多在蘭亭畔
嗟予孤客類寒鴉我來作客已三年好友常為多
情牽一回一憶望不見展轉伏枕空悵悵昔黃
蘗里中遊出入無時若有求今來作宦帝座傍
回望鄉關路阻修鄉路阻修可若何百種離愁此
日多應知別後思轉深其如白駒逐人過風吹衣
袂飄飄舉喉咽舌結不得語此去重來在何時隔
年心事已如許別去重來約來春春來恐未肯隨
人三冬永夜篝燈足莫為無炊念我貧揮手西去
莫回顧流連更起傷情怖還盧試咏歸來辭述行
漫擬北征賦歸來元坐吟且悲風吼簷牙漏已移
他日寄語鴻鴈侶好對池塘夢和之

送別郭懷蓋同年

憶昔射策金馬門聯袂肩隨友第昆一朝承 詔
讀中秘三十五人同拜恩流光荏苒已三年風風

雨雨依寒羶出入銅龍常把臂嘯傲長松共拍肩
快遊不知歲月改花艷文石至今在裝成促駕各
分飛鴈序差池不相待君司水衡我拾遺回望五
雲竟迷離五月之中已授簡西湖杜老有新詩六
橋花柳饒情致好向湖頭了公事屈指長安幾弟
兄花朝月夕勞夢寐放鶴亭下啄蒼苔六一泉頭
與酒來仰天酩酊快胸臆竹葉為我幾時開珍重
霜風梅如雪丈夫有志豈惜別然指流光忽如電
叮嚀執手心如結心如結芳意徬徨欲行不行各

槐軒詩集

卷一 七言古

主

斷腸千種裝積意難盡不覺淚下沾衣裳

癸卯初度望家園有懷

昔年聚宴槐軒隈群季諸朋共把杯一自宦遊京
邸浚山窗五見牡丹開萱堂迎養方戢綵歸到
家園已二載膝下承歡曾幾時千里雲山望中在
辛丑之年梅竹里貧困不能供薪水吟詩空有金
石聲甌底塵飛拂不起自從去歲舉華觴高朋知
已滿中堂愛我贈圖兼贈句四頌庭壁有新光今
年聚首樂京華溫情情殷未計家何時萊舞承歡

讌荏山雲白望初賒琴瑟在御娛君子笑語欣欣
胡不喜屈指還家應及秋喧喧乘傳問甘旨為念
故人晉江遊海波茫茫霧未收何日重來酌我酒
登堂壽母豁吟眸

五月十九日為櫟菴兄壽

京山翰苑家聲古五世文孫能繩武嘉隆之間重
直臣廷折權璫持繡斧平格天壽享大年岡陵作
朋鵠用五靈驚紫蓋其祥大洪三溢緯南土滄
浪之濱多異人前有嚴陵後陸羽浩然亭畔白雪

槐軒詩集

卷一 七言古

主

樓島衣舊巷漢之浦間鍾名世有真儒理學淵源
紹厥祖龍飛戊戌開賢科網羅英髦作良輔吾
兄應運起荊州特予詞臣佩華組簪文珥筆稱國
華崧生山甫衣須補弟也追隨趨後先雪竇蔡火
聯床兩幾年誦讀交勉旃夙夜邁征心獨苦弟也
執簡青瑣闥兄今視草鸞坡廡當代風流識右軍
千秋大業卜房杜五月天中誕降時池荷盈盈榴
花吐君心如月在太虛海上籌添那堪數蘭玉棟
蓼點森森三槐奕葉秀蕙園即今稱觴聚京華西

園雅集家慶譜坐我西軒飲兄酒頷歌黃髮為擊
鼓歌罷酒闌月華明更喜為君鵲鵲舞

中秋前一夕次李太白金陵城樓月下吟韻

鎖院深深桂香叢秋水盈盈不可越身在金陵望
層城舉頭唯見故鄉月王事載馳何日歸江上鴻
鴈亦應稀試看銀河光如練何人長望憶秋暉

贈別賀天士

三年契濶遇金陵一見如飲渴時冰念我更來廣
陵道相看欲別復不能君太何時始携手明春約

槐軒詩集

卷一七言古

古

看長安柳梁園西清雨如絲何事慕臆空獨守登
堂有毋念晨昏綈袍終宴賦北門三策獻罷除內
史知是書生承主恩叮嚀此別各珍重雞鳴起

舞花園街

時所寓街名花園巷

他年重遊曲江池依稀猶記

楊州夢

夏日西陂道中感舊

昔年跋涉奔此道彌望蒼蒼只荒草今日駐騎西
陵旁綠茵萋萋蘆葉長愛此躊躇不忍去無人共

語醉斜陽

夏陽即事

山堂一夜風淅淅吹得客心滿江陌主人投轄頻
舉觴長松盡搖落今夕離家作客繞踰旬何如飛
鳥健雙翻白榆乘乘已作花野麥青青覆疆場楊
柳於人正開眼小條出水試新酒天邊鴻鴈隨風
來望裏雲山翳空碧吳山越水安在哉濟北夏陽
歷杜策相逢未識客顏好聊作風塵老縫掖今來
棲遲鎮山院高閣長廊擁金戟主人招我徵清堂
飲歌妙舞紅牙拍倒裳側弁為君醉愁心千疊整

槐軒詩集

卷一七言古

古

已釋人生暢意須盡懽白髮呈呈歎何益不如且
盡杯中酒更為知已開笑嘲山頭風月幾回青一
片落梅江上白旗亭命歌青溪畔嘯傲東山整蠟
屐五侯池館未足誇浣筆泉上一岸幘長河日夜
流湯湯滄海悠悠自潮汐放眼高眺千仞巔清風
習習生兩腋回首鄉關望中看胸臆那得自迫迤
快論災穀夜未央冰壺倒瀉濯狂魄明日策杖何
所往山橋野店有行迹

東光縣贈別寓仙蕙以為祝

去年奔走淮南道客邸稱觴殊草草今年又值下
津門北海途中未開樽相憐豪氣為君盡彈鋏歸
來一借問即今初度五十七鶴子梅妻尚無分嗟
余空有心如焚百計展轉終則困酒闌歌狂喚索
何唾壺擊碎憂何多孤山採藥竟何事大地黃金
言非訛固精立命有真傳期願大耋豈徒然願君
教我內景篇不復枯槁與逃禪君乎君乎何不早
遊五岳去人間伐毛滌髓駐朱顏何為蕭蕭雪滿
槐軒詩集 卷一 七言古 七

寄上嘉善曹夫子時大世兄掌公車歸

憶昔拜別魏塘日清和四月梧花開再晤京華蕭
寺左秋風鱸膾行相催回首修經二載餘關河迢
遞音信疎喜見阿兄捷秋樹珥筆北闕來上書重
拜瑤函三四笑恍從絳帳觀顏色清風涇外琴書

娛鶴湖舫頭漱文石自從別後緬儀型酒酣歌劇
不勝情今因阿兄歸觀日杖履逍遙過庭京國
相望三千里翹首南溪不能已何時立雪世綸堂
東山倘為蒼生起

中秋詠黑兔圖

相看月中兔胡為在圖中桂樹團團秋影碧小鏡
趯趯嚙西風傳聞玉山禾不療黃竹饑此物帖然
伏平陸毳毛自豐相舉肥大人善虎變豹蔚七日
霧乘雲搏風會有時何必昂首瞻天路君不見旅

槐軒詩集

卷一 七言古

七

焚底貢升大庭明主德威微精冥白鹿由來貴異
物蒼龍何事空列星蟾宮渺渺在天闕中有仙人
乘綠髮手弄神兔跳白丸萬古長空湛秋月

侯耀寰復其舊第詩以賀之

侯翁生平負奇氣少年磊落饒英致膂力方剛學
武時願向疆場展鴻志蹉跎四十一無成歸老壘
畝還躬畊時來把耒長太息耻與傭夫食縮竊家
有十畝堪種秫朝出芸田暮懷橘浩歌天地自為
寬和氣融融周一室晚即熟讀素問經畝為蒼生

制額齡家中不問塵生甌荷杖常餘酒在斛笑照
庭柯幾何時生意婆娑芳日滋今茲老矣行歸息
衡門徒倚漫棲遲兒童拍手齊歡笑白髮披肩學
年少桶中脫粟餉朝饑更有斗酒呼同調尊前嘯
詠且歡顏放志無如桑者閑松柏蒼翠凌風立大
家引滿歌南山

輓賁山張學士同年

憶昔初逢金馬前君方紅顏我少年君倚牆頭立
第一我隨步履揮羣賢讀書作賦延英署朝夕同
槐軒詩集 卷一 七言古 六

君就君語挾天飛藻策若雲三十人中滿聲譽三
載韶華瞬息間君先授職列仙班忽報靈椿摧直
雨素車白馬看君還余亦乞假省慈幃北風雨雪
復霏霏八年不覩良友面夢裏惆悵懷朝饑辛亥
秋深入帝鄉君正侍講御筵身一朝譴議回天
聽勅賜鑑湖仍芟裳手關王山接崑崙谷松濤竹徑
盟幽獨甘守衡門賦遂初山中詔使急敦促聖
心惓惓念逐臣臣子何敢終隱淪蒯緱巾車趣就
道故山猿鶴漫相親君恩臣誼兩交盡方期講

幄陳堯舜何緣二豎苦糾纏元日朝天疾愈灰驚
聞公訃喚奈何運數坎壈何其多蒼生未慰東山
望丹旄旋聽薤露歌哲人云亡邦之瘁輟朝罷市
愴帝意今日青門慟君歸他年三鳳成君志

送爾成兄之任屏山為反蜀道難以壯其行

昔人曾言蜀道難難者難於上青天我今獨言蜀
道易易者易於履平地道路雖易人所知何頃更
賦噫吁嚱君今遠遊非探奇幽命分符行莫疑聖
朝德威遍九州魚鳧楚道俱全收天梯石棧失其

槐軒詩集

卷一 七言古

九

險三巴渝水盡安流西蜀凋殘勞撫字教養於今
重長吏飛鳧君去向屏山歷井捫參無可避畏途
當日笑王陽尊也叱馭名獨彰益州地舊稱天府
連巴接越通秦疆蜀中山水最奇特龍門層巒五
丁劈青城玉局宅神仙麻姑洞天名第一赤樓崔
嵬逼丹霄灤水斜通安樂橋瞿塘滄浪波濤急錦
城沃野任逍遙峨嵋天半堪舒嘯我欲登之望海
嶠城號無憂足判年儼傳不語翻為笑丈夫宦遊
真感感一朝作吏當宣力遐陬綏乂見雄才奏最

三年克勤職君不見當時化蜀說文翁前有李冰
後衛公誰道今人不如古望君治績化蠶叢今日
循良膺上考還見卓魯歸朝早自有徵書出建章
萬里之行何足道噫嘻蜀道之易果非難使君何
必凋朱顏

寄祝紫垣初度

去年祝君西城隈三五良朋共把杯今朝遙憶在
山墅玳筵當復為誰開念子棲遲玷華省退食無
補心耿耿家山回首似雲霄空負碧桃與文杏東

槐軒文集

卷一 七言古

七

萊張子方待銓聞鷄起舞先著鞭山公解組歸來
日客心宦味總蕭然君今踟躕復何事人生壯年
貴適志安能鬱鬱守一室潦倒咄咄空書字尚平
有願今如何庭前老樹枝婆娑屈指三秋好事近
珍重尊前笑且歌

地震行

地震古來史冊有今茲之震古所無龍飛七載歲
在申徂暑既颺夜濡縷淮陰竹園方宴坐論文載
酒同呼飲訇然一聲天地震殷雷隱隱來雲衢一

語未終山岳搖屋瓦齊鳴如擊枹相顧錯愕疾趨
走籬頭野外立斯須搖搖不已立難定恍如地軸
傾其樞有似奔濤直下來咆哮觸石聲喧呼又似
平陸盡將圯瞬息息壤為池汙倉皇踟躕但大呌
唇焦舌咋喉欲枯此時不及復他想唯有仰天長
獻對唏噓吁嗟乎此邦之人一何辜苦雨河決交
為楡拮据蓄苴更築防長吏敲朴無完膚子婦持
鍤役河曲食不充腸衣不襦災祲疊見猶未足更
有異常奇變相毒痛屋舍傾圮何所棲人民蕩折

槐軒詩集

卷一 七言古

七

將何逋吁嗟乎此邦之人一何辜猶望上天回震
怒生成萬彙咸昭蘇大地一震人心駭街巷間嘆
增憂虞三日傳聞千里內州郡遠近如同符更有
甚者齊魯地臨沂下相悲卒瘡夏陽一鎮屋盡覆
老幼嗷嗷泣路隅吁嗟乎今此下民亦何辜昊天
疾戾胡為乎前年地震燕京日上軫 容慮勤咨
詠浩蕩恩波出九五頒給解網蠲蠲租至今勞者
未及息上天何忍又相屠古來史冊稱災異山崩
川竭洵非誣我聞天心木仁愛遇災知警尚可紓

從來災變不虛生轉移轉挽通須臾如此大災豈
非異仰天疾首中心忤欲排閭闔一問天天衢邈
邈疑清都朔洞從之畏不極惴惴失路云何徂

賀同年熊敬修拜相

先皇戊戌重臨軒三十五人齊拜恩一自鸞坡分
內外十年冰雪守黃門獨有孝感無太使致身不
出鳳池裏丹誠清操受主知揆席虛左為君起
康熙十三太平年四海車書同一天玉燭常調舒
化日相府端居揮五絃君今入相正殷憂宵旰感
槐軒詩集 卷一 七言古 宣

夢應求特簡上賢預枚卜公孤名位非輕酬唯
帝知人良不易朝野同歡四門闕坐見氛埃會削
平機槍淨盡楚天碧坐論不負誦讀盟動念輒自
為蒼生嘉謨入告慶納歸霖雨崇朝遍八絃
先皇留作今日輔百年樹人信非謂天下安危在
任臣一為廣歌歌舜禹

百鹿圖墨苑歌

張子存點見余所藏程幼博墨苑即出其
笥內所有物華萃第一圖原墨相遺歌以

志之

昔遊書坊購墨苑什襲藏之歸繡憶良友芸紫時
共披珍惜秘密多繾綣張子嗜古兼好奇偶從籤
架得窺之一見此譜動嗟咨良工精緻能相期須
臾驟然忽茲笑此圖曾經一屬眺姓姓百鹿彌山
岡行伏鳴食皆天妙家藏一丸全類此君房雅製
無乃是頌充圖史佐清娛不令苑譜虛傳耳承君
雅意重三思神物會合須有時一朝龍賓蒞精彩
天家食祿同松蘿

槐軒文集

卷一 七言古

宣

輓東海陳將軍歌

雪風獵獵吹轅門寒聲凍徹雲旗翻大星一隕天
地震夜半烏啼五丈原將軍何事頻輕敵變生倉
卒何由戮四壘刁斗不敢喧坐令細柳堅空壁噫
吁戲挑陽半壁屬將軍驃姚威名遠近聞男兒壯
年好身手正堪百戰立功勳胡為乎一朝失策漢
成楚椎心置腹徒虛語武公翻中淮蔡謀表綠終
遭梁客阻君不見漢時驍將有來岑功成敵忌衆
所欽名光青史雲臺上萬古耿耿留丹心

槐軒詩集卷之二

在山王曰高北山

五言律

暑中春雨

重雲倚虎觀，霖雨灑龍城。
入柳迷絲細，勻梅沁蕊。
輕澤添鸞沼，潤花淥玉磚。
明佇眺沙堤，上塵清攬。

二

漠漠濯枝雨，得春來不遲。
乘時如有意，大造信無私。
映閣頻霑鳳，拂寮欲向葵。
為霖何以慰，豹隱應於斯。

槐軒詩集 卷二 五言律

一

訓友人見懷

自君橫錦去，當夏若為秋。
明月天空霽，光風草際浮。
盍簪看匣劍，倒屣拂瓷甌。
指頌三秋暮，登瀛續舊遊。

月下看署中庭槐

玉宇月初臨，槐柯冷欲侵。
穿池分藻影，近閣印遙岑。
忙裡頻開眼，靜餘生遠心。
舊盟誠所戀，况復值

新陰

蕭韓坡庭中看月

流雲淨碧落，檐際吐清輝。
開酌金為縷，偃花玉作圍。
談深香霤靜，坐久竹風微。
佳會良堪戀，殢人何事歸。

二

明月來天上，華光湛碧虛。
高懸金鏡迥，低照綺牕疎。
把酒誰同問，知心唯許渠。
良朋兼勝地，取醉故徐徐。

槐軒詩集

卷二 五言律

二

中元宵坐子言弟寓

觥籌方戒律，醉夢已迷離。
宦况經年冷，芳襟此共披。
朱華映沼日，白露下庭時。
南去故人遠，勞勞動我思。

二

中天明月迴千里，憶江州桂兔空瞻歲星河。
已入秋迢舟懷赤壁嘯竹似王猷，刻燭吟銷酒盞鳴夜未休。

寄懷宜兄病中

書成記前夏欣聞病起時如何返棹去不自慰
思學道堪銷癖心空即得賢草塘時入夢千里念
舊池

張瑤山同年初度

玉署追隨日與君分最深動由君子道時示古人
心鳳翥軒高舉鶴栖戟在林長歲酌大斗情切慰
知音

一

廬陵千載後今復得歐陽冰雪挹懷抱蘭綈紉佩
振軒詩集

卷二 五言律

三

讓華文輝玉藻大業動巖廊軼俗慚同調然藜幸
近光

呂慈園留別次韻却寄

歸棹一何駛尊前為暫留心如懷此日還里值中
秋北地餘寒鴈西風逐去鷗非關兒女泣別淚不
能收

平子石門遇其歸俾

悵悵且何之逢人問路岐一鞭斜渡口幾日落花
颺暫稅石門駕臥捫亭壁詩點僮如肯侯應在白

河湄

三

猿子不相待遇之石埭西鳥栖鳥相樹人傍廊亭
堤入柳迷村徑摘花綠舊谿不逢荷條更誰與指
途迷

九日遊豐臺即事

何處秋光好山深菊已黃遊軒經水榭人語集蘭
塘野意盟鷗侶狂花蔓草堂今朝紛盛會佳事入

奚囊

詩同人先集
祖國水亭

振軒詩集

卷二 五言律

四

二

登高追雅集暫此據途窮友勝黃金港芳餘綠野
空園昔為萬峰雲影際千壑水聲中指顧斜陽近
揚鞭似御風

三

狼籍杯盤後忽逢花史招倦軀捐佩重餘醉倚風
消試馬平原濶尋芳墊徑遙狂來喧笑語栖羽集
深條

四

豪遊愧戲馬芹獻野人家選豔呼穠李徵歌出狹
斜當孟憐皓月解語對名花子夜惟猶戀嚴城促
進麻

重遊萬壽閣限韻

曾是舊遊地重來看菊叢人居深柳巷花發鹿門
東逸興添佳話幽懷挹古風偶同今夕醉何似蓋
珠宮

二

探藉南城曲行行古剎東相尋蒼耳道回逐蓼花

楊軒詩集

卷二 五言律 五

風極目天人際浩歌艸莽中占年書大有都鄙盡
聲宮

三

勝遊良不易今夕又君同小酌松筠下高陰斗閣
中盛衰千古慨悲樂寸心通後會期何日花香謂

帝宮

相約丁香花
開重遊此

四

同人歡未已携酒野花叢小徑高軒寂柴門曲水
通井梧啣落照寒渚下歸鴻試問瑤臺侶何如一

畝宮

伯母壽日南至

茲日當南至婺光方耀祥彩裾迎鶴馭金竿薦霞
觴樂奏南山曲歡傾北斗漿故鄉無計達遙頌憶
華堂

二

躬耕與食祿何者是承歡團聚家園盛棲遲京邸
難思隨南去願夢入北庭閑寄語采蘭者彼居罔
或盤

楊軒詩集

卷二 五言律 六

山莊麥秋

斷堞宛山橫高樓臨野平散懷過竹苑滌暑臥桃
筵泥阻東山屐是日欲訪東村諸君子弗果雨滿北海航人間

三萬日何處著愁城

二

林色初今夏山莊麥已秋雲從高嶺度雨為故
畱雷吼驚龍壁霧迷隱豹丘他年重晤面勿作石
泉羞

中秋夜存古齋坐

華月雲將翳芳樽猶未空如何良夜難與故人
同歸馬逐流電飛鞭指夜虹見於西到廬光復
淨幾欲近來聽

晚桂

桂影散庭際燈光輝月輝香清晚逾迥粟家露尤
肥寒蟬啼荒壁疎星點短衣芳心可自訊與爾詠
同歸

佛頭山

歲有名山癖今登夫佛頭鵲華紛在眼虎豹二泉名

槐軒詩集

卷二 五言律

七

沸無休迤仄披榛覓碧巉崎足游長歌如有答僊
子在雲樓

二

東南山色美岩綠葉葉花艷迷秋草嶂危未遠
風俯臨儼絳關仰眺羨真鴻指頤明湖水芙蓉一
林紅

匡山

一嶂聳雲際蒼蒼苔色斑石躡皆伏虎人正似孤
騰丹穴邈何許匡廬只此山登臨豁襟目長嘯不

知還

水山

競道水山好今來果勝遊翠屏千疊嶮青栢萬行
秋孤塔干雲峙幽泉傍澗流山僧拾異草贈我滿
籠頭

牛首山

冒雨出城去山行快夙心千巒渾入沐萬木漲秋
陰青鳥迎人笑白雲濕我襟登高直北望天闕自
巍臨

槐軒詩集

卷二 五言律

八

魯高士墓

披榛迷廣路駐馬拜荒丘戰國一高士荏山萬古
留尺書服燕將大義著宗周餘憾天曾醉臨風咽
未休

二

入鄉問古俗赫赫到於今快意終長往迹名蹈海
歸孤城飛片羽一笑却千金回眺荒原上蕭蕭秋
草深

文游臺次貽上見懷韻

仰眺高臺上蒼然見暮雲那堪南陌路復向此亭
分雙社愁寒雨邗溝望夕曛大蘇應念我季弟辰
離群

燕子磯相憶之作

憶我來瓜步君登燕子磯棠花迎日榮鴈羽却分
飛夢裏春明路彈冠事不稀計程楊子道何日是
金闕

二

竹西何處是今此入江東錦纜名空在瓊臺事不

魏軒詩集

卷二 五言律

九

同風烟三苑盡形勝五湖中勝有江花咲春來芍
藥紅

朱霜初同年招飲萬竹園

名園稱最勝况復繼情人風動腹痕細雨滿翠靄
新開尊宜維堞秉燭望江濱歌舞嚴城曙觥籌不
厭頻

次友人寄來韻

昔人歌采芡今始信三秋落葉空庭亂停雲傍日
浮快心書滿架銷癖酒盈甌知友如相念遙看似

十洲

海宿五雲雨兄見過

良朋念不置視我過葭渚小雨中愁寒微涼枕簟
宜共看雲漾日坐守花開時別後還相憶魏軒足
夢思

題海之小像

博陵有吉士被服長於儒章帶尊王制端居念聖
謨金堂調早膳和色課庭趨鼎鼎百年內逍遙任
老夫

魏軒詩集

卷二 五言律

十

送友人之貴池

惆悵難為別送君千里行風偏催客棹心緩奈王
程薄宦看雲淡懷人夢草生何時剪燭話夜雨慰
離情

二

知君滿酒意終不為名愁秋浦兎舒嘯華峰恣勝
遊閑尋種秫地高倚望京樓前席常相待池陽莫
漫留

賦得初客夢歸家

良月榴花吐雲睂卷碧紗日明花氣艷眠起簾紋
斜夜爽涼侵硯新晴曉散霞客行應計日何事不
思家

道士院牆陰牡丹

邂逅逢花苑相憐絕代姿雅堪金屋貯端興玉堂
宜富貴名空艷風塵爾自知託身未得地寶檻是
何時

寒食後二日同樸菴澤芳兩兄晚遊步韻

尋春日已暮騎馬入荒原月出東山曙煙縈野樹

槐軒詩集

卷二 五言律

七

存望龍驚古木

寺前有龍爪槐

倚杖扣籬門今夕聊乘興

同遊唯弟昆

二

三春無野趣遊屐且停停芳草痕初綠乘楊眼倍
青銷愁雅有酒踏月影如萍忽憶故人約相邀不
慙亭 西山亭名

送友人還里

握手河梁暮送君省里還浮雲望漸杳落日夢相
關挂席催征棹逢人問舊山高堂方極目佇待舞

衣斑

二

薰風霽雨浚槐子下庭初悵望東門道思深別浦
餘樹除依日卜藜閣夜牕虛愧我離羣者問奇正
聞如

古城僧舍小憩

孤邨荒堞暮濁浪與田平野渡迷鴻鴈平沙困春
令閑來禪榻卧一夢悟浮生明月揚帆去桃源問
水程

槐軒謝集

卷二 五言律

七

昭慶寺小閣月夜

同是一輪月湖頭覺更明雲隨風欲墮人與氣俱
清入目煙光濶澄心曉露瑩如何方鏡淨潭翳頓
然生

雨中渡江賦淨山色有無中

潤州十日雨吹作江頭雲青靄時如霧微茫渾不
分金焦滌墨裡瓜鎮水田數賴有延陵秀披襟抱
藍芬 時吳子意輔同升

一

平生快意事今夕雨中來北園危峰失鑒江
猶蓬疎不礙眼波散詎聞雷縹緲五山望朝雲倚
日開

清明遊紅橋同天士仔園祥其左麓蟻門去

聯桐仙芳傳于靜態師范分諸寺分韻

冷遊今日事勝境在紅橋錦纜當年地蘭亭會見

招三山疑望香蜀岡有三山寺法海暫停挽石記何曾讀

平林雨又飄平山上有阮亭遊記石刻

二

槐軒詩集

卷二 五言律

五

日暮迴見楫言尋勝地遊洪園竹泉三降苑水悠

悠即古簫鼓催歸棹笙歌逐上流河梁飛雨急燈

火集前洲

再遊海橋

廣陵名勝地日涉是紅橋細柳籠烟密香風帶雨

飄清蘋映沼綠碧柝迷聽鶉薄暮歡佛驪言旋豈

憚遙

大士閣迷樓故址

相傳蘭若久猶說是迷樓柳色何年盡鐘聲此地

幽雷塘極目遠玉樹曲中愁今夕凭闌望邗江望
自流

遊金山次天士韻

晴日携山屐維舟浮玉隈快游從此始勝侶喜同

來小渚洲為岬大觀樓作臺金龜可質酒况遇季

直才

避風館晚眺

日夕辭山去瞻光暮景幽尋花臨北浦訪舊憶西

樓戍鼓前峰急金山對面浮夜遊還秉燭過客晚

槐軒詩集

卷二 五言律

五

遲留

吳伯成明府招飲秦園同留僊天士

天然山水地點染作名園樹色千雲秀蛙聲過雨

繁看花時坐石待月更傾樽我欲忘歸去桃源即

此村

二

晴日快遨遊藍輿渡水頭孤桐當閣翠老桂集山

幽塔影池中見泉聲檻外流坐來不覺晚况復有

羊求

三

竭來江左地獨愛慧泉山安石基梓靜右軍鵝隊
閒竹籬時隱豹山捷不須關畝作平原飲醕然未
肯還

四

我愛錫峰好茲園更擅奇山連九龍秀樹老萬年
枝雨過流泉急日長鳴鳥遲使君偏重客暇日坐
題詩

瓶中杏花 同寓仙賦

槐軒文集

卷二 五言律

十五

野園春色滿今得一枝來碎錦香初散瓊英嫩欲
裁上林同許豔御苑競先開文古當軒蒔相看幾
日回

秉炬下馬山

未識山中道來從地主遊馬閑終古卧日落萬峰
秋坐語忘歸遠移情為水留到床先索枕餘興夢
中收

張秋訪陸雲甫

五年成閫別今夕為君歡剪燭三更話離懷此日

寬客遊常世味宜况識金雞醉後聞鷄鳴床前起
舞看

德水答程子正甫

驅車循德水話舊故人留快日占靈雨新晴值好
秋樽壺餘別况騷賦起深憂示予地立雪情無已
寒詩

榜人催去舟

二

相望千秋業愁懷幾許同溯洄瞻斗柄徙倚向西
風歲月却杯裏湖山嘯傲中惠來冰雪句未肯換

槐軒詩集

卷二 五言律

去

驚籠

過陳說巖齋中咏竹影

夜深談未竟竹影已離二月白先生繪風狂勢欲
披雅同騷客立清與玉堂宜憐取節胞日憑君數
問奇

陶山拜范大夫墓

我向荒山裏陶公尚有墳埋三尺州山積萬重
雲越國功能顯齊邦名不聞登臨問遺跡懷古仰
奇歎

將赴曹州別陸雲甫

望望秋城近伊人在水湄看花頻有約問字更多
奇麋鹿心同遠石泉興欲癡山陰重返棹還訂北
園期

碧雲寺次呂慈園韻

携侶登山岫重遊紺碧間樹陰新漸改石路裊空
閒俯瞰園花寂靜聽水渦潺莫愁天路遠絕巘可
能攀

二

槐軒詩集

卷上 五言律

七

山寺閒何代松楸不記年雨花閒有虎洗耳厭聽
泉卷幔延峰色開尊遲月眠歸來如有夢定不離
雲煙

香山次李湘北韻

窈眇尋山徑臨風愛野亭來青瞻聖翰挹翠對
雲屏月上晴曦碧煙開幕靄冥遊人歸去晚流水
繞禪扃

二

松鋪磴道古金刹倚峰頭鳥語山偏靜雲傳石不

流泉聲歸絕壑月影射高樓閒望情何逸徘徊興
自悠

初秋有貝丘之行過土山寺小憩

跋涉愁無地登高忽有山是時雨潦滿野鳥從隴背轉人
傍樹頭還赤日迴南陸清風戒水關揮鞭臨古道
雨旴已班班

憩清涼寺

繫馬垂楊路尋幽到上方解衣覓葛井滌硯倚匡
牀蟬語集深樹庭花透暗香會須來此憩心境界

槐軒詩集

卷下 五言律

六

清涼

乙卯上巳西郊遊 王園步寓仙韻

行春尋別墅大路出天寧新草方凝碧垂楊已散
青西山長入眼黃鳥漸宜聽偶爾成賓主名園聚
德星

二

三過梁王苑於今十五年琪花皆作樹大藥可懷
仙往事詢三老舊遊憶八磚閒園終日閑遲我麓
西偏

三

上已娛佳日采蘭訪故人官閑渾似客心曠不知
貧展席當金尺飛觥倚錦茵笑看同列醉狂放任
天真

四

老友憐余癖惠然念遠違幸來同此日相與競春
暉懷舊聯鴻雁寓仙詩以去年此日同又樓遊李園為感感時承蘇薇
他年招石隱坐對共忘機

五

槐軒詩集

卷二 五言律

九

當年西園會良友話離初鷗鷺盟新侶林樾憶舊
樽南樓頻入夢東閣好藏書文杏春應遍徑羨欲
課鋤

送耿又樸歸省次留別原韻

為憶春庭近暫虛侍講班新秋催去興清曉夢相
關定省情偏切尊鱸意自閒征車幾日到重與問

家山

二

有懷辭魏闕非是薄風塵塔映蘭芝秀門盈桃李

新詞華驚海內意氣慰交親懸念高堂上凝眸待
遠人

三

三載離家後京華感遇深嚶鳴懷舊侶棣萼憶山
陰把酒舒長嘯河壖快里吟故園如會意雙鯉通
佳音

四

臨別重攜手相看柰爾何月明花絕露風細水生
波綰佩半綸重行裝一劍多佇期金馬署重倡栢

槐軒詩集

卷二 五言律

二十

梁歌

送鄒桐崖以中翰從王師之江右

虎竹賢王重多君倚看才暫時辭鳳閣皇路展

龍媒薊北風煙老江西氛霧開軍中多草檄所事

賴鄒枚

二

慈親三載別啣命不遑將肄雅歌三闋懸孤志
四方龍章報菽水玉節佐巖廊佇待鏡歌奏國
人仰繡裳

耀子試周日寓仙見示一詩戲步其韻

秋光澄曉月初度記兒生雙夢分輝映五芝始吐
蘭試周先得印握管取書名他日成佳器題詩識
左楹

壬子夏曙聞二子蚤起入塾志喜緯紀二

孩提方就傅辨色已呼僮膝上初知字牕前早啓
蒙香勤觀幼志警情見家風還憶髫年日庭趨曉

月中

甲寅十一月十八日以相陵地之命

繼軒詩集 卷二十五言律 主

臨見後是日午載育第三男子志喜

皇命朝初下月中喜育兒聞呱知有慶求火幸無
思變貴臨廳事時有趙爾台鍾秀兩同人在坐三星入戶宦不愁

行路遠且共進歡卮

次寓仙賀韻

故人歡一笑重揖四郎生鳳字題聯額蘭枝喜竝
萌贈詩拈舊韻懷抱命新名老蚌生珠日祝君報

玉楹寓仙新耦將有夢熊之喜

五言排律

上駐蹕南苑大閱甲士奉召從觀恭紀

春蒐乘泚令耀德載觀兵鞭弭集靈囿 鑾輿出
鳳城龍驤儼岳峙虎旅遏雲行振胃日華動鳴弦
月華生 皇衢重霧欽輦路百花迎草淺平原闊
臺高露掌明柳營輕漢壁桃野定周京鳬藻懽聲
震魚麗壯氣橫

大顏欣悲率之子頌于征 廟算金甌筆海隅燧埃

清桓桓糾虎士濟濟萃麟英慙賦上林似卷阿一

繼軒詩集 卷二十六言排律 主

夫賡

杜夫子壽

陽和初入律南箕應靈辰嶽降分王氣挺生萬偉
人流文光海寓懿業動星吳桃李徧東土絲綸
渭津拾遺傳世澤園法借元臣鼎鼐益梅理濟川
舟楫陳金甌儲穆卜玉柱迂衡鈞平格膺天壽保
順蓮萼倫僊盤薦火素綺席羅脯麟珠扇鐙環珮
兕觥踴列賓琪花飄廣坐瑞露雜兼珍立雪欣如
願長歡梅萼新

壽友人

蒲觴初御候榴影
颺清渠南極依璿象北門傍玉
除香添侍史篆雲護紫泥書映日
文皆見濯江錦
自舒委蛇鮮內顧
寒謬有終譽
皇鑒昌言數葵
誠問道餘詞元堪壽
國係父更華子
渤海傳僊棗
瑤池薦聖
璇瓊花飛綺
席冰嗽集霞裾
莖露分金
掌雲嫩落碧
虛紗籠光穆卜
黼哀賁安車朝野
懽
廣哉平明入直廬

黏拙翁先生記名宦

槐軒詩集

卷二十五 書排律 廿五

盛代褒良吏
禰祠崇德曆
崇帝知遺愛
岷銘表至
恩功高宜祀
社澤渥憶攀
棘八水傳芳
烈三茅問
道源桐鄉懷
永健畏壘慕
猶存湖嶼派
湛澹泉山
羅德門令徽
揚鼎呂世業
美璵璠桂葉
綜家學
楓宸樹謹論
江州光纘武
梧掖被綸溫
審諤回
天聽公忠徹
帝閭樹除宣
寵名璫閨沐
華暇王
謝慙姻末未
陳望近邇儀
型親炙切仰
止偉模尊
載珥編摩日
拜颺銀管言

秋初寄懷大宗伯梁玉立先生十六韻

夙負東山望
言依水竹居
白雲常樂志
綠野可藏
書悟道窺庭
樹怡情玩
蝶魚得名
千嶂外
並局一
身疎伏臘
祈豐歲
花辰奉
絳與彈琴
娛靜好
分菓
給兒蔬
取適林
泉性寧知
日月除
聖朝重
霧欽賢
士彙征初
帝簡思良
錫徵書
下舊閣
山中驩
鳳
詔下澤
黃蒲車
元化資
調鼎鈞
衡待
宜盧氣
蒸霖
雨合道
洽宅揆
餘衷
海膏咸
沐蒼生
望甫舒
一
人良有慶
萬國樂
千
王生方結
襟涼夢
破樊籠

槐軒詩集

卷二十五 書排律 廿五

槐軒詩集卷之三

荏山王曰高北山著

七言律

已亥守歲

此日燕京度歲華有書滿屋便成家鄉關眺望松
楸冷邸舍蕭條蘋藻斜捧檄承歡饒有願含飴舞
綵樂無涯人生值此真堪慰醉看長安巧勝花

元日

紫宸鵲遶蚤朝回御路平臨曉霧開春入遙山路

槐軒詩集

卷三 七言律

一

翠嶂暖迎近苑俯層臺樓臺閣漸無術陪賦梁
園遜不才獨策玉驛宮巷陌晴雲變黠瞞天來

元旦玉堂團拜

沙堤署裏賀新年道義交情可倍宣仰止見巖瞻
往聖是日同拜先師位追隨賢序友余賢由來此地推人
譽敢向他山羨祇先珍重堂前春色好槐黃粉碧
兩爭妍

人日即事

廣寧門外看嵯峨落照西來爽氣過天接五陵春

色豳山連三晉夕陽多狂來間作蘇門嘯懷古情
深易水歌日近上元花滿市旗亭無酒奈君何

立春日挑菜奉老母嘗新用東坡韻

蘇水何煩玉饌陳逢時也試齒牙新堆盤細縷香
生七述座芳鮮巧綴春花市觀燈堪戲綵青門種
菜尚需辰祗今歡聚蓮輝下還憶當年藜藿人

立春日微雪次里中友來韻

東風又值一年春客裏韶華未覺新薄暮垂鞭歸
令署朝來走馬傍城闌噴梅和雪渾如蠟擁絮寒

槐軒文集

卷三 七言律

二

禮可當茵何似諸君方奏賦相呼斗酒賞花辰

清明後二日偕杜肇余尋杏花

十年夙愛花成癖今日相從勝侶遊帝里風光
春信早金門樂事好時收漸來香近酒旗市望去
紅嬌粉堞樓花映便門東樓隅子美曲江情正切四娘家
不在溪頭

二

樂是心閒日又嘉官寒聊復惜年華家園十畝空
餘竹上苑深叢未著花狂愛斛斯同覓酒興同去

道不乘艦依稀路入羅浮夢駐馬何緣一試茶
在村畔井哇間

友人飲碧桃花下分韻

韻士歡逢興倍豪名花相對價增高一枝凝露來
天苑千里春風歸錦袍香霧空濛迷玉洞澹烟樵
悴憶江臯梅芳香艷今如許羞向華林誇絳桃

二

帝里春遊意氣豪買花不惜杖頭高名姬可語揮
金勒美醜如携解縵袍處士結廬傍酒市騷人奉

樵軒詩集

卷三上言律

三

佩倚蘭皋朱顏玉頰誰矜艷從令天街羨碧桃

三

蘭門聯袂足賢豪匿影桑樞愧未高閑裏奇談驚
匣劍狂來賞酒脫鸛袍挑燈似傍匡隣壁拾珮如
逢洛浦臯映日迎風爭獻笑多情還讓是緋桃

偕友人看牡丹

寶欄曲曲護名花小閣春深韻士家開向玉山偏
有豔品今西苑自稱嘉青蓮千載真知已紫魏當
年檀麗華底事比來多廢置獨餘風癡戀香霞

二

錦屏開處羨天人今日花王留殿春猶坐長依青
玉案舞筵還傍碧水身公餘相對樽前令月下初
逢迺太真莫為貧交甘自外祇緣原實遜花神

三

恁中但有愛花閒拉友名園自往還異艷元從僊
苑費化工何事炫春顏香開和雨和風際人在宜
陶宜謝開漫道瑤臺多勝侶人間亦自有湖山

庚子初度

樵軒詩集

卷三上言律

四

三載京華此日危故鄉回首念心期高堂燕喜
今如願斑綵承歡更計時夢公池塘生碧草年未
玉樹長蓀枝晴雲南望思千里三復白華咏素絲

觀韋公寺海棠

強起尋花為破愁海棠老盡韋庭幽人同北郭橋
蒼耳路入西陵笑碧楸太尉山莊催去與嵩立蘭
若且遲留直須醉倒斜陽岸野望何堪更倚樓

次隱之初度日在福州見懷

故人四月福州道念我西軒初度時十載冰心寒

歲月一天鴈序印河渭同人共醉前年劇獨樹秋
吟今夕詩始信情深遙不聞常山計日望歸期

次華亭夢中和予韻

千里神交夢和詩十年風雨寸心知多君屢示池
塘草愧我曾無幼婦碑懷橘高堂榮客緒投桃澤
畔憶男兒依稀聲學賦停雲句雪壓寒廬應寄思

玉署槐檐聽雨

巡簷靜聽槐間雨彷彿軒窗坐嘯時聒聒不分騷
屑話蕭蕭如訴短長詩開樽小酌頻多興批卷長

槐軒詩集

卷三 七言律

五

吟若有思何事流螢如解意故穿花影最深枝

蓮塘寄同人陳參野

偶發乘興度剡溪仙浦雲深路欲迷綠蓋紅粧紛
上下青畦碧柳暗東西決樊綠篠尋花棹板袂迎
風放馬蹄今夜預賒東坂月太常何惜判如泥

七夕同友人遊中頂

茫茫大造問天公忽漫尋秋柳陌中石澗長通蒲
菰水漁歌細起蓼花風遠隄雪漲千畦碧橫浦霞
舒一抹紅待韶經年唯頌酒何如聞世老塙東

歸來露坐用袁中郎七夕韻

望中山色興谿烟曲曲秋潭古柳邊乍去何曾看
好竹重來祇為聽流泉惠連群季今三月子野狂
尋已五年欲渡蓮塘花下語其如溪畔少骷船

中元日中頂觀蓮

為訪池荷冒暑來盈盈萬炬一塘開時踪不問人
俱寂幽興何妨鳥共猜好事仍乘令節出偷閑直
指遠郊陵家園亦有花如焰情驕主人何日回

二

槐軒詩集

卷三 七言律

六

白雲迤邐度蓮陂綠藻芳洲間桂籬序入新秋容
尚麗人於中歲興偏癡鸚兒誑客能嬌轉猱子全
身學用奇偶爾竭未忘索伴老神慰我去遲遲
見所

次友人寄來韻

籬外黃花秋盡時故鄉回首夢相思石渠衮衮人
爭羨槐署蕭蕭到始知勸駕猶云舌尚在毀梁莫
欺鬢如絲三年轉曉流光近有志何愁樂事遲
懷大來吳子

文旂製錦近如何別後遙瞻碧水波開隸七閩來
鴈少山連百丈種花多吳公治昔傳河雒召父人
今說政和計日彤廷飛紫詰玉沙署裏聽鳴珂

崔山翁初度在京邸適有熊夢之報

客裏梅花伴壽卮京華此日快樵期十年冰硯成
三賦千里千旄耀五絲函啓金泥粧寶勝綵添玉
樹舞麟兒阿郎為再索矣君行抵里方迎歲栢酒榼盤燕
喜時

雪朝次李義山韻

槐軒詩集

卷三 七言律

七

蕭齋盡夜掩深扉曉有瑤花晃瑣闌忽心詩脾殘
夢散更蘇病肺宿醒飛欲裝綺疊尋梅聖却恐結
總欺鶴衣乘興御風山徑太龍門畱賞莫言歸

二

黯澹同雲覆苑牆疎英的的傲濃霜人間是處迷
金屋仙子今宵值玉堂皓月多情傳素影蚤梅作
意點紅粧何人為婦衰生徑紙帳圍爐喚索郎

雪中過爾茂次韻

垂垂雪意賦衙門西閣幽人臥似袁時微恙方開閣學士

清貧心自澹故交邂逅語尤溫直須宴坐敲冰絮
何用旗亭命綠樽起立梅花寒更好龍門佳興至
今存

慈壽

煦氣梅芳映華輝東風信轉湛晴暉五雲瑞朵凝
萱樹百福瑤光晃綵衣栢酒稱觴初介祉栢盤獻
歲待春歸京華此日瞻天近三復南陔咏嗣徽

二

寶婺星華躋壽仙登歌載頌似姜賢長將春酒綏

槐軒詩集

卷三 七言律

八

多祜臘栢梅花入副編度索充盤分火棗瑤池式
燕燦金蓮長安客卽風盈幕南望晴空祝遠天

三

朝來携策下金門入面高堂奉蚤昏蒜水未能
寬緯恤稱觥聊補始春溫欣聞脂藥傳中使未見
冰醪錫上尊遶膝雙蘭比玉樹猶憐含哺給曾孫

四

梅春已迸火珠光退食從容風沼旁祇見扶書傳
太史懸知珥筆映華堂登歌饒有瑤池詠視膳欣

嘗寶餅香 驚詰紫泥應異日好將瓊玉補天章

阮亭弟之廣陵志別

少別維揚千里餘因風好寄數行書三春花鳥耽
陰興五月江城憶索居文選樓中高白雪平山堂
下泛紅葉當年梅閣還如舊一夢池塘一起予

二

漫郎佐鄰竹西軒風雨彭城念友昆回首高堂勞
寤夢盟心解署當晨昏甘棠咏愛留江步嘉勝流
恩暨海門幾日徵書除正字相如何事負梁園

槐軒詩集

卷三 律

九

送別吳默巖編修假歸

憶昨歡逢玉署時得君片語是吾師每談世味澹
於水及語詩情貧更癡千古文章推匠郢平生快
意問花期暫時分手東圩去列業村名到日江梅或寄

思

附默巖却寄二首

一夜尊前聚語時今為知己古為師支離憔悴
憐予病慷慨歌呼任客癡陽月晦三日晚同分
明方惟一野修飲
手片言留寤寐同心千古見風期槐軒新州何

時發江上勞勞倍所思

二

寒風寒月別君時今日初違一字師北關有
心麥掌望西山無事脫順履兩年作宦秋雲興
千里懷人夜雪期愧有詩瓢皆病唾好憑雙鯉
寄相思

送呂慈園同年省親

臨歧執手意如何明日河梁發棹歌樹接蘄門秋
色老雲橫朔塞鴈聲多病軀千里懷尊敢離緒絲

槐軒詩集

卷三 律

十

年託衍波東觀即今虛講席故山暫許卜烟蘿

二

風治紅葉散晚香詞臣特賜買歸航潘輿綵祿明
珂里魏關恩榮到畫堂蔡閣傳書推子政竹溪把
臂瓦知章多情若醉南池月應念長安秋夜長

七夕遊海浣

秋風嫋嫋正愁予采采芙蓉綉客裾遺恨空傳金
谷麗殘煙深鎖玉樓靈狂花迷主恣零亂荒草無
邊不掃除來似風緣輕別去夕陽匹馬意徐徐

贈信初歸省

紅蕖碧柳映河橋千里尊思不可招
暫慰離群歌白紵尤憐好月度清宵
秋雲隴首絨愁黯春草池塘入夢遙
載酒同人重寄訊驪駒何事促征鑣

二

離筵急管逐斜暉鴈羽差池整背飛
北闕起庭承經對西園雅集待斑衣
秋風驛路寒蟬滿細雨霜林落葉稀
歸太高堂娛畫錦知君元不羨輕肥

春日遊西山

柳軒詩集

卷三

七

碧雲高閣倚山斜桃徑遙通仙子家
飯熟五松青玉粒香開十丈岳蓮華
錦鱗出水迎朝日翠羽分枝噪晚霞
憑檻一臨梅萬壑杏園先試早春花

二

群峰聳翠護仙壇遙望幽人獨俯欄
一州一花開自放為泉為石靜中看
松深不礙鶴巢峻屋嶮何妨鹿苑寒
頽欲倚然忘我絆晨糧十日此盤桓

四月望日再遊西山

凌高極目俯神州裂帛湖光一望收
裂帛名天外和

風來遠岫日還曛氣隱層樓憑屋欲訪蘇門嘯飛
鷗擬窮汗漫遊大叫不知雲路迤邐茫茫禪海一沙鷗

送潤山暫歸蕪懷宜兄

握手長安五月餘臨歧立馬意躊躇
斑衣念子慰華髮鴈序因君寄短書
澤筆閑尋三徑草桃花不羨五谿魚
鳴琴燕婉曾多艷樂事良辰未可虛

次潤山韻

春風忽逐入庭除閉戶龍眠何晏如
勸下才名推

柳軒詩集

卷三

七

後起山中歲月且閒居筆藏花澗堪流韻硯洗鰲
池好著書愧我蕭然擁款段金門未許跨吟驢
過吳江懷邵暉暉同年

當年解組重淵明今日抽簪見卻生
一笑身前原是夢三生石上舊知名
暉暉記前生事棠陰已徧虹橋壑
勾漏何須丹藥成便欲從今煙水老十洲三島自將迎

送富雲麓同年南還

送若南太鴈來初還憶金門五載餘
一日離群頻

下淚經年望斷數行書
某衣習舞高堂讌
龍誥親承墨篆車
講慳方開延閣待此行
端不為鱸魚

程石隴初度

梅春雪籠送香初
南海仙人肇錫餘
綵祿遙傳堂上悅
歲垣奏直禁中虛
燕公鉅手稱知誥
師古當年推校書
天保康歌如日月
浮丘歲宴詠華予

二

十年奏賦曾冠軍

士辰蘇南官第一

東觀蘭臺借子雲

越秀層巒勝碧彩
靈洲佳氣動星雲
入都不事瑤琴

槐軒詩集

卷三 七言律

五

破戟筆猶懷寶劍
分射策明春仍第一
花磚遲日
懽晴曛

贈別陳參野同人歸觀

與君相別菊花時
雁羽差池繫我思
君向高堂娛綵祿
我留鎖闥傍青規
西山月照懷人夢
玉署櫻分琪樹枝
他日相思何所寄
記將蘿薜贈阿誰

懷別掌公世兄

勝友歡逢解佩裾
臨歧惆悵意何如
情深知己憐同調
心切瞻雲返舊廬
暮雨寒江遮太艇
秋風落

木伴離居蕞湖拜慶
某衣爛何日苦
賤寄錦書

衡汝澳同年成進士

憶昔連鳴宴啓選
與君邂逅歷山岬
經年魚素憐分袂
此日鶯遷喜竝枝
盡省香隨荀令坐
鼻比書引賓公癡
蜀山改上山名不減曲江好
記取長安走馬時

程沛霖兄倅信平

十年風雨共銀蟾
此日驪駒鳴玉珂
拜慶高堂娛書錦
分符大郡沐恩波
情深唯惜離尊淺
家近何

槐軒詩集

卷三 七言律

五

須客緒多初試邢
州先報續百花
山外聽絃歌

贈田子綸

年少才多可任誇
山東名秀屬君家
廉關王氣占星斗
德水搖光淨綺霞
世業能傳金紫貴
甲聲新起玉荆花
從今吉卜豪遊夢
不信東風鬢已華

譚玉章得告歸養

愛謝金門賦遂初
臨歧悵悵意何如
登堂親捧紫泥詔
還里俄驚墨綬車
湘浦芳蘭堪綉紉
佩碧山學士有精廬
陳情子職能無盡
豈獨當年美二疏

二

三載辭家事遠遊成名此日返江洲金蓮寶炬承
歡譙玉醴冰醪佐壽甌南國持衡推藻鑑西清雅
業讓風流他年會訪寒河墅或是山陰雪夜舟

送友司李淮陽

昔攀銅閣蜀岡險今踞長淮形勝雄天半峨眉傳
治績射陽洪澤水名表清風公餘耀筆鉢池囑政簡

安樂葛嶧桐君過胸山須借問郡曹今已頌千公

送均五兄之徐州度

槐軒詩集

卷三 七言律

五

秋風獵獵吹塵纓南陌臨歧壯此行萃墨亭空舒
嶺嘯雲龍山竊號霓旌與酣登微黃樓月懷古情
深睢水營因念大蘇為郡日聯床對雨記彭城

王雪洲過松金陵詩以問之

湘南江北塞鴻飛暮火分光映瑣闌憐我離群秋
水上如君多難古今稀思深碧草春心蕩望斷黃
梅雨雪霏何日旗亭重載酒金門連袂詠同歸

送別俞以除

臨歧握手不能分客裏寧堪復別群憐我將辭青

瑣闥送卿遠訪武夷君春明此日酌凍酒南紀他
年瞻薊雲無那離愁腸欲斷朔風燕鴈不堪聞

晏滄以木冰遠寄京師賦言為謝

見投曾重風人詠千里相將問石渠琳瑯芳名冠
爾雅木香酸味雜方書開函清漬芙蓉粉什服珍
圃護聖蔬祇此分甘慙乏報空齋何以答瓊琚

魯公莊

荏城北去望平原細艸幽花滿路繁佳氣蔥龍雲
擁市和風盤漾水為村鄉依高士名如鄭人入荒

槐軒詩集

卷三 七言律

五

林不記門猶有數椽祠碣在兒童父老祝琴尊

甲辰迎賀靜也辛丑成進士

十年風雨任編摩一日鶯鳴佩玉珂壯志於今新
脫穎微軀從此沐恩波荏山西墅饒佳氣涓水東
流注大阿幸有餘光分梓里扶搖鵬運欲如何

雨中桂樹

多情好雨為誰來端為催成仙桂開素餐亭事生
碧落天香漠漠下瑤臺庶幾不歇長如話瀟瀟徐
聞驚夢回欲向廣寒深處問一枝和露擬同栽

閨中詠紫薇花

桂子秋溪灩月華中庭賸有紫薇花香今上苑來
南國影接芳隣憶謝家夜靜卿雲永紫蓋日光湛
露浥黃麻幸逢群彥持衡鑑朗朗冰壺照艷葩

閨期憶舊 晚坐衡鑑堂憶家中諸昆弟

今宵深坐林園後念爾塲前擲管時冷雨短簷酣

戰夜 是日大 春蚕食葉甫成絲七章爛奪七裏錦

五漏香濃五桂枝遙憶歷山諸子弟寒裳載筆苦

追隨

槐軒詩集

卷五上言律

七

遊牛首山

翠微深處一鐘閒萬木橫參錦色斑直入白雲穿

曲磴 中有白 欲從天上覓人間大江橫帶擁螺髻

天闕中分鎖碧環岩際仙踪如可近應燒丹竈駐

蒼顏

贈朱夷公

先賢同里才名盛今見文孫才竝奇 蘭嶼公原 遜

我多年懷解佩憐君義氣重心知金陵藻譽推人

望深水家風嗣令儀自是鸞坡堪接武好從世業

得餘師

二

光庭遺業有君傳小萬家聲起後先玉海千尋占

斗氣錦心七步映花甄牛山間鮑元彤勝 公先望

山萱閣稱勝枝海筵 嘉平月為 學有淵源能濟美

還須努力祖生鞭

胡貞岩署中觀新劇

名園令節競芳華艷舞清歌出內家新曲譜成翻

玉樹衣光簇就妬琪花籬開叢菊紅粧靚香蕤栴

槐軒詩集

卷五上言律

七

蘭紫露斜自是主人能醉客細從深夜酌流霞

別王黃湄同年

與君邂逅廣陵城客邸梅花徹骨清石寺開尊初

度過 十月廿五日 浮山結伴故人情 寺東有浮山

相看雪色憐遲暮把劍霜華怨未平別後池

塘春艸綠阿誰不負歲寒盟

寄張子周同年孝廉

解佩河梁話別餘經年忽枉數行書知君饒有停

雲賦愧我曾無辟蠹魚玉署應為招隱地金門好

近故人車曲江計日秋華發倒屣登瀛問起予

冒辟疆贈詩依韻奉和

生來小草列清班接踵夔龍近 聖顏自愧雕蟲
鑠濟北謬承顙俊望鍾山揮毫雅羨人文蔚放志
能如桑者閑自是江南多秀彥梓喬傾蓋紀邦關

二

攜手論文梅發時朱闌畫閣雨如絲漫遊小徑尋
芳草頻向鸞臺卜翠簪今日聊從看射雉他年重
擬夢占黑疎狂少性宜深評不見樊川子滿枝

擬軒詩集

卷三 七言律

元

舟次寄懷友人

握手金陵二月餘別來惆悵意何如并州客舍故
人面牛渚歌吟處士廬月夜光搖湖水闊雲天望
渺鴈行疎春明池草年年綠夢破江南雙鯉魚

登萬壽閣

雨餘選勝問山家草綠西南一道斜布穀聲中收
麥浪合歡影底見榴花登高欲引蘇門嘯載酒還
同下澤車宿鳥窺人留我去願從劉阮飯胡麻

啖冰聖植限韻

清光不礙水晶簾沁肺寒香細細添雪嗽侵肌飛
玉液瑤華觸手散瓊籤頌來大內宜和酒分入家
家饅作鷄銷瘴炎天無事事石湖佳話且須拈

五日咏懷

玉堂佳事是何如坐有名花筍有書家在山陽雲
外眺節從地曠日中除芙蓉雨濺紅光靚來麥風
交翠浪疎更有桑間殊可憶離離紫萼入蠶簾

中秋次友人韻

條然長望次寥天迢遞明河一縷鮮京國中秋初

擬軒詩集

卷三 七言律

辛

此夕故園好月憶當年金閨寂寞霜絨怨別館淒
清錦瑟絃最是幽人甘獨寤夢中疑有鶴踟躕

二

客裏啣杯問月華多情若為舊烟霞今宵何處
忘爾偏我騷人不是家偶傍玉堂揮藻鳳闕隨墨
客學塗鴉團圓已擬黃花後星漢空瞻八月槎

九日館中次吳默庵韻

流光又已入重陽何處東籬可倒觴青女空傳寒
夜怨黃花拚負故園香當年寐寔愁衰病此日寧

驛付李商賈雨登高誰是伴獨憐玉署轉宵長

歲直寓署中

二

風雨滿城章此辰祇憑高臥對花神也知彭澤東
紳吏不似渭亭載筆臣舊侶音疎顙顙切鄉心日
暮往來頻揅莢共醉知何地應念長安滯客身

石麟山

解道多情戀翠微蒼藤白石掩松扉迎人峭壁雲
生面絕跡懸厓冷淦衣採藥仙童忝不返橘皮狂

槐軒詩集

卷三 七言律

五

吏醉忘歸卜居便擬從今始自笑廬山面已非

郡居對梅有懷

當年流寓西河湄今日對花還共思欲寄一枝恐
色老若為同看怨來遲軒窗寂寂娟娟月羌管敲
聲字字詩翹首不堪直北望鐵浮圖伴有荒祠

祀榆山先塋

和風挽袂到南岡此日登塋意差強鳳嶺鳳山名洞
前雲欲碧穀城山下石猶黃列峰碑兀不知主煙
樹蒼茫莫辨行他歲重遊興兆地狂呼錦水是吾

鄉

夏日邀友人園集不至次來韻

州州盃盤非綺羅習池那得醉顏酡呼來侍史皆
花友屏去笙簫聽鳥歌促坐頃忘炎日永披襟暫
假快風多玉人不至增長想款段何緣一再過

遲史戒菴宛西兄同飲文杏館

有客同來過野籬偶然花下一杆蒼鶯歌似越香
風輾鴉醉渾同喚雨癡曲水流觴競倡和西園雅
集韻參差多情最是金沙月勞我槐軒入夢思

槐軒詩集

卷三 七言律

五

觀花碑日影勵志

光風拂檻日遲遲花覆閑堦景移松碧飄香開
翠幌槐黃絢綵射緋帷惜陰漫自提先典愛日能
無慰素期勝地欣逢多所覓况經化雨有餘滋

二

圖書裝積重琳瑯入閣如聞花氣香處老木天明
玉蘭塵成太史鏤金箱升階曳履微宸聽退食
文心映日光惆悵招賢東觀地高吟不覺夕陰長
友人新賦小星戲東

盈盈明月憶來時
莖香融白雪
姿簫史樓中
雙鳳管朱門簾外一縷絲
情知波險尋桃葉
自信風狂約柳枝
儂歌緩歌三婦豔
恐教碧玉飲蛾眉

二

莫愁今已解愁無
兩雨波心浴羽雛
子夜歌成歡未厭
閑情賦就病如蘇
總耽洛浦憐交甫
設向青溪惜小姑
夏簟漏長人未寢
花陰潛立且踟躕

雨中次張瑤山見示

廉纖竟夜不聞雷
曉起披簾花盡開
餘夢好時留

槐軒詩集

卷三上言律

章

蕙圃芳心底事傍琴臺
回傳韻語捫蕉葉
閒向小牕發麝煤
回首當年河上日
幾番自哂等嬰孩

九日登高懷故園友人

遙望故園經幾秋
東籬何日醉同儔
狂呼大白浮桑落
歡逐良朋鼓宛丘
痛飲商飈迎玉館
追尋勝會集瀛洲
茲辰相憶登高巖
霜野閑林試茗甌

雪

六花競拂建章開
繡帶銀璫逐馬來
九陌塵沙淨不度
五城樓閣玉為臺
穿簾輕絮驚思婦
投簡揮

毫重賦才直為沙堤須避伏
相逢強半早朝四

登岱

巍巍岱宗迴處尊
千秋萬古仰天門
聲光列土皆臣伏
形勝諸藩盡纘恩
風雨神靈時上下
日星靈氣半涵吞
山容盡裏是見
欲效登壇祝大坤

二

天作雄藩鎮大東
五雲深處一宮容
萬靈受命歸元后
四海來賓呼上嵩
前修後聖方崇望
蚤秩先河

槐軒詩集

卷三上言律

章

三

洞天縹緲望中開
北斗千臨切上台
御帳還從龍峪出
白雲時繞日峰來
秦皇避雨碑無字
漢帝乾封禪有臺
遙想六龍巡幸日
山靈瑞靄自追陪

四

昔年曾夢岱華遊
飛步雲臺意未休
便欲凌風窺海嶠
即從觀日俯瀛洲
沙鷗渺渺汶河畔
宿霧濛濛梁父幽
幸自憑高時極目
層城十二望中收
雨中坐張永老得月亭

仲蔚築居石壁間身如桑者且開閣欲尋樂地唯
栽柳為訪丹崖更買山竹屋池塘欣清月岩扉籬
落不須關尊壚好慰秋風興問字先藏或酒還

謁關里

千秋大業首東魯百代人文仰岱宗杳茫環流洙
水澤閔宮想見燕居容奇觀故示當年檜靈氣長
留歷代松今日瞻依何竊幸高山仰止自知從

謁聖林

萬古聖人藏壽地今來謁拜慰平生松楸不改當

槐軒詩集

卷三 七言律

五

年色雨露常深過化清登閣依稀稀聞聲欲升堂琴
聲近容聲猶餘一種簞瓢意似有東山蔬水情

冬日過歷下

不見歷山已七年今來風物尚依然鵲華不改青
螺色白雪猶凝碧樹煙記向明湖聽曉唱好目池
月坐流泉雲霄屈指浮生事讀罷離騷欲問天

喜雪次友人韻 時有吉禮

瑤華璀璨玉書堂嘉客同來試舉觴絮咏謝家才
並懸玉開溫鏡鳳相將翟舞轉樓心月寶樹粧

成子夜霜最喜佳辰雙會合六花飛綴集中興

二

簾外香塵糝玉沙和風霏屑滿仙家瑤臺月熨金
屏曲蓮炬光搖琪樹花鳳管和鳴春早煖龍門留
賞興還奢刻溪今夜明如畫縞帶銀盃擁寶車

三

梅花點點入華筵玉署寒輝照錦川色晃珮琚連
綺幕光浮紫陌映花韞彩毫詞客來梁苑曲水蘭
塘種玉田盛會良宵增氣象天時人事慶交全

槐軒詩集

卷三 七言律

五

寄賀傅汶湄同年雙喜

聞君佳况喜融融玉燕蛾眉繡幃中麟夢已成三
鳳兆鴛羣又入百花叢試啼蕙澤佳人笑更托應
憐兩意同真可忘憂添事足阿翁醉舞菊籬東

喜種菊
多奇品

贈柳靖侯

別去風光已五年今來猶過薊門前多君義氣凌
霄立笑我癡頑附日邊燕額通侯隨意取麟圖大
業任仔肩阿戎寄語惠溪叟風雨牀頭手一編

送芳華年兄之通州

鳳城東望潞州城，繡幕仙郎北此行。
西指長安瞻日近，南臨渤海看雲生。
秋清雨霽明河潤，野闊花深竹馬迎。
珍重故人相憶切，瑤階咫尺待春卿。

西樵兄奉 詔山右

星軺計日到汾陽，鬱鬱雲山曙色蒼。
探古曾經窺石室，壯遊豈復嘆羊腸。
籌邊驛使占槎客，伏馬關門接大荒。
捧檄超承堂上悅，應携新咏滿歸囊。

送禮吉兄還里

槐軒詩集

卷十七 言律

七

燕門携手復聯床，歸去新年是故鄉。
計除夕甫有

弟道迢迢懷遠道，阿兄切切念風霜。
始可抵里

頌綵佩同登畫錦堂，京邸兩人猶作客離羣。
此日

倍思長

廣陵署中志懷遺西樵兄阮亭弟

賢書兩道出京畿，相遇維揚解客衣。
初集高堂同拜慶，更憐小謝又分闈。
天涯鴻雁方求侶，江上行雲暫背飛。
恰似彭城風雨夜，聯床未久已催歸。
時

典陳開弟以
武開之金陵

平山堂夕眺同賀天士

平山堂上望江南，芳草長楊綠未勻。
落曉蜀岡春水滿，空潭烟波縹緲綠。
差認遠嵐五岳綉，徬終有願湯後方外訪蘇軾。

維揚諸子邀遊紅橋次天士韻

伊人宛在集河湄，晴日芳林去不遲。
花送春風香鼎沸，水流曲澗綠差差。
蜀岡路近常携酒，山閣雲深共賦詩。
隋苑只今揚柳盡，雷塘芳艸總堪悲。

二

槐軒詩集

卷三 言律

七

日云暮矣醉忘歸，湯道今春樂事稀。
頻約看山情未厭，重來問柳願難違。
舫移碧鏡流雲葉，鏡趁香風戀錦衣。
為憶當年清夜月，臨春玉樹事全非。

金山

金山自古稱名勝，今日登臨始見奇。
突兀中天分楚越，峻嶒江畔奠祗樁。
朝宗萬國梯航日，拱衛神京鼎峙時。
自是金湯增氣象，海風不復到山陲。

甘露寺次杜牧之韻

快意凌風嶺上行，北山三寺最關情。
樊川有句題

江閣子晉無心吹玉笙
錢鑿坊真道者
小落鐘聲千秋霸業雄
京口勝地長留甘露名

多景樓

多景樓空景正幽
江天浩渺自東流
山連浮玉波光迴
地接滬門戍埃稠
異代才名重
蘇米當年勝跡說
孫劉登臨日暮多
懷古漁笛聲聲起
客愁

過丹陽登三義閣次壁間韻

壁中孤塔擬仙樓
散步來登練水頭
仰嘯層穹羅象緯
俯臨繡面鎖長流
欲窮遠岫還凭檻
暫訪名樓軒詩集

卷三 七言律

元

藍一繫舟何必刻溪重
返棹夕陽芳艸足淹留

四月始望得謁

曹夫子於魏里喜而有賦

五年落拓失春風
今日登堂喜不同
千里傳經趨絳幃
雲亭問宇起阿蒙
追隨鳳侶同遊洽
遙邇梁園躋景臨別久
情深何處寫筵開
宴坐燭花紅

戊申初度次袁中郎韻

時在松陵

少年駐得幾朱顏
且任長游五岳間
樂志東臯惟頌酒
探奇禹穴為看山
貪他冷况敲官况
學得心閒似水閒
四十年看又過流
行茲止亦潺湲

二

生來僻性本疎慵
老我雲烟岫幾重
路若違心行便怯
景能適意顧相從
何年入谷尋丹竈
到處逢人問赤松
歲破曉輪原不二
翠微深處立高峰

三

黑髮俄成雪
滿頭人稱矍鑠地
竹仙丹還瑤島原
無藥術訪蓬丘
別有天三柳不離
花柳外一生惟愛水
雲邊却愁顛倒荷
衣去且飽僧寮一
餉眠

四

槐軒詩集

卷三 七言律

辛

練花惠二滿山扉
手植庭槐已可圍
人跡遠迷蒼耳道
天寒深卷葛絺衣
潯野鶴吾同伴
一任南鵬自在飛
乘興刺溪時訪戴
垂綸不上子陵磯

再用富仙福州見懷原韻

福州相憶六年久
又值戊申初度時
海國樓連成淵別
江天悵望阻葭湄
客中寂寞愁無侶
篋底端詳空有詩
記取吳江新甲子
遭逢想亦屬前期

再用庚子京邸原韻示天士

客邸同羣聊進卮
素心人共話心期
場中作戲皆

因幻忙日耽閒為惜時
嘆子還看來北牖梅花
取向南枝江湖滿地如
人意相外雲邊一釣絲

二

遙醉家園酒一危
平江遲我誤佳期
團圓暗記當年會
樽酒歡開此一時
楊柳春陰還夏繁
鷓鴣北羽亦南枝
平生事：皆隨意
時往時來如緯絲

次友人韻

人生何處不浮塵
傾蓋相逢情自真
陽向郵亭尋快侶
趨來蘭若醉同隣
蒼苔短夜池塘曉
細雨和

龍軒詩集

卷三七言律

圭

風楊柳新知已
途窮情倍切
囊空誰復更愁貧

湖上有感

曾聞名勝說西湖
何事於今事：無夢裏六橋花
柳盡望中三竺寺
雲孤飛來石上留
狂象少保祠
前帝夜島一片冷
泉亭下水猶瀉
靈鷲舊峰圖

贈吳蘭次

仙郎為郡俯蒼溪
異代風流名與齊
清鑑長懸浮玉案
甘棠小憩見山西
碧欄堂上觀新政
墨妙亭前續舊題
訪戴歸來風滿棹
樊川綠葉草萋萋

寄友人

南北峰高霽月明
聖湖遙映使君清
匡床時有餘花落
竹閣唯聞乳雀鳴
綠雨桐桑柳徑滿
黃雲先黍晚香生
塘西處：聽絃頌
遙看除書下玉京

五日登虎丘寺塔同吳門諸子

虎阜層巖何處尋
浮圖五日快登臨
吳王霸業隨荒草
西子香洲漲綠陰
若水遙連吳會盡
澄湖近接越溪深
東南財賦還民力
憂國徒勞白傳心

錫山贈吳伯成

龍軒詩集

卷三七言律

圭

梁溪名勝擅三吳
况復清泉映太湖
沂水長通菴水澤
州牧龍山遠繪峴山圖
輜軒已拜彤廷詔

既卜行看玉簡符
買棹來遊因訪戴
棠陰處：滿

新都

放生池坐雨

浙雲飛過平江道
滌地煩蒸鬱未開
灑作銀絲霰
寶界散成瓊玉上
蓮臺龍峰夜色山
如墨
浣沼泉聲雨欲來
此日瞻雲頻致祝
孺悲痛後永南陵

日為 先慈修齋

閨園咏荷次天士韻

月姸雲中忽墮仙香安丹之水亭前若耶溪畔愁
無語太液池頭嬌欲嬌五夜明河傳麗影三星終
角映蟬娟清風不破驚鵲夢好與騷人伴酒眠月
下荷

二

凌波仙子漾雲來羅襪盈一鬱不開啼頰頰珠如
有怨芳心泥露湯相猜紅衣未落香愁改南浦多
情賦待裁狂客雨餘多寂寞殷勤遲爾一徘徊雨

擬軒詩集

卷三十七

五

中荷

淮浦答賀天士贈別

三春長夏快同遊此日臨歧動別愁君返高堂勤
定省千歸廬舍哭松楸江南濟北千山道燕去鴻
來八月秋執手叮嚀無限意百年心事惜前籌

別合陽兄

五年契濶話今宵春草池塘入夢遙兄向我嶺觀
竹馬弟還瑣闥聽簫韶長淮浩一縈離緒皎月盈
盈獎碧霄明日便從來路別河邊折盡綠楊條

待開通濟書祠碑冊後

當年利涉仰神功此日瞻祠拜舞同風送飛帆揚
冀北雲隨天馬渡江東文傳鉅鏤青箱古碑勒淮
黃篆籀工異代聲靈儼廟祀千秋普濟翕猶中

惠濟祠臺上夕眺

鎮日風狂浪作花江淮浦口湧晴沙甘羅城外連
天暗漂母坐邊落日斜雨渡前溪山帶紫雲開雲
葉月生華縱談徙倚忘歸路小棹鳴榔復軋鴉
七月一日次少陵題終明府水樓原韻

擬軒詩集

卷三十七

五

二

天積雨早生涼三日秋風到客棠舟渡大河原
野濶花開夾岸黍苗香雲生極浦添山翠水響蘭
橈助鼓黃屈指到家頻計日簾葭白露咏西方

袁生牛渚高吟日杜老終樓作賦時千古風流傳
雅話新秋景色又如茲野花野草爭娛目江北江
南半入詩更憶東山遊屐好梧陰荷畔坐彈碁

仲家淺謁 仲夫子廟

閨宮南望俯清流萬禩英風此地留應有靈光未

海岱遂無榛莽起東周治蒲已報三年績衛道長
深千載憂幸親遺容欽仰止重來水次一維舟

苦水舖旅舍題壁

五年五過貝州道此地重經欲斷腸岱嶺晴雲彌
望杏西山退谷早神傷清宵新月憐芳洲歲暮妻
風泣白楊衆是不堪回首處鵲鴿零落不成行

過德水留別雨來昆弟

三過鹿關情事殊此來何似去年無家園有夢頻
先到膝下承歡聊自娛遊子航吳猶作客二難絲

槐軒詩集

卷三 七言律

五

慈恩庭趨離羣念我西河日不為途窮泣路隅

新店旅舍用陸放翁韻

重來冒暑過高唐伏後霉天日正長特為登堂情
湯切偶狀近樹意先涼征鞍頻濕濯枝兩客袂如
侵香香舊地新悰難盡寫為誰復作少年狂

答同年孫止瀾贈別次原韻

黃花冷月澹秋暉攜手臨岐客思依兩袖清風傳
雅語十年學士賦初歸清溫夢遶高堂遠澤國遙
憐舊土非莫怪尊鱸淮海去平生元不羨輕肥

二

五載離懷清夢頻今來又見別愁新玉堂虛左千
秋業去國聊開此日身日送春明辭北闕心驚
射水念歸人不緣寂寞悲秋瘦一望行旌一損神

將出都答同年楊爾茂次韻

一從同學許心知對酒那堪是別卮憐我離群辭
闕日正逢飛雪暮冬時當前饒有千杯醉此後應
餘百種思祇為家山堪嘯傲與君未敢道還期

訓同年孫作庭贈別

槐軒詩集

卷三 七言律

五

征軺薄暮出樊關泣別慙為遊子顏青瑣幾朝辭
禁闥白雲計日望家山祇圖菽水承歡讌贏得清
風滿袖還無奈離群增慨歎年來應見二毛斑

梅花次聞遠韻

雪裏梅開憶往年上林艷色正爭妍雙鬟好勸旗
亭酒快友如逢剡水船思到羅浮尋仄徑更披鶴
羽踏花田梁園授簡誰先賦待爾頻揮玉版箋

二

梅妝偏共日光明不數丹葩與紫莖入座誰知芳

味淡披帷獨對晚香清幽姿欲奪瑤臺艷素影如
搖雪悅輕吹笛為拈樓角詠霜華又見映堦平

友人遺一嘉栢植之園中賦謝

山人念我草堂寬嘉樹移將植藥欄昔記折梅逢
遠使今還借竹報平安葉齊自共松栢古枝弱能
禁霜雪寒傳與兒童須記憶十圍成畝是奇觀

夜坐舊槐軒有述

十年前在此中坐今日迴腸更若何骨肉伶仃歡
聚少底闌索寞苦愁多手栽楊柳皆成樹簷甍錫

槐軒詩集

卷三七言律

五

鵬不設羅一賤一貧閒較論半生壯志已消磨

已酉初度答寓仙為壽用原韵

去歲吳江花月夜紅枝碧韭憶前時槐軒講肄三
年業宿谷維舟二水湄京邸重增僑寓記西原難
讀蓼莪詩孤山三下多瑤州携手同尋是所期

附寓仙原詩

重来京邸逢君壽剪韭烹羹似往時憶在柳橋紅
荔听情長宿谷太湖湄名山近贈白雲記秋葉新
鈔述志詩瀾北春芝潔如雪孤山采藥有前期

出都門有懷

清風送客出城東回首金門路不同禾黍荒、新
羽葆鳴蟬豈、雜絲桐家山望去三槐近足馬歸
來兩袖空天上故人情倍切幾回夢破五雲中

潞州南郭聞蟬

一年一度此中聞一度一聲秋色分噤、清音吟
落葉悠、餘韻遠行雲東城楊柳重經別南陌離
觴日又照忽憶故園今可到池頭佳樹正宜君

雨中坐槐軒和天士韻

槐軒詩集

卷三七言律

五

晚雨涼生客未來槐軒獨坐思悠哉珠星池面盈
盈現花逼簾櫳處、開快意奇書時展讀故人遠
訊語多猶靜未始識閒中好不道東山有舊梅

奉寄梁大宗伯次見贈原韻

九重丹詔賚樵漁特向山中問起居鳳闕爭看司
馬相龍門再上太平書側聞宣室虛前席未許南
陽卧舊廬四海蒼生翹望切傳嚴霖雨定何如

宗伯新膺 特召

天士將遊燕以詩別予次韻贈之

脩然長望薊雲天渺渺鴻飛渡煙千里登堂睹
有母兩年同夢我居偏鴈行零落憐王勃絳綵承
歡憶惠連春晚辭家秋始晤相看那得不情牽

二

聞君促駕指燕京無那離愁百感生知己分飛雲
路杳故人重話泰階平蕭條下里秋風入寂寞寒
塘午月清不是閒中偏惜別解龜賀監自多情

次屏間程端伯韻

何時移杖駐雲堆取次登臨眼倍開石上看花晴

槐軒詩集

卷三

三

若雨洞中呼鳥靜聞雷快書讀罷猶三復愁緒忘
時眠幾回盡日倚欄無別事長將松竹蔭臆裁

馬莊春雨

賓王先生故里

東郊霽霽濕晴沙柳綠花明一道斜鳩婦呼風歌
別苑漁簑貰酒寄隣家堂開北海樽常滿跡斷羊
求途不諱惟有溪翁荒園畔青門自種召平瓜

曹南看牡丹

應二花間薄暮回名花似為賞心開沉香亭畔
粧立百寶欄邊舞珮來勝地重開錦步障多情欲

築避風臺深宮倘索金錢稿誰疑青蓮供奉才

二

花王果自冠羣芳媚媚春風細細香飛燕輕盈疑
掌上玉妃豔冶舞霓裳清平樂府傳新調富貴名
葩獨擅場莫怪少年狂若醉馬蹄終日為君忙

三

國艷名香絕代姿偶從寶檻露風儀嘉名錫自開
元日貴品成於洛下時石氏漫誇金谷麗趙家不
數漢宮肌每嫌花史多輕薄譜作楊妃與玉兒

槐軒詩集

卷三

四

巢雲園戲集牡丹名

爛醉花前醉不休巢雲松徑足淹留瑤池仙子交
無手錦帳芙蓉解並頭百寶欄干裝作砌六朝金
粉結為樓主人知我情無厭月落花蹊夢未周
夏日同林郎山閣仲朗遊月巖汎觴泉上分

韻

新霽涼生梅子天同人訪勝到林泉東崑好月千
秋滿北澗寒流一道懸樹色侵衣飄翠帶石痕經
雨長苔錢明公為政清如許騰有新聲破曉煙

戊巳山邊草色萋東林發齒試新泥泉名巖月十
分碧鐘號鳬亭盡日低巢燕窺人如帶酒遊魚習
靜欲忘溪故人岩畔曾遺墨弔古同來路轉迷上泉

次無聲上人留別韻

春入此塘草色青野人相對自忘形門臨大路來
蒼鶴坐抱遙峰探翠屏鳥落新聲隨化雨月移芳
樹可中庭喜聞靜演三車秘話到更深問客星

槐軒詩集

卷三 七言律

望

耐冬花

海國山中點綺霞移來近植野人家時于雪塢聯
紅葉好向梅腮映素葩性帶紛華偏耐冷生憎逐
熱蚤呈嬌愛君長結歲寒契老對青樽舞影斜

寄懷陳椒峰

美人不見五年餘聞道錫池方著書午夜添香開
秘笈兩行然燭擁紅葉湖通震澤八千頃山沈夫
椒西望舒為託季真傳別訊好憑歸雁寄雙魚

庚戌和寓仙初度前韻

常年初度逢今日燕邸吳淞憶往時花看曹南如
上苑觴流曲水等河湓情深默喻芝蘭氣思切難
忘倡和詩天隱還山終有待與君不敢問前期

又辛亥

年年此日垂君顧槐里開園又一時散髮披襟安
石壑水蘭文杏輞川湄清風慰我青樽月知已重
吟白露詩倒屣春明同話舊相逢又是隔年期

壬子六月念三曰次原韻祝寓仙

三載家園達此日煙巒深處介眉時西子客舍崇

槐軒詩集

卷三 七言律

望

桑牖東閣開尊曲水湄名滿八紘身若寄貌同四
皓畫中詩如君松栢直難比可是南山有後期

二

一從高卧博陵豎回首雲山已昔時解珮難逢洛
浦岍浣紗空待錦江湄感君瑱玉能相磋慰我離
愁騰有詩何日尚平諧夙願采芝攜手問安期

癸丑初度答來韻

今年初度京華日回憶西軒歡聚時千里鵷羣來

竹浦是日竹浦有三台錫爵耀河湄初有別韻

函惠我蓬壺詠尺素懷君明月詩獨有南翔名未
卜何時繫綵問佳期

又次舊韻為寓仙祝

疎雨涼宵堅獨坐為懷良友覽揆時閒園賒我槐
軒月宿谷遲君濟水湄楊柳多情唯惜別芙蓉有
豔待催詩即今已是瞻然叟可得鷄鳴再後期

甲寅和舊韻

憶君屈指來初度無那溪山正好時燕婉鳴琴西
閣第鷗盟戢羽北河湄懷人不阻鄉關夢開篋重

槐軒詩集

卷三 七言律 聖

吟幾素詩自是關心情倍切西山風雨卜秋期

六月六日喜雨預祝寓仙

雲漢昭回憂曠日池塘快雨憶人時九衢漠漠塵
交轂八月泠泠竹映湄蓬嶼芝承青鳥翰汶河琴
奏綠蘿詩可知今夕歲前度酌斗彝眉好合期

乙卯依舊韻寄祝寓仙

霖雨連朝繫我思仙翁覽揆正今時五年携笑西
平道三伏朗吟東郭湄德耀齊眉青玉案少陵岸
憤浣花詩欲舉瑤草當瓜棗為卜三山未果期

過門頭村次袁中郎韻

看山迢遞入青門忽問門頭即此村新刹幾年成
舊壘石垣經雨長苔痕秋深風少草猶碧路曲雲
多氣自溫指當年聯袂友同遊寥落已銷魂

藏臺賜宴汎舟觀荷恭紀

藏洲展讌傍清流蒲帳風來四面周花接芳筵香
入袂雲依水榭登為樓太液池內有水雲榭聖心歡豫臣鄰

洽天語春溫禮數優所媿涓埃難報稱瑤池何
幸快同遊

槐軒詩集

卷三 七言律 聖

二

聖朝喜起湛恩濃錫宴躬親下九重地近雲霄多
雨露筵開水殿對芙蓉翠虬擁日趨宸幄碧嶂
含風出禁松閣苑欣隨鴛鴦集願廣魚藻祝華封

恩榮與宴紀事 癸丑三月廿五日

十年未預南宮宴今日欣逢盛典開癸卯千役江
南後今已十
有一聖主開門勤顯俊清時策治重掄才恩榮隴
塔題名日樂奏鈞天舞隊來宴上儀高猶記當年
紅餅案兩行玉筍對啣杯

癸丑七月十二日耀兒生日作

耀兒初度八生日正是中元節近時庭桂森森依

王砌琅玕歷歷長孫枝兩經初授傳家訓是日始

忠二史篆重披念世道即前試周待得崢嶸競露

典漫誇摘藻鳳皇池

御試後荅程正甫見懷韻

簪筆慚為侍從臣臺垣並試事爭新媿無謹論酬

清問何有奇談慰故人幸附青雲傳秘笈還從

丹陸近

楓宸

是日試于保和殿中依寶座旁

太平有象重輪

槐軒詩集

卷三

四

日四海謳歌向化真

又和李星來韻

白帝乘秋序章徂故人芳訊入清都羨君高詠東

籬萬愧我頻遷左掖梧寒訝今聞懷古道姜蛇退

食自公趨空然載筆承明舍何事重離索罔珠

武關即事和馮相國見示之作

鳳闕追隨拜舞同麟庭趣送轅關中喜從台閣窺

天象共沐恩波咏大風摸索有心光盛典網羅無

計覓英雄深慚兼火分餘照宴坐奎堂秉燭紅堂

金粟

又和陳學士說巖韻

初奉恩綸寵若驚兩闈校試慰平生癸卯江南之

爭同然鎖院丹鉛事敢道公門桃李情桂子香凝

中夜龍菊花萼綻日華明步趨喜共同今後細閱

縹緗已數更

初春萬柳堂看雪和亦園主人原韻

帝城積雪明東嶺暇日衝寒來索詩屋角疎梅方

吐萼池邊嫩柳已分絲千橋有意盟泉石栗里何

槐軒詩集

卷三

四

心厭蒹葭自笑癡頑無所似襄陽野客憶今時

二

作意尋春路不遙小壘香徑倚山楸名園絕勝華

林苑曲水還通宛轉橋萬柳堂開臨綠野三芝谷

秀長新條可知上相調元日晴雪陽和景倍饒

辛丑冬偕友人遊西山煙霞窟耿又樸題名

壁間癸丑秋重遊退谷見張素存又題名

于左因悵然有懷

遙憶美人江水湄西巖倚壁夕陽時去年蟻展

懷之此日登高還杖藜錢裴城邊逢古寺金山步
上咏新詩相憐何日重相晤悵望寒雲牘有思

初夏偕李湘北太史張致堂比部謝方山舍

人吳棠之陳緯雲浦鵬盟三太學及二子

看摩訶菴丁香分韻

摩訶石壁訪遺文選日披圖摹右軍韻士聯翩皆
玉筍綺言賦就比蘭薰瑞林瑞現飄金粟琪樹香
蘭化絲雲宴坐瑤階吟未足清芬猶自夢中聞

二

懷新文集

卷三 七言詩

早

西洞散步指平阜携侶登臨興頗豪但得良辰饒
樂事何須痛飲讀離騷庭聯玉樹懷仙珮筵接芳
鄰集鳳毛有意尋芳尋便得狂吟不惜醉松醪

夏日同越辰六歸孝儀兩孝廉看摩訶庵西

園杏實賦贈

紺園榴月杏初紅映日嬌然別颯風耻與天桃半
斌媚好同丹柰聞聰瓊含章殿裏花全發南海洲
邊錦作蕤轉憶上林春第早雙珂璀璨五雲中

七言排律

觀平定雲南露布恭詠 館課

天祚熙朝景運長赫然整旅震遐荒車書已洽隴
蜀傲尉埃全收緬雙鄉自是廟謀多勝算豈容
伏莽久披猖雕戈一指機槍靖旅矢三驅校克歲
六詔削平通禹貢百蠻底定徹周疆昆明磨劍平
池綠天耳也營落日黃黃以隨車充寶賁桐花夾
道助戎裝彩雲冉冉見星河燦瘴氣全清日月光
看鐵橋天馬度還欽銅柱今名揚伏波坐鎮威殊
輒軒詩集 卷二 七言排律 五

賀高陽李相國館師誕舉仲孫

泰階上相重調元和氣詵詵集德門累葉綠綸光
濟美宗支瑜珥渥承恩相門有相克繩武孫子為
孫永裕昆蘭慈叢生齊玉樹綵衣繞膝舞金罇中
即早歲初宜子伯氏今年喜抱孫巖桂香凝彌莢
月蘼蕪羅秀長葵暄瀛州間氣鍾人瑞濡水環流
徹帝閣百藥承家專制誥孝基登第並魁垣面
如田字封侯兆骨扶仙姿德器敦五色賦成登甲
桑六歲獻罷荷綸溫贊皇閣閱家聲舊平棘熟庸
槐軒詩集 卷三 七言排律 予

槐軒詩集 卷三 七言排律 予

地望尊家號書樓宗必大門通祭社尤繁金斯
從此發祥遠麟鳳他年祚蕃千里神駒稱令器
九秋雕鶚看高騫韋平佐命登黃閣房杜匡時席
錦韞為頌升恒同日月薦生芝秀譜華軒



槐軒詩集卷之四

莊山王曰高北山著

五言絕句

野步尋杏花

尋春入杏林花發一何早憐爾翩翩姿相看人未
老

西陂道中

走馬芳洲曲綠草深於染不聞人語聲但見平煙
遠

槐軒詩集

卷四 五言絕句

一

又

炙背斜陽暮快哉松風下挂袂柔桑枝長條堪繫
馬

又

荒村四五家是向厭兵道野老自疏畦一犬出籬
小

又

道上行人點點在碧波中水明草未綠野草尚叢
叢

西陂秋日

秋深木欲籜葉似綃聚薄衣色一痕同入林煙漠

二

疎林葉半紅牆底草餘碧秋色正堪圖茅黃誠可

新竹

試看南牕竹抽梢已過牆侏儒饒勁節何似此君

槐軒詩集

卷四 五言絕句

一

夢中得詩

有意從虛舟無心作泰芻茫茫身幾許天地一江

西陂嘗甚

笛上蚤將老枝間甚已熟不如故園樹采采堪充

中秋朔夜夢 韓夫子

潛江無來問今宵入夢中頻頻心不寐望斷南歸

歲暮題古槐

蒼蒼故國望勁幹吼風雷好護三公栢宜珍梁棟

清明上冢

青青陵上栢盈盈已堪把相對不知哀潛然淚暗

雪霽

踏雪尋歸路朗如行玉山寒空一目盡萬里咫尺

槐軒詩集

卷四 五言絕句

三

偶見

圓荷如掌大時有小蛙坐雌雄在山梁共之便一

書感

不見可語人頻思可語者祇恐相見時期期喉欲

七言絕句

錦荔枝

錦色離離子滿枝上林風物正當時漫言此味田
家慣夢入中宮頻錫兒

官道柳

天空雲爭露溥時草色青黃木葉乘人去人來堤
畔路年年樹蔭不知移

夢晤兆麟友人

清曉同人入夢來平生歡笑總無猜三年別後情

槐軒詩集

卷四 七言絕句

四

深念話到晨鐘始放迴

二

憶昔招尋林下行南邨溪更舊知名而今遙望在
山墅風雨床頭一卷清

夜步蓮塘詰朝而主人索花

君家占斷好蓮陂涼月疎風枕簟宜狂客歸來渾
不寐幸分冰盃夜舒枝

詠梔子

芳名自昔詠同心何事無言意轉深自是香濃牽

夢遠不教狂蝶惱春林

二

金墉花發石梁西山疊竹香月照泥暹共幽蘭清
澗畔星星寒露幾枝低

滁陽道中

行過江南十數程風光曾不異燕京瞥眴轉入滁
州路能使行人倦眼明

二

千巖聳翠絕飛埃萬木陰森雨未開便欲結廬依

槐軒詩集

卷四 七言絕句

五

此地攬衣拄杖永裴徊

三

汨汨溪派是霞間萬山樹色鎖深雲環滁默憶醉
翁記倚杖還思靖節君

四

衝柳穿花問野居主人無事樂樵漁那知道上客
心急冒雨雙旌過小渠

過新嘉驛和壁間韻

沃日勞勞逐陌塵夕陽一覺即閒身牆陰忽見題

紅怨辜負穠華四十春

按原記萬曆四十一年閏事迄今四十餘載矣

二

乘傳南來是壯遊新嘉小驛路悠悠朝歡暮樂等閒事不為愁人亦白頭

三

含情默默語阿誰憔悴花枝兀自悲負腹將軍誠可棄空餘哀怨古今乘

偶感遺事

月夜芳魂影共隨斜封相向野花枝春來空有長

槐軒詩集

卷四 火官院句

本

生草腸斷人間薄命時

入關即事

門吏持來三尺書封條一道貼肩與恰如綵轎新迎婦未審妍媸定何如

二

十棒傳鐮進玉街千門萬戶擁香娃負販兒童渾不訝挨肩爭近虎頭牌

三

依舊封與入院門太守堂前揖撫尊萬人如堵圍

公座爭道三台近紫垣

四

蟻隊如山人不開喧喧呵道使君來兩街桃李皆新樹誰向瓊林舊日栽

五

頭踏雙水入院門至公衙鑑內簾名堂兩司閤案頭先設紅綾餅粒飯絲衣主恩

六

回想燈窗困蠹年即今何異小遊仙寸心清夜期

槐軒詩集

卷四 火官院句

本

無負敬念君親等二天

西陂雜詠

憶昔驅車經此地繁疆楊柳下低枝而今老矣都忘却唯有槎牙似舊時

二

天清露重草離離葉密蟬鳴花盡時記取當年郎去路垂楊繫馬最高枝

柳蔭憶舊

昔年跋涉此曾過今夕平輿度遠波未黍秋風看

積翠青青道左柳陰多

菊月夜歸自郡

風定林間霧蔭肥
霜華似欲沁人衣
今宵恐負東籬興
為愛月明信馬歸

樂望夜

月華三五正盈盈
簫鼓遙傳雲外聲
曉色籠蔥花氣釀
芙蓉一樹傍堦明

二

月明風定太橋西
遠聽簫聲渡若溪
一夜不眠緣轡轉
譯集

卷四 七言絕句 八

底事星河漸近曉
落低

春宵

長向春風帶笑看
素馨花氣滿欄干
朝來取次開多少
妬雨桃紅不耐寒

夜起

客邸重經午夜霜
新知人瑞舊眠床
此行不盡刻中興
竹裏吹簫引鳳凰

玉簪花

玉貌冰姿潤不如
木籬蘭薄月華初
幽香不喜聞

娃佩好與騷人伴讀書

催粧詞和友人

梅花發後見嬋娟
繡戶香風不問年
角枕錦衾雙婉孌
從教日影度花磚

二

一夜香風羅帳開
明璫未卸倚粧臺
熨寒臘有子京臂
知是巫雲夢裏來

三

火珠龍劍寶笄搖
夾道青槐玉作橋
燒徹石香香槐轉
詩集

卷四 七言絕句 九

滿路文園渴病一時消

次友人韻

珮聲遙曳下瑤臺
解道辟寒復辟埃
煎甲塵霄明夜火
為傳千里度針來

二

花燭盈盈照玉釭
瓊瓊國艷自無雙
竹枝譜作芳樓詠
不數峨眉與錦江

新婦薛姓故用芳樓等事

懷栢齋友人

栢齋今亦草萊無
花底蟬聲鳥語孤
應得月明入

靜淡讀醫痛飲且呼靈

題龍虎圖

蒼生萬里嘆波濤
洒潤乘雲不憚勞
待得普天承雨露
身名依舊列仙曹

又

大人未變伏名山
且放光芒毫尾間
一嘯乘風百獸震
任他狐貉不能攀

獨酌松陰下

幽人幽興倚激風
長憶當年桑梓翁
野鳥飛鳴明

楓軒詩集

卷四 十

鏡裏松花搖落酒杯中
書所觸

二

謫仙自與世人疎
賴爾高文一起予
莫道無情能解意
却來乳鳥竊窺書
時讀青蓮集有雀來松枝

三

故園花木滿籬生
何事游人苦遠行
應想諸君懷別恨
緘情寄與晚來鶯
諸君謂花木也如子猷呼竹耳

嘗麥

龍頭麥浪穀如倫
客裏銷愁亦飲新
改火為憐田

唆語何年倖穀禮高真

漁樵圖

一葉扁舟蘆荻裏
兩行飛鴈白雲邊
艸頭載得書千卷
醉後微吟小洞仙

又

艾却荆榛與白茅
歸來負鼎學烹庖
等閑大展開山手
揮塵成風百二郊

風前玩水

誰信此間有至文
一波吹皺渾不分
世間無物堪

楓軒詩集

卷四 七言絕句 七

為似唯有青山可對君

投詩清流

逝者如斯自不休
臨淵作賦解窮愁
書成更欲陽侯見
契念還同漢水流

旭日

顏盪初浴若華枝
玉燭金輝出震時
會馭六龍開八極
山河大地總無私

憶晏滄齋中芍藥

花艷廣陵態欲僂
客中相憶不相延
昔年花癖今

何似羞對名香祇自憐

蜻蜒

羽短身輕生力微
爭隨晴日弄暉暉
飄颻上下緣何事
一任迎風自在飛

又

漁桁衙門到處移
天光日霽爾何之
尤憐細瑣無情性
不共啼鴛惱夢思

荷初作花

小蓮出水初如筆
密密滿塘大似盆
翠蓋朱華相

槐軒詩集

卷四 七言絕句 十三

映好月明風細對芳樽

詠蓮

亭亭自立碧波中
一炬承天映日紅
美爾香開秋色曙
不教搖蕩任西風

謝友人惠白蓮

雨中分得數荷來
池面屏前兩兩開
應是東君能愛護
忍教素艷惹塵埃

默巖舟將發以書却寄并示一絕即酌奉酬

志別

羨君此去若登仙
歸到家山只愛禪
報道一聲開纜去
何時重繫木蘭船

二

風骨珊珊本謫仙
秘書一卷類參禪
好風送爾江南去
悵望離人明月船

默巖原倡

一生癡極笑頑仙
徹骨清風不是禪
黃鳥一聲船子去
可能顛倒米家船

史館寄懷

槐軒詩集

卷四 七言絕句 十三

滴瀝簷聲晚愈敷
唧唧五悵爾憶離羣
今宵誰竟東牕夢
剪燭何時一誦文

過徐君祠

揖讓風高天下難
死生誰復念盟寒
墓枝挂劍情無盡
知是先生取友端

下相城頂王廟

大風歌散已千秋
蓋世魂消暮雨愁
嗚咽祇今墟下水
黃河日夜恨東流

登金山

浮雲漠漠映江流，萬里長波一望收。
遙憶神京如晤對，衣冠明日拜宸旒。

明日為萬壽節

二

中流一柱大江橫，天作坤維鎮兩京。
浮玉山名原自雅，却嫌多事是今名。

多景樓

江天一望思依依，縹緲如同鶴鶴飛。
千里雲山時極目，不知爽氣入征衣。

焦山

龍軒詩集

卷四 七言絕句 五

吸江一望俯岩光，目斷東南萬里潮。
若得此中堪避世，願從丹竈斲松燒。

三詔洞焦處士像

三召起車堅不起，翻留遺像在人間。
海門東去蒼人境，名姓何緣借此山。

過丹陽徐偃王廟

生前茅土竟如何，沒後香煙此處多。
却笑當年穆天子，瑤池八駿枉奔波。

牡丹

不是愛花偏有癖，祇緣嬌艷或難親。
名花傾國渾閒事，醉倒花前可許人。

二

嬌容艷冶洵天工，一出羣芳果不同。
若使連宵當對卧，肯教容易別春風。

過天士別業

細雨濛濛江上村，寤思千里始登門。
東園載酒看花去，不復前溪辨早昏。

坐悟石軒

龍軒詩集

卷四 七言絕句 五

樹色山光接袂來，行人石上每徘徊。
當年說法人何在，頑石依然長碧苔。

吳興道中

菱湖西畔翠千重，遠近雲巒時淡濃。
屏翳也知施畫法，故將微雨洒高峰。

二

茗溪一夜瀟湘雨，飛作南崖點石林。
不解騷人愁底事，孤舟疏水漾琴心。

河勛即事

宴罷城西日已曛
蘭舟載酒櫓聲聞
當年孫楚人何在
錦水遙添月色紋

過露筋祠

露筋祠畔水融融
兩過秦郎一繫鐘
印久曾同雙竹弟過此
惆悵大姑山下路
至今猶自咽西風

宿預湖 在宿遷

湖光瀲灩汎輕舸
春日江南景色饒
山際水明風日好
采蘭士女漫乘潮

二

槐軒詩集

卷四 七言絕句 七

蔚藍山色印湖光
水碧連天一帶長
數點孤村無遠近
漁家晚棹集橫塘

三

一湖春水綠於秋
杜若汀邊一葉舟
兩岸青山渾不辨
就中潔白是沙鷗

平橋道中口占

二月江頭楊柳絲
春風拂亂一枝枝
飄揚可似隋堤日
相見當年錦纜時

二

白馬湖頭送客頻
今年又見一回新
天桃紅杏知無數
除却柔條不是春

湖北大槐

大樹湖北何處尋
殘柯一片到于今
樹一技似刻舟有石撐之
五陵秋色寒煙裏
不及山中歲月深

二

爐刻崇寧不記年
此槐應在崇寧前
摩挲老大千年物
值得山翁一餉眠
樹下石爐上有崇寧年號
湖上為張星老別墅有碣記之

槐軒詩集

卷四 七言絕句 十七

武陽書舍聞隔鄰紡績聲

苦憶當年困故襦
高堂五夜辟寒爐
而今風木餘深痛
紡績聲聞淚更濡

阿井

魚山東望是陽城
阿井亭空塵滿纓
下兩桐碑尋古事
依稀猶識魯王名

內城道中

柳綠波明碧似紗
萬條風裏一行斜
鼓樓西角第三巷
猶喜牆頭見杏花

二

駸：踏通軟紅塵柳眼榆錢取次新遙憶杏園如
錦艷輪君花史為探春

出都口占

廣渠門外草芊芊禾黍清風古道前回望長安雲
漸杳故人多在五雲邊

曹南看牡丹四首

自古名花說牡丹開時車馬動長安而今冷落花
王甚千里尋芳一道寒

楊柳詩集

卷四七 曹南看牡丹

二

牡丹時節好風光穀雨遊頭花事忙萬紫千紅爭
獻媚欄邊先識御衣黃

三

洛陽自昔擅芳業姚魏天香冠六宮一見曹南三
百種後今不數洛花紅

四

偶後庭下見紅芳勾引春風千里裝遮莫旁人傳
作笑一生偏是為花狂

曹南牡丹譜

花王 深紅色

艷姿真足冠群芳三聚同妍開麗粧自是天工誇
國色香名端不愧花王

獨占先春 紅色

占得春風第一名何人不唱麗人行嬌羞欲破難
留豔故把柔香倚砌生

一簇錦 淺紅色

為憐錦繡特先開仙子霓裳緩步來縱有海棠烘

楊柳詩集

卷四七 曹南看牡丹

日醉誰能貌得繪天才

瀛洲萃錦 紅色

謫仙何日步瀛洲分得天香第一籌白玉堂中曾
晤面杏園花史特風流

天香湛露 白色

冰肌玉骨自僊僊一片瑤華色逾妍待得更深香
氣足和煙籠月沐嬋娟

錦帳芙蓉 淡粉紅色

國色天姿迥不同穠華艷冶任天工相逢却向瑤

臺瓦繡被香寒午夜中

寒潭月 白色

一種清光本自全，
秋和雨護花天。
忽然明月來仙苑，
照得瓊枝顆顆圓。

銅雀春 綠紅

二喬已擅吳宮艷，
何事東南別有春。
笑殺百花爭鬪色，
芳鄰應念阮家貧。

飛燕新粧 淺粉色

國色羞同閨秀名，
昭陽殿裏逗輕盈。
日華偏照晨

槐軒詩集

卷四 古詩 七

二十

光艷獨立漢宮太，
悠生

蜀江錦 淺紅

濯錦江邊春滿溪，
美人鎮日倚亭西。
不知年少緣何事，
揮盡鱗箋醉欲迷。

五瑞玉 粉色

嘉名錫自天章閣，
玉質遙從畫裏傳。
芳潔不同凡品，
艷瑤臺月下影娟娟。

苜蓿花

紛紛細瑣也爭奇，
艷艷平田香綻時。
當日不隨天馬至，
漢家沙苑有誰知。

二

四月清和花事殘，
薔薇芍藥滿欄干。
誰憐野外錦香蕊，
採供先生白玉盤。

五雲齋柳

牕下垂垂見柳絲，
飄揚不斷帶金枝。
雖然不是隋家種，
也有長條踈地時。

槐軒詩集

卷四 古詩 七

三

二

孤山園裏梅千樹，
鏡水湖邊蓮一池。
不及先生自種柳，
風清月夜小吟時。

石經山

石經臺畔望桑乾，
天外黃雲漠漠寒。
萬里朝宗何處所，
不知龍向此中蟠。

退谷

迤邐看山來退谷，
退翁亭上住閒雲。
流觴此地人如舊，
可有新詩得報君。

次壁間韻

登高極目翠千重遠近雲嵐時淡濃知是仙翁招

隱地喬松如蓋在西峰對岸有金章宗避雨松

憶家山

蕭蕭落葉任西風千里家山入望中遙憶孤山桵

藥處鋤茅結宇近墻東

夢中得句

入門小憩如離險飯罷禪床一覺回夜半風濤來

枕上似驚退谷起雲雷

槐軒詩集

卷四 古詩

五

送汶涓出廣寧門西南路望西山峰巒秀美

有懷天士鐵樵四兄

客路塵飛翠靄重新蟬柳蔭快相從憶君屐齒留

山嶽知在雲中第幾峰

漫占

山中石丈別來久蒨圃松筠半未長滿架詩書讀

不得更於何處問行藏

玉署舊作

玉署清暇待瑣闌枝枝篩影綠陰肥槐軒夢到家

山月自起開箱著舊衣

槐軒詩集

卷四 七言絕

三

愧軒文集卷之五

莊山王曰高北山著

賦

春雪賦

璿衡肇序青帝乘權屢豐表瑞歲省正愆同雲漢
布玉霰曼延既紛紛而奕奕復颺颺而翩翩普遂
迤於山側翳飄緲乎林端襍霖霖以助潤盪氛埃
而呈鮮既優既渥亦足亦霑誠大有之休應識降
康之自天田畯志喜吐人載譔太史書稔樂正歆
權軒文集 卷五 春雪賦一

綸美盈尺之珠玉嘆嘉瑞之何多彼夫綏然若絮
皦兮非花標六出之麗藥兆三白之葦車裝梅塢
於俄頃老螺髻于嵯岬萬玉堆中不辨山陰之迤
千林盡裏遙知高臥之家宿麦連雲皓鶴翔而濯
魄寒松落月素鵬歸而驚極想綽約於姑射擬白
露之蒹葭望玉門於葱嶺皎赤城之流霞若迺瓊
臺玉宇貝闕珠宮飛琪樹之璀璨綴瑤草之玲瓏
訝落英之飄砌欣舞絮之迴風亦有騷人墨客鴻
儒巨公授蘭瑤除梅藻續工抽秘思于彩管引逸

調於新桐追黃竹之軌響步危園之餘蹤入簾度

幌擬楊花之輕纖縞帶銀盃逐玉塵之冥濛諒隨

在而呈質樂喜事於天公爾其土膏晫發惠風初

動黛艸將播青旂肅令連阡並陌委巷堆徑沃野

平鋪溝塍斜橫千畝同色萬頃光靚懿哉五穀之

精七矣三農之慶聖王於是下勸耕之詔行補賑

之典戒星言之駕勞浥露之晷履溫知寒重裘而

念無褐行慶施惠周廬以給下腴有義丈而非瑞

無封條之或沴於皇來牟而將受俸彼甫田而沃

權軒文集

卷五 春雪賦二

二

衍觀甘雪之目時慶渥澤之無私被大地而靡垠

荷元工之厚慈稽農祥於幽雅咏來思于周詩叶

陽春之雅奏儼幽蘭以按詞曠觀夫萬物之丕變

將與夫卿雲紉綬廣復旦而譔之

記

岱岳遊記

康熙乙巳三月始望日丁酉穀旦于差奉

老母為東岳遊修祀事也二子繼從焉朝發自邑

東門是日大風夕食于趙官鎮暮宿歸德集詰朝

蚤發已至五峰山宿焉次日至靈巖又止宿明辰

出山西行幾遇雨而免後聞電于西陸行者悚異

之十四日向夕抵泰安境先是近州城望所為泰

山者不知在何許但見東南一帶翠微半天矗兀

槐軒文集

卷五 岱岳遊記

三

環列未識孰為賓主行行將至問之輿人道以北

面前嵯岬而立者是所謂泰山乎弗似也輿人應

以此為傲來山耳轉是東北隅乃見所為泰山者

巖焉疑之既而見之喜動於顏遙望如絳關天際

青蒼瑞靄猶未悉其奇異也抵州刻憩于旅舍向

晚齋沐以宿四鼓後不復成寐候老母盥櫛畢

呼僮僕招輿徒戴月而行呼於鄧闌之門遵路而

西稍北則見火光一帶自上而下蜿蜒天半迺貧

兒秉炬以照行人目索施錢者予感然有痼瘼饑

渴之感焉至磴道同儕先行余馬弗能升乃下俟

籃輿道西衙門下頃之輿徒來至紅門同儕在焉

謁碧霞元君像以行維時月皎天空山氣澄朗恍

如登天得路回顧同行陳兄正符相慶此行之不

虛也至一天門上為天籟閣而辨色矣步躡數級

過迴馬嶺相傳宋真宗登封駐蹕之地峰回路轉

乃見州城如町畦繡錯比屋鱗次如在畫圖中樹

色如蒼瀟如萍也扶老母輿指而望之一目盡

可了了俯視似嶺有怖意敬候老母殊不動也

槐軒文集

卷五 岱岳遊記

四

再上為黃峴嶺或云以其色得名輿夫云其上風

甚烈每當陰飈怒發慄乎不可行立比登至亦只

等夷也再過為快活三徑凡三回上而復下約有

十餘里其南為二床廟北為支龍石中一區有泉

洞口在山腰問之土人何名答曰無之予曰何不

題之為龍虎洞欲效前人曉字山巖而未之逮也

需之他日可耳再上為對松山奇峰插天其下不

可攀躋有羽人置線於空中懸宮其末行人布一

錢則曳鈴示之類掣而上也踞高而意貪殊可憫

笑小龍峪大龍峪五大夫松與處士松並傳似後
人有意為比偶御幃崖則巔崢嶸峭壁想見當年屏
騶減從時步輦扶掖雖萬乘亦為降尊乎入二天
門可二里為朝陽洞飲者咸云清心然亦存乎人
耳有亭名半山其實在山得十之七矣至此視傲
來則俯震足下美比望見天門如一孔道下則為
十八盤穹窿斗絕行人委蛇如集散行真如應劭
所謂後人見前人履底前人見後人頂如畫重累
人者矣半輿半步近望 老母與去不數武時時
慰藉了無怖色也回顧山下行如蟻相去遠絕
頓作天堂地府想此即一現像也入三天門拜數
神是為三靈侯廟未知其所自始東南上雲梯先
至祝釐館盥濯既畢奉母謁 元君廟庭有銅碑
四皆明宣宗憲宗以後建者前此不可考矣李斯
斷碣數十字亦莫可辨疑亦後人為之耳殿後為
一線天言天為山障如坐井捫參而觀也行行稍
息但未可久留耳返館舍再食少憩與陳兄繩
謁 東嶽帝廟殿宇亦甚偉麗然奔走其下者未

若 元君祠之多且殷也不知何故祝者當亦莫
解耳後壁為磨崖碑唐明皇紀泰山銘字可三十
許闕有文餘高可四五丈亦峰頂大觀也其左為
蘇許公東封頌已為後人剽毀矣惜哉玉女泉在
其右說者以為即 元君之始現像也未知然否
史傳真宗登封時有石像浮水面構昭真祠祠之
山巔蓋始此成化間拓建為宮私治間宮號靈應
岳靖間更號碧霞元君而香火日盛玉帛奔走萬
方幾與國家侔矣又西為孔子崖說者謂夫子登
臨小天下震也當亦目子與氏之言想像摹倣之
耳 玉皇祠則在山樅前有巨石穹窿而坦夷可
方二丈許相傳歷代登封藏玉蘭金冊於此想當
然也時罡風正烈摩按無字碑蓋秦皇立此以厭
王氣者初不必有字也或曰秦之立石頌功德已
見於李斯篆矣此當是漢武帝事史記孝武本紀
云乃令人上石立之泰山巔初未言有字也似亦
有據然不必辨循崖而下山後則為黃華洞路踰
足拾級或上或下可三里許忽見所謂石塢者林

木茂龍山更幽秀迥然桃源非復人間矣乃悟昔人云遊泰山不遊石塢是為虛遊此語果不欺也入門登小閣傍見一杏方作華而前山則已青青如梅子大矣氣候之不同如此繩子方撥一松根欲携植之亦兒態也老母為之開顏歸時命置輿中洞口一石碣有詩曰華黃山官白雲間一片青窠日往還為道峻嶒烟霧裏誰從煉藥破愁顏人馬從龍題足力已疲夕陽欲下時不可乎久留逆循路返則見孫侍御題石贍語頗能記之吳廷簡書四王天亭在山半坳間松濤天籟真令人應而忘返奈時不可待何期以他年重遊可乎返至館舍老母已移寓他所以館地微濕且少人煙故亟趨寓所則三靈侯之廟浚家也晚月昏黃翠靄朦朧與同儕偃息天門下久之方期以曉夜觀日出乃夜半雲霧塞滿室中衣衾盡濕始信張長史云縱使晴明無雨色入雲深處亦霑衣果不虛也曉起見雲自戶中入如煙如靄仍往日觀峰觀所為日出者雖不見其初發而雲來山黑微雨

數滴少焉雲開山現白衣蒼狗須臾變幻野馬飛龍奔騰萬狀亦峰頭奇觀也讀壁間題東望日本西俯河源二語可盡贍觀之致翻惜杜拾遺未之登岱止作望嶽詩若使至上當更有驚人奇句不止靈胥生層雲陰陽割昏曉而已也俯望衆山東亘海上皆若崢嶸繹繹乎有朝宗象雖徂徠雄峙目前可當一大賓然止及其半耳至捨身厓而憫蹴之岌岌前人已有苦口為說法者易其名曰愛身巖仙人橋則已峻絕此山靈示人以難處也王陽迴轅其在是乎望援海石而不至亟返而下從新聞盤路路稍險峻下與步行亦自簡易至平處則少憩焉過此則坦途矣視前所經過地歷歷皆在意中矣無足怖者日中昃乃及櫻桃峪則送旅主人設具以待老母方停輿以憩園翁獻櫻桃之初紅者借以奉母為之色喜同儕則歡然笑語食罷而歸

重修荏平縣學記

學校之設先王所以囿天下之才智而納之中正之域也故庠序興則禮義生教化衰而兵刑起自古及今其大較可觀已吾荏為濟北劇邑地接郵魯之鄉其俗敦禮讓尚廉隅斷斷有洙泗之風有周而後漢唐宋元之盛時代不乏才有明三百載米科第蟬聯文教蔚興蓋甄陶之力居多焉予生也晚不及見前此之文獻與當年之教澤間得之父老所傳聞上下百餘年間而風教之隆替景物

槐軒文集

卷五 重修荏平

九

之變遷已杳然不可復識矣按邑志載學廟址舊在城東南隅者歷漢唐間在縣治南後遷西北隅金正隆時縣令孟公醇所建至承安年間始徙於茲元初縣尹張公榮因舊地而作廟此沿徙之大槩也迄於今四百餘年而長松蒼蒼電槐鬱鬱堂陛增崇丹牖恒新伊誰之力中更變故一見於正德之十八年兩見於崇禎之十一年十六年而世道之治亂亦同之迨 興朝御寓右文崇化文教駁駁復盛矣順治八年辛卯五月有芝產於廟棟

槐軒文集

卷五 重修荏平

十

維時邑侯崔公與廣文先生施公李公謀所以修葺之而地當凋瘵之餘物力維艱多所不給黽勉拮据歷十餘年而後備凡為堂殿五楹廡東西各七楹戟門三楹名宦鄉賢祠各三楹櫺星門三楹啓聖堂三楹明倫堂三楹官司有舍周垣仡仡門屏庖廡庫齋之所尚多未遑而大畧可觀矣是役也經始于順治之辛卯年告成於康熙之乙巳年于時寶應 鄒公蒞縣之二載政事以和百廢具舉而學宮適落成余以 予告省親猶居里門亦樂觀其盛也功竣諸生孫錦棠陳穀祥等請于公將磐石以記之而徵言于余余何能言言其所及知者惟夫詩書之教不汨于天下也尚矣邇事父遠事君忠孝之道舍是無由明此學之不可以已也乃學者多溺于研習務其末而不究其本將使木鐸之遺祇為虛文道統之傳聞無人焉孰知朝廷養士澤宮董之師儒視之學臣嚴之以闡校榮之以科第報之以爵封其待士也甚厚為士子者上之而謹身制行資父事君不愧為人子為人

臣之道固司教者之所敬而求也次之而愿慙自
守焉信好學閑戶誇修終其身不敢陷于不義亦
鄉閭之所榮而士林所亟推者也若夫華言禴服
蕩軌踰閑以詩書為名餌甚有徇矩而改錯者豈
獨秉鐸者之憂哉抑亦二三子之耻也願與諸士
同人聞而勉之至敦厲教化以表率人倫則固有
土者之責也無庸溢美謹載爵里邑侯則崔公鉉
山西沁源人潘公天植遼東人張公鰲字康馳河
南儀封人趙公六合字公同河南武安人王公畫
槐軒文集 卷五 重修卷三 上

一字較若直隸廣宗人郵公之璜字爾佩揚州寶
應人廣文則施公雲鶴李公日增俱遼東人 聖
裔孔公 輯王公錫章丘人呂公大生即墨人張
公鳳采萊陽人 聖裔孔公貞崑先後協謀力贊
其成皆有事于斯後者於是乎書

都城東嶽廟壽桃會題名碑記

古昔帝王望祭天下名山大川五嶽視三公四瀆
視諸侯凡以報其有功於民而為百物之所自生
也五嶽為中州而岱嶽為最尊詩曰崧高維嶽駿
極于天維嶽降神生甫及申又曰泰山巖巖魯邦
所膺書曰歲二月東巡狩至于岱宗柴望秩于山
川蓋以東方物所始生故巡狩祭告必先於東無
非體 上帝好生之意以臻斯民於仁壽之域耳
天子有方望之事無所不通得以遍祀群嶽懷柔

槐軒文集

卷五 都城東一

上

百神諸侯祀不越望非其封內者則不得祭也而
况閭閻編戶之氓乎山川之有廟祀自漢代以還
始也唐開元中封東嶽為天齊王至宋大中祥符
五年加五嶽以帝號東嶽更號曰齊天仁聖帝亦
以東方主生故特加仁聖之號而封帝傳曰山川
有能潤于百里者天子秩而祭之觸石而出甯寸
而合不崇朝而徧雨乎天下者唯泰山爾明乎岱
宗為所最尊故後世之祀之者徧鄉國也都城朝
陽門外之有東嶽廟也其來尚矣考諸碑記蓋創

始於元之延祐天曆間規模猶隘至明正統中益
增修而擴大之跡其所載率云推崇生生之意以
歆福錫極廟貌而尸祝之使人知所敬且知所畏
亦先王神道設教之義耳累代以來承平無事民
則人給家足都鄙廩庾皆滿而府庫餘貨財俗相
傳於歲三月之望浚浹日都人士庶相與輕車重
馬駢肩擊轂以超禱于廟且盛其洪帟侈為美觀
百戲具陳珍錯繁會襍遯絡繹往來而不絕者旬
有五日而後罷其會之名不一會之人更不可以

龍軒文集

卷五 郡城集二

三

麗計於中有名壽桃會者取西王母以桃七枚壽
武皇之遺義也歲時致祀者屆期以香花璧幣薦
其時食以為神壽此事之於義無害者爾夫人情
莫不欲壽壽者壽也神之所以壽人而人之所以
得壽於神者莫此尚焉故洪範九疇繄用五福而
必先以壽者正欲凡厥庶民惇敬彛倫以仰副上
帝好生之意則神也人也二而一之矣其某歲以
每月朔望聚眾醮金以備來歲之需副斯役者咸
効群力以襄盛舉凡以致其誠恪將享之忱也歲

久恐湮無以昭來許示後人爰屬工勒石而書名
於左

龍軒文集

卷五 郡城集二

七

信平鄉王氏族譜碑記

粵稽氏族之傳所以崇恩義厚親親遠嫌疑別婚姻也故尋流可以知其源尋葉可以知其根人倫之所繇教風俗之所繇萬亦政教之最亟者也隋唐以前國尚譜系之學家藏譜系之書凡百官族姓之有家狀者則上之官為考定詳實藏於秘閣副在左戶自五季以來取士不問家世婚姻不問閭閻故其書散佚而其學不傳按王氏世系所出不一有姬姓有媯姓有子姓若鄉瑯太原之族則

魏野夫集

卷五 王氏族譜

五

周靈王太子晉之沒其子宗恭為司徒時人號曰王家若京兆河間之族則周文王第十五子畢公高之沒畢萬封魏傳至王假為秦所併子孫齊於編氓時人謂之王家又魏昭王子無忌封信陵君傳至單于逃於秦山漢高帝召為中涓封榮陵侯時人以其王族也謂之王家此皆姬姓之王也其出於北海陳留者則舜之沒媯姓也其在水東平新蔡新野諸望族皆殷王子比干之沒此子姓之王也以所出望多故王氏族最為蕃盛焉始

祖以前遠不可識矣按先志云家世河南巨族亦未詳所自出所隸何籍自始祖仲文公以元進士由河南遷於平陰歷任在平管民官因家焉卜居信平鄉之原長子恒之公有子四人其季子仲端公守先人之舊廬在平陰者歿遂塋於南郭五姑山之陽仲文祖次子政之公有子四人慎守莊平之先塋子孫成家焉吾家宗支有此兩派其後中葉式微譜牒無徵九世而上率不及知矣高幼從父兄之沒歲時上先陵拜於墓碑之

魏野夫集

卷五 王氏族譜

五

前捫而讀之得知平陰有族人焉年久不相聞問深為疚心順治辛卯舉於鄉乙未通籍南宮因諮同年友詢得族姓名志奇族兄在高等族侄應科等者兩邑之派復合焉此祖先所默誘而心慰者也戊戌蒙

世祖章皇帝簡拔為庶吉士遂留京邸未登先塋者六年癸卯秋有典試江南之役道過里門展謁陵墓成然有本源之感念吾家宗族析居兩邑幾離而不合者蓋數十年今幸得似續妣祖一本之

脉承綿綿後將未艾不有譜系懼其久而無所
次序乃謀於族長名自由名三聘者暨妣憑伯兄
貽琳兄廷獻伯弟明鳳等磨石以記之溯厥源流
俾後之子孫視此無斁焉志好學積德孺行顯親
率祖傳之無窮簪紱踵接 祖先在天之靈實式
臨之矣若夫遙遙華胄遺蹟於大雅不附梁公褒
美於前哲率斯義也此世系之不容紊而家乘之
弗可闕者謹敘而次之如左

槐軒文集

卷五 年表 七

七

癸卯 先君忌日記

先大人自戊寅見背於今二十五年矣歲月駒隙
時事滄桑中更多變不可殫述約畧其可記者戊
寅至戊子十年之間流離困苦至不能堪時寓西
河侯里竹塢索居形于話言有次表中郎長歌句
云我亦有意尋芳者他時擬入上林苑自戊子至
戊戌十年之間窮通常變之遭遇備歷之矣辛卯
登鄉薦維時暮秋廿一日吾邑是日會市城頭與
道旁觀者如堵未始不念吾 先君之有子也執
槐軒文集

卷五 忌日記一

六

友父老或為感泣登拜 西塋飲泣至不能言過
里門子婦擁路而立矜為榮艷而予以哀情怛中
固弗識也登堂叩 老母母亦為之灑涕一則以
喜一則以傷矣嗚呼尚恐言哉尚恐言哉乙未雋
南宮留都門是日未及登 壘至五月朔始抵里
門家居者兩年戊戌上公車辭 先墓而未也於
今五年矣 原上栢應拱矣春雨霜露恒為淒然
去年是月九日 老母以迎養京邸此日旋里送
至蘆溝之陽宿長新店詰朝隨行十餘里至蘆店

南奉 命以還迄今已踰歲矣近囑園樹遙瞻雲
天千里晨昏心焉數之何日得返舊閭或 予告
請稍展定省也噫嘻不肖早孤上失所怙賴有伯
昆撫訓得免疏離憶自髫髻以翁學使歲試士七
月五日縣羅童子而較之得荷邑侯黃夫子垂顧
拔之正額是年未入泮明年已卯春縣試邑侯張
夫子擢為童子冠邑之人已籍籍知我 先君之
有子矣頃之四月中旬學使者徐夫子道試蒙錄
五月旬日入黌序遺業賴以不墜得奉養 老母
觀軒文集

晉井自丑至晡計劃而免月彌日始返故里得見
老母先歸自姊家也時有亡姪訥來自外助其衰
一家掩泣至是日衣冠毀棄搔首跣足竟無以謁
先塋日課弟姪蕭然一編讀祭義而識終身之喪
涉詩而成 庭椿失怙之謠雖未解音律而情見
于辭聊以志感也明歲甲申而變作四方鼎沸人
民蕩析何知有家園之慮是日省 墓歸而有述
以見意乙酉春學使任夫子錄科與試偕從兄同
學于東齋既而就業於西邑傳里之栢齋向秋不
觀軒文集

隨於玉署金門之間矣於戲人生夢幻耳回憶廿
年前後事不迴若隔世哉且於中亂離之驚愴骨
肉之存歿室家之成全子姪之嫻娶由困而亨轉
禍為福非先人之積業天地之默佑曷以及此
撫斯時序追維往昔瞿然自省凄然自憐蓋不某
悲喜之交集矣唯他日乞假旋里進慰慈顏
怡然色笑婦先人之松阡載東園之清話與二
三小子日課蔬水為承宗家訓也殆以是當季主
之卜可乎

槐軒文集

卷五 墓田記四 主

僑寓記

余在山北信平鄉槐里人也幼時不復記憶五六
歲時出就外傳從族中諸昆季學於安師在門前
道南自寶井之場室習游者蓋年餘不記何年止
記安師一日柳蔭下西嚮錄黃冊棗下東室中壁
上一紙有云蔣花不及種蔬學劇不如讀書等語
後不知何時辭本從南村干氏之塾潘師字受我
者將及期年歸從閨師于東宅葡架之北室前後
有峰巖窠酸甜榴數株墻下桑榆榛數種匾竹花
龍軒文集 卷五 僑寓記一 主

舊藏各一本如是者蓋兩年餘寒暑晨夕時與弟
侄共之九歲時從清平李師學於南場小樓上每
向南原榆叢梨蔭下時信步馬場中素素一株時
時在目樓下有馬乳一叢萑葦一區慰閒一聯云
蓬洲集鶴舞雲臺樓鳳鳴 先大人筆也聞曾有
一士人經過樓上飯訖畱此向蓋羽客者流也猶
記一日仰視僕採榆莢者偶墜南畦枯井中僕見
旋拔以出驚悸者久之甫及一月師以事去又延
高師來仍居東塾校業者月餘曾記作破有

孺子歌大見稱賞浚亦未久而去方及十歲時
先大人以疾將作知時不可失亟繕邑居北街之
東廬丁丑移城徙騰池李先師於西小街之東館
一時同學有爾秀爾許兄弟蔣敬之周圖南齊天
一王四生輩已游鄉校而仍聽講者郭玉衡康修
元也浚至者則林兆麟最少則貴乃亮及余也猶
記邑居之南蓼帆王公新捷春榜旗影翩翩映耀
樓櫓間望之稍知欣羨記有會墨一冊中有丁丑
科殿試全錄時竊觀之若登仙者然戊寅三月

槐軒文集

卷五 槐軒記二 五

先大人見背賴 李夫子左右之遺產得以不敗
向冬城破李先師罹于難明春從蕭師於東宅舊
址已卯四月入庠明歲從張師於西里蓋亦及期
幸已大畝鄉居頗驚賦乃徙邑舍仍從張師於北
門外之面城居園雖隘小而花卉滿庭有臺有樹
可以望遠可以舒嘯時荏苒不靖嘗見綠林之就
撫者過於門前意殊不怖也一日弟從城上呼余
入蓋曰催租者相迫也此意殆不可忘壬午春從
韓夫子於城中學西王氏之別館題曰願靜山房

槐軒文集

卷五 槐軒記三 五

者一聯云雪夜書千卷花時酒一瓢西北隅小室
題曰夢花齋前有一松松側一石柱鐫銘云不迎
客來不送客去一段雅語蓋主人筆也其石今在
董姊丈之家向秋東省應舉亦隨諸生畢三場以
歸至冬則東方難急明年二月城再破時韓夫子
已春闈北上矣展試期於秋中是歲與弟姪槐軒
講業送課於西村張夫子虞評閱十月初旬畢姻
轉曉踰歲三月十九日而大變作五月以後遂不
獲守八硯北關薛宅城內張室咸托處焉七月乃
復鄉居不啻鴻鴈之集澤矣乙酉夏日就學于傳
里之五松苑以平子作主人也向秋匿影不出至
八月仍隨衆觀荷明湖上丙戌春與伯弟讀書於
南塲之蒲室維時快甚緋旆初放獨步東原晴日
朝暾晶英可愛折之盈掬以歸猶記一日獨坐北
齋牕外一小桃方華微雨滴瀝沐之顆顆如珠綴
杖此時悠然有靜想又一日屬知者樂二句題晏
澹來齋因偕至槐軒小酌月吉新開細雨廉纖對
暮數局談笑永夕蓋平生此景不可多得矣向秋

槐軒文集

卷五 寓記 五

而草竊遽起乃避地郡郊通濟橋北月河遙運所
之東隅同伯弟以居浚寇信益亟乃夜渡河借宿
于南郊之廟中又數日乃從而北棲息河干耿公
之城室嚮為一白侍御公之東林書院今多荒廢
矣嘉平廿二日福香兒生亦取名復鄉之義也數
日而訥姪持米肉餉至一時艱苦流離之狀誠有
難以殫述者時乎命乎聽之而已丁亥春日乃還
故里戊子授業西河假館侯氏之綠筠軒先寓侯
羅寨之東院與房道人為隣時相對作排遣語秋
日難作丹至西河即居綠筠軒之北室一時吟興
勃勃方知大弟學作詩也冬初以事東歸而貧賤
難堪之況至此殆備歷之矣嘉平月望三日振子
生於傳里已丑多留寓于彼鄉入冬又卜居薛巨
公之東村草叢中蓬牕甕牖時聞秋鳴狼啼鼓歲
暮乃歸庚寅邑居授業荏山左漢壽亭侯廟中寓
居紫垣之外舍蓋笑笑窶人誰知雌雄耶辛卯復
鄉居理業夏半就誦於珠窗者月餘秋初東行暮
商始歸頗云畫錦美歸之次日二子生蓋自是而

槐軒文集

卷五 寓記 五

流寓之日少家食之日多矣壬辰春入都門寓神
將衛之南馬翁名義者之家其人與月坡王函
兩年兄有舊嘗共坐語臨場移城內寓潘公之兄
舍及還里家居如舊癸巳始成浚室設簾北窗時
有剝棗飛蜨之興是年大水庭槐以枯心焉悼之
甲午揣摩制菰足點不離槐軒唯庭荷作伴耳迨
冬入邑借居街南李學師之宅以畢餘業乙未丹
入都寓于三府菜園東淮庵中捷浚展采還寓大
街之路南宅仲夏抵里時大旱避地西鄉之勾梭
店樓居者月餘九月中卜居郡郊之大昆別業丙
申夏日歸丁酉家居初夏偕耿美中廳舍讀書者
月餘先與三兄共晨夕後自居焉戊戌廷對卜
寓神將衛之東宅浚以入館道遠體不任疲九
月生明移居楊梅竹巷之北舍又三年而浚還于
今寓時在辛丑徂暑既生魄之次日也于茲易歲
今夏始開南軒題以芳樹之嘉名壬寅仲秋望二
日壬子新霽辰後偶語及旅寓意因歷述之如此
浮生若寄未知明年此日又在何所也是不能無

今昔之感云

槐軒文集

卷五 齋寓記六

子老

開園記

余之命開園也蓋自己酉秋日與丹陽天士賀子晏坐文杏館塔下而偶舉以名之者也開者云何時閒則身閒身閒則心閒心閒則一切舉動語嘿飲食起居無往而不閒人生得此亦足為清福矣然何能長有此閒也哉園在里居之後不踰十畝淵明所謂榆柳蔭後簷桃李羅堂前方宅十餘畝草屋八九間者彷彿似之雖羲皇上人不敢相望而意計所得不為不多矣由前而入門徑左方則

槐軒文集

卷五 開園記一

夫

為舊槐軒余自幼所居以習業者昔在前庭而今移之園內地之北其向為陽榑榑梁柱悉仍其舊以示不敢忘堂構之義云友人有謂之者曰槐軒則槐軒耳何以舊為余俛而不言詎知其義正謂此我軒之前後有槐十餘株夏日陰森可以忘暑花黃之時璀璨耀目不辨東西蓋與桐陰梅屏競翠矣其後有池若方若圓廉隅不一其象為河圖砌石為梁貫其中北有臺數尺可容十許人茂松翳之蔽虧日月人履其地如在錦籠翠幕中耳丹

北為芍藥欄有木芍藥百餘種皆曹南之上品蒲
架數區野蕒蕪植祇取其茂蔭菁蔥可坐而怡情
也東為漿蕤閣居灌木之中長槐在前青松在右
榆蔭葡萄之屬環遶窗下雨朝月夕皆有異觀涼
颼洒狀不知夏日之可畏矣其北為文杏館前後
大杏二株近百年物花開時淺深殊色紅白若玉
異香滿室結子離離熟之日紅黃晶瑩如綴蜜珠
火齊者狀下有石丈龍後如駝峯又如荷篠丈人
其所贊為雀頂駝背傲脫春風讀騷飲酒樂在其
中者也西為碧桃軒軒東向有桃十餘樹或絳或
緋或白不一其色或先或後或區或峙不一其種
而總名之曰碧亦以昔在燕邸有碧桃二株列置
軒窗遂以命名今茲家居猶不忘嚙昔之意云軒
檻三面開窗而戶則在址形如壁月檻周三面西
乃一壁壘以純白棟宇綴文猶存雅素友人寢處
其下無不洒然神爽涼夢入雲此軒成于庚戌夏
杪以其形若半舫故又題曰如舫屋云其北為牀
丹臺鼠姑數畹桃杏紛列萬卉星羅觀者及此如

槐軒文集

卷五 園記二 三

入錦繡荒中矣丹北為嘯月臺月夜登之如步瑤
臺瓊堦身近檐際騷人墨客觴咏於此與會百倍
露光交下衣袂皆浸樹色松槐參差環列臺畔十
年之後當更有別觀余之草創斯園也始于順治
丁酉之春戊戌 廷對即留京邸十年歸來暫得
託栖不謂閒人而有閒日賀子天士嘗贈以言曰
醒眼何妨留客醉閒身祇為看花忙其知我也夫
庚戌陽月五日己丑宵坐文杏館識于當軒

槐軒文集

卷五 園記三 三

瀛臺賜宴恭紀

康熙十有二年癸丑六月初九日丁未大宴羣臣
于瀛臺自大學士以下二百有十人先一日丙午
內傳與宴臣至禮部觀宴圖見名次諸同垣之列
坐位開前月臺舟下亦莫知所在也是日昧爽諸
臣齊集瀛臺門內玉橋畔曙色蔥蘢樹光與波光
參差照耀還望 宮闕如在天際迥非人間矣是
時儀部又傳宴圖至位次改於四脊舟同官及臺
員共二十有八人清旭朝暾萬卉如沐又一景色
槐軒文集 卷五 瀛臺一 主

長刻

上御金輿黃蓋一前導至橋北羣臣跪迎橋南候
駕過後隨之而西行喬柯茂蔭中雖烈日未覺暑
也憶己亥六月朔日時備員庶常讀中秘書

世祖名試於此賜之

內宴回首已十餘年矣由今

追昔不勝感誦頃之傳呼過板橋而西乃見所為
瑤池仙鶴舟及月臺舟四脊舟者並艤於水濱柳
下龍旗飄揚錦纜牙橋真稱仙航也是時

上已駐蹕瀛臺迎薰亭上宴設於臺北甬道之兩

旁上結綵棚可數百間兩行筵案今列四重高隨
同人依所定圖次在東北隅入座既定咸叩頭謝
恩而坐飯凡二行羅列之豐盛烹飪之盡法異於
他宴聞皆經

審裁所欽定也清茶一道雜沃菓數品于內設匙
此向來所未有也食畢再叩頭起終宴肅然竊不
聞聲無敢喧譁失禮者叔孫通真有功于後世矣
再至舟畔水濱候

上命頃之大學士索公大司馬明公傳

槐軒文集

卷五 瀛臺二

主

上諭諸臣皆跪聽宣畢又謂大學士高陽李公傳
旨宣示漢諸臣曰今日特召衆官宴遊一日以樂
太平爾等各宜暢飲盡歡所設筵宴備辦或未精
潔卿等勉為加箸云云宣訖羣臣皆呼萬歲維時
聞之不禁感泣

天恩優渥及此凡為臣子者將何如捐糜以圖報
稱乎又頃之望見 龍舟南發從瀛臺東畔

上御舟 諸王從馬椅人皆衣萬羣臣各依圖次
登舟同垣及臺員所在乃即四脊舟也對望瑤池

月臺二舟上下列坐繡衣雕欄儼若畫圖橫汾曲
江未足多也舟過柁圍旁水雲榭霖雨亭之北將
至金鰲玉螭橋南迴舟而返橋上人駢肩翹觀當
亦望之若仙矣回至南岸登舟處傳

上命再返棹而北聞將為三匝遊也中官以小艇
送酒至盛以花瓷玉釭光祿行酒從官敦勸不醉
無歸也此時羣臣亦既醉止蓋不敢不醉且飽也
倚欄觀荷新蘗靚麗瑤池閨苑洵非虛語再泊岸
乃下舟往前設宴處叩頭謝恩而東再候於玉橋

壘轉美集

卷五 像畫三

三

南舊地

駕過跪送再候 諸王歸後乃望西華門而還

去年杜門巖樓次兒坊以遊雍南歸口述

瀛臺賜宴之舟喜起氣象光天化日自不禁

與深山野人鼓掌快歌今抵都復得讀北山

賜宴恭紀詩并序閱未終篇舞蹈歡忭臣子

躬逢其盛稍有人心當何如蠲潔靖獻少圖

報稱庶不虛泰交道合之慶不負

聖明異數之恩 張貞生謹識

豐臺看芍藥記

康熙十二年歲在癸丑四月樂望日癸丑同人趙
爾合相招同垣十有一人看花於豐臺之王園從
休沐也維時至者有十人表六完田蕙三朱小晉
余岱嶼劉雙山張長白成杏懷及余先集於王大
司空翟菴先生之木末亭彭橫山續至先是同人
欲徧覽諸園之勝乃命園丁導之自東巷第一園
而東井上槐柳參天蔽日頗可憩坐各園中則有
龍爪槐與夫探春花樹成叢結于纍纍如赤珊瑚

槐軒文集

卷五 像畫一

三四

遠望之亦若椒聊之實再旋而南則有穉桐一區
可百餘株海榴梅梨諸盆景頗多雖無奇品亦稱
小艷然以衡紳士則價倍浮於他處由西徑返亭
中則柯岸初已在焉日亭午炎熇特甚花率斂色
以避赫陽有類乎識時之哲士已而解衣就坐觥
籌交作薰風拂乎庭樹飛鳥為之不翔行人躑躅
於籬外稚子歡呼於草間清談閒生談諧任意可
謂一日之盛集而稱其為良辰樂事也憶自庚子
歲九日同楊爾茂郭懷蓋崔夏章陳說巖家歸洲

弟遊於祖氏之水亭向暮往豐臺一夜而返明春則看芍於其地留連花畦竟夕而後罷俛仰今昔已十有三年矣余以癸卯南役甲辰乞假歸省棲息家園者八九年去秋始入補得追隨諸同人之後以與斯遊也雖花稍後時而景物繁茂人居完好倍盛於疇昔羣工服米優游餘閒得以命轡郊原拾翠蹇芳於一日之間者皆

聖人在上百度畢張時和年順化日舒長以至於此可無記乎爰書爵里並誌時日

槐軒文集

卷五 豐臺二

三五

重遊摩訶菴杏園記

丙辰五月既望與越辰六歸孝儀兩孝廉來摩訶菴西園觀杏實也時夕陽照耀紅黃絢彩如珊瑚火齊一望平林殆數百株可為大觀維時與二子約明春倘俱留都門必重來看花於此即有轉憶上林春事早雙珂璀璨五雲中之句以期之秋中孝儀偕繩兒歸槐軒講業冬杪辰六亦南旋升江迄於今二子都不在是未免有離索之感上巳日遇清明偕又樸嶧暉以御赤扶書田孚敏驤雲諸

槐軒文集

卷五 杏園記一 廿六

友尋芳西郊偶集此菴時花猶未放也未及遊西園祇與嶧暉談往因事竟夕止宿西亭曉夜微雨一時諸子各有詩興遂拈一詞韻相為屬和粘於壁間頃臾皆滿彷彿前夏中頂荷亭分韻之遊亦一盛事也惜不令越歸二子見之次日抵松林一看雁香亭檻外花而返矣又十餘日既望後穀雨甲午少司馬爾成張先生招集菴中看杏花是日也微雨初晴和風漾日褰帷而行輿中讀曹實菴詩略一冊將竟大為賞心不覺日已稷矣至則集

於西亭即前此同人屬和之地也先至者為都諫
李書雲侍講郭快園給諫余仝廬司成馮胎仙比
部劉半阮入坐授餐不為苛禮下筯便飽飲少輒
醉諸君各有事先去主人亦還城中余獨留此與
僧慈徧徐步西園訪杏花於舊地過井上少憩仰
見長槐尚未萌芽而細枝則時有凍枯者蓋今春
之寒栗倍於往年也入園則雪擁碧枝雲暗石罅
雙眸迷離不無過時之嘆矣緩步自南而北可數
百武乃達北垣再轉而西還望南原老榦槎枒橫

槐軒文集

卷五

杏園記二

廿七

見側出率百十年物與家園之文杏館中二樹不
甚相遠也乃粗服亂頭疎影橫斜如佳人空谷無
人知賞止有明月清風相為倚藉耳豈不足為太
息哉山僧故未有知無可與語唯誦言如講時為
長嘯而已又自西而南少憩於西壁之樹影閒話
及園中果實悉屬尚方貢品而計日報簿者也返
而登西壠一望慈壽寺元福宮諸園千萬紅紫盡
在目中可為暢意惜風色翳日極目不見西山用
滋惆悵耳回憶越歸兩孝廉各在一方此日或應

操觚濡翰舉觴聯吟尚能憶及余此時獨坐菴中
耶即上已同人皆不在是而此日之賓主亦悉星
聚雲散兀坐小牕僮僕靜嘿中宵不寐拈韻數首
聊以識懷他日辰六未遊當共捫壁上詩相與熟
視浮白一大噓也

槐軒文集

卷五

杏園記三

二十八



槐軒文集卷之六

荏山王四高北

記

遊牛首記

癸卯秋余奉命來南邦視士計日而至於路星
軺不遑停驂雖有佳山水不及一寓目猶憶八月
之朔向夕過滁之關山微雨濛濛煙巒翠漠面
相對形神躍躍欲飛曾未得一息膝與山中一片
石相對語中心怵怵不自釋也菊月既魄乃得與
槐軒文集 卷六 遊牛首一

香巖李先生朱蘭嶠公文孫字來公者詩人高蔚
生同遊清涼寺坐小閣望石城外江帆沙島歷歷
在目走馬紫竹林返觀吉祥寺後拜梅菴之梅古
榦槎枒誠為山中高品以日暮匆匆而別不及與
之話孤山遺事也期以越二日當遊牛首祖堂諸
勝而廿日雨作數日不晴廿四日戊子稍霽以為
明日定可出郊矣向羅約齋假數騎與香巖喬梓
暨朱高諸生約詰朝又露崇朝而雨作王雪洲年
兄既約而復止余乃笑其不勇也與諸公聚臥攬

轡出自聚寶門即向所云安德門者過碧峰天界
兩禪林不遑入策馬陟高岡望江邊樹杪森森在
巨浸中蓋今秋苦水居民半為徙去矣轉坂嶺而
稚松蒼然滿山谷間以為佳致漸來矣行行至一
小村雨漸亟乃與霜飭同人少憩刹宇下莖花菴
意殊不愜索村醪立盡兩三卮覽王元美諸公遊
山記蘭嶠公金陵景圖詩終卷雨少降乃行登自
牛首之背松巖滿岡上下林立小徑一線蜿蜒石
槐軒文集 卷六 遊牛首二

罅間轉峰頭則近山門下馬入陟自白雲梯盡百
級而力瘁誠哉天路不可階矣他未及覽即登新
開凭欄一望獻花巖獅子山皆在目前遙望哇叮
歷歷如在足下江光隱見縹緲雲霧間疲而就枕
少憩起食暮話閣上復降少語而別夜斫其雨聲
沸沸不聞也將曉而寤寤而披衣開窓遠眺則已
大昕非復昧旦朦朧時矣又就枕臥崇朝乃起親
諸閭僧寮食罷登辟支石洞坐天闕之中曲飲于
文殊庵之前入含虛閣眺捨身岩見坦翁先生所

題青帝寶幢冰如先生所題天際真人諸扁飲少
酒盡翩然而往更求所為山樹者上有觀音洞一
閣新築遠望更豁然依依不忍去者久之再登山
顛偃仰石上望白雲之飛還見江帆之出嶼為咏
孟襄陽天邊樹若薺江畔洲如月之句霜飭云氣
蒸雲夢澤波撼岳陽城蓋與老杜之吳楚東南坼
乾坤日夜浮可相頡頏矣余亦以為然戀戀不能
還下僧人促飯再三又移晷乃下簞茶花紫珠紅
粒諸山卉不知名者數種滿掬以遺從者携之歸

槐軒文集

卷六 遊牛首山

三

閣置瓶中可當一怪石供也食後少憩傍晚返照
映壁亟起望之天開雲卷風鳴松籟山間之幽趣
真有可以會意者翳然林木不必在遠也宵坐與
香巖話及今昔興廢之變愴然有桑田之感臥後
神爽中夜夢覺不復成寐向晨早起乃見所為朝
氣者褰衣危坐俯檻遠眺劃然天朗如掃重霧想
見坡公望登州海市時翛然神暢亟飯罷向祖堂
山路而去

初遊西山記

曩聞都城西山之勝嚮往者久之辛丑春乃毅然
有山中之約先是與同館郭懷蓋呂慈園杜肇余
樓菴西樵兩兄相訂同遊至日咸以事阻唯同年
成洪敘丁來公偕往焉仲月望二日凌晨食罷告
於洪敘以慈園寓舍為期會及將出門而僕來云
洪敘已俟久而他有所適亟策騎赴之頃乃返寓
驩相得也又同詣來公寓強之以行則日近午矣
二子繼從焉出自廣寧門而北循城隍行則見柳

槐軒文集

卷六 遊西山

四

杏端苑園紅翠交映已極爛熳猶惜此行之不蚤
也北風微寒塵沙撲面未幾風稍降遙望平原紫
陌青畦正九十春光過半時也向夕駐馬山麓以
俟從者遂指卧佛寺而北則見老杏槎枿數百株
滿山間一望紅雪點村醪少飲輒醉又北里許則
入如來真境山門名庭中樹十圍者二一老一壯壯
者已萌而老者未發山僧告余曰此唐以來所傳
娑羅樹也從者爭尋其實得之敗葉中僅數枚僧
因出其所藏少許各取數顆以歸出寺門夕陽在

山巔轉而西南則碧雲寺山路也夾道青槐文石
為牆為砌皆足豁目其門扁曰紺翠凌虛入而登
磴道古松蒼蒼有泉潺潺湧出於牆間而下注者
清以甘掬而漱之頓滌塵慮乃招從者於香山憩
宿於此入門則桂葉扶蘇列於徑之兩旁約數十
株其殿庭則有方池金鱗游泳其間真可樂饌問
其水源主僧導而觀之泉湧山根不知所自出其
沸也涓涓其聲也潺潺導其流於竹石之間逶迤
曲折有亭歸然臨於其前銀杏一株垂蔭幽許滿

槐軒文集

卷六 遊西山二

五

中庭矣前朝奄人構宇其上作北域焉行其地睹
其侈靡僭越諸器物令人慨息繼子方登北岡折
杏花猶掬不知所為弔古也月下再遊水亭以話
閒情思欲及秋再來看月聽蛩聲未知果能遂否
坐石磴道上月漸明依依不忍去久之風作漸覺
薄寒乃偕入坐庭中話至更深就枕比寤而山坳
朝暾矣食後褰裳攬轡問所為香山道者則見崇
閣崔嵬聳列於崑岫之間香山與洪光二刹也至
則稍倦二同人皆不欲登予猶勉陟其上乃見所

為來青軒者 神廟御書也山僧為道往事當年
青松滿前巖彌望無際故以名此軒令人有今昔
之感牡丹則茁然而蒂木瓜華發而梅橘葉敷以
倦游遂不復問所由登以待重來啜茗而還詢所
為皇姑寺者不在山間而在山陽之坂循山而南
復陟嶺而西約十餘里乃望見高閣傑立至則興
已闌遂望天寧浮圖而返夕入廣寧門塵滿衣袂
抵舍索枕忽忽寐去不知明月之窺人矣辛丑仲

春幾望日識於燕邸

槐軒文集

卷六 遊西山三

六

四遊西山記

余之西山遊也自辛丑春與同年成洪叙下來公率二子宜繩遊始也是年孟夏望前數日又與同館呂慈園李湘北陳參野家信初再遊焉登香山西峰絕頂望都城宮闕可謂暢興壬寅初夏又同耿兄寓仙及兩兒從景帝陵玉泉退谷碧雲寺以及香山宿洪光之牡丹牕下有小記自是久不及遊癸卯秋于役江南甲辰秋振兒以病來京邸言念不禁心愴冬日歸里遂有三年之感戊申壯

槐軒文集

卷六 四遊記 又木

未幾旋以病去及今以來回首已十年事矣人生幾何一別至此由今追昔直若隔世矣茲遊也以中秋哉生魄偕溫戚家亘生出西便門聯騎而北由玉泉山玩瀑瀆泉堅坐移時飲食其側遵渚而去徑詣卧佛寺訪舊僧復輝者出猶識其面問其年則與余正同也延之西院昇所未有入門則有銀杏數株皆百餘年物心甚愛之遂止宿焉晚晴無風少馬月出東山隱隱枝柯間滿院濃碧漆漆如潑墨色小僮清歌一曲伶人倚聲而吹遂仿

佛赤壁東山之興矣頃之月上枝頭庭中漸爽予

以意倦辭客就枕寤而月明牕稜乃披衣起坐當庭銀杏下見其長條垂翠枝枝若流瀣上有疎星數點熒光燦爛不啻琪花玉樹愛而不忍釋時月方午斜也已而微雲氤氳自南而北時明時晦凝神靜思恍念司馬太傅渾穢太虛之語瞿然深省聞發聲切切感舊有懷屬詩二章乃入寢達曙食後入東刹看婆羅樹取其枝上子數枚別山僧向退谷登小亭誦退翁倡和詩數首由仄徑入烟霞

槐軒文集

卷六 四遊記

七

窺見朱葵尊八分書題壁所記遊歷歲月看成化年間為內人降諭勒石及萬閣臣所撰碑記為之慨然者久之出更小憩退翁亭前玩渠水憶昔偕寓仙流觴此地讀楚詞題絕句于拳首時尋水津頭而未至唯寓仙得達焉思欲一至其地以時恐晚而力不足弗果出籬門向西南尋碧雲山路而去至則迷失道由澗中貫橋下而出乃得厓以登入門聞水聲潺潺猶夫昔也減衣而入歷層階玩池魚讀元碑徑詣龍湫水源亭坐憩良久卧看青

天行白雲夕陽篩影文杏枝間念昔同遊者皆非
舊侶也偃仰久之乃步後巖看諸奄人墓記皆前
代元老為之想亦時勢所至不得不狀乎可為太
息已而食于東樓下則昔與成丁二子同來所宿
之地也右壁有路聞遠題句一紙蓋與大弟振
兒來遊時作也今九原不可問而路子又歸雲間
何時得與一話疇昔耶飯罷登樓上一閱繪壁不
及微靈均一一呵而問之乃下則向香山問道矣
至則門徑如昔率多榛莽升自西階永安禪院徧
觀軒文集
奉六 四遊記 又七

大圖畫巽來山遊得所未見惜同人寥落無由大
發清狂耳仰瞻 神廟御筆及中翰所傳 世廟
稱說香山獨有紫翠色知山靈至今不泯也石經
山秘魔崖已在意中以雨阻弗能往姑俟之他日
辛亥仲秋望九日丁酉雨餘識于來青軒之北偏

六遊西山記

癸丑仲秋之杪寒露節乙丑偕益都周紫海華李
張存默家仲兄晦朗同為西山之遊出自西便門
徑超八里莊之摩訶菴及慈壽寺看塔時已薄暮
意不止仍散宿退谷之烟霞窟乃策騎亟行中途
雨作迷失道同人皆恐向晚始抵卧佛寺扣山門
而呼僧復輝者篝火以出迎入西院即向來所宿
銀杏倚牕之地也賓至如歸故有入門小憩如離
險之句稍涉諸遊記寐夜半聞風聲如驚濤怒號

槐軒文集

卷六 六遊西山記 九

以疲不起朝曦上憲校乃理筆硯述新舊諸作飯
罷出前山門望昨晚所迷道止爭咫尺耳而昏不
辨色則舉足茫昧毫釐之差千里之繆事有類然
為之听然一咲山間紅葉豔于春花丹柿挂枝頭
離離可觀間有頃筐堅之者此山中佳時也喜此
來之不虛矣坐兩娑羅樹下仰視綠陰者良久依
依不能去循仄徑步水漕之方池上石巖觀音閣
坐憩移時尋謝方山之題壁而不見悵然者久之
循水而西曲潦潺湲瀉于石崖之間下有叢竹數

區一望蔥碧至退翁亭上山間小亭觀孫北海先
生詩步其韻與同人約遊水盡頭聞者皆賈勇而
前行行入曲澗岸上柿樹如燃葉與實爭豔水流
石齒清冷可聽坐而不欲遽前或十步一息或數
十步一息隨意所止不躁不急徐徐漸進必期窮
其崖際而後已中有巨石如劈劃然兩立似有鏤
削斧鑿痕山中樵者傳以為懸崖所崩墜者然而
非也踞其上下臨澗壑遂有壁立千仞之勢對岬
為廢寺舊址亦無路可通過此而西則水浸浸乎

槐軒文集

卷六 六遊西山記 十

盡矣問之山中人謂此即水盡頭也余方不謂然
再行二里許屋益峻逕益危扳緣匍匐而上北岡
望見西南山之盡處大石數層橫亘其下塞其谷
口此昔寓仙耿子所坐而讀楚詞其上者也十餘
年來思一再至其地而未之能逮今始見之如慰
饑渴矣盡力而前務至其處又遣健足僮僕從旁
領登其上云一石之凹處如方盆貯水寸許山間
溜滴漚有聲汀汀然一線耳水之源乃在此乎與
紫海周子疏連移晷而返晦朗兄火之存默又次

之蓋皆不能從也。迺而夕陽欲下山，坳亟食，予還
翁亭，前入煙霞窟，看又樸題名壁而出。望碧雲寺
路而去，迤邐山間，經兜率真境山門，內遇劉雙山
之作，聞將以詰朝至山中，典又增劇，入門徑造龍
湫亭畔，憩息少頃，再坐前亭，望銀杏枝柯間已蒼
然暮色矣。仍宿北閣之西，窺詰朝登閣上觀畫壁，
開窓望山色，下仍步後厓，奄域及龍湫花屋而返。
觀前磯池中錦鱗，大不及疇昔矣。出向香山至，
則劉同人猶未至也。食罷，登供光磴，道少憩，憶昔

槐軒文集

卷六 遊西山記 七

辛丑初夏，同館呂慈園、李湘北、陳說巖、家信初諸
同人，飲於此地，慨然良久，不勝今昔之感。入僧舍，
再看敬哉先生壁上詩，及東窠昔宿靈峰，仍窺據
其上，炮前牡丹，止餘三兩枝，一慨而出，不敢深念
也。迺晤劉同人於來青軒，同下山麓，而別。余取道
問法海寺，過門頭村，而西至，則易道，詰曲盤輿，頗
費人力。食後，下尋秘魔巖，過杏子口，南至黃村中，
迺折而西北，至山間，已薄暮矣。徑詣靈師巖，迺憩
方臺，望樹色蒼茫，星斗璀璨，鐘聲迢遞，隔嶺遙聞。

回憶前晚谷間迷路時，情景益不侔也。移時乃入
憩石樓上，夜靜無風，亦無所夢。益累日疲于山行，
故黑甜若飴耳。詰旦朝暾方上山巖，乃下散步巖
間，尋崖屋壁上，有孫譚兩生詩，頗清新，與周子同
賞之。而去望嘉禧寺，早飯後乃取道而返。是遊也，
先雨後晴，秋山可望，柿猶未落，紅葉可觀。時未苦
寒，風不大烈，但惜未及月夜耳。三年夢想為之少
豁，猶以未及戒壇為歎，再以遲之異日。

癸丑菊月，哉生明辰，屬草

槐軒文集

卷六 遊西山記 八

遊戒壇山化陽洞記

燕京西南六十里有馬鞍山者以其形似名也上有戒壇傳自唐武德中建乙卯朔月望前三日辛未偕友人寓仙往遊兼送其歸里也是日露風且霾出城五里塵雖始清汶涓質素同送至十里外藉草茵選杏花下而坐馬索飲於農家之籬間煮水淪菹以進徐與二子別余肩輿寓仙巾車至盧溝橋頭少憩飲且食薄暮僅達灰廠止宿三聖菴西隅斗室中晚共寓仙話良久月則昏黃漏窗舞

樓軒文集

卷六 化陽洞記一

七

一綫耳余亦以疲頓入黑甜鄉去向曉寤猶不欲起先遣厨倅行盥後出步西岡下有杏數十株開滿野園爛如錯繡寒其蓓蕾數枝置瓶中與寓仙偷然四望西北一帶層巒拱列為神京屏翰煙火千家阡陌井然有事東作者依稀太平景象顧而樂之各賦詩一章還斗室中僧大量以赫蹏索書勉應其請揮灑以畢而行大量則為之導余兩人各舍輿而策騎以與山色易親也過灰窰及煤窰至石佛峪以上路皆石砌馬蹄窳於蹠蹠不任鞭

簪也厨倅來迂再轉數隩望見山頭戒壇矣入石坊循磴以登有松巍然獨立山間廢町者問之大量曰此賽戒壇也昔亦勝地今久廢矣過林泉橋再轉數磴乃見寺之山門摩挲苔蘚讀碑記蓋唐名慧聚寺正統間乃增脩而易名萬壽禪寺也入則古松二株滿殿庭間差大於慈仁之雙松矣愛而壯之不能去沙彌出迎乃上一石階有似香山之磴道轉而北則喬松數十株參天蔽日與紺殿琳宮相為映發枝枝皆有雲氣入僧院問沙彌字

樓軒文集

卷六 化陽洞記二

七

南山余鄉之文登人食已先遊戒壇榜曰選佛場乃重脩于客歲者法座清嚴登之令人起敬想見智周馬鳴諸禪師登壇講戒時也其南為波離殿崩歇將墜前有二碑記優彼離出家行實其一為學士韓昉撰金天德二年其一為建福元年遠之天錫帝年號也以大厦將傾懼將壓焉廼行問所為極樂峰道大量導之以行至一平陀殆將駐足而寓仙賈勇指前巖石門雲期必至之因躡其後行行且止有頭陀自山下來云其師住極樂洞中

遙指山樹石壁之微白如匹練處益巉巖不可至也亦以足力未健故至山曲叩一小扉入則化陽洞也嘉靖間釋子佛住槓其額曰太古化陽洞景物略中所載洞口有紫綠幙垂者藤花也今也則無問洞僧南松云不記自何年矣蓋艸木之微與凡有血氣者不大相遠安能與山石爭歲月哉引酒獨酌少飲已醉夕陽薰人袷衣微重凭短垣望遠嵐東南雲樹鬱鬱蒼蒼下有人焉苦可賦招隱以遲之也寓仙則索華硯屬詩余已頽然就醉

槐軒文集

卷六 化陽洞記三

五

歟石則有波浪鱗起者果如景物略中所云但所謂龍之爪深目出鱗張鬣作則未必然耳洞之盡處佛像宛然若非石也直可悶仆矣山僧云遊人以紗燈羅列奏伎樂於其中亦好事者為之人眾則氣轉惡愈不可耐耳再轉而右則有仙人橋過此一穴僅可容尺人不能入所云下與渾河通者豈謂是歟又有名穿心洞者可從石罅間轉折如嶧山諸洞但不如其漏日光耳石上少坐以出夕陽西下有風颼然拄杖而返回望極樂峰如在天際不可升矣留之異日同諸子共攀躋焉可耳回戒壇山由波離殿入寶公堂祀誌公也登千佛閣有藏經二部奇香丈餘出之大內所供非復恒有開前闥以望則危欄不可俯以心動而還入宗師府祀知幻大師者志開山祖也返寓舍食後步磴道大松下望明月在枝欄間與寓仙談說往事上下古今悠然有不可一世之想再下前磴至大雄殿前裴徊松下明月中天清影在地依依以之不忍去寓仙先返乃強同之登磴道又稍坐見一

槐軒文集

卷六 化陽洞記四

六

行脚巡更者亦擊板而呼佛良足為苦哂之歸寓
月已西斜矣就憩後久未成寐詰旦朝曦未升夙
興危坐頃之下山仍從前殿松間出至賽戒壇松
下仰視移時而別寓仙已先至斗室比余至書贈
別詩於扇遺之同食後分袂於東道大量亦同步
指南去路彷彿虎溪一畎村中子婦競倚門聚觀
之當以為近日未數觀之事也乃各登車而別

由戒壇向潭柘山紀行

燕都之有潭柘寺也蓋自唐以前尚已景物略中
所載唯紀金元以後事其先者已漫滅於荒煙冷
雨之中莫可據撫矣予聞此山最古當在香山碧
霞之上康熙乙卯秋闈後送諸子還里即將往游
南至盧溝橋以雨阻弗果行曾有潭柘何時能赴
約杳然不渡若為情之句今荏苒一年矣丙辰秋
中繩兒來京即未臘月旋里適虞山歸子孝儀與
偕予同丹陽天士賀子往送之因遂及潭柘之行
愚軒文集 卷六 潭柘山一 六

仲月念日庚午夜雨連旦崇朝乃止載顧載牽適
果候糧會於盧溝之陽猶然去年聽雨菴也入門
舊僧歡然相迎幼子宜紀猶說見壁間留句因與
賀歸二子全觀之雨中索寞依稀如昨日事耳問
潭柘路視日蚤暮僧告之曰今夕止可達戒壇耳
因天士未之遊嘗為艷說此境遂決策往焉乃命
厨人以舊寮為期驅馬趨之薄暮過灰殿之大士
菴舊與寓仙止宿之地也入訪僧大童相見不及
他語趨令為導以行昏不辨路僕夫告憊至佛峪

乃得炬於三家之村而山僧亦篝火來迎始可達
壇路入石坊則如歸矣至殿庭見二古松其一已
摧其上層一枝何嘉蔭之頓改也曩遊所云散步
長松陰愴悵飛霞佩春風木末來萬物生姿態人
如蟻貼聲山靈亦何耐者曾日月之幾何而山松
已非復疇昔矣時物之速變如此入禪院問舊僧
宇南山者已歸故里矣因問極樂峰道及諸洞僧
說紛紛亦有至者有未曾至者諸子皆買勇期以
詰問必從食後步松階缺月掛枝柯間雖未能如

槐軒文集

卷六 潭柘山二

九

昔遊月夜之暢亦既見止亦既觀止未之遊者皆
以為是亦足矣徐步月下更深就憩詰朝啟戶廉
纖霽雨大霧四塞未可以出諸子之意咸阻信乎
山行果有緣也余危坐檐際望東嶺上松色雲氣
枝枝綴露如貝珠瓊粒惜未得仙人餐雲法耳食
後遊戒壇上禮法座尋波離殿則已毀矣乃得讀
其二碑其一為韓昉撰者天德四年其一為虞仲
文撰者建福元年波離者龐姓裕窺其名也蓋其
時人而恪奉佛法者前此危廈將傾不可以讀今

始補所未足他日以語我友寓仙當共為一快也
過誌公堂未及入上千佛閣一望而下危欄不可
久留是亦老子觀井之見耳一笑步入知幻宗師
府窺其衣鉢所在經浴堂而出僧大方出前朝賜
勅二道觀之亦一法物也留前遊記與之并及大
量為別時雨霏霏少有間出山門外捫題名碑見
王振名而大方云伽藍堂內尚有其像因再入觀
之面貌豐偉殊不似奸宄狀人之不可皮相也若
此異哉去而步下石磴數級至念佛二大字前與

槐軒文集

卷六 潭柘山三

十

諸子諦觀之乃登輿聯騎而下未及山麓轉而之
西迺向潭柘道也不數武而層巖疊嶂森列目前
矣乃知西山之深竟不啻十倍桃源也行十餘里
率皆峻坂巉崖不可以乘目不及瞬足不及安震
懼久之見前行者時在谷中時在山坳出沒不常
升沉無定亦可作世外達觀矣至山足下導者曰
過此皆坦途矣行者色喜予亦舍輿而騎跋涉數
里猶行荒榛小徑中不見所為周道者蓋山人習
險故履巉若夷耳遙望山色翠微四合如環無端

竟若無路可通者指示諸子曰西山之大也如此
又十餘里轉一山隕岩光頓異彷彿龍洞在歷之
列岫望見一叢深樹如三天竺者喜問導者曰此
即潭柘歟對曰未也行行數里乃見級者自山間
來問知尚有數里耳而泥漸淺石漸平路漸蹇以
級望而知為山寺近矣少焉聞水聲潺潺自澗中
來聊以清人耳未足豁予目也至山門外駐馬四
望層巒聳翠拱列如幃西山之勝盡在目中乃知
香山碧雲止得其一面巍然大觀端推此君耳環
槐軒文集
卷六 潭柘山四 圭

下而憩窠頃之夜寤見窓月微明以為將曉也聞
泉聲恍如雨聲驟至因披衣挑燈而述所見以志
歲月約以他年重遊不十日殆不可也食後與諸
子一笑而別

槐軒文集

卷六 潭柘山五 希一

十遊西山記

余之爲西山遊者屢矣前後共九次見於記者凡六首友人或笑其癡余弗之顧也今年春杏花未發卽與同志訂山中之約僅三至摩訶庵而止後以夏初抱疴不敢復問山中之駕荏苒至秋中西風泝爽身頗得閒迺於壯月望前同友人爲滴水巖之遊既而念香山碧雲近在咫尺又曩所習識者會將暫別可無一晤以志謝乎爰以九日偕友向香山尋登高之會是日期集於天寧塔東院右

槐軒文集

卷六 十遊西山

十二

臣以御先在焉同行者爲賀書田宜綬姪及兒紀過北堊兄及雲孫大姪于寺門送四弟培之永昌任也佇立數語而別至拂塵處日向午乃行徑取山中道過羊房店經朱各莊北庵中少憩亦舊曾經過地也僧若葵進其架上葡萄爲談寶珠洞平坡寺之勝右臣道中得句云羊房已改新村落馬監猶談舊禮儀亦紀實也拂塵前導又誤走曩年所迷道自南而北薄暮乃抵山中入來青軒得瞻今年五月十一日 御筆六大字命沈宮詹記其

後讚嘆良久識數語于壁及月挂東嶺胸光微明南風頗寒坐于軒前席地少飲倩短牆障風回憶去夏與越歸兩孝廉共飲時則涼燠之候大不同矣興未大暢而罷夜寤起視星光未爛凭垣嘿坐時有會意語一燈明滅他山間漸而或三或五布如繁星則天將曙矣頃之右臣亦起偶談往事及曉而向之所謂小樹如人長者今已漸不可辨矣入軒再憩及寤閱阮疇生鄭遠公兩人燕山遊記中所未至者僅十之二三恨不卽寤其人與之暢

槐軒文集

卷六 十遊西山

十三

叙所歷諸勝也起而草數詩粘于壁食罷遂自厓而西上入無量殿看內監范弘碣至洪光寺松磴聞南洲已補僧錄官矣遂由垣西小徑而上山椒行行且息必期至絕巔以補辛丑夏日之所未逮俯視香爐蝦蟇諸峯及沅憩亭廢址皆在足下矣北望林木蒼蔥如畫琳宮紺宇滿巖谷間彌望盡錯繡也右臣談說鮑碗滋候朝宗行徑頗悉比及峯頂四望盧溝河襟帶其西是前所向龍門崇化道也再西北一帶重巒疊嶂則滴水巖在其隅焉

東則法海表忠之所列置也以微霧不及望見都城雉堞與夫慈壽寺塔祇有玉泉一峯裂帛湖光堪入目耳向迴而下入洪光圓殿看范監碑記至東察蜂窠處以示子姪舊踪爲之心動下磴道而記其級僅得七十餘磴耳出山門乘騎向碧雲寺路至則入藏經閣諸子先登焉閣上有御書天懷怡曠四大字遂陟而觀焉迺癸丑夏日筆也庭中秋花頗鮮跌坐其下頃之步前池翫五色魚至龍湫坐憩啜茗前檐再步水天一色亭俟諸子看

槐軒文集

卷六 十遊西山 四

奄域還則行矣以日暮未及尋廣應寺取徑向退谷上退翁亭坐甫定雨遂作瀟瀟聲興益倍暢宿西寮夜聞風聲如濤熟寐甚酣暇起登山坳小亭讀青箱集之七卷諸子自五華寺返竟未及問廣泉刹路也惜未窮其勝耳偕至水漕之巨石岡右臣以御各題一詩于小碣復輝已迓于石畔共步壽安禪院看娑羅樹瞻卧佛像而出至西院銀杏樹南又添一小舍短垣間之復輝以居其父母之處也食後題詩于綾以遺復輝謝其舊餉木瓜也

出寺前山門而別過前代諸王子墓及景帝陵再向玉泉山西南隄行經天下大師墓傍心竊疑之無可問者轉至山前危崖嵌嵌幾不可看足下有清泉一泓水藻綺縠如繡玩之庶可樂饑度小橋而南并轉而西柳蔭清溪人影可鑑至雙龍橋書田二侄在焉益自壽安山前卽相失道也至瀑瀆泉上流連移時不忍去惜時已夕陽仍將至天寧塔前看月因趣拂塵先歸勉陟而上觀衛相園所爲賈膠侯禁停山間灰窰一事雖爲其鄉人揚善

槐軒文集

卷六 十遊西山 五

而賈公之功亦不可泯當與此山並垂耳觀呂仙洞上小亭有高水部所題峯泉拱極四字頗秀雅仍及其上層閣而後下遂取道向東南幾陷入水澤中幸未至濡足汚衣耳趣行至西頂則伉候于道左入東廡止宿焉令人趣報拂塵以未能如約故即一夕行止尚未可預定如此夜月甚明爲拈松月夜憲虛之句各賦一律將曙再軒寐寔明起食乃循河干至萬壽寺看大鐘登法藏閣及後晉陀山子與十俊墓左西園七峯小亭而出再小集

於七聖庵之槐下臺畔與右臣以御言別以歸

槐軒文集

卷六 十遊西山

廿六

遊滴水巖記

京都西山之幽勝至滴水巖而極余之爲西山遊也亦以滴水巖而盡初聞茲巖之奇在甲寅之夏而遊之得窮其勝也則以丁巳八月之十二日先是六月之望與丹陽賀子天士出天寧寺塔間待月有僧拂塵爲言盧溝之西龍門山崇化寺之勝余疑滴水巖殆與是近卽將從此問津而時尚炎熇余謝未能也八月六日迺奉新命得不入署八日壬子復與天士出天寧至拂塵處看塔上然

槐軒文集

卷六 滴水巖

廿七

燈是夕有華亭董蒼水張存默海陵秦以御咸集焉詰朝董張二子將別入城再赴陳椒峯同行迺以它事沮尋有雉皋陸右臣都門許覺庵來偕徑詣西直門外之翠雲寺觀王園佛手柑數株晚看覺庵所携千里鏡星月皆有別觀次日經摩訶庵慈壽閣上望西山疊嶂皆在目前向晚宿承恩寺月光皎潔庭中松檜交蔭青柿離離與以御分韻花間而罷明辰遊後方丈靜室間無人聲萬籟俱寂居然世外洞天爲憶山靜似太古日長如

小年悠然會心安得久留此中乎出山門而西歷
法海寺過龍王堂前掬泉而飲之東室小榻少卧
有弄羊小王子像一幅蓋金元人筆也過磨石口
而西渡三家店板橋循山麓而南過成子村乃得
崇化寺則龍門山之東峯也和沈仲連卷中詩東
窻外柿樹滿山谷彷彿退谷五華寺之樓窻但蓊
蔭茂密不辨遠近耳問老僧益軒滴水巖道聞有
三十餘里辛山徑難行少時曾一至之見其龍洞
中龍床有龍子蜿蜒如蜴蜥狀僧人擎而示之了

槐軒文集

卷六 滴水巖

艾

不驚也冬日巖下水旋滴旋凍如白玉柱可數丈
許是一奇觀聽未終而神已往不復問道之夷險
矣晚月向午出山門前席地少飲月在楊葉間或
以爲不如去之佳余以爲正須此枝柯掩映耳與
坐客談及焦山江邊望月之勝爲之神往入而就
山窻寢軒不及久領畧也明日渡板橋遵河許而
北至軍莊少憩吸水再由河干聽濤聲至北岡之
下乃轉而西有若棧道之偈仄第未甚險耳至西
南一隅濤益壯且在山之背境更幽異以御立而

諦觀之因憶老杜獨立蒼茫自詠詩之句庶爲有
合耳以日晏不及駐馬共玩移時爲惜向棘林中
一逕約二里許再轉而北乃入巉岩深處別一境
界矣行行漸入山益峻峯益奇馬蹄蹀躞不可復
騎人足蹶蹶不能成步每至峯巒奇峭處輒駐輿
與同人共飲數巨觥太叫奇絕以御有看山頻駐
馬得句共啣杯之句蓋實錄也意以爲如是達巖
下竟是天台仙徑非復恒境安計道之云遠哉孰
意其步步入險愈出愈奇始而喜繼而驚既而狎

槐軒文集

卷六 滴水巖

艾

久而畏且怖矣過仰嶺蓋與仰山近者竭蹶數里
自上而下皆不可騎僧徒汲水于山根溪童獻菓
於道旁瞪目峭壁環觀茂林聞此地有桃源村未
知相去幾何當亦不讓武陵溪矣至南莊胡桃蔭
下芟憩食罷向夕循西谿而前導者相戒有虎弗
爲動也忽有英英白雲自山頂過踈雨數滴行者
皆恐幸未成滂沱耳一路寥窅不見一人行薄暮
望見巖際矣千巒踈秀奇峯入雲絕似歷山之龍
洞翠屏春曉一帶山光又遠且大卽未識棧閣之

險視此若何而此巖洵爲西山絕勝處矣此行雖
勦良不虛也入山門而上猶有里許皆巨靈劈路
處處斧鑿痕北隅一區名張官洞昔有奄人習靜
於此張蓋其姓也今洞口久塞矣山坳尚有餘堞
似爲守禦計者山中亦用設險哉其山門榜曰樂
貧富西巒主人題如是則未必貧而能樂矣何以
異於村墮耶向晚月轉明步至巖上滴水處一聽
淅瀝之聲以夜暗防有虎遂下至觀堂前看月上
東山與同遊三子談往事俯仰今古不勝感慨右

槐軒文集

卷六 滴水巖

卅

臣有嶺疊天疑小峯高月易西之句待月轉南岩
廊陰初下廼入石室就枕夢境亦清十三日丁巳
早起入觀龍洞導者以燈火前行雲氣塞滿洞中
侵人衣裾欲濕其上如夏屋舉杖不可及脊較之
歷山龍洞廣濶數倍而蒸濕過之時滴瀝如雨壁
石有若龍獅象等形者即而燭之如欲吼然吁謂
龍床者未必龍果盤踞其地而石膚凹凸蜿蜒虬
曲當有龍子往來其上也老僧所言殆非虛語恐
觸其怒凜乎不可留遂出天士有夜靜不聞山鬼

嘯春來恐有螫龍飛之句再觀滴水巖上及僧福
緣靜室側足巉崖目不敢它及下有危磴深不見
底雖蜀道難不是過矣返而題詩于壁食後用福
緣爲鄉導由東山上取徑返都城經過三重峻嶺
千巖萬壑奔會目前如波濤層湧朝宗膝下洵爲
西山大觀奇麗莫以加矣山僧指而目之曰若者
爲仰山若者爲雀兒蒼若者爲北頂行宮然可望
而不可卽如三神山之在海上爲誦老杜安得如
鷲有羽翅託身白雲還故鄉雖未卽如昌黎之登

槐軒文集

卷六 滴水巖

卅

華峯嗣宗之哭窮途而懲於羨而吹鑿自是不可不
作西山屐齒矣每至奇險絕足處右臣輒大叫曰
奇絕助人豪興賈勇而前拂塵時作諧語引人歡
笑遂忘其疲至山曲一小庵少憩而行過三汊澗
茅舍幾家門臨流水大有桃源圖畫之觀婦子環
門外聚觀之競爲詫此行之不易也水流石齒潺
湲可聽掬而漱之以滌塵煩過此盡皆石磴峻嶒
馬不能展足但見玫瑰滿山徑儘自香艷若春城
時又當錦色奪目矣數里至山曲望見東畎紫陌

青畦宛如大幅水田畫拂塵喜曰太平有象矣衆
爲一大噱自是以降又過數陂陀杖屨無散筋驚
肉緩載饑載渴雖黽勉不敢言勞也日暮始達山
麓止宿東莊之地藏庵談詩至月午詰朝向石澗
溫泉浴罷而返

遊上方山記

都城之謂西山者蓋總名也而山之形勝特著者
無慮百十數西南而望外有上方山者在房山縣
之西南輿三十餘里按輿圖記房山縣以大房山
而名之也境內諸山唯此山雄峻而秀乃幽燕奧
室而一統志及輿記中不載上方山或卽大房山
之一體歟帝京景物畧載上方山晚得名其曰上
方者謂其高高在上也余數年前聞之友人艷說
茲山牡丹特勝花開之時異香滿山僧寮祇園在

在有之每值初夏思往一觀而苦於匏繫未能遠
出兼以初度酬應之煩營營數日遂爾蹉跎今年
秋中序還需次始得爲閒人暫將還里爰命山中
之駕十月六日出都九日詣房山邀同年友殷熙
臣者將與之遊而渠偶以它事阻遂有故人王右
棠猶子字聞遠者偕往焉以旬日向午出自房邑
之南門道左閱賈閭仙碑傳令關西李公霽所建
者過顧冊韓竒二村瓦井周各庄而西路漸崎嶇
不可以輿迺易騎行十餘里而至孤山口普濟寺

中則林北海先生之碑記在焉碑詳寺之所由始
不沒其功也晚月甚明彷彿如八月宿承恩寺時
亦以是日也拂塵爲言吳胡所以定交之由及摩
訶庵所由興廢之事頗詳後草荅傳瑞安數札而
愬夜寐甚艱晨興再附家音以去食後乃向山中
行十餘里而至接待庵聞前夜有虎噬僧人之驢
而去迺更籃輿歷巉巖峯回徑折不數武而山之
奇態見矣丹崖怪石翠壁蒼松莫可名狀數里而
天梯近矣攀鐵絙而上者二百餘級梯盡而接引

槐軒文集

朱木 上方山

苗

庵在焉奇峯峭壁拱峙目前得半山之最勝處以
爲雨中雪中富有奇觀聞遠云曩昔來遊正值大
雪果爾奇絕如所言再過紅橋主僧扁門宅出橋
下流水潺潺屋角蒼松鬱鬱而已徑詣兜率宮卽
所爲上方寺也入閱殿後壁上石刻說經四十二
章內官馮保立相傳爲曹化淳所書字類趙松雪
禪堂前牡丹數種特茂問其花色與名師當寓目
小憩堂中披景物畧及輿圖覓山中佳勝處得大
小摘星峯一斗泉望海峯皆不及至過文殊院見

盆菊數種尚鮮妍登閣一望山巒迴合如天竺之
西峯樹色蒼黃紅葉如花較之碧雲藏經閣則規
模狹隘矣至朝陽庵而會食其西則摘星砭峙乎
其側東則斗泉望海之左峯也翠柏滿巖谷間環
列如園前有平曠地以短垣繚之可以望月遂止
宿焉草遊記之半屬詩二章月上東山矣出步堂
前聞遠設酒果以待坐而談小飲且酣望見月前
在東南隅照人面光如冰雪髻影如霜華誦李青
蓮今人不見古時月今月曾經照古人之句及梁

槐軒文集

朱木 上方山

廿五

杯邀明月對影成三人嘆爲仙才造語自爾奇快
絕進食煙火人語清會颺發逸興遄飛不減赤壁
東山之興但愧非坡公安石其人耳主則不愧二
客客真有慚明月矣一笑參寥在坐謂僧守禪語
間作余不欲效童子叅相期以月轉西巖始可遷坐
快談時事間及古昔俯仰千載歷溯平生不覺皓
魄已移峯上矣冉冉而下正直砭頂如浮圖合尖
金輪照耀相與大呼奇絕從來望月無此奇快卽
前人待月此地者蓋或有之亦未必肯若是之久

也所謂不恨我不見古人恨古人不見我耳藉使
歌舞喧闐豪飲狼藉必不能如今夜之清興自西
山十餘遊亦所未曾觀也可謂暢矣酒闌月下更
起眺東南參光北嶺松月尚餘瑤枝璀璨林棲羽
毛歷歷可數天假良宵何可多得迺乘興濡毫而
志其畧詰朝食罷再登北岡下訪曹溪橋地藏殿
庭牡丹及北舍新菊數種龍王堂之自來竹重過
接引庵下天梯登歡喜臺遙揖僧洪如舉手而別
信宿遨遊庶不負此山靈也丁巳陽月望二日乙
槐軒文集

卷六 上方山

聖

卯識于普濟庵之北寮

清明紅橋遊記

康熙戊申清明日余遣薄遊廣陵先一日扁舟輕
帆至自高郵之蟹社湖同志諸友人迓余于東門
金壩之北渚驩然道故欣相得也坐中談及平山
紅橋之勝明日正其時矣是日也都人空巷而出
殆無居人余躍然色動期以詰朝偕往至日凌辰
仍露旁午出天寧門從溪頭登舟遊者盡舸朱簾
多於六街之酒樓茶肆矣諸子相遲于鏡舫至則
解維而西循城闕歷水關過北門浮橋下微雨時
槐軒文集

卷六 清明紅一

世

橋可矣再東北則為法海寺隋之舊內所建也上有平樓胎上題記在焉時微雨遊人半歸去乃艤舟諸家別業登眺平原之上走馬蜀岡遙望三山環列相傳為迷樓故址西苑三十六宮不可攷矣遺香翠鈿尚可同玉盤出人間耶悵然久之俗流尋諸園亭環海俯石凭欄四望隨地呈形盡態極妍各有其勝董公思白之琪樹齋一扁擅長諸墅當與蘭亭金谷比麗矣日暮登舟汎乎中派舉杯相屬頌而樂之歎佳會之不常幸盛游之匪偶

槐軒文集

卷六 清明紅二 十七

有其地矣而無其時有其人矣而無其遇即或呼朋買醉而一觴一咏興會不屬佳辰難值或時勢推移情隨事遷豪樂間之求如吾儕今日之優游盛世把酒問天依稀乎曲江泛舟竹溪仇池之故事則太平有道時和年豐之所致也是不可以無記爰纏酒而為之歌歌曰微風起兮綠水波雨細細兮濕青莎競芳辰兮發權歌舉國若狂兮奈樂何又歌曰北風起兮淒以冽春雨冥冥兮芳草茁時乎時乎不可追兮何逝者之如駛擊碎璣壺兮

少壯其耄四顧同人兮我心則悅同遊者江都王子賓仔園劉子長發祥其汪子士裕左巖張子楷芳傳朱子陶范公汪子懋麟蛟門史子繼鰲司直寶應喬子萊子靜也紀之者莊山王子曰高登鵲也時維戊申二月乙卯廿五日甲午也

槐軒文集

卷六 清明紅三

廿

遊金山記

戊申三月十六日向晚自廣陵登舟四鼓解纜凌晨泊息浪菴下天氣晴和賀子天士趣以速渡早飯罷肩輿過瓜浦四憶卯冬之行已茲乎不可辨識矣至江干登舟望金山葱翠即在目前浩浩長江不費一葦航之也憶卯冬之風伯鼓怒雪浪掀天時蓋不啻晴雨寒暄之不相謀矣天之示人不測固若此四眺大觀樓傑然矗立新柳掩映憶當年與西樵兄梁天木于子先諸同人觀濤時猶旦槐軒文集

卷六 遊金山一 三十九

暮也彼時尚未有柳也今已成蔭矣須臾已近山下自此而東過栖鵲島形真如栖鵲又如小舟巖山足一名善財石蓋因觀音閣而名之也至東南門捨檣而登入即留帶閣乃端明學士與了元賭四大禪床時故事也僧云藏之塔上以作鎮或云元兵亂時攫去理或然也事不必攷唯留此韻事於千古亦足以永鎮山門矣環山皆列雉堞乃已亥海上亂後所作也山容改色此亦不得不然時數為之山靈亦不厭唐突乎登高臺俯大江浩浩

馬嶽嶽馬如在足下思昔子言弟與雲麓年兄醉飲側臥牽衣忽墮時疑即在此地耶一沙彌導行至中冷泉有亭焉題曰第一泉或云在郭公墓下亦不必辨矣入僧庭有紫牡丹一枝方華喜得見之登小閣望江面更自開敞汲泉澹茗而飲之石簾屹立中流如列屏幃于几案間舊名雲根島俗謂郭公墓者由毘盧閣藏經閣登塔盡其巔賀子有難色強之亦同躡馬天下事何者不可以勉強而得之哉北望悵然有懷疑時良久題句于壁賀

槐軒文集

卷六 遊金山二 四

子司之亦一快事凭檻四望留連移時是日也天清日暖風恬浪靜俯視江面如平砥有水色如席地大者一清一濁歷歷可數此亦唯風浪不生乃能辨之今日何幸得此可謂平生快遊矣下至吞海亭讀其碑記乃王百穀為其時中丞公書也東則留雲亭其空碧亭則已廢址無復存矣再下而右折小徑崎嶇望來舟繚繚而至率皆遊人也入裴公洞唐頭陀始開山者旁壁有浮王二字山之原名也以得金數百鎰故表易今名愚意則謂舊

各自雅雋可不必更然非號金山則亦未必能成
此名也人情好尚雖天地不能強之使尼也可費
一吟喙由前道返僧閣則翻閱墨刻多有佳者盡
載而歸此遊庶可不虛矣食罷少憩讀文衡山所
書十八詩夕陽入牖乃別去期以重五前仍當踐
約此一遊也所未至者妙高臺盤陀石妙空岩朝
陽洞江天閣龍池江山一覽煙雨奇觀二亭以俟
再來登舟瞬息達避風館登岸回顧金山如在晤
對矣是夕十七日乙卯也

魏幹文集

蘇州雙金三

四一

遊焦山記

遊金山之二日丁巳凌晨有京口吳秉宗何雍南
程千一昆陵董文友訪予避風館之大士閣上閣
與金山東面正相對留餘訖偕步臨江菴觀僧寮
牡丹名玉樓春者華方半坼芳豔可喜時市人僮
父觀者如繹不絕一覽而出遂自江岸登舫日已
暄赫殆可畏矣文友出新詩一卷乃清明遊揚彭
山絕句十五首與何程兩子相偕和者以示賀予
天士同為嘆賞過談家洲約十餘里直抵山足至

魏幹文集

卷六

四

則泊舟洲畔登岸行蘧菰中蔥蒨如新竹不數十
武及山巖紆回亂石中乃得平階而東長廊數十
楹至人勝坊前坊亦以焦處士名也平臺擴數丈
層級臨江可以望月可以追涼當有奇觀入坊為
焦山寺門額吳峇所書山舊名樵山又曰譙山以
處士易今名先步大殿後一軒有古鼎相傳為周
景王時物亦無款識可辨壁間有宋真宗徵處士
勅勒於石聞有名袖繼起者在東方丈偕同人訪
之數語而別出步山右尋磴道而躋之至一閣新

構未成偃仰少憩飲少輒醉與諸子談往昔滄桑
事有感於中時作曠達語日向夕步山椒一閣蓋
即所謂松寥宛然碧霄者吸江亭舊址也有楊椒
山先生所題絕句云楊子懷人渡楊子椒山無意
合焦山石刻如新蓋重其人而名隨之也旁有數
碑記字率磨滅不及辨縱步山趾望海天江光烟
樹迷離三神山彷彿可接山僧云今已嚴斥猴不
復得問津矣聞其東曰海門亦居然桃花流水別
一天地返由山之西循曲磴下及江濱殿危石乃

輟耕文集

卷六

七

得置足訪所為瘞鶴銘已崩摧於江波洪濤中不
可得而摸索故名雷轟石雖近有好事者摹鐫一
石置前山寺中蓋古今不相及矣坐巉石望江天
浩淼真可作遊人地但恐習見或視為無奇耶過
三詔洞禮處士像得句云三召翹車猶不起却留
遺像在人間海門東去杳塵境名姓何緣借此山
石壁有坡公書不可復識道旁刻浮玉字者二夕
陽返照乃回舟徑渡惜未携襍被來留山中聽江
聲候眺月也後聞劉子令修名鍊者癸卯秋聞所

得士讀書山中之佳處亭畔即坡公寄佛印為我
佳處留茅庵之句後人取以名亭是日劉生未之
知遂不及晤語它如寶墨亭海雲樓別峯菴碧桃
灣青玉塢鍊丹泉善財石佛印退居與處士之明
應殿楊文襄鎮山玉帶皆未及一一尋訪需之重
游未卜何時耳雍南千一葉宗三子中道別去文
友同天士留舟中談古今人物風土之略語多不
載此歸寓星光雜燈火矣

輟耕文集

卷七

七

初遊西湖記

杭州西湖為天下艷稱蓋已久矣自有山水以來其閱歷世代已不勝屈指而況於人與木石之紛紜乎有唐大曆長慶間李白兩公經理是郡或濬片泉之宜或開湖田之利率皆休養生息其留意此邦之土地人民者時時有室家桑麻量雨較晴之念殷殷于中非草屨遊觀之樂也以故去後輒見思身沒而名存甘棠遺愛往往祠祝而誄歌之不哀豈僅僅一風流太守笙歌筵筵得嘉譽于

槐軒文集

卷六 初遊西湖一 四十五

此邦之人耶至宋則有蘇文忠治葑為堤州人賴之遂為永利故蘇公之名與白公並傳不磨也余童而習聞即美所為六橋花柳者夢想饒渴二十餘年矣今春乘暇趣理江湖之棹由淮揚而南自金焦北固而吳門而松陵而秀水而魏里以迄于茲是為四月之既望日至則入昭慶東方丈經房僧室詰朝偕同人趙千門賀天士及同里諸子先決策為天竺靈隱之行是日蚤飯登舟于湖濱望斷橋而東不見所為花柳者豈當年之佳麗繁華

盡成虛語耶心竊疑之渡三橋而入又有所為內三橋者則白公堤也花柳雖可盡而此二堤畢竟歸然長存此即二公不泯之德澤也慨慕久之于時微露風細湖波不興新荷田田方如蒲葵扇間有出水翠蓋混漾舞風而朱華冒綠沼則尚未之覓也此來于春則已過時而于夏則為不及時一早一晚波光其不我訝乎再東則毛家埠舟于是乎停棹乃捨楫登岸千門來馬余無馬則與諸同行者各策衛以從徑趨天竺道上峰回路轉凡三

槐軒文集

卷六 初遊西湖二

四六

四里入自山門有嚴學士題匾其上廬闌數家有若城市時微雨作山色如在畫中看過中竺雨稍亟徑趨上天竺入門有僧相導進盥拈香訖仰瞻殿宇巍然壯麗眾願所歸傑閣斯起人天之界于此可證入後殿登新閣乃見所為山巒者僧指點之曰對面為乳竇峰左為獅子蓮花二峰右為雙桂峰凌則白雲峰此五峰迴環而三天竺迤邐其中幽秀可想名勝洵不虛耳啟浚臆而山樹見焉林木鬱森依然當年舊觀不似前山之半斃杈柯

狀也地以僻勝木以幽全宜哉歟若少食而下遂
歷中天竺及下天竺訪所為三生石者山岵遂谷
奇峭如削如畫此山靈最著意處也有石壁如老
樹盤根詰曲旋螺亦大奇三三之語不必其果
有即此石亦不負此名矣山雲四合恐雨復作乃
返仍由前徑赴靈隱而同儕多由間道趨去矣行
行頃之見長松數千章率皆秃枝中露山骨若有
瓊瓏徑洞者疑即為飛來峰耶近而就之果然入
其中如屋如穴下可坐數十百人此天公故示巧

槐軒文集

卷六 初遊西湖 四

幻以誘人兒戲者耳佛像過岩壑間楊建真伽斯
洞山靈之罪真摧髮難盡矣可恨可恨至寺前為
冷泉亭一泓清碧荇藻若空水聲瀑寒湧出半壑
間真可樂而忘饑入禪院登華嚴閣望靈鷲對岸
萬木鬱鬱不見山膚一幅大痴畫圖非復天竺喬
木僅存寥寥落落之觀矣日將暮雨又作亟返由
陸道行久之得鄂王墓下興展拜畢仰眺古木慨
然興歎依依不能去及瞻殿宇則摧頽已久丹碧
零落何人當為奚斯耶于路有所為六一泉廬舍

庵放生池陸宣公祠臺閣崔嵬遺像肅然想見垂
紳正笏立朝巖巖氣度名實在人於斯可見遇朱
文公祠闢者無人未及入日已暮林處士種梅處
未及一觀過斷橋望吳山襟帶一水間昔人點漆
設色則氣象萬千今日摧殘折辱則巨靈波臣有
歎容而嘆耳西子蒙不潔想在姑蘇既墮粉黛凋
謝時耶余生也晚對之不勝悵惘耳誦白蘇湖上
之篇閱袁楊湖堤之記令人輒喚奈何亟以大白
浮之泖桐閣上偕遊者萊陽趙千門丹陽賀天士

槐軒文集

卷六 初遊西湖 四

山陰周既白同里郝善于暨姪彪也時在戊申四
月十七日乙酉宵識

再遊湖上記

四月廿四日壬辰同人頃檢討眉山頌侍御率將
及嚴都諫顯事季子進士殿華招我再為湖舫之
遊與偕者中州祝義部公東萊宋臬憲葛蒙及
余六人也先是左伯夷公輔辰糧憲劉公君顯臬
使金公鎮遠及暹司石公瑯公亦期會是日相俟
于湖上朝鋪凌曙自湧金門天乍晴微風頗熈乃
減衣以行至昭慶寺西南岸登舫諸公咸在焉遂
泛舟自斷橋入裡湖取道故山下訪所為林處士
轉文集

卷六 再遊湖一

四九

種梅處幾舟拔鵲亭前其上則七賢祠舊為四賢
祠祠內祀白李蘇林四君子後有續入者名不盡
記問黃冠求所為處士墓者導至一曲室穿小園
而入有竹數千個小梅數株老松一枝虬然下垂
處士墓在焉短碣二尺許率磨滅不泯辨字讀之
不能成句噫嘻處士于今已數百年而名與西湖
並永組豆百祀與白蘇諸公有功德于斯土者並
留芳蹟于大壩也豈非士林之表表者哉獨其孤
子一身琴書失傳子孫無聞焉未免為此公缺陷

耳或者處士身為謫仙偶爾游戲人間不必有妻
孥之累灑然蟬蛻如飛鴻之過空江不留點爪也
亦復何憾意者天公之靳人以全福有清名者當
其榮澤遂以是抵之耶是未可知摩挲新篁噓然
長嘯良以八竹牕道士以茗飲之清風徐拂俯眺
新荷漸可覆水未及浹旬湖頭遂已改觀矣雖無
花亦自芳蒨也望葛仙墓竹閣虎頭厓皆不及至
此來唯與處士作緣耳出祠院諸公使者相要乃
返舟再進數觴望東南放棹近使若舫乃別同人

槐軒文集

卷六 再遊湖二

五十

去至則連檣巨艦以載優厨蓋湖上之雅集類狀
劇演饗玉麟之半至湖心亭少泊舟風益亟稍有
寒意天亦微霽山色濛濛晴雨總佳第與會所屬
則存乎人耳登閣四望雖牒咸在目中劉君顯指
而目之曰某所為某公署某所為某公祠蓋歷歷
如凡案間耳遙望湖光一派青白相間如徑路然
思得如琴高湘君輩凌浩波而採江芷乘桂舟而
載雲旗出入煙波自來自去快何如也讀壁間萬
開來僉憲山色空濛雨亦奇一韻四首思一和之

採葦亭畔即以作羹蓋已過時矣坐中尚有未辨者補前曲終不須奏雅日將暮風未已諸公各有還意恐為城門所限耳余亦畏寒欲返亟以肩輿來遂登岸而別仍入湧金門徑趨吳山訪子言弟于吟桐閣下一話乃返

吳興峴山記

四月二十六日解維餘杭晚泊橫林五夜放棹薄暮遂抵吳興是日微雨濛濛兩岸山色乍隱乍見如在畫圖但恐畫不出耳余謂友人賀子曰此行十倍於西湖矣乃知山水亦未可徇名也比近城望見林壑秀蔚大非恒境不知何所問之上人乃即所謂峴山者亟命舟人櫂櫓其下褰衣登岸唯恐後時雨猶廉纖不止屐齒印泥皆成滑膩衣過花間零露瀼瀼若有陶處士之巾亦不啻從漉酒

出矣即有數進人先踞窪樽亭上余過而弗顧也拾級而登數十武至遙老堂乃嘉靖中州倖楚東陽君所建以居此邦之耆舊倣昔香山洛社故事捫碑讀僉憲官方山重葺紀事甫畢去之前峰則為先賢遺愛祠有顏魯公杜樊川蘇文忠王忠文諸公俎豆在焉蓋皆守是郡者功德在人文章赫奕異代風流髣髴如觀也再右則滴翠軒州人肖吳郡守小像于此甘棠餘蔭此亦見一斑矣余謂此山與羊叔子之峴山不知何若而遠近賢守令

之遺愛在斯是一峴山矣維時雨霏霏未已俟後
舟尚未至乃披吳興山水記一卷坐喜留亭畔問
山僧而指點之曰若者為碧浪湖若者為浮玉山
若者為道場山若者為弁山若者為毗山昇山何山
車蓋山重巒疊翠迴環離立如在目睫間居然一
幅大圖畫可當宗少文半壁遊也其上為窪樽亭
唐左相李公所建有池一區又下為浮碧亭正德
中郡倅侯君錫所建咸有碑記半蕪沒于蒼蘚間
不復可辨讀因念前人作之後人承之方可永于
權軒文集 卷六 吳興峴 二 亭

勿替如蘇王諸公豈不焜耀百代哉而空山樽俎
誰為歲時薦溪毛耶藉非郡守吳公治行之暇排
徊登眺慨然而興起之又不知其地廢于何似也
因紀其美而系之以詩曰逸老堂空名未虛喜留
亭古事何如看君為政峴山日片石銘深羊子書
郡守江都吳子蘭次也

重午日登虎丘塔記

自維揚掛帆日即期重五前必至金山觀競渡也
乃雙丸如駛兩脚如繫揮戈無方縮地無術令人
輒嘆奈何臯月朏始達吳門計三日內必不能趨
京口乃留此地度午節矣是日新霽薰風拂拂朝
舖浚與施天若左君伯仲毛君平賀天士朱來公
諸同人汎舟自閶門外過三塘橋而西至半塘北
龍舟在焉少泊觀未暢遂至虎丘入山門過千人
石登自左巖坐小閣樹蔭蒙密紫綳欄攏開岩崖

權軒文集

卷六 重午日 一

書

巢一枝也凭檻俯眺恍如置身雲霄半矣少許訖
乃獲其左扉入不數十武即達天王殿入而西乃
大雄殿間僧以塔所從登則漢之自殿凌入與同
儕攀緣而上盡一級則必少立留連四望各有異
境尚恐未能達其巔也拾級而登遂盡其最上一
重憑欄遠望湖山歷歷皆在目前遠近樹色濃淡
青翠恐畫家設色或未能盡其狀也烟火數十萬
家簷雷相接梯比鱗次實江南一大都會也凝眸
良久更移一面環眺之山光野色率自不同畢收

之決皆一望中矣人行如螳飛鳥若蜩時有禽聲
上下睨眴林麓間亦一盛觀也因幸今日雖未及
登金山此亦差足當之且不啻過之也同人咸動
色相謂曰不可無以識之爰成七言二韻以紀其
興云

遊孤山記

余自戊戌歲始約畧為買山計首得肥子之孤山
蓋與西泠梅圃同名而異地也再十年戊申南遊
江干遠訪孤山處士于靈鷲之浦得請其種梅處
疏連水夕有亦既觀止之喜草惜其梅妻鶴子半
畝荒涼蕭蕭數竿虬松一枝不足為孤山留勝槩
而半壁蒼苔巍然西大字僅見於陸宣公之祠宇
巖上豈處士之澤僅及其身而宣公以立言立德
功業滿天壞遂竟掩而有之耶它日重遊湖上當
搗此一番公案丁未秋初始與五岳寓仙杖策來
肥日向稷甫及山下小圃留憩頃之亟返城中未
及領畧山靈之彷彿耳年來夢寐嘗不離此一卷
石雖處巖廊瑣闥間每作餐雲卧石想今春有微
疾便結煙蘿之夢夏中得請乃向東南山莊而來
既秋徂冬十有一月廿四日辰後自肥邑而東望
見羣峰巔岬中圍如覆茨上有層巒遠映秀出
于嶺雲之上者如芙蓉如仙掌如劍戟森列如錦
幃翠屏蜿蜒蔥蔚不可名狀行而至邨落而孤山

乃在目前矣是日止宿北舍詰朝早飭僭寓仙建
都兩兄及山中友人樂生倫如緩步班荆為山楸
之行允三憇而至其巔偃仰瀟永幕天席地不知
日之既斜矣東望崧高一峰雲氣瀟然縹龍卷霧
如接羅之抹額者同人遙指曰此岱宗也噫嘻此
予昔乙巳春奉

老母太孺人所陟道也妻朕有白雲陟屺之感不
忍再一凝眸其少西為黃山相傳黃巢之所頓兵
處也南為龜蒙兔嶧諸峰關里處乎其中杏壇講

槐軒文集

卷六

五

禮之所集也西望陶山越大夫少伯之所從遊也
近西北為牛山李中丞之書院在焉其曰大峰者
昔執友韓先生之仙蛻地也再北曰馬山蓋肖其
形而名之丁未秋予曾秉炬而登之者也舉杯數
酌頽然半醺卧誦新詞二卷而後下經三教堂之
在山坳者鐘鍊上著名谷山或土人訛語而誤傳
之也未為確據日既晏興亦酣乃尋小徑而歸
求南園少憇入北堂餌黃精飯胡麻烹小鮮飲可
三升而醉二參爰濡毫而識之庶乎不虛此行耳

是日甲寅微霽南風不厲以斯盡山遊之始事也

槐軒文集

卷六

五

登華不注記

庚戌孟夏小既日乙卯偕丹陽賀天士同里陳正符溫惺還郝善予長清郭雷源諸子約適全椒陶廣臣新城張寒叔以對策至自都門暨家阮東觀杖馬筵出歷城東門為華不注之遊是日微露風清無暑洒然快之按轡循河渠至山下華陽宮重門內解衣盤礴憇息久之誦董玉虬壁間石刻數咏及前光祿丞董君杏所書忠孝大字坐臥其下少飲且食望山色之巉巖聽松濤之琴籟非復塵

槐軒文集

卷六

竟

俗間想矣日向晏陶子別去東就來青軒即舊所為觀風亭者杜楹下向戶仰卧欲飽看山色以當游覽有和壁間黃中丞韵云先登絕巘思保健直入重雲羨鳥飛固未敢作攀躋想日之夕矣起自後園出短垣尋石磴聊展數武欲少攬目前野色耳行行且憇且憇且行遂及山之半巖雙桃樹下少坐再招同人之在山麓者率怯懦不能從廼與正符雷源及東觀登焉時天足似跛時蒲伏似挺或十步一息或數十步一息少焉望見巔之臺宇

欣若身陟琳宮也有石門二西向者題曰天門其

南向者題曰無極境一聯云運動洪濛生一氣劈

開混沌產三才語亦奇曠不知何人所作立危峰

俯芳甸兩河水如環如玦縈帶乎其側遙望南山

層巒疊翠儼若列屏培塿數點如潑墨之在幀末

樹影參差映帶村墅大有桃源樵父之意正符則

抵掌談往事不覺諫聽移時薄暮乃徐徐下其西

壯喁有洞曰金牛者土人相傳昔有兩道人對奕

其間蓋仙流也以日暮未及至之其山之半有呂

槐軒文集

卷六

李

仙祠旁一巨石題曰飛昇巖相傳為呂公飛仙處及山麓謁四帝祠出則與同人聯騎山之右自東而北一峰頗類黃岡之筐山而差大此山周遭不過三里許宜乎齊侯之三匝而遁遂成遺跡耳或曰不當讀作跼與跼字同華之萼也以山形似而命名義或然歟昔人有咏云羞稱泰岱兒孫列獨立千秋不署山可作註疏矣先是丙午重九日與山莊朱青崖郭藩東肥城尹從之歷下張喬臣同邑冷智寰曾及其半厓仙人閣而止以力不足故

耳茲來初有難意不敢自謂必至也乃不強而自
馴至之天下事有志者竟成豈不然乎時日幾何
人面頻改今之同儕半已星散重來當在何年識
之以驗它日之力猶能健及此否耶一笑

再遊龍洞記

丁未秋中與同年黃振侯友、朱青崖耿寓仙數
人同遊龍洞飽看山色及龍潭佛峪諸勝然未及
入龍洞也數年來每以為缺事去年登華不注及
千佛山各極其巔今來又登峭山而窮其勝意中
唯切切一龍洞耳六月望日乃衝暑為龍洞之遊
同往者鐵樵四兄寓仙紫垣蘭阜善寓七澤子昭
及余八人先至山麓水邊柳下少憩見溪流潺潺
濯襟漱石可以滌塵可以祛煩方遑回而未幾去
頃之見有策騎聯鑣而來者則平原宋介石趙章
玉也未幾又有僕從數人雍容絡繹而至者則同
年徐搖上也共得十一人斯遊可以不孤矣再行
里許乃入山嶠稍西南而北折則奇峰稍見恍惚
不記昔年之勝搖上亦曰蜀中山水其最平易者
似此耳再一深入而石甕見矣懸崖峭立真如畫
屏見者咸為詫嘆不敢復易視之至則入西殿見
其後壁立巉巖如天半芙蓉突兀三峰環拱若衛
蓋天開一畫幃也坐卧其廬依依不忍去布茵於

地卧觀之已而寐去夢境亦清寤而待食食已將
登山坳覓龍洞焉鳥道紆屈扳藤附荆而上至洞
口有石砌其半聳身一躍乃得入焉其中頗無暑
氣上下皆蒸濕如墜露微雨初過者然山僧以火
爇之乃可行約半里許層穴數重身可俯而進其
高者則手不可攀有一孔稍明可通日影然亦一
綫天矣比及出洞口則頓覺炎歊如另闢一世界
耳何涼燠之迥別若此少憩尋歸路夕陽在山雲
影時過不及停驂薄暮入城已見月出東山矣辛

癸丑文集

卷六

再遊龍洞二

六

亥徂暑望日甲午也

庚戌重五日同遊歷山姓氏錄并小序

是日也天日晴霽清風徐來同人先俟於山間肩
輿趨出夫南路下院稍憩易騎更衣行不里餘已
及山麓石磴糾曲而似虬新栢分行而布鬣躋乎
重閣豁然巨觀洞中仙容起人仰止之慕世外閒
譚淨予塵纓之想分曹布席樽罍與花籌齊飛拉
侶盟心雲影與山光相亂日云暮矣衆賓言歸二
三同侶獨留山舍晚涼振袂係升乎兩山之顛御
風捫蘿徐步於東岡之苑脫粟數箸白酒一杯策
杖徘徊返乎仙宇遙望城中燈光燦燦其如錦仰
窺天際白榆歷歷以張羅話及夜今兀然就枕夢
若遊仙忽已達曙朝炊未熟而僕馬已在山逕矣
因同人之雲集感盛會之不常爰紀姓氏以發詠
詞使他日覽之儼然此遊未散也

王刺史諱畫一字較若直隸廣宗人年五十六歲

鄒給事諱之璜字惕菴江南寶慶人年四十八歲

黃比部諱永字雲孫江南武進人年五十歲

賀文學諱宿字天士江南丹陽人年四十八歲

槐軒文集

卷六

六

蕭明府 諱維樞字拱辰德州人年三十八歲

張進士 諱祿徵字受之新城人年四十五歲

丁進士 諱肯字與偕日照人年三十八歲

衛鳳石名雲翔年七十三歲

韓見龍名通年五十三歲

張太學喬臣名世紳年六十歲 已上三人皆歷

城人

孫文學我康名詒謀年五十三歲

殷文學貞一名培元年四十三歲二人高唐州人

魏軒文集 卷六 姓氏錄二

六五

邢景石名理年四十四歲

邢宗尚名士書年十七歲臨邑人

郭文學雷源名金甌年三十七歲長清人

王孝廉東觀名啓大年三十八歲新城人

陳文學正符名發祥年五十八歲

溫武舉惺寰名聖教年五十九歲皆在平人

是年余四十三歲

午日登千佛山仍用戊申是日登虎丘塔上

韻

勝遊擬向此中尋五日南山共俯臨雅集何須鑄

曲水閒行不復棹山陰天涯星聚憐同調四座雄

談各論心九點煙巒青歷歷明湖何似五湖深

二

山椒直可望金焦一綫天通宜憚遙西眺崦嵫憐

暮景東臨渤澥聽鳴潮龍標何處青鳬舞盡鼓頻

催白墮銷再待十年尋舊約相看白髮半蕭蕭

魏軒文集

卷六 姓氏錄三

六六

序

增修在平縣志序

吾在視疇昔罷甚矣蜚鴻肅羽于中澤長楚倚難
于原隰驛使旁午徵調紛紛歌藪擣者未復阻昏
塾者其魚欲得仁人君子生聚而教養之非幾十
年不為功大雅之詩曰民亦勞止汔可小息又曰
豈弟君子民之攸望望之切思之深已辛丑春宗
州王父勞轍若公膺簡命來視茲土甫下車而
甘澍隨之訟衰刑省三月而四境大治士服其教

楊軒文集

卷之十 增修在平

序

民衷其德不期年振頽起敝百務具舉有司上其
績於形庭特賜褒嘉不次優擢居無何以邊
圉需長材經理授貴陽廣順州刺史公眷顧於在
弗忍釋也念數十年來滄桑日變兵燹頻仍邑之
舊家藏書率多散佚即邑志亦僅一二存者且自
清苑吳侯迄于今五十餘載其間天時人事歲序
推遷機祥稜氣興廢不一不有述者後曷聞焉公
慨然太息曰在平山亦樂土也昔何以裕今何以絀
休養生息非有土者之責歟比來田野漸闢人文

楊軒文集

卷之十 增修在平

序

蔚起其殆剝而將復之會乎後有君子嗣而綴之
庶幾風之不遠也志之以觀時變是亦文教之一
端云爰咨爰度請于山公崔君東萊張君及一二
摘詞能文之士綴輯遺聞摭拾近事廣搜網羅續
於舊志之後載文貴簡不貴博記事傳信不傳疑
他日執簡蘭臺珥筆天室將於是乎徵之余自
戊戌上公車應廷對而來也試館職淹留京邸
不窺故園者六年于茲矣里人來遊京國者時時
為余言吾鄉漸有起色四方之士君子經齊魯以
來者亦具為余言吾在疇昔凋瘵之狀未嘗不咨
嗟而動色也今日者得賢父母為之生聚而教養
之瘼者以愈困者以蘇水火之餘登諸衽席將見
後之宰是邑者聞風興起其必有繼牛徐沈朱蕭
李諸君之遺教善政以加惠吾在者乎俗尚禮義
之舊鄉守高士之風家絃戶誦平疇沃壤比屋而
封鳴琴而治安在今不如昔耶是役也通觀厥成
舉數百年吏治之隆替民風之淳漓人才之盛衰
戶口之耗息山川城郭之變遷及夫節義文章風

土人物一開卷間離離如列眉豈非茲邑之所必
詳耶編纂告竣乃畧述其梗槩而書以誌時日

槐軒文集

卷六 增修社三

光

邑侯鄒公德政序

今上御極之二年癸卯四月廣陵 楊翁鄉父母奉
簡命來蒞我在一時待澤仰流者望為景星慶雲
于其初至有隨車之雨有岐德之瑞三月而頌聲
作五載而治化成百里之內四遠之郊駸駸乎登
于仁壽之域矣邑人士之沐浴恩波者咸有召父
杜母之誦焉迄今年

聖天子親覽萬機推恩中外大法小廉悉得以身所
應予之爵榮及所生我 侯以循良茂績首膺斯
槐軒文集 卷六 邑侯鄒一 手

典 貶贈兩尊人 太翁鞏湖公老先生 太母
陳宜人如其秩兩令君英年妙才玉筍一班三月
之間竝舉兩曾孫咸鳳姿襲祥玉質清峙見者羨
為君家雙璧嘉平朔三日為我 侯松生之辰邑
之薦紳子衿以及田父野老無小無大進而色喜
曰戒人之貪德于 侯者甚渥以深每懷畏壘之
祝罔知所報今茲懸孤令節躋堂稱觴之義詎可
緩其何以為揚卮之辭乎余聞之慨然有合也諸
君子其少埃之夫人子之榮有大於躬被華組服

勞王事而以袞輔之 命寵錫其親者乎抑聞
之長老有言德盛者助多福厚者緣脩以我 侯
今茲之祿位攸隆譽聞丕著揚名顯親而光裕無
窮也可益信之矣憶卯秋承 命試士南國過寶
應邦溝之陂望白馬射陽諸湖光見其佳氣鬱葱
山川蒼秀意其中多碩德隱栖之士其後世必有
以文章顯者父老輩咸交口揄贊 贈公毓翁老
先生之為人經明行修當世羽儀以孝友世其家
而又有歲後讓盈之風大江南北間學士儒者多
極軒文集

天子嘉乃丕績 聖書增秩將如神爵五鳳之間類
為山左治行第一
以安民一道州之陽城元結也禱雨立應一精然
之祝良蝗不為留一德化之魯恭不忍欺之卓茂
也至於嚴守望而崔符屏跡潞河渠而陽侯就道
則誰嗣之國僑治漳之史起也乃若嗇于自奉則
范滂燕之塵甌可謂潔以律已則羊與祖之懸魚
可風也 侯之善績惠風初試於僻邑以小行其
家學者業已表表若此今歲輯瑞之期遂以奏最
天子嘉乃丕績 聖書增秩將如神爵五鳳之間類
槐軒文集

張子靜也制義序

憶昔壬午歲與靜也張子同受業於晴嵐韓夫子之門維時靜也已哀然為名下士余甫角州韓夫子之朝夕提誨累無倦容蓋發其脫穎而出閎閎焉如嬰兒之望長也自後兵燹播遷幾無寧歲丙戌春韓夫子筮仕潛江唯余與靜也交相磨礪寒暑無輟辛卯之夏就居城西之別墅張子之里有橋端然眾流深匯小圃數畦蔣以花草猶記葢珠西牕篝火熒熒月夜雨朝未嘗不疑義與

槐軒文集

卷六 張子靜一 重

析簡練揣摩以庶幾得一當也比秋而與山公崔子聯翩並飛里之人莫不聞而豔之且歎以為有志者竟成也未之役余先着鞭靜也亦中副車其稍後於時者蓋命數使然非揣摩之不力也亥之秋余方讀秘西清靜也猶滯棘闈偶以表題遺字報罷是不無有數焉辛丑春初靜也復上計車其氣悲涼其色澹漠似若不經意者探其篋有文數百首蓋舉從前之簡練揣摩者漸次就削而所為握奇制勝者亦自信其必無遺策矣榜發而靜也

果巍然高擢此中鑿枘之合鍼芥之投雖曰遇固有時亦其遲久而發修業彌精不復留遺憾於其間也靜也慷慨有大志少負奇氣卓然自樹積唐物表弱喪失怙家益中落北堂雨雪杖杜相依袒褐羸羸清影難堪靜也頽益喜自負手錄經史詩文不下百餘種以及先輩時賢制義無不畢羅而致之磨厲淬鍊銷融古今人之面貌而得其神理間游志詩歌古文詞歐蘇書法脩然遠暢有靈均荃蘆之思無束晢軻之歎蓋其天性豪邁誠如

槐軒文集

卷八 張子靜二 志

黃山谷謂太白人中麒麟譬如天生富貴人雖醉夢吟嘯時作無義語決不作寒乞聲張子近之其為文沉涵寡澗如聞蘇門長嘯響振林樾又如聽鈞天廣樂方響金聲比德玉亮昔人云文者心之聲也當其操觚染翰隱隱尺幅間而其人平王風姿與其光華福澤嚙昔寄託窮達險易之節莫不於是焉應之張子以雄才令望出其所學以霖雨天下他日大廷對策視草承明聲名藉甚蘭臺石渠聞知其經國大業與曲江燕公掩映後先衆

所云光華福澤不且與張子之人之文若操符契
哉天下讀其文想見其為人當必有不負師友之
義以徵其出處則有久要之言在

信初詩序

信初以韶年之令姿負曠代之逸才博雅多藝藻
艷絕倫而德性又足以勝之故當之者如飲醇醪
不覺自醉甲午舉于鄉即已名噪中州乙未及余
同傳淡墨戊戌復同射策猶記孟夏之朔是日也
前後立彤墀信初方揮毫珠玉手不停書向夕對
嚴而名已進 睿覽初以第一人位之既而稍次
句牘之冠人方為信初惜而信初恬如也不數日
同膺 特簡命讀中秘信初即覃志精思一騁絕
魏野文集 卷六 信初詩一 壹

塵每試輒踞前茅同人避避不遑而信初不色喜
已亥冬授史館者十人信初獎得而佹失同人咸
為信初訝而信初泊如也辛丑夏解館而信初授
栢臺聞之者色動而信初終不以為意蓋其性情
誠有大過乎人者他日臨大事而不驚當大任而
不疑固有以信其生平矣館課之餘閒為詩歌要
皆抒寫性情不屑屑於詞章雕琢之末然而典麗
清拔饒有天寶萬聲一時作者咸推前席平生著
述無慮數十種即集中詩不數十篇而其間忠孝

大節曠迤高致俱可於吟餘想見之予每讀古人集必先其氣節而後文藝若品行有咎或倚才傲慢者評文雖佳亦必置之別麓不以涸吾側顧與同人共為勉之若信初者可無間然

賀紫垣舉子序

易若震索詩咏螽斯書命教胃禮載達弘人道之大父子為重若是夫誕育慶祥之足為嘉樂而稱歟也語云有子萬事足蓋為中年以上之人而言耳丈夫立身行道揚名於後世以顯父母固有無窮之事業迫之而起何得以有子謝其責曰夫夫也不於其身必於其子云爾哉然有子亦綦要耳瞻彼南山維喬與梓溯厥源流先河後海原原本本願不重歟吾友人紫垣張公之載宜男也是在

辛亥之歲陽月之既望吉日維良卜辰云吉賀單實訐呱聲載路誕彌厥月肇錫嘉名眾親知萃慶而謀欲稱觴晉賀而徵言于余余惟富壽多男見于華封之祝嗣徽百男以美太姒之德有子多才而賢人孰不願且慕之然有不可必得者論者往往難言之若我紫垣親翁世德作求會須克昌厥後宜其七葉珥貂螭于安世之厚福九世同堂儼于公藝之家風三戟鳴珂埒於師約之齊名世掌綸誥彷彿乎嘉貞之繼美子孫緼緼固其所也而遲

之又以自今伊始適以有穀貽謀克允厥宗者殆天之所以厚其澤大其門將使其餘餘爪徒奕葉而彌光也紫翁少負不羈之才夙著卿曲之譽伯仲聯翩為一時名彥聲采焜耀贊序間已三十餘年而身未博一第至今猶偃蹇為太學生尚有木天大業藝苑鴻名需之異日光前裕後之圖猶多所未竟紫翁豈遂以是自足哉而老蚌生珠撫此寧馨堪娛懷抱頭角崢嶸岐嶷煥發則自今日蹶生之初而已信之況乎麟趾玉樹蘭茁芝秀緝緝

槐軒文集

卷太 賀紫垣二

五

蟄蟄不一而足將再見於他日者尤方來其未艾也昔商瞿五旬以沒子五人燕山靈椿一老而有五枝之榮此固其左驗矣吾儕今日與此嘉讌行見歲歲寫弄璋書作湯餅會玉燕石麟之祥蓋於其世德積慶之餘而卜之非徒以覽揆初度之日而漫為頌祝也友人咸拊手稱賀曰唯唯遂以此語以張之座右歲在重光大淵獻暢月既

槐軒文集卷

荏山王曰高北

傳

西寧憲副前荏山令場岡李公傳

李公名昌字振家號場岡河間興濟長興里人也幼聰穎多奇有游僧過門撫之曰是子長必為治世名臣也七歲就外傳授書輒成誦年十七入里庠再試即食廩餼自是每試輒居首符司理關公考書院一府就試獨取公為第一此國器也尤

槐軒文集

卷七 雜著一

一

為督學左公滄嶼所推許天啓辛酉舉于鄉乙丑成進士授山東荏山令與利除害加意窮民會州邑分派王夫闔郡苦之公力爭荏獨獲免焉銀差不派大戶百姓稱便鐫鉢不漆笑比河清吏胥畏若神明數百里外咸知有李青天云後斷奸吏殺嫂事壽張道獎之曰非李荏平不能得情如此戊辰丁父憂哀毀骨立既去官俸薪之餘悉貯庫以待後人庚午起補陝西三原縣三原故劇邑公治之革宿弊絕饋遺一如在荏平時當是時總督楊

公降齡勦流寇于環慶路公調兵緝賊守緘志不
擾嘗斷疑獄活數人命按君李公奇公治行多屬
以事遂寢失應道旨已乃疏公下考罷公去百姓
乃肖像祀之公家居日嘗謂其諸子曰子孫愛我
不如三原民癸酉補河南之光山繕城守却強寇
又立斃奸豪結黨持民間短長者時久旱忽雨大
澍甲戌入為兵部武庫主事提督武學大司馬張
公稱之不容口已亥試天下會舉公預外提調又
領帑金數萬犒軍于大同轉車駕正郎丁丑皇嗣
槐軒文集 卷七 百事第二 二

出閣大司馬楊公文弱選侍衛屬公督掌甚簡任
之立紀幕疲金錢問遣者皆失色以去是冬出為
西寧分巡道西寧延袤三千里戎苗出沒其間公
坐鎮之邊境寧謐無犬吠之警時撫軍某欲扣軍
餉又有不便于民數事公面諍之乃以調陞解任
歸有總戎以名馬為贖却之行李蕭然原書二麓
而已歸而閉門謝客披書教子敝衣蔬食時時取
太史公史記誦誦之忘其飢寒也甲申夏 興朝
定鼎天津督撫北海張公疏薦之公力辭終視養

戊子旧宅園占家徒四壁公日食粗糲獨奉母以
甘旨無缺乏已丑公母歿貧無以葬乃假貸以襄
大事後遂棄宅以償之居去室中八年以病剝卒
于家

史氏曰塢岡公去吾荏三十餘年矣田野父老傳
聞公之治蹟猶時時泣如雨下何盛德之感人及
此歟再令巖邑晚今西寧一道所至有冰蘗聲其
歸也畫地西山一隅采薇蕨而食貧古之石隱君
子哉余尤悲公治吾荏之功尚有未竟之施也

槐軒文集

卷七 西寧第三

三

旌表貞節楊氏傳

旌表貞節楊氏者荏平庠生崔唯妻也崔于荏之名族中為世儒門氏亦舊姓女既于歸琴瑟靜好家翁友于叔如皆曲有禮儀居無何夫以疾卒氏年甫十九又無嗣子及女送喪後即矢志不嫁辛苦縫績奉二親旦暮薪水極新潔其衣服寒暑皆以時兩老人從容安養如子之未亡者若是者數年二親歿葬祭悲如禮會巡方大吏採訪郡內節孝有實蹟者入告請錫予以風示天下邑之賢

槐軒文集

卷七 旌表貞一

四

人君子同上其事于有司巡方以疏聞隨奉 旨旌表節婦建坊于城之東門內其世業前遠近閭閻中多慕而稱之以為楷式已唯之弟邑庠生諱驚人者及其妻王氏相繼殂遺孤五兒皆弱露未成立氏又恩勤撫育一如已出男有婚女有嫁且擇師課其諸姪長姪光斗為縣庠生仲侄迪吉順治辛卯舉于鄉戊戌成進士其閨門姆訓教養有法如此學者比于皇甫士安之孀云初氏之結姻也與其夫生同庚甲又同舉于正月夫以朔氏以

望二命俱逢令節其時鄉里皆謂其得天地之正氣後果以芳節著孝慈名聞于朝顯于家非偶然也獨棲者五十五年七十有四壽考而康又古之列女桓少君孟德權所未及是以傳之邑乘焉

槐軒文集

卷七 旌表貞二

五

信平鄉兩孝子傳

伯兄曰博之子名訥者與余同戊辰年生余之生以四月八日訥之生以十二月朔日甲申年與余同婚冠余之入庠以己卯夏日時年十二訥之入庠以戊子夏日時年十九其應童子試也改名穀張穀垣先生字之元淵云方其入庠時正搶攘綠林蹂躪起朝不計夕邑之人半適藪澤中中秋之望呂撫軍以羅將軍並至蕩其巢邑中人士多被荼毒火災崑岡誠有難為辨者余以家人踉蹌西走槐軒文集

卷七 信平一

七

避地西氏陂之蒲葦叢中竟日夜弗得食浚由博陵抵郡數日乃得信聞穀姪已殉於難嗚呼穀之歿其成於有所激乎父罹於難子何忍獨生穀之死其有以也夫嗚乎使穀不在城而偕余以出則可以不歿使余亦入城則相及於難亦必不能出矣卒之同其生不與同其死其亦各有命也夫余悲其志嘉其義諒其衷而誅之曰孝直為之銘贊並載別集中詩與悼章見之原上草

戊子之春授業西河侯里之南其族人號擢囊者

宅之東偏托棲而寓時同炊者惟室人與春婢惇惇相依重午之浚言歸外家秋霖霖溢遂止而弗去至秋再就館居數月而余以悒鬱抱憤歸寓居傅村之荒垣茆屋數椽宿草滿徑冬日萎絕蓬飄斷梗莽若積薪十二月十三日癸卯振子生焉生之時余方與慶占平子立五松齋松蔭下聞婢來說則灑然喜喜其再得男也蓋前于二月間福香兒以病喉亡殯呼於西室之牖下至是而有子則可以喜矣 老母命其小字曰成子己丑冬日僑槐軒文集

卷七 信平二

七

居薛里之草舍時相更抱以嬉以讀有子周日感懷詩庚寅歲邑居投館夏月而振兒痘症則稀旬日而愈若弗覺也猶記一日醉而娛兒兒則嘻嘻若解人意者余乃大詫疑其弗善也浚亦無恙猶記己丑九月十九日兒始匍匐曾有句以識之云生子如望歲翹翹待其成成之無躐等日月以為程手持足始健口食語乃清喜此寧馨兒朔魄已八更雖無以擬質頗能匍匐行漸可減懷抱嬉笑稍作聲吾心以慰豫用記時序明待渠有知日示

以今茲情嗚呼此言固未忍示也此至病將革則
欲示以此語而不及矣傷心哉痛乎予何辜何天
奪吾兒之速耶兒之生四歲余以辛卯售於鄉自
是而啼饑號寒之日其鮮矣雖有困迫弗足為苦
也戊戌冬兒隨祖母來京邸已亥秋日祖母
毋旋里次子隨去庚子春二子復來至夏而幼子
行三者殤于痘傷心疾首者累月而不釋秋日外
岳與姊父來視余於京振兒隨之去以慰祖母
也冬則迎養老母再至京邸辛丑秋初移居南

槐軒文集

卷七 年事三

八

辛壬寅三月朔室人至自家越數日老母言旋
送至蘆葦店迤邐大井登閣遠眺偕胡北老時兩
子皆未之從振兒自庚子春月從路公聞遠學在
四年兄書舍同諸世兄弟以課時有進益益切磨
之力居多焉壬寅冬日耿公隱之兄字之曰雲初
癸卯秋初始旋里甲辰春甫入庠未幾而病作六
月初八日家人張德來言其病狀余大怖時正在
臥齋倉皇中謂天其真喪哉乎數日聞少愈後漸
有瘳余乃少慰誠以秋涼就醫來京師亦謂其必

無天理也孰知其竟不起耶嗚乎自爾之生十有
七年未嘗有疾言戾色忤我前者其有弗知諭之
以義則唯唯聽耳近甫成童可望學為儒者孰意
其命之不猶以至此也嗚乎吾兒其真辭我而去
矣吾將如之何哉有汝母在家有祖母在家有
媳在家而汝竟死耶死其謂我何我不敢知曰天
道有知耶人生有命耶善者不必福而惡者不必
咎耶吾無以哀吾兒爰錫之嘉名而慰其苦心曰
孝

槐軒文集

卷七 信年四

九

誄曰穀之死也以戊子振之生也以戊子穀之入
庠也不數月振之入庠也亦不數月振豈穀之後
身耶何去之速也余為之解曰極亦猶子兄終弟
始石火電光如斯而已死者已矣生者何悲哀此
哀此吾欲托招魂於楚詞

贊

笠鴻小像贊 江天垂釣圖

笠翁笠翁圭璋其質風月其胸才空今古識入冥
濛何不置身巖廊之上而在空谷之中又何為不
乘風破浪一舉而釣六鰲擎雲撓霧旁求而羅八
紘而森森於煙波以寄其躬笠翁乎笠翁乎其在
漢廷可方曼倩在唐中葉可語君家青蓮有宋諸
君子差堪伯仲長公子京昆弟之間桃花鰈魚谷
口巖巖茲若人之儔歟

題軒文集

卷七

十

題友人小像

修梧茂竹樂我琴書悠然靜對遠意禽魚仁義之
入其容睟如言念君子自我人居居

小像自贊

北山北山懶于學仙拙于居官着衣加食隨寓而
安十畝之園林木蔚然有池有臺或方或圓文杏
舊槐以名吾軒吾將終老乎其間

石丈贊

文杏花下突兀老翁鶴頂駝背傲睨春風米顛坡

仙知我兩公讀騷飲酒樂在其中

題軒文集

卷七

十

誌銘

先考贈徵仕郎府君行述

不孝日高幼而孤不及見先君子之行事固不獲知其詳每聞於我母季太孺人及一二前輩咸知諸伯叔行所傳說者謹述而志之先君性篤於孝事先大父篤之公孺慕終身常視於無形聽於無聲左右就養無方晨昏膳寢視問必謹先王母武太孺人早世撫繼王母王太孺人所出弟憑倍友愛之常拊摩痛癢出入起居必同時槐軒文集

卷七 先行述一 主

其飲食相與為菜絲之舞以博二親歡族黨共稱之曰今之曾閔也先伯父少川公早卒有子曰博先君撫養之如已子教之書為之婚娶後其子穀與曰高同歲而生及其次子穆同歲至今人稱孝友云高小子何知猶記六七歲時先君授以書稍能口誦先君為之色喜旋潛焉以涕謂我母曰此子長當有立恐吾不及見耳他日爾母子必勿忘吾言庶可慰我九原母聞之泣且為婉言解之小子亦從旁飲泣未知此言之何

從也丁丑春亟繕邑居命小子從騰池李先生學時高十歲也夜起稍蚤欲向塾先君戒之曰無太急進銳者迅速讀書之功終身用之不盡矣在一時爾能久而弗懈何患不有成乎邑居之南與蓼帙王公衡宇相望王公丁丑捷南宮旗鼓輝煌賀客填門先君謂不孝曰爾他日亦復如是惜吾不及見也余有言爾其識之凡人兩家相訟者其中必有一曲無兩是之理曲者往往求請託免罪且將駕禍彼直者此人情也爾謹記之它日槐軒文集

卷七 先行述二 主

斷勿為老輩地不孝拜而受之不敢忘每燕居食息輒教以君國大義因高所能知者導之如弗及也騰池先生與先君故素心交也惓然相得甚無間其教愛小子高也亦如其子明年戊寅三月先君捐賓客小子高惴惴一孺子強梁者方耽視以為門戶憂賴李先生左右之邑之強弗友者弗敢侮也未幾而兵難作老母被重創幾棄兩孫子伯兄曰博月死救之出奉養無惰容沒不孝稍知學洎明年入庠邑之人士始知先君之

有子矣嗚呼小子今遭逢 盛時列官於 朝得
祿而養寵荷 贈封皆我 祖若 父為善積德
以有今日夙夜敢忘 先君之訓哉嘗聞之前輩
戚知及諸伯叔云 先君為人性倜儻尚氣節晚
年好道講明良知性命之學同里宏山張先生倡
明濂洛之旨於隆萬間一時學者多宗之 先君
慕其風歲與先生曾孫心宏公友善時得其流風
緒論用為楷式所著有良知解格物致知諸說辨
論甚晰邑之學士亟稱而樂道焉無以異於尊宏
山先生也邑人有韓騰川諱一龍者邃於理學有
過人之識 先君館之別墅朝夕講論不輟後數
年韓公入大峰山去 先君每念及之輒廢寢食
至流涕爾時同志者有族叔樂亭公莘野公每促
膝談夜分不倦不孝時甫有知輒記家童報 母
曰有樂亭莘野公在座則知夜中當未休也時設
果餌以餉之所言多經國碩畫故時偉論時一揚
摧古今往往出人意表它人莫贊也天啓癸亥歲
運妖蠱起鄒滕間省會戒嚴州郡震動 先君奮

然義形於色出為邑侯隴西楊公指畫方畧談城
守攻戰之事甚悉邑侯甚善之曰古名將無以過
盡用 先君策城以是獲全先是萬曆乙卯歲大
歉饑孺相望於道 先君為設法體粥以給飼之
全活甚眾 先君為人廉而好德見義必為生平
取與雖一介不苟事親也孝與人也公居鄉黨以
和處姻族以厚治家嚴而有禮教諸子以義方嘗
謂叔兄輩曰寧貧而餓死舍詬忍辱至死必不可
使子弟入公門與人交擇其善者久而能敬不以
榮辱死生易其初故至今鄉里猶藉藉行誼不去
口實云不孝而不幸蚤失怙今倪息日月已三十
有九年仰賴 先人積累之德遭際 盛隆不世
之遇 馳封之典榮及所生錫類之恩延及厥後
唯有戴天順地夙夜自矢以無墜 先人遺訓是
小子之志也夫是小子之志也夫 先君生於萬
曆七年己卯正月初七日申時卒於懷宗十一年
戊寅三月二十三日巳時享年六十歲以本年十
月 日塋於 祖塋之西陵別為新阡遵遺命

也為域方百有餘步後二十餘年善形家言者過之稱其地為垂帶金魚云方先君卜窆之日不孝孤甫十歲烏獸無知何能記憶迄今二十有八年塞遭先慈之變苦由之餘無以生為恐旦夕祀九原之痛則先人之精德弗彰不孝滋慙迺滴泪和墨而謹識其畧云

祝軒文集

卷之五 先行述五

七

勅封太孺人先母季氏行述

不孝曰高反罪反罪泣血稽顙而言曰嗚呼痛哉吾母竟棄不孝而長逝耶不孝高等不獲再侍膝下矣嗚呼痛哉擗踊之餘五內崩裂召恐執筆屬詞然我母懿德淑範不有紀述使遠近無所聞不孝高罪且滋深迺忍死苦塊餘息質述生時事實不復為雕飾之辭謹具狀云吾母季氏今勅封太孺人乃同邑耆德仲道季公之女繼勅贈徵仕郎府君先考翀朝公元配勅贈孺人董

祝軒文集

卷之七 先慈一

七

母之沒事先祖父祖母柔聲怡色能敬以和時饑寒問晨昏中外莫弗稱之佐先考勤渠立家蔬布操作經績不厭勞苦先伯父早卒有子曰博孤露未成立老母撫之若己出自髫髻以至姊妹室有子及孫數十年如一日先育姊五入其三前後相繼于歸二者未字而歿最晚乃生高及弟曰明高猶記幼時從諸姊肩隨嬉舞日堂上雙親固未老爾時亦不知無怙無恃之苦生不如死也至戊寅曰高十一歲先君見背老母苦守

孀節撫育兩孤雖藉居卒病誠有難以言盡者是
歲冬杪往城破 老母被重傷幾不能生賴姪曰
博婦蔣侍養唯謹得以保全明年夏曰高入邑庠
成業得以不墜發未之變生產蕩然愈苦育鞠矣
老母邑勉將茶手自泔泔縱散衣并日曰高及弟
兩人不至為溝中瘠者幾希恩勤鬻子言念為之
痛心令食指漸繁遇僮婢咸有恩施待宗黨叔姪
輩親疎如一咸接以禮雖膺 綸誥之榮蒙服綸
翟間里交慶絕無矜倨之色自處一如寒素時內
槐軒文集 卷七 先墓二 六

家成歲服之撫諸子姪若已子情誼有加持家以
儉每訓高以敬姜之教身不御文綺之衣除賓祭
禮服外一切惟布素諸子婦有進以帛袴者終不
肯著目以為誠蓋天性澹泊如此平生不信待齋
誦佛事媚黨輩有以此相勸勉者笑而謝之時時
誠高以力學且勉之曰讀書欲何為不過要學作
好人而已及不孝高倖博一第蒙

世祖皇帝恩蘭拔為庶常一再迎養京邸朝夕訓誨
常以國爾忘家公爾忘私二語諄切敦勉此還里

高每南送於道牽裾不忍去 老母慰勉之曰若
好供職自有還里之日何必戀戀孺子泣乎癸卯
秋以試事奉 使江南道過里門得謁 老母於
家瀕行戒之曰掄才 國家大事汝小子思弗克
荷老母倚間望之矣尚慎旃哉高再拜奉命以行
此竣事還仍經里門再叩比堂稱觴為壽聞知不
辱

君命 老母乃色喜曰是吾子也甲辰在京日遣使
迎養再三不肯至唯曰吾喜在家居不復以菽水

槐軒文集

卷七 先墓二

十九

分兒慮也京華不遠勉盡所職即如常在膝前勿
以我為念及秋有子姪來備訊起居似有欲高歸
省意高即日乞 假得蒙 俞允於十一月十五
日辭 朝二十五日抵里登堂叩首相喜也已而
相泣時當有振兒之痛不禁凄然於中者外雖強
為解慰而神實傷矣顏色日以瘁高心竊憂之三
月中奉 老母登岱宗于路山光野色借以悅目
時猶健步善飯也用是少寬慰五月中患病月
餘元氣頗損至九月十八日忽立而仆似風痺者

曰高等惶駭無措十月朔日鄉中祭掃先塋猶能
扶掖以行向後日漸弱十一日肩輿米城中誰知
是日竟永別鄉間耶嗚呼痛哉曷忍言曷忍言是
後雖日近藥餌或一匕而時起倚坐亦一二服而
飲食漸復然終未得脫然痊可今丙午二月初旬
疾遂漸篤曰高等再三跪請遺囑絕無一言唯曰
無可語者蓋平日訓誨已詳且切矣可以不言而
喻耶獨是不孝高及弟二人焚焚無依一旦抱終
天之恨何痛如之嗚呼吾母以康熙五年二月

槐軒文集

卷七 先慈四

年

十五日申時卒距生萬曆十七年己丑十二月二
十一日享年七十有八歲嗚呼痛哉屬續之日嫺
親子姪輩皆環侍左右安然而逝若假寐者然詰
旦鼻涌玉柱說者以為善因云子二人長即不孝
曰高娶王氏同邑耆德王公坤女次曰明先娶薛
氏博平薛公振齊女繼娶劉氏同邑劉公昌胤女
孫二人長宜振庠生娶博平太學生劉公瑩女蚤
世有子前暉次宜繩聘同邑進士張公翕女曰高
出孫女二一字博平傳公學元太學生之子作霖

第三男誠一字李公汝翼庠生第五男有典曰明
出女三人一適邑東社郎口善士張尚謙子應求
有甥聞然次適邑北牛相宸庠生蚤逝入次適董
生希縉有甥女二一適武舉溫聖教之子庠生炯
一適庠生吳中臺之子庠生暉斗同龔從孫穆庠
生曰博之子也娶劉氏其母蔣氏幼從婚娶克執
婦道前此先慈被殊創及今病為之日蔣左右
之力為多四十年色養不倦可謂不負撫育者矣
故葬速之高自慟就養無方永別慈親未將寸
椁軒文集

卷七 先慈五

年

草肝裂心摧言無倫次然先慈懿行終不忍湮
沒無傳伏懇王公大人諸老先生林之彤管賜
以華表曰高世世銘之感且不朽

晴嵐韓先生志實

先生諱國璽字魯蘭在陽人也別號晴嵐先生先生生而孝友好學篤行忠以待人案以持己蓋其天性然也父養吾公以積德重於鄉遠近稱為善士會明神宗萬曆之四十有八年山左大饑公輒竭貲治饘粥贍窮民所全活者甚衆一日忽有憂色先生即進請故公曰家中穀少饑人甚多麥秋尚遠奈何先生即出所儲廉餘及束修近百金以進所全活者多大父公兄弟二人長乏嗣既歿養

槐軒文集

卷七 碑志一

重

吾公欲塋之正寔堪與家言不利于長男公召先生而謂之曰不塋爾伯祖乎正寔則予心弗安塋之又或妨于爾爾其謂之何先生曰但聞仁者必有後不聞有陰陽家之忌諱也遂定塋焉戊辰養吾公歿先生哀毀骨立三年不飲酒不言笑庚午母尹孺人繼歿先生送終哀毀如喪先公時先生有二弟及析爨氏祖父所遺業一無所取從太孺人之命也壬子中省試副車雅見重于學使梅君長公稱爲理學原於二程裁斷本于左氏甲子舉

槐軒文集

卷七 碑志二

重

於鄉時年三十八家居以教授生徒爲業四方之士多從之游嘗中秋月下與門人邢子烏子等正襟而談縱言及于時事曰邵康節聞鳥鳴而知宋亂今異鳥食麥根天下事殆可知幸與爾輩講太極天人之理及皇極經世諸書明身心性命之學即終身不仕無憾也邢子曰昔隋王通不仕門人私謚爲文中子不亦可乎終年講學不問生產自是家漸貧落庚辰辛巳歲復大饑并日而食未嘗廢業及里中群盜遽起因徙居于邑之王氏開館舍授經術從游者衆嘗著敬業三則書于座右以自厲無以示及門其一曰正心術云心一而心之巧妙運用處謂之術心靈有幾小有才人每誤用之聰慧之過流爲險詖使其樞管爲文罕有及之者學成何用奔趨聲色貨利而已天生我才恐棄越至此乎幸而不售必曰惜也抱材弗錄不幸而售必爲生民之殃社稷之靈有才如此不如無也吾輩讀書瀟端慮潔志砥行飭躬務成天地間一箇人勿論異日勲業何如姑以道義相切磋少

邪曲必正糾之根器練就然後博物窮理徐以發揮文章焉庶不負膠庠作養之意云爾其二曰積陰德背袁了凡嘗言矣德為令名修德而人譽之業報以令名矣惟有德而人不及知不及傳斯謂之陰陰者衆目不見而鬼神瞰之之地也一念一事偶合不謂之積念念在茲事事在茲得方便為方便當忍受即忍受善積成名道積厥躬所以奪鬼神之權而自闢一上達之路也驗之科名十得八九或曰是有心為善也不愈于有心為惡乎然

槐軒文集

卷七 韓志三

五

有儉刑而拔巍科方正而辱泥塗者則又何也沉思得之試觀其究竟何如爾其三曰務謙虛學人目空天下胸藏今古獨傲為不可長道理無窮無極所得幾何而滿足也必招損矣非毀先達以予雉詆訾同輩以自高無論見笑大方而終身之所結局終成輕薄子而已昌黎云師不必勝弟子弟子不必不如師況朋友乎學然後知不足教然後知困習氣難降各自後濯雖高拱深揖外貌耳必實見得不及處意念深矣有以自下其進未可

量也先生所學率若此丁丑癸未兩副會榜年既老而學益勵若將終身環堵蕭然簞瓢屢空吳如也乙酉筮仕潛江令丙戌春携一書一僕之任至潛邑邑人士久竄江介間城中舉火者不數十家所挈掌記者一見即告辭歸獨與一僕子處累月已而延父老慰諭殷殷潛人依為慈姥也漸次就業及二載地關商聚郊廬無隙地焉邑之士樸而好學者歆且愛之其佻達趨奉者遠且鄙之遇試絕一切代薦乞錄等事不以假人亦不以干人也

槐軒文集

卷七 韓志四

五

曾有學使者固請則取素所心許者一人薦之成名其人莫之知也其誠以待物率如此于薦紳則接之以禮樂絕請謁初覺不甚合久而安焉自居官布衣一襲及歸之日仍著之於任內食物止蔬羹粥數盂而已輒能取飽且甚甘也蓋其天性若此公餘即講書課子孫時誦周易一卷嘗誦諸子書云曩者徧求諸親而不得今者金玉盈前而不取吾無以遺汝汝無我望也嘗云不與子孫積金子孫賢自不用積子孫不賢積金積過耳一時

上官雅多愛重之先生亦信以為直道猶在人也前直指兩列薦剡有才猷敏練操守端方一垢不留百務詳慎等云云至於折獄尤為服民上官屢以疑案相委鄰境之民有事輒越其長吏而來懇先生先生嘗曰訊事不難惟公則生明貪則智昏耳其服官清慎類如此戊子冬王師南下羽檄交馳既造輸車又督舟運芻茭則旬日萬餘夫役則一呼千百徵書旁午使者苛索民力已竭先生乃喟然嘆曰吾不忍為此也遂決意致仕取古高

槐軒文集

卷七 韓志五

五

歸士數十輩彙為一編名高士傳時以自遺乃其時繡衣某勒弗與告後其內豎某姓者未密語以索百金許以上考先生曰有命自幼考試不知行賄今乃行賄耶繼之居無何被劾已丑夏日也于時潛之百姓老幼男婦皆驚駭奔訴于神已而各作歌謠書于旗及黃紙懸之縣門又各出百錢或數十錢為先生還里之費先生笑而受之戲以劉寵自況也離任之日香花滿道聲震野數十里不絕此時雖不合于先生者亦嘆曰至誠之動物

也如此而苛求者且曰韓公無甚異政直是與民相安於無事耳及承訊上官亦知其以清介被累也但曰按君案其可更張耶又曰先生原不必出仕也卒以清白聲得免于論留潛二年邑之士大夫交接往來乃益密壬辰歸里家貧甚復設館于東郡河干手不釋卷乙未九月以疾終于故里病將革之夕夢中奔轡猶然講書作文字歡也蓋其天性篤好如此郡之諸弟子聞先生疾篤趨往候之先生即預知謂其家人曰某等至矣已而果然

槐軒文集

卷七 韓志六

六

此非至誠冥悟也耶遺囑署于門曰處士臍嵐老人韓某以某年某月卒春秋六十有九嗚呼先生可謂全受全歸者矣平生不喜著書即有作者輒焚棄去故後學罕聞焉丈夫子三人長曰白叔曰昶季曰吳孫五人某某皆能世其家學

嘗讀伯夷傳所云天之報施善人其何如哉又曰儼所謂天道是耶非耶嘻異哉子長蓋有激于中而為斯言也伯夷高節芳名永于來穰赫赫與日月齊光願可僅云報施耶且夫善人之設心立行

初不及是嘗叩先生以報應之說先生怡然不屑
曰是非君子所宜言也於序斯可以知先生之志
矣而鄙人私心猶竊以為先生之立心制行也如
此登第而服官也如此所如不偶而終脫于患也
如此有子多男而才也如此未可曰天之報施果
未可盡信也先生之深仁厚澤潛之人士類能尸
而祝之其清風醇節里巷之人率能言之予小子
何知唯幸得一日親炙之雅以竊附于私泚之末
也云爾惜乎未及長侍几杖而遽抱遺恨于九原
槐軒文集

卷七 詩志上 壬

友人邑文學薛鉅公墓誌銘 并敘
憶昔己丑歲冬日僑居薛兄之西村去城十五里
而遠蓬牕蕭條蒿萊滿苑夜聞豺狼嗥號之聲凄
風寒月時與共之曲室談心杯酒論文兩人意氣
躍相得也時與談及平生志趣輒悠然上友古人
不屑一切語語有真性有正氣予故深服之目以
為師友焉越明年移寓邑中授業荏山之側薛兄
每來邑未嘗不視余余亦惓惓相憶弗能釋也又
明年辛卯余膺鄉薦乙未試南宮仍歸里居者三
年此五年之中風朝月夕每一晤面未有不盡歡
狂呼浮白大醉以去余屈指平生快友不過數人
君其一焉余自戊戌上公車授館職鉅公一至
京師暇余不數日而別別後又五年不數數見癸
卯夏日忽聞訃音一慟幾絕嗚呼君別去幾何時
已為隔世人耶俯仰情深何以自慰秋日以試事
過里中乃第韋經親翁以君行實相示余傷舊游
之不再而歎知己之無多也目援毫和淚而誌之
君諱洪儒字鉅公家世在陽明官也五甲人也其

槐軒文集 卷七 友人邑一 壬

是世祖正吾公以隱德聞于鄉傳至父雲明公篤信有至行少乃推擇為郡吏治事平敏遠近咸德之公生丈夫子二君居長生而岐嶷特異介性端方習親時不好嬉戲每與童輩遊當靜穆相對終日不苟為起立天性孝友奉二親色養備至晨昏視膳未嘗少闕失偶有違和輒不解衣帶侍湯藥必躬必親如初而後即安友愛仲弟內外無間言視弟之子若女如已出花萼姜被無以異也師雲從齊先生及貞度路先生前後二十餘年力學不

樵軒文集

卷七

友人墓誌

三

勛下筆為文汪洋若千頃波兩先生亟稱之順治四年時年三十有一補邑博士弟子與弟世儒同時入泮識者咸以鳳群目之旦夕且望飛騰蘭玉森森門以內無諍詬聲願養張太夫人能得其歡心可謂竭力供子職者矣平居無羸疾溢於康熙二年癸卯三月初三日巳之辰言笑自若後禱而逝訖者咸謂其衆香國東來衆香國裏去也歿之後屢有異徵家人咸賦之近術家言儒者不道姑弗載載其行實之可稱者卒之日距所生萬曆

四十五年三月十八日享壽四十有七元配吳氏望塵公女也性婉淑夙懷鳳雛習勤儉既歸山同室之中無疾言遽色俯仰恭肅晨夕唯謹躬績維佐君筆研以故君得一意佔畢就其業已內顧憂歲時伏臘上兩尊人壽備洗腆以娛膝下咄嗟而辨無非潔治者先君卒于一人名子璉娶韓氏元配吳氏出孫二長起瑞次明瑞皆未聘奕葉縣縣方大其門於無疆矣諡吉康熙四年十一月朔二日甲申合祔于城北三里祖塋之次友人王子系之

樵軒文集

卷七

友人墓誌

三

銘曰

嗚呼望君之生河嶽國損不世其英感君之殒山摧海沸哲人其歆哲人逝矣心焉悲矣白日墮矣於乎有哀哀哉哲人千秋萬禩永保貞珉

槐軒文集卷之八

在山王曰高北山著

志銘

荏平文學蓬瀾董公墓志銘

嗚乎余良友蓬瀾董公之歿也。孤子其成其疑。聞
畱余前乞為而公撰次平生。厯著為墓誌銘。諸
隧道之石。余持之泣。不能自止。恐銘公墓。哉余與
公總角相依。二十餘年。如一日。今乃頓成隔世。人
念之中。腸欲絕。何能為文。續之言。以垂不朽。然誼

槐軒文集

卷八 荏平文一

好甚。篤不可以不文。而遂謝不敏也。乃按公行狀
而述其大者如左。公諱希舒。字蓬瀾。荏平縣城
北大馮官屯人也。先世譜牒未詳。高祖諱月月生
大輔。輔生志強。強生思德。號小泉。即公父也。世有
隱德。以孝友著于鄉。遠近咸稱之。小泉公元配王
太孺人。是生公公。生而純孝。蓋其天性。事小泉公
晨昏盡禮。先意承志。自孺慕以至成人。終始如一。
壬辰年。小泉公捐館。公瘞毀骨立。幾于滅性。辛丑
年。母王歿。公哀慟逾節。戚易兼至。一如執小泉公

喪時。宗族鄉黨咸為感動。流涕焉。視弟希縉。友愛

篤至。踰于尋常。飲食教誨。恒如兄。嬉肩隨時。古人

姜被薛著之義。無以過也。年二十歲。學使者江

南李世臣先生。視士東昌。得公文。亟獎之。補邑博

士。弟子後每試。輒列前茅。有名膠序中。三十餘年

自公立身。以後里黨中。無一人搆訟者。間有睚眦

不平之事。公為剖決。公正而明。言論剴切。各如其

願。以去。有乞不使彥方知之。風鄉里化之。人有急

難。輒為拯濟。貸以金帛。而無所取償。如里中之韓

槐軒文集

卷八 荏平文二

某王某等是也。崇禎辛巳歲。大侵饑。茅載道。公捐
粟。饘粥以飼。飢人全活者眾。舊友之蒙其贍養。得
一家生全者。如陳生廣澤。王生緒承是也。其生平
慕義樂施。率若此。戊寅年。邑侯武功黃公。因軍急
有芻茭之需。公慨然竭力。捐豆五十餘石。以為邑
人士倡。貴侯甚嘉之。給扁旌。其門。順治戊子。秋。呂
撫軍勦寇。至荏。一時良莠莫辨。炭炭乎有崑岡玉
焚之懼。一見公。偉貌魁梧。知其長者。即給安民檄。
文一道。語之曰。凡此無知小民。借爾領去。務令安

置得所亦爾之德也公遂與邑侯崔公協力同心
泰贊計畫令人掘地為廬堅壁自衛寇莫能犯聞
邑賴以安堵咸曰活我者董公也黃童白叟多焚
香祝頌不容口云邑學荒圯公倡力修整之宮墻
一新其見義必為類若此小泉公性喜飲公常置
杯酒招賓客交游以娛其意一日于宅後梨蔭下
廣集親友共話平生小泉公酒酣意遠作而言曰
嗟乎人之所貴于賢豪長者於物必有所濟即閭
巷之士解衣推食以賑饑寒弱者扶之危者安之

槐軒文集

卷八 墓平文三

三

詩禮訓子清白傳家畱遺愛于人間鄉里稱其寡
過足矣小子識之公奉教唯謹及小泉公歿後每
舉此言以教子弟三渡流涕聞者莫能仰視王太
孺人晚年患痺疾不能步履者二十餘年公朝夕
視膳問寢寒暑靡間丙戌丁亥之間崔符不靖與
弟希縉奉老親避地東郡并力負趨冒雪渡河見
者灑涕稱為孝子蓋公之生平至性孝友慷慨慕
義雅重然諾遇事無難色常排難解紛而無所取
人咸德之與之交者有飲醇自醉之慕焉課子成

名宜兄宜弟仁讓興于一家義行著為楷模可謂
方正有道不愧儒服者已生為名彥沒為明神有
以夫公歿之三日忽顯靈于家教戒其家人大小
備悉一如生平所言且云已赴邠州之位矣屬續
之日神色不變儼然端拱而逝識者已知其得善
因也公生於萬曆三十四年丙午五月初一日亥
時卒於康熙六年丁未五月十五日戌時享年六
十有二配辛氏生子二長即其成順治庚子山東
鄉試舉人娶鄒氏同邑庠生 公女次其疑邑

槐軒文集

卷八 墓平文四

四

庠生娶周氏博平輝 名典公女孫五人今筮地
於馮官屯北二里許河之北岸平原沃衍是為佳
城別為新阡從吉卜也諷日於康熙戊申二月二
十八日丁酉 時青山黃壤斯維公宅系之銘曰
莊山之西湄水出焉水紫沙聚匯于深川篤生望
族廣川象賢百世文孫夙陟綿綿宜其兄弟簪綬
蟬聯式大其門裕後光前昭茲來許于萬斯年松
楸鬱鬱瑞草芊芊佳城載啓倬彼甫田子孫保之
表此瀧阡

杜平文學修裕王公暨元配張氏副室董氏
合祔墓誌銘

王公名廷獻字修裕杜平縣北八里庄信平鄉人也籍隸三鄉之二甲始祖為元進士諱琪字仲文傳五世為祖士溫溫生成甫成甫生仲寬仲寬生欽欽生戡戡生悅為邑庠生悅生守約邑庠生守約生汝思邑庠生汝思生國基字克昌即公父也克昌公醇謹和易與人無忤以齒德重于鄉有子三人長維屏次維翰三即公母徐氏同邑耆德溪槐軒文集

卷八 清故莊一

五

菴公之女也公生而穎異岐嶷不凡識者有以知其門之將大矣幼讀書舅氏里塾輒能解大義與群兒處岸然自別如野鶴之在鷄群既而從雲從齊先生學操觚染翰斐亶千言頃刻而就哀然為大成器歲辛巳學使者錢公恪忠選補博士弟子受業晴嵐韓先生之門一時同筆研者共有公瑾之目癸未韓先生計車北上同學解館公獨歸里居與羣季輩厲志攻苦期顯揚捧檄為二親色養計焚膏繼晷寒燠不輟視學者獎其文擢食廩餼

屢試輒列前茅同輩咸推之亡何時值蜩蟬沸羹里閭繹騷不獲寧居公乃奉雙親僑寓東郡之郊關居頃之稍遷近邑西南勾梭店漸次居積將謀堂構為子孫別業丙戌戊子綠林蠹起徧齊魯無安堵已丑夏四月母徐氏歿于寇難公哀毀逾節枕戈飲泣誓必復讐卒如所祝願罪人斯得以報老母九原下未幾克昌公病作復移東郡之郊居就醫藥卒無効六月中歿公號慟累日水漿不入口幾以身殉里巷哀之是冬舉父喪歸殯于店之槐軒文集

卷八 清故莊二

七

西南阡未獲成禮後八年丙申冬卜兆訓日迺舉徐母之柩合祔于店東里許新塋厥土惟良厥向孔陽大事克襄公乃色解曰吾今可以死矣得瞑目矣人以此知公前此蓼莪之痛蓋未或一息忘也公平居僭儻多大畧慷慨憤發慕義無窮見人之急如已親之中年家貧落恒紉于財及稍贏餘輒舉以賑施無靳色亦無德色歲飢饉則捐粟以飼鄉黨宗族之空乏者親族待以舉火者多人簪珥于路以待黔敖設茗汁以飲道暍者施衣施棺

修梁建剝猶其細事耳公之才可出以長民乃把利器以處猶出其緒餘以利人濟物其謀生殖輒有廢著擇人而任時一如鴟夷猗頓之治家也故能徒手拮据無尺寸之階身沒之日阡陌成聚結駟連騎有以夫跡其平生大槩任俠好義英爽絕俗為善于獨而不有其名施德於人而不望其報蓋其天性然也事親處友內省無疚可為士之矚行者已詩曰夙興夜寐無忝爾所生公之謂夫元配張氏同邑雲衡公女也性淑惠嫻于內則于

槐軒文集

卷八 清故陸三 七

歸後事翁姑盡孝執箕箒朝夕唯謹鷄鳴佐君子誦讀勤儉以立其家無非無儀生兒不育有女四人先公三年而沒斯無慚于君子偕老者矣

副室董氏育女四人治家有龜勉才慈惠得中能曉大義嘗規公于道公每改容從之其入門以來內助之力為多先公四年而逝公生於萬曆四十八年庚申六月二十日子時卒于康熙五年丙午九月初八日戌時享年四十有七張氏生於天啓元年辛酉三月二十五日酉時卒於康熙三年甲

辰二月二十日申時享年四十有四董氏生於天啓三年癸亥四月十九日酉時卒於康熙二年癸卯九月初七日卯時享年四十有一子三長宜撰次宜掄遺腹子繼室李氏出嗣子儼早卒嗣孫前渠女九一適生員楊書爵子振一適生員張迥泗子克明一字政和知縣吳起巖子褒一字清平監生李葉蓁子長安張氏出一適生員張朗子浩然一字博平貢生傅作霖子諭一字生員高掄子莫尚一字生員李汝翼子有敘副室董氏出一字單

槐軒文集

卷八 清故陸四 八

縣教諭高人龍子俞繼室李氏出茲以康熙五年丙午十二月辛丑初十日丙辰合葬于店東南先塋之兆爰述其生平行畧與生卒時日志以示後系之銘曰

維公之生至性攸行維公之幼無愧生平德足善後人貌榮名相于而家以保我後生優哉遊哉鳳嘒鸞旌永相從于九京

清故荏平文學斐竹王君暨元配孺人馮氏
合葬墓誌銘

三弟明鳳字斐竹余同曾祖伯弟也家于荏平城北八里信平鄉元時始祖仲文公以河南進士官于荏回家焉傳五世祖士溫溫生成甫成甫生仲寬寬生欽欽生戡戡生悅悅生守身守身生汝問字審之公汝問生自律號崑泉余從伯也生弟明鳳少余二歲蚤慧未成童受知學使者補邑博士弟子自總角之年即從余讀書南塲蒲舍丙戌槐軒文集卷八王墓誌一

秋寇難作同避地東郡之郊地名遶運所共饗殮者數月明年弟從楊生超凡學余以丁亥春還里門不相見者幾一年戊子余授業侯氏里時伯父携弟居李家村茆檐竹籬大有隱者風余時一過之索頭數卷蔣花三徑知吾弟蓋非俗子也已而窺其書笥有雜吟一卷中多警句余疑為錄自友人者問之乃知為弟近作也噫嘻吾弟乃早慧若此乎使其從游大雅之堂將來造就未可量也向秋邑里亂轉急余再依侯氏館舍僑居者數月未

卒歲余先歸寄寓傳村弟仍留居西河及明春漸近鄉間將謀復土就業焉二月中冠來伯父中傷弟抱終天之恨涕泣自矢每哀號悲愴聲聞於外余惻然悲之猶記中秋月下與傅子澄之偕弟同坐余槐軒中庭談及比來亂離多故相與灑涕失聲長歌之哀過於痛哭也向後亂稍定余乃自傳村還里居與弟共晨夕者幾歲月矣辛卯春復來就槐軒講肄風雨一編疑義與析時相勉肆力前途為顯揚地弟亦深體此意磨礪不倦比秋余領槐軒文集卷八王墓誌二

鄉薦明春放榜不第里居相依者又三年甲午同揣摩應制業明春余試南宮歸弟相見慰勞歡甚自是譙笑永夕無時不面回憶曩之中庭飲泣把酒狂呼時大相逕庭也丙申余居郡郊值黃薇張學使來試士弟往東郡就試依依決旬夏日歸里閒居登高一眺乃有卜構別墅之意以語吾弟意相合也維時弟在宅後小室讀書嘗月下談心午夜方歸有東齋月坐記或時就余歡聚終日有一日同徐兄雲生在坐乃改原字在竹曰斐竹云時

有燭花一記蓋寢食宴笑嘗促膝者數矣丁酉余與三兄就業東郡耿公世薦堂中弟未之從時有斷絃之感嘗就余郡齋一言及存歿之感人生如夢幻泡影等語知其內有隱痛也為誦楚辭遠遊篇以解之及秋九日有登高數詠皆慰藉之語後雖續絃而不免內悼性情頗不類平昔余心竊異之明歲余廷對留京邸間別日以遠聞弟感病幾乎傷生心甚憂之後漸愈聞信心乃降庚子冬來視我於都門留居胡室者月餘手足之情殷殷

槐軒文集

卷八 王墓誌

十

也送別蘆溝大風眯目有北風行一篇以誌別懷壬寅春再視我任舍留寓良久聞伯母病亟歸癸卯余典試江南過里相要聞後當一至金陵豪遊如夢大慰風心賀子天士丘子季貞皆江左名流最稱良友切磋多聞深有益也甲辰冬予有振兒之感弟大為抱痛慰我京邸相見執手哭之盡哀仍扶兒櫬先歸骨肉之痛曷堪言念明歲莖日弟有哭兒一歌情見乎詞一字一淚矣傷哉傷哉自余乞假歸觀家居載餘常有數日遨遊追平

生之歡弟未嘗不在也嘗欲同登黃岡之匡山讀書又欲同遊海上訪藥勞山終未得遂此顛丙午春中遭老母之變弟同伏苦八者月餘已乃有江南之行計聞於同人知友者五月歸來即有起居之疾踰月少瘳又值有恒山之役比歸遂以病聞矣自是日以漸篤遂至不起嗚乎吾所望于吾弟者方隆隆未艾也何遽知其至是耶爾今及此其如老母何痛哉痛哉是夜大雨竟夜余自邑奔赴哭之慟而翻以是為弟恨也人孰不有死死或

槐軒文集

卷八 王墓誌

十一

無憾於生前或含笑於地下庸何傷乃毀形滅性而責志以殛人其謂之何昔人有言歿或重于泰山或輕於鴻毛子何居焉唯捐我賓客以感垂白之母子實疚心能不悲哉弟為人天性孝友宗族鄉黨皆稱之雖所學未竟其志而中外無間斯亦篤行之雅士也乃今及此天乎人乎曷可問哉於其將窆乃忍哀濡淚而為之誌弟生於懷宗三年庚午六月初十日卯時卒于康熙六年丁未六月二十四日寅時享年三十八歲元配馮氏同邑馮

公致遠之女泚慎宜家克執婦道中道相失子息
零丁卒年二十八歲有子一人宜肅娶同邑庠生
薛世儒之女女一字同邑庠生崔允升子玉衡繼
配劉氏同邑劉公振威女女一幼未字今止書歲
月及生平遊歷大槩至其行誼事實當有良友述
之茲不多載擇吉於本年十一月二十日已時將
合塋於信平鄉南原 祖塋之次以馮氏柩附焉
系之銘曰弟之生也英英其姿如瓊樹枝弟之殁
也鬱鬱其志不逮其齒何辜於天降此疾威黑髮
槐軒文集 卷八 王墓誌五 主

以告哀

人去白首何歸莽令在原死喪孔懷是用號咷維

博平太學鼎白劉公元配李氏孺人繼配李
氏孺人墓誌銘

余家博平之東相越不二十餘里其中人士世閥
以及夫忠孝節義諸賢泚靡弗悉焉緣居址相近
有聞必確也城東劉氏鼎白公老成典型浚學楷
模余自髫年問字時即識公於穎伯傳老先生之
館墅維時已瞠然半白首余以析疑問難矩步浚
先遂訂忘年交焉後十餘年余以詞館留京邸友
人李平子遠視余因見振兒方舞勺未授室喜其

槐軒文集

卷八 博平太學一 主

早慧愛而字之語其姊家有女幼泚可為納聘即
鼎白公女也余喜在素心交又兩鄉如咫尺煙火相
望更宜講朱陳之好遂欣然應命往求之劉公亦
不予棄也便通名刺稱姻婭及余癸卯使江南返
過里將為振子畢姻以復 命孔棘不遑待明年
正月既望而公子于歸余在京師遙酌為慰也不
數月聞兒病且亟比迎至京就醫已無藥矣於戲
痛哉余之舐犢餘感有唯可與公道者念之不去
于懷丙午春仲余罹 先慈大故未幾而公配李

人病作久且不起五月中遂以計聞余奔哭之餘愴然念及世好更觸余西河之慟也嗚呼痛哉厥後令子澄源持其兩母李氏孺人行述來屬作誌銘諸隧石余念戚誼敢辭不文哉爰按狀而次其事如左劉公晶白元配孺人李氏者同邑外翰超寰公之次女也幼嫻姆儀莊靜自懿內德著于閨壺孝廉 函一劉公為子晶白公擇聘許之比將于歸而函一公歿母太夫人李氏孀節諸孤並藐爾未成立李孺人入門克執婦道事姑以孝聞

楓軒文集

卷八 傳平太二

十五

撫諸弟寒燠飽飫皆靡弗周勸晶白公以力學不營許升之妻躬勤家業以養其姑每流涕進規以勵其夫成學業也生長綺縠而不厭糟糠說禮敦詩勤于組紉尤女黨所共推以為難者及晶白公屢困棘闈又每解譬以窮達有數義命自安有學士儒者所不能道且以艱嗣之故勸君子卜蓮動動懇懇尤閨閣內德所難能雖樛木之化不是過也會戊寅之變城守戒嚴飲泣自誓義必以身殉城破率兩李女沉于濠水一時同難者若某某皆

感奮同潮而幼孺人為之倡也嗚乎烈哉雖古斷臂露筋何以加焉繼配孺人李氏同里鄉耆金峯李翁之女也已卯春翁忽見夢于其家曰女遭卯金余賴其祀云云家人異之厥明晶白公介寒修為理遂委禽焉及于婦宜其家室撫諸昆弟子女若已出屬庚辰辛巳大飢稌餓芋枕藉於路孺人今甘哺養諸子姪迄成立姪女各有家至今以母母之癸未之難時子澄源方在襁褓凡所經避即兵燹叢積竟無害謂非天祐其德歟居頃之亂離

楓軒文集

卷八 傳平太三

十六

甫定生產蕩析室如懸磬家徒四壁蕭然矣孺人拮据操作勤績維佐耕畬生事復少潤丙戌冬晶白公入太學得嗣 函一公衣德無實家聲孺人即相戒以無利人之有無昧人之財為諄諄不止鷄鳴矢誓也性好賑施見人之有災急者如己之身親之輒傾資無所靳親疎賴以舉火者數十家及于澄源就傳時即訓以力學晝夜和凡慈而嚴以母兼父師之教已亥春澄源入庠誠之曰凡事勿多上人汝父守乃祖家風犯而不校汝小子

又何尚馬澄源克守其訓至今以孝弟聞于里鄰
孺人性甘澹泊尚樸素衣無重帛食不兼味晚年
誦心經時時服膺若有得于五蘊皆空之義甲辰
春女已及笄方欣慰婚嫁之願可畢乃未幾而子
婿病隕孺人以念婿之故又時時訓女以守節之
義且悲且泣撫其嗣子前輝曰汝善視是子後能
成名堪與秦媛爭光嗚呼痛哉憂從中來哀怛填
胸因成痞疾丙午仲春臥病澄源為虔禱于岱宗
訖無效至仲夏奄然而逝澄源跪求遺囑唯誠以
謙讓處世勉志改書二語嗚呼若孺人者所謂臺
範可師母儀無愧者矣先配孺人李氏生於萬曆
乙未年十二月二十八日亥時殉節於崇 戊寅
年十二月二十二日申時享年四十四歲生女五
長適在平庠生王賢第四子坤元次適同邑庠生
岳之岱子曰都三適同邑庠生趙燭子庠生八挺
四女五女同沒于難繼配孺人李氏生於萬曆甲
寅年八月二十四日丑時卒於康熙丙午年五月
二十三日卯時享年五十三歲生男一澄源邑庠

生娶謝氏鄉耆謝公世豪女女一適在平給諫王
子曰高長男庠生宜振長孫一蒼竹孫女一朱字
嗣甥一前輝丙午年十一月二十丙申日將合窆
于邑西雨隅七里祖塋之次系之銘曰
博城之東潛水出焉嫺媛淋女生於其間相夫克
家秉禮罔愆臨難不迫貞心鐵堅從容就義捐生
所天吁嗟賢媛節烈尤全懿哉繼配氏同德專仇
儼肅雍好合百年縫衣羅漿子息滿前瑤池返駕
青鳥翩躚歸于其室山崇岡連長松鬱鬱芳草芊
芊萬有千歲瓜瓞綿綿子孫千億視此嘉旣

博平太學劉公晶白暨元配李孺人總配李

孺人合葬墓誌銘

博平太學晶白劉公者與余為姻友其兩孺人合
窆時既為之志銘于隧道之前矣壬子冬公訃聞
時余官京師未獲如孺子之東芻遠媿夫巨卿之
素車愴然者久之甲寅冬孤子澄源以行述來請
云裏事且有日願更為銘于墓余忝在姻誼知公
最深義曷可辭乃按狀而志其略公名瑩字晶白
其先山西平陽洪洞上石村人也始祖志道公大

博平文集

卷八 傳年一

七

同鄉守生子讓為博平主簿因家焉讓生進兩當
縣令有美政進生顯宗以隱德舉鄉耆顯宗生重
整博學不仕重整生賜邑庠廩生有名齊魯間士
多師事之賜生懇字函一是為公父明萬曆癸卯
科登鄉書時公生甫七歲已知讀書學禮揖讓彬
彬有成人之度函一公口授之經書大義開卷瞭
然無所疑滯辛亥函一公歿公哀毀踰制勺水不
入口者累日鄉閭咸稱為曾閔焉冠縣錢公泰函
一公之好友也憐公幼孤而貧且嘉其能力學贈

百金置別業於邑北之毛村戒之勵學無墜先人
家聲公自是折節下帷足影不窺戶數載遂為文
人服闋入庠明年試輒冠軍食餼于鄉校邑之人
莫不羨函一公之有子而多公之能自立也事母
李太孺人溫清盡禮晨昏無間所得廩金必以奉
母博慈顏歡其天性孺慕然也天啓壬戌太孺人
歿公骨立不勝衣杖而後起撫諸弟璘玠璐教養
兼至小有過則痛哭于先祠內累日不食諸弟咸
化之凡先人所遺產與毛村之田悉三分與弟一

博平文集

卷八 傳年二

辛

毫無所取戊寅難作李孺人率兩女沉于城下水
中以死事詳前志中繼娶李孺人遷居邑東之傅
里撫諸姪及諸姪女咸如其子為之婚娶俾立家
室視古人析箸乳哺之義一無憾焉癸未之變公
暮夜奔走昏不辨路有光如炬在前導之以行卒
以得脫人皆神異之誤入惡鄉人有識之者輒相
誠勿驚恐劉生君子也送之于家是時澄源生未
週歲後得保全咸以為天之報施善人也居亡何
遭千傳里之南村鄉里化其德如王彥方望廬而

迄故事兩成以歲薦入太學會有冠亂城守邑侯
夏公雅重公令其分守東城公命人亟以泥塗甌
脫草舍已而冠至以火箭射草舍上得以不焚夏
侯亟稱之以為有儒將之風有謀輒以咨公竟得
圍解城賴以全九入棘園屢蹟不售公不以得失
為意日課子教授生徒終日危坐著書自娛平生
精於易學常曰易自聖人則河洛而作日玩二圖
忽于天一在下恍然有悟悟圖書一必居下此極
之所以為極即造化之退藏于密而示人以戒懼

槐軒文集

卷八

墓

慎獨之學也太極為易之原而在下尤太極之原
參透此理經書一以貫之無餘蘊矣可謂得四聖
之心傳發前人所未發詳在原本太極說與圖書合
解所著有四書擬易擬全易題說諸書居恒留心
經濟嘗著救時要略十數則欲為書上之 當寧
會疾作未果辛亥中秋五日有腹痛之疾至不可
忍乃召宗黨知友與之訣有口占病中吟後漸愈
得平復如舊然而元氣自此衰損矣壬子十月中
後患贅疽知將不起謂其子澄源姪源等曰吾

平日教汝輩已詳大約以忍涉世以勤讀書指所
著諸書曰戒一生精神畢萃于此汝等能細心玩
味吾雖死猶生蒼竹孫好教之凡教子弟當教之
于蚤一生人品學術全在十五六歲以前過此佳
成難以挽回聞者以為格言公生平至性孝友樸
厚居心和以處眾見者無不懽若飲醇喜慍不形
于色好飲酒不至亂善呈數卜筮之學多奇驗于
書無所不博工詩賦善為古文辭好獎人之善隱
人之惡亦其天性然也一生屋略若此卒於康熙

槐軒文集

卷八

墓

十一年壬子十月廿八日丑時距所生萬曆丁酉
年九月初二日戌時春秋七十有六元配李孺人
繼配李孺人皆詳前志諡吉于康熙十三年十一
月廿五日甲申合葬于先塋函一公之右阡系之
銘曰

佳氣蔥蔥渭水之東篤生偉人蔚為儒宗輔嗣註
易晦菴啓蒙文行並著經緯旁通太和保順正以
考終有子及孫蘭茁芳叢能讀父書家聲克隆積
厚流長德滋報豐君子有數萬福世同百世而下

咸仰清風高山景行瞻茲幽宮堂坊馬鬣比於丘
墓

槐軒文集

卷八 傳平五

三

舞陽縣邑侯張公獻彤暨配呂孺人合葬墓

志銘

余之知張公獻彤也自辛卯秋同薦鄉榜始也明年公成進士余載書東歸歸而不接色笑者蓋歷數稔戊戌夏余應 廷對留館職公以銓次授舞陽令彼都人士有自中州來者咸亟稱張舞陽德政不去口余心嘉歎以為同黨同譜之光使得如公數十輩落落置方州間庶民生瘡痍不至終無起色矣居無何張公以他事解組去聞之憮然以公之循良而不獲終事其職甚矣廉吏之不可為也甲辰余乞 假省親得請歸里公時已家居登堂拜母稱觴介壽一如猶子雁行也交益密相得益懽因得並悉呂孺人之壺範內則大有鍾禮郝法之度自少至老為公賢內助蓋不啻鹿門偕隱舉案德耀也乃以壬寅冬病歿公每言及不禁涕涔涔也知其相得深矣丙午春余罹北堂之變未幾聞君病足已而訃聞余哭於苦次益增離索之感丁未秋日乃得讀報載脯奠公之几筵而撫柩

槐軒文集

卷八 雜記一

三

一慟生死之交已矣存歿之感淒然已乃子大振
出其先人行實索為誌銘諸隧道之石余不忍搦
管又不敢沒良友之懿行乃忍哀濡墨而為之撫
拾其略云按公諱蓋字獻彤拙菴其別號也先世
為山右洪洞人明初有始祖也先公者偕孺人來
濮陽居張寺堦堆後遷柳林村因家焉傳四世至
高祖思武公慈祥好義一鄉推重思武公生一方
公一方公生述田公諱緩即公父也鄉間有直方
之譽輕財樂施子衆咸德之先是劉太孺人年近

槐軒文集

卷八 舞陽二

五

六旬尚艱于嗣後以單邑宋太孺人乃育公及弟
弘略自公之生產少挫九歲始就外傳即知學不
與羣兒嬉戲鄉先生每以偉器目之後應童子試
偶不利即日夜悲憤益攻苦治書宅後有菓園數
畝躬自灌植其中吟咏不輟寒暑懷宗已巳年二
十一推擇為博士弟子卒未學使者試輒前茅食
廩餼述田公色喜曰吾五十八歲育兒何敢有他
望今若此吾死無憂矣壬申春述田公歿公晝夜
號啼鄉里皆為流涕幾于滅性拮据營葬戚易備

至嗣是家益貧懼無以承太孺人甘旨乃投業雷
澤得館穀以供菽水劉太孺人教以存好心做好
人公遂書之座右佩為格言辛巳歲大疫避居城
內宋太孺人與劉太孺人相繼殞逝公哀毀倍至
病轉增劇數月後杖而復起戊子綠林蠭起濮鄆
間公携家而西歷黃池安陽鄴下地凡三遷卒免
於難有時遇豪客咸相戒勿驚害張善士也有王
蠲蔡順之風雖在倉皇瑣尾中手一卷不釋每讀
書苦吟悲哀淚痕徧書策間知其志良苦已庚寅

槐軒文集

卷八 舞陽三

三

以歲貢 廷試學士鍾陵熊公特為稱賞拔置上
上辛卯壬辰果聯捷南宮乙未 殿試工部觀政
歸來卜居回隆鎮課子之暇即詳閱清律任錄諸
書口吾學吾用也戊戌授舞陽令地瘠民貧公設
法調劑之數月後漸有起色遇大政事不獨任已
意皆令卿耆父老議出萬全乃毅然行之其有不
便于民者必一一請命上官雖被沮抑弗為情至
再至三必如所請而後已三年夙弊盡清風俗為
之丕變諸凡興學校疏鹽法均地糧弭盜賊築河

渠修城池理行市草土工禁漁戶凡有利于民者靡弗舉其未便者靡弗革也先時南陽人有受冊益苦高無益節之語公聞而笑曰苦雖無益吾為百姓苦節雖無益吾為朝廷節亦復何害行之踰年舞民有十好之歌俱詳在去思德政錄辛丑秋乃以代丈葉邑地事為人受過降調解職去邑人士如失慈母亟請于上官乞留之公切諭止之怡然不以為意反以為如釋重負也去之日父老牽裾遮道涕泗號泣百餘里不絕聲邑之人士追

槐軒文集

卷八 雜錄四

三

思不已並錄其德政上請入名宦立生祠及遺愛碑記云還里之日遇鄉里族黨有困苦者即量力周給之凡貧賤之交待之一如平生無幾微貴倨意婚娶必贈衣餼孤獨者曰與我養里有任海岳者公之故人也歿于凶荒未得營塋公偶過其里惻然動容隨訪知其處瞻拜悲傷備禮塋之未遇之時凡有一飯之德者靡不厚報焉其篤于友誼率若此先是壬辰登第時值寇亂方平有里人之流離失所者公咸竭力周濟之令其完聚骨肉被

德者不下數十家蓋公之為人慷慨好義大有祖父之風孝友出自天性篤于一本與弟析箸時凡田產器物悉取其瘠且敝者與人交公正無私不欺然諾不妄取與不代請託不干獄訟嘗曰寧人負我勿我負人其存心長厚類如此平生所快意者惟讀書教人兩事居恒以課其子姪輩終日亶亶無倦嘗誡諸子曰吾生平口無偽言身無妄行正恐失吾家祖德爾壬寅春繕治邑居先立家廟每旦必謁朔望必祭即一豆一羹必親薦必齋言

槐軒文集

卷八 雜錄五

三

及祖父及兩太孺人甘苦輒流涕丙午五月內病足卧疾至五月二十二日巳時晏然而逝距所生萬曆三十七年巳酉六月初二日酉時得年五十有八元配呂孺人同州耆德會軒公之女性婉淑幼嫻內則及于歸舞陽公事舅姑盡禮處娣姒以和始終無間言經營兩太孺人大事維時舞陽公病不能起孺人竭力措治艱苦萬狀終身無一齒及若或忘之者居家勤而能儉教諸子以義方待子婦以禮視側室所出男女不啻若已出待戚族

輩嚴而有恩其一言一行皆足為壺內法平生不
佞佛教並一切巫覡尼媼不令入門尤為閨閣所
難及且起廬掃家祠堂焚香拜謁至病篤猶以未
得躬奠為憾蓋天性仁孝如此以康熙元年壬寅
十一月初八日戌時卒距所生萬曆三十七年己
酉正月十三日子時得年五十有四以康熙三年
十月十二日塋濮城南四十里許供河之原子四
大板大擴大持大托孫四留緒文緒光緒守緒茲
卜于康熙七年戊申十一月二十五日奉舞陽公

槐軒文集

卷八 舞陽六

元

之柩而合祔焉為之銘曰

祖功宗德發祥有因哲人應瑞與時屈伸承家體
國學道愛人甘棠發憩服教畏神三年報績奏最
上聞清風兩袖一道香塵桐鄉遺愛恩過三春維
配儼德內則循循宜其家室葛覃蠶繭齊眉偕老
相敬如賓卜云其吉歸于其窀崇岡鬱鬱浩彼
粼粼源深流長奕葉彬彬佑啓光裕玉樹璘珣千秋
萬禩視此貞珉

博平太學穎伯傳公墓誌銘

穎翁先生余父執也余受知先生最蚤甫從先君
膝下識之無字時即召而謂之曰此爾傳伯穎翁
先生也時雖未有知心竊誌之不敢忘不數載先
君見背病將革邀先生為別以不肖囑託焉故余
之事先生一如先君之存日也先生子作霖與余
同年生長余三月余先作霖兩年入庠一日詣先
生里先生命作霖出相見且令訂世誼之雅自是
而往來先生之門者數數矣順治辛卯余叨鄉薦

槐軒文集

卷八 博平一

三

明年作霖以恩詔充拔貢於成均先生驟然曰
有是哉非若輩駐足之地也尚勉旃乙未余試南
宮博一第先生為之色喜更以勗子霖也戊戌
廷對蒙

世祖皇帝簡拔授館職留京邸自是與先生睽隔日
久相見遂罕矣癸卯秋有江南之役道過里門先
生一枉顧余於槐軒中夜暢談不寐甲辰余以省
覲乞假歸先生又賜華袞之言以壽老母語語至
性感動里閭戊申春余問禮南行邀先生來槐里

小圃讀篋中藏書居數月而先生偶微恙以去比
余歸趣裝北上先生遠送于南鎮之南執手道故
慰勉詳切骨肉之愛殷殷也明年延作霖京即就
業居無何聞先生卧病乃倍道歸不數日竟以訃
音至矣悲哉茲將大歸先生於先塋之次命余綴
其行實銘于隧道之石余何敢辭乃枚淚而志之
按狀公諱學元字穎伯東郡博平崇文鄉里人也
先世為古膠望族始祖瑾始遷博領辛卯鄉薦任
鄧州有能聲瑾生巖庠生巖生綱庠生綱生洧壽

槐軒文集

卷八 博平二

三

官預鄉飲洧生汝礪庠生汝梅壬子孝廉其從姪
思明登萬曆丙辰進士任三秦僉憲而傅氏益顯
汝礪生應桂庠生凡六傳至製號化宇生丈夫子
三人長即公也生而聰警異常授之書一覽即通
大義日誦數萬言同里張公汝雁奇之教以為文
擢管立就年十四應童子科邑侯璵公大奇之拔
置第一學使者海鹽賀公孝延較士東郡補邑庠
自後每試輒前茅邦江李公世臣浙中錢公沃心
督學時皆擢第一尤加賞鑒焉幼同邢君元嘉讀

書岳里呶吾之聲丙夜不休為文精深刻入自成
一家言不屑帖括章句之末所著詩賦古文詞尤
為當世所推重過以數奇屢因公車識者惜之公
弟以為意也一時負笈從游者戶外屨滿咸因其
材而樂育之德造有成譽髦斯士諸來游者其人
之賢愚貴賤皆能一一預決之不與毫髮時人服
其氷鑑所得廩餼束金悉以供菽水歡不知自持
一錢也丙子化宇公捐館公哀毀骨立勺水不入
口者決自以是抱病餌藥經年乃稍愈家雖貧喪

槐軒文集

卷八 博平三

三

葬務必盡禮事母潘太孺人色養三十餘年溫清
定省如一日康熙乙巳太孺人八旬有四以壽終
居喪如殯化宇公時竭力營葬毫不以諉之兩弟
先世所遺田產盡推與弟無所取宗黨稱其孝友
至於仗義恤孤惇族樂羣循其餘事耳戊子應歲
薦甘心林泉閉戶靜修城市不見其迹邑令嘆為
今之澹臺臧明也甲辰邑侯堵公天柱增修博平
志以人物數卷委公公慎重其事大書特書是是
非非毫不假借人以為信史云公之學以五經為

本旁及子史尤喜秦漢以來諸大家文集有志著述以多恙不能構思輒嘆息而止所輯有經書註疏陶情集數種藏於家常戒諸子孫曰爾等存心務忠厚行事要正直志向須遠大看書要體認聖賢立言本旨不可穿鑿作文要細心研究題理不可涉浮靡時時以為訓做晚年詩酒自娛與往山數友崔山公張東萊陳正符張存古紫垣輩為世外交月相倡和每遇花朝月夕輒流連不忍去醉而行吟長歌放懷自得若將終身焉於康熙八年

槐軒文集

卷八 碑序四

壬子年

己酉三月二十日子時以病終于家距所生萬曆三十六年戊申正月二十三日子時春秋六十有二可謂全受全歸無忝所生者已元配張孺人同邑耆德張公養才之女男一作霖甲午拔貢生孫六長謙庠生次諭三誠四詠五謨六誨曾孫一恒祥於康熙丙辰月日葬于祖塋之次系之銘曰

湄水之東匯於文鄉是為佳城長養其祥左顧岱岳右瞻太行高山仰止于焉徜徉子孫緝緝奕葉

有光松楸鬱鬱河流湯湯卜云其吉表此龍岡

槐軒文集

卷八 碑序四

壬子年

莊平文學微垣張公墓誌銘

天可必乎仁者不必壽天不可必乎仁者必有後
善哉蘇文忠公之言也吾友張子微垣公相切劘
有年其孝友大節最著聞宗族閭里間而樂義好
施饒有博濟利物之畧殆所謂有道仁人也而年
不逮耄耄位不登宰執鬱鬱諸生貴志以歿不亦
傷乎始歿之十年元配孫孺人以中壽考終命合
祔止有目孤子經等以余素在執友之列哀踊而
前持兩大人行實請為銘其隧道之石余慨然有

穆軒文集

墓人

微垣誌銘

卷五

感於十年貧交之誼不忍以不文辭迺按狀而誌
其略如左

公諱應辰字微垣在之東五鄉一甲籍其世系前
莫能詳高祖諱淮曾祖諱邦憲憲生以忠字純菴
邑庠首貢以忠生唯喏字桂波邑庠生公之父也
以德望著於鄉邑之好學請業者多歸之間以其
束金奉兩大人歡晨昏無倦容人咸稱其能養志
娶劉太孺人同邑庠生庠尚公之女也生公及弟
兆辰桂波公以首疾於懷宗庚午十二月二十八

日卒劉太孺人撫兩孤備歷艱苦績紉以供膏火
命二子侍讀口授之公生而奇慧貌豐偉魁梧如
畫面微赭有痘痕左眉中有痣大如豆髯美而長
手白於面右掌一小斑如硃色幼為兒童時人咸
異其有貴徵也及就傅授書十行並下日誦數萬
言於天啓甲子入庠懷己已補增廣生屢試輒
冠軍第以數奇屢擢棘闈不獲售君但吟詠自吟
曰業患不能精無患有司之不明如母老何每憂
形於色且以厲其弟紫垣交勉成名以顯親承先

穆軒文集

墓人

卷五

志為懸懸也三午癸未之亂劉太孺人攜仲子兆
辰入城居公守墳廬仍居南鄉有一堆一櫛之奉
必自持供母或命諸子時時視膳問寢率以為常
卒已大饑劉太孺人有兄孫名選及女之適吳姓
者公體親心減口食膳養之賴以生全至今兩家
子姓繁衍親族咸德之戊子避亂居城北八里莊
名信平鄉者八月中呂撫軍來過冠以公狀貌奇
偉輒倚任之公亦侃侃而談條陳救時諸大事撫
軍多用其策且付一檄令其招撫餘孽人賴以安

龍新志集

卷八

教誨

七

亂後學宮圯毀公與同人路公貞度董公蓮瀾楊公梓白分工課督管繕周備煥然改觀是年冬母劉太孺人疾作公倉皇求醫藥於烽火間道中不分日夜不計生死趨避卒以無害後居太孺人喪勺水不入口哀毀骨立見者為之流涕是時綠林方未靖祖塋未可歸葬權厝於城東郭之南公日夜啼泣以不得合葬先慟為憾自戊子至丁酉十年來未嘗頃刻忘也至病將革猶惻惻以大事未終為念言之欲絕內子孫孺人悉體此意拮据於

十年之後終以成夫志也平生獎成士類講論無虛日領學者聽其朋來不受其餽脩戒訓諸子展正有體事事以聖賢為法益其大節不苟如此公生於明萬曆甲辰五月初三日寅時卒于

皇清順治丁酉七月十四日卯時享年五十有四元配孫孺人平陰縣靈伯明府公之女也性至孝幼嫻內則言不出閫年十九于歸張門入則潔饋隨執箕箒事舅姑惟謹紡績佐讀勉其君子夙夜勤渠以承親志者甚切至中饋之事一毫不以分

龍新志集

卷八

教誨

三

其慮內外咸賴之育諸子胎教有義方慈母而兼父師之訓治家整齊嚴肅食指近千無敢誼譁失禮者遇歲時歡讌或兒孫舞班衣於前則撫摩而煦嫗之倍於尋常家人畏而愛之如兩嚴親也幼承靈伯公家訓敦詩說禮每取以課其諸子孫勤懇懇弟兆辰幼失怙劉太孺人又多疾撫養未周孺人能旦晚代視衣食無弗給以是甚得太孺人歡平居不御綺紈之服緝澣不離於手諸子婦有勸其節勞者則引敬姜教勞大義訓戒嚴切

諸子無敢再言生素康善病心疾三十年戊申十月以病漸篤亟謀合葬而先人大事亟勉拮据哭泣之哀瀕死者數矣大襄之日猶扶拜於柩前履之盡慟病以轉劇及奉神主歸則但望之流涕雖扶拜亦不能起知前此殫力經營以終先君子之志者蓋其心良苦也凡寢疾五十餘日而歿淑慎慈孝克相其家於門楣為淑女於舅姑為令婦於君子為良助於諸子為賢母也可以亡憾矣生於明萬曆壬寅四月十九日子時卒於

皇清康熙戊申十二月十五日戌時享年六十有
七子男四人長鼎吉次經邑庠生三緯四綸邑庠
生女二人孫男八人孫女六人長孫男鉞鼎吉出
次孫男銘十孫男銓經出六孫男欽八孫男鐸緯
出三孫男鍊四孫男鏡七孫男錫綸出曾孫男一
人澄曾孫女一人鉞出諷吉於康熙八年己酉十
月初六日合葬于城南郭東半里許之新阡系之
銘曰

在山之東佳氣鬱蔥考槃其中一畝之宮此維與
檀書之序

宅青山紫陌土膏澤澤冥堂斯闢源深流長不涸
兆祥世德重光終焉允藏吉日良時歸於其祇永
言孝思子孫保之

誄

祭慈園呂年兄文

嗚呼生或聚散人之所不能免也獨是修短久暫
理數不齊有天之所靳人不可得而解者吾不能
無遺憾于我年兄之逝也憶自戊戌夏日同授
館職讀中秘書時被顧問于時言言于時語語
初不知有玉堂瀛洲之異也唯與我年兄相勉
以道義相劇以問學期不負聖主臨軒特簡千
載一時之知遇耳同學三年朝夕與共寒暑風雨
無時不同歷之也兄之視我如手足我之戴兄如
同氣矣肩隨鴈行不殊一父之子也有時而遊遊
則同行有時而飲飲則同醉猶記辛丑始夏山櫻
初熟相約為香山之遊循玉泉臨瀑瀆濯纓裂帛
之湖振藻退谷之水供光磴道窺松間之巖穴來
青亭前話百年之心情景赫赫如昨也夫何良
會難逢佳事不再歸來數日即聞兄以病聰作楚
矣亟視兄於榻間一為灑涕似恐相見之無幾也
旬日少愈因以假請七月間得子告歸養一

時同人郊送執手各為詩歌兄一一次其韻可成一集余亦有非關兒女泣別淚不能收之句可知寄情深矣君歸舟中又贈我以詩有知己交從貧裏久感君義向病來多之句每為把誦不能釋也癸卯冬余自江南役竣過任城訪君于苦次倚廬中留連累日南池柳蔭東城梅墅踪跡至今不忘也何自此而遂成永訣耶記憶蓋年兄為我迷湖上與年兄遇時意氣風流不可一世曾幾何時乃成往事哉此天造之不可解也最可痛者 老年

楊軒文集

卷八 墓誌文一 四一

伯母屬殯之日吾兄方奔赴未至不能親視含玉此終天之恨也何可解吾兄之傷心况瘁蓋為此乎大事甫襄兄以病聞聞旬日後訃音遂至嗚乎痛哉有才如君有學如君性情之和平如君中心之誠一如君方未展一籌未効一用 國恩親志兩有未酬而君何往哉遺此藐諸孤茆茲無所依無一壠之植一瓦之覆以庇而為生也蒼蒼者天頃可問耶猶可為君憫者桂玉森森可比燕山之秀鳳毛奕奕不數河東之羣異日者光大其閭式

郭其業以成我年兄未竟之志者將在諸子也夫唯我年兄誘之于冥冥之中相之於坦坦之途俾得會青雲之嶺家聲是故人之望也已難是離岸之悲不能無悼惻于中者有愧夫太上之忘情臨逝三辭別緒難言靈其來臨尚鑒之哉

楊軒文集

卷八 墓誌文三

四二

祭鄒訢士年兄文

嗚呼我訢士年兄竟棄人間世而長逝耶驚聞年兄訢音于天士之僕今我不復知有身在世間也嗚呼憶初識年兄于南宮之廡下一見傾倒兩心相期自是情好日篤久暫不渝癸未秋杪追歡于維揚之邸不數日而別後寄我好音遺以倚聲初集每為披卷不禁神馳戊申南遊又相見于龍興潭院貽我遠志齋集挑燈讀之不知東方之既白詰朝訪年兄于寧遠堂踈雨瀟瀟竹宮斗室數

槐軒文集

卷八

七

架牙籤脩肱有幽人考槃之意遺我西園記後予好也同話者賀子天士董子文友陳子賡明也今文友已先修文而年兄又捐館舍去天道茫々顧可問耶豈真造物忌才不欲令慧心綉口長留人間耶抑筆花綺語衆足奪天工之巧而犯神鬼之忌故不令其久洩造化之秘耶吾不能不為年兄憾矣聞年兄少孤老年伯母潘太夫人贊一室形影相弔茹藥飲冰者十餘年甫能見年兄弱冠成名登進士第捧檄始有地而未及綰半通之綸

槐軒文集

卷八

四

叨升斗之祿乃溘焉朝露竟感垂白之老親而責志泉臺耶造物何不仁至是耶又聞君之貌諸孤方穉齒或在襁褓終鮮兄弟孀發偏栖其何以撫之育之而立視其長大也耶嗚呼痛哉惟長留詩卷與不朽文字在宇宙間膾炙人口千秋萬禩如一日也後之視今亦猶今之視昔悲夫子又不必深為年兄感矣人孰不有死或年如長吉遽赴玉樓之召其母亦無如之何而昌谷集至今垂于天壤此可謂之死耶否耶君之遠志齋集典麗農詞視長吉昌谷集何如耶其不可死者一也或行同范滂身罹奇禍其母亦甘心焉而終無怨辭而人之賢其子並賢其母百世不忘君之揚名顯親人知慈母矣而焉回未喪含飴永訣不啻為滂母也者其不可死者二也或如公父文伯之死其母哭之不衰而謂其子婦人厚而子長者薄也君之承志色養視于無形依膝下曲體奉歡內外無間言初非若文伯之母所云其不可死者三也而君竟死耶君雖長往靈當在天存耶歿耶不可知耶

千里抒哀良友同悼嗚呼痛哉微芹寄奠莫既中
情嗚呼痛哉尚饗

楊軒文集

卷八 祭文

四

友人張子紫垣輓章

嗚呼自君仙逝奄忽已將百日矣相越千里雲山
間之生不能執手一訣歿不得撫棺一慟存歿幽
明深有媿夫古人泉下之義乃至今日南望家原
白雲在天日光黯澹簷楹閒寂爰濡毫投淚而哭
之以辭曰

夫何康彊之吉人兮忽赴召於玉京豈天道之不
可同兮果造物之難憑以為君獨罹此殃兮何履
道之咸亨誠不知其所以由兮羌何昧而弗明惟命

楊軒文集

卷八 友人輓章

四

數之不偶今夫何迫遽而難行重余生之多故兮
忽復失此良朋與君篤好于平生兮固無懼而弗
誠憶幼同學于邑塾兮隨師友而交賡迨少壯而
分袂今各南北而屏營君失家于樂平邑南三十里鎮名
今余避地于郡城丙戌年事既同里以萃處兮丁亥戌子時
亦朝夕而嗚嚶及余歎之方洽兮忽時變以擘橫
又中道之星散兮復雲奔而雷轟迄辛卯之秋試
兮乃巾車而同行余乙未以升雋兮君奮志于登
瀛及戊春之北上兮猶握手于里閭既偕計以

延對兮已矣遂邂逅于春明比癸卯余南還兮再

表事

執衿以班荆唯甲辰之在告兮恒居廬以歡迎君

無憐而弗遠兮余靡意而弗呈相聚首于八九年

之閒今誰知歲月之屢更迄于秋余入補兮每寄

問于友聲靡決旬之不相聞兮中懷縷縷以畢領

何有言之未既兮亦無念之弗紫客冬揭來冀北

兮衝雨雪之淒清留五旬以偕處兮猶余心之未

忘君以歲畢而言歸兮余未忍牽裾而經硯有路

子以同旋兮迺載驅而計程曾離羣之未久兮忽

轉轉文集

卷八 友人 集

風鶴之時驚方寄言于側理兮敦好修之粹精余

初度之前日兮林子

君扶也

至以將名聞君心之弗

憚兮因家難之小櫻言若激而未遂兮志有抑而

弗平氣於邑而不可解兮語涕泣以交零余猶訝

其過感兮將然疑以懸旌有李子

惠公也

之來顧兮

方相託以陳情有何意之拂鬱兮遂一往之可輕

曾寄語之未詳兮忽聞君以疾嬰意維結而不轉

兮神恟怛而靡寧後數夕之不聞兮方遙憶而自

評又後訊之未確兮乃悵悵而心悸忽季夏之下

辭兮即于至而將行聞君恙之未痊兮倩歸羽以

代序曰君誕之將至今當勿藥而得正夫何彼蒼

之弗弔兮盛埃風以迅征何人間世之不留兮譬

浮雲之朝榮痛斯人之不作兮知己寥寥而莫并

悲總帷之空渺兮幼于呱呱其誰解痛余心之切

切兮傷君懷之惻惻雲鰲鰲其在天兮北風慘慘

而如啞感余衷之悽愴兮飛鳥群號以悲鳴豈幽

明之永隔兮何泉路而弗瞻哀中道而相失兮斷

雁行之弟兄對黃花以懷其分憐蟋蟀之眩眩寄

轉轉文集

卷八 友人 集

四八

傷心于明月兮慟洒泪于泉阿

訣辭

嗚呼宜振吾兒今將長往而去矣訃以二月二十五日歸于 祖塋之側留家園者不過二日吾將如之何哉人生及此大事畢矣爾復何憾可向吾言自爾之成童有知識以後不數數與爾共寢食待爾者未嘗不嚴而望爾者亦深且切蓋天性骨肉之愛固有自然此爾之所能知也吾不必恨但自癸卯七月初四日爾辭我於京邸先以舟歸後予抵家二日連晝夜奔馳僅及一聚首詰朝祭告

魂輓之集

卷八 訣辭一

聖

先慈爾猶追隨于後也比及我自南來爾迎我于樂平鎮上先我而歸馳告 祖母及予抵舍展拜庭闈爾猶追隨于後也明日而爾隨諸兄弟應童子試太矣望六日再祭 先塋爾不及與是一憾也及我之行爾尚未歸聞及 祖母壽日爾猶與諸兄弟奔馳而歸代予稱觴此亦一快也明年正月既望而爾完姻是日予於京邸命剝會飲以賀辰初不記有他兆也自是而後爾便應道試自不得視我於京我亦不望爾至也三月二十五日

魂輓之集

卷八 訣辭二

聖

始聞爾入泮矣未始不色喜然心為它事縈繫不暇作讌會而爾亦從無音問到京予心且疑之疑爾之從事嬉戲不及念我京華懸望也若爾早抵京或可無此一病若及爾未病時猶能作父子聚處者或旬日或月餘舉動言語飲食居息我必有以誠爾庶可盡人事于義方也奈爾未太我又不能力來遂成此病是乃大憾也爾豈果不我念哉亦以為聚處有日為歡正長 祖母在家未敢遠離此亦一大義也豈遽知其病耶病遽知其不起耶雖半由醫家所誤然命數已預定之矣蓋自有生之初而已然昨但今日事也嗚乎但于今人事為不合耳自爾十月初四日遷下寓樓初五日溘然長逝或心有隱憾亦不可知但語我者自讀書遠觀而外絕不作童子憂憾色比及氣盡而返了無外言此我之誌爾者最真即數十年學道者臨終不免作回頭瞻顧想爾能及此是亦可以無憾矣都門之知友親戚哭之盡哀祭必以禮亦見爾之孝能得親人皆憐之也十一月初八日爾長離都

門返里我送爾於蘆溝橋之西一號而別此際此
情曷堪言念歸而杜子濂先生遺我以詩有所為
報到家園疑是夢手穿爪臂莫為情之句情意深
至孫作庭年伯示以為爾所作墓誌銘生死骨肉
交情乃見爾之名行可以不愧爾之心曲亦可無
餘憾矣十九日戒歸至新城旅舍夜將闌稍夢爾
向我問父作之子述之二語夢中恍惚語猶未竟
而憬然已寤不覺失聲淚泫泫也自是即思為爾
立嗣以繼爾未竟之志歸而謀之族人恐猶未必
遂合也乃一筮而得爾錦兄之子奉清慧之姿可
為爾嗣是用心喜仲月望三日同族人公言于堂
見于 祖廟承繼爾後夢中之意庶可無憾遠近
親友哀誄輓章珠璣滿壁金玉盈卷情文備至儀
物有加足見爾之遺愛在人無間親疎也昔人所
云生榮死哀嗚乎盡之矣自是以後吾亦可以無
憾雖達者有言生為吾子死非吾兒吾不忍為此
語吾不忍作此規幽明異路情誼則同延陵三豸
猶存見少西河喪明未免過情 高堂番白蘇水

程軒文集

卷八 狀辭七

至

日多吾盡吾職子將若何嗚乎痛哉大招楚些用
代雅歌亂曰日荒荒兮鳥飛何速風慘慘兮草木
為瘵乃如之人兮不我能恤懷哉懷哉何日月之
可賸

程軒文集

卷八 狀辭四

至

廷對策 戊戌科順治十五年

皇帝制曰朕惟唐虞三代民風樸茂海宇安

無偏陂之心俗躋雍熙之盛率性而徧德訓

行而近光涵濡於道德仁義之中馴至刑措

不用何治之隆也朕孜孜求治夙夜不遑十

有五年於茲矣乃休養多方而閭閻未寧幹

止訓迪日久而羣黎未睹維新表章經術之

今雖殷而博通經學者尚寡明慎用刑之念

雖切而自干法網者猶多豈人心之盡不古

程斯文集 卷之四 廷對策 一

若歟抑奉行者未得其實也今欲使兆庶遂

生樂業咸得其所庶幾衣食足而禮義興人

心協正風俗還醇敦尚經學而修明性道君

子懷刑小人亦耻犯法俾隆古之上理再見

於今日何道而可爾諸士其各抒夙抱詳切

敷陳勿得勒襲倖從朕將採擇焉

臣王曰高

臣對臣聞帝王所以致天下之治者任人而

已矣所以保天下之治者愛民而已矣任人

而當其用則立綱陳紀化民成俗事事有條

有理而雍熙之化以隆愛民而有其實則厚

生正德弼教明刑在在必懇必摯而康乂之

風日古人君有代天理民之責而所以分其

責者內而公孤庶司外而藩臬守牧皆有教

養斯民之寄惟隨分盡職而無貴乎虛文斯

程斯文集 卷之四 廷對策 二

代終之義以著聖人有容保天下之心而所

以單厥心者或為仁育義正或為戒休董威

無非愛育羣黎之意惟曲全並生而不尚夫

名法斯并包之量以弘古帝王所以首出庶

物而萬國咸寧謀字鞠而迪惠吉屏奇表而

敦實行六字乃以同風也天璽聰明以作民

元后訓農桑而課禮義開邪說以嚴憲典四

海由之永清也黎民敏德惟臣鄰之克觀府

事修和忘帝力於何有率由此道爾光而大

之端有望於今日矣欽惟

皇帝陛下

奉三無私

建五有極

聰明睿智以有臨

剛健中正之威備

握八柄以馭臣民而百度維肅

操三重以定綱紀而九圍式命

止孝止慈惟

紀新集

卷之三

三

聖盡倫而王度光昭於海寓

允文允武與

天合德而皇風鼓壘於寰區自

臨御以來十有五年於茲懋恩美法史不勝書如

隆

郊禘以廣仁孝之思祀

歲瀆以昭功德之大慎繡斧巡方之選重司牧

師帥之寄

躬祈穀以重農蠲雜租以蘇困却貢獻以節費發

帑金以貸荒愛民之心何甚焉而憂民之心何

無已也肆今至治馨香昭格於上下大化滂

衍徧洽於茲誕蓋千古所未有曠世而一觀

者也乃

德至而彌勤功高而益勵猶以

萬幾之暇進臣等於

廷而咨之以唐虞三代民風治化之隆以及

今日教養政刑之大欲使其詳切敷陳上理再

見此誠視民如傷求治若渴之衷也願臣愚

紀新集

卷之三

四

學漸稽古志切摠忠非一日矣竊伏巖野有

聞焉而不得言言焉而有所不盡者今幸近

咫尺之成立方寸之地得以對揚而無怠將生平

之所誦讀願施於當世見於

盛時者此可以酬其志也雖至愚陋敢不竭誠

披懷以仰副

清問乎臣聞之書曰天佑下民作之君作之師

惟其克相上帝寵綏四方是代天而有養民

之責者君也上以承天有子道焉敢不敬與

下以撫民有父道焉可不勤與天之與民其理一也敬之與勤其義一也惟勤民之政有驗於實用斯敬天之心不徒為虛文矣唐虞三代之世政教行於上風俗成於下時雍風動而治臻刑措者惟其內有敬天之心斯外有勤民之政也然天道不言而品物亨歲功成者何也四時之運五音之布宣其氣也君道不勞而庶績熙萬物康者何也三公論道六卿分職張其教也

經義集

卷九 經義集

五

陛下之尊猶天也所與分猷而佐理者孰非諸臣子之責乎伏讀

制策有曰休養多方而閭閻未寧幹止何也夫民生之不厚以無厚之者也而近民莫親於守令

陛下誠欲厚其生矣而守令或非其人則操切騷擾有如黃霸之在潁川張詠之在益州則室家有盈寧之慶而中谷無仇雠之嘆矣夫何民生有弗遂

制策又曰訓迪日久而羣黎未睹維新何也夫民行之不興以無興之者也而訓行必董之師儒

陛下誠欲興其行矣而師儒未盡其教則月吉徒懸能如陽城之在國學胡瑗之在湖學則鄉魯多文學之材而吳越起秀良之譽矣而何風俗有弗醇至學校者經術之所由出也今人不一其說家不世其學道德性命之微雖學士弗曉其義何論夫茫蒙之顛愚則端孫教而正道術者宜嚴也刑獄者民命之所攸關也使巧吏舞文弄法貪人鴟張肆毒析錫桎梏之下即君子猶耻訟冤何有於微幸之小人則慎乎反而詳讞鞠者宜矜也凡若此者非有成法之可拘而有治人之堪擇也方正之儒誠使司化慈惠之吏誠使司牧博通之士使司鞫鐸藹吉之良使掌憲典則官各得其人人各盡其用四海臻雍熙之風宇內有刑措之治安在唐虞三代之化不可再見

經義集

卷九 經義集

六

於

今日乎

聖制所云豈人心之盡不古歟抑奉行者之未盡

其實此亦求治無已之心耳

陛下尊禮大臣愈久愈親體悉羣臣有隆弗替至

若禮意之優渥藹藹若陽春

訓諭之叮嚀勤勤如父子天下之人皆將沐膏

詠勤扶杖聽風思見德化之成而況為臣子

者忍敢負之乎故大小羣工罔不思淬厲以

獲善文彙

卷九 奏對 十一

效篤忠皆曰將以佐

九重恭己之化矣而君人者如天運於上不勞而

成化者也將見天地位萬物育諸福之物可

致之祥莫不畢至而王道備矣以

聖天子倡化於上諸臣鼓厲於下豈不合元首明

良之美而躋翔洽汪濊之隆哉抑臣尤有選

焉宋臣朱熹曰監司者守令之綱也

朝廷者監司之本也又曰善為治者必先有綱

紀以持之於上而後有風俗以驅之於下所

謂綱紀者宰執秉持而無所私臺諫補察而

無所失所謂風俗者使人皆知善之可慕而

樂為皆知不善之不可為而必去也臣願

陛下永持此心慎終如始明通公溥以植其本靜

虛動直以培其基取舍不累於愛憎賞罰不

徇於喜怒存無怠無荒之心為可大可必之

道合天下之智以助聰明而於旒纁無所蔽

順天下之心以施號令而於威惠無所偏朝

夕夢寐有萬里蒼生之憂

律年奏集

卷五 奏對 八

宵旰經營存億載宗社之慮益崇此德益保此

功王道普和恒之美四海成順則之風至治

綿於無疆而威休引於弗替明良喜起之化

端在斯乎臣聞之人君有求言之意則必有

聽言之實人臣遇得言之會不可無獻言之

誠張子之言曰試言乃事君第一義不可有

欺臣雖至愚陋然不敢妄舉以陷於自欺易

菴之見幸因

明問而發焉惟

陛下寬其愚直諫其樸誠儻於

萬幾之暇少

賜觀覽則天下幸甚臣愚幸甚臣草茅新進罔識

忌諱干冒

宸嚴不勝戰慄隕越之至臣謹對

魏野文集

卷九

廷對策八

九

康熙癸卯科

江南策問五首

問君道稽古正學定取舍端好惡昔賢言之備矣夫人主一日萬幾當務為急豈曰文哉治教政令身率之為道發言成文書之策引而被之天下之民一也聖人之於道自得於心作為治教政令粲然有本末先後焉其書於策亦道其所以然而已洪範和同天人之際而所以始之者曰思大學脩身及家平均天下而所以始之

魏野文集

卷九

策問一

十

者曰物思有以通於內物無以蔽於外舉而措之天下無難矣我

皇上躬上聖之資繼

祖宗文謨武烈之盛天下望聖人之澤者咸利見於此時其為多聞達事古訓有獲抑猶有可陳者歟兩漢以後顧治者代有而史有譏焉以孝文之恭儉而禮樂未遑貞觀幾致刑措而躬行多闕宋之仁宗忠恕誠懇始終若一而其人材或進或退國事或治或隳論者謂其隨世就功不

能與於帝王之嘉績然歟否歟抑稽古而昧其
要所學者非歟我

皇上受

天成命夙夜而單厥心宣哲維人燕詔而昌厥後

命諸詞臣註經譯鑑日就月將此訪落之詩紹庭

而陟家之思也昔康誥有言祇適乃文考而又

敷求殷先哲王求聞古先哲王自近以及遠也

周公告成王亦自殷先王及文王迪哲援古以

徵今也若是者非學何以致之諸士彙征盛際

槐軒文集

卷九 策問二

土

以歌盛德而思贊襄是可以先資拜

獻矣其颺言毋讓

其二

間治天下者因事設官量能授職職以任事官

以范民通古今一也義農黃昊以德致瑞名其

官以雲龍水火而命以天事顯帝以來為民師

而命以民事堯舜咨命唯百而已夏商官倍始

有公卿大夫之設六太五官六府六工之目咸

周定制公論道孤貳公六官之屬三百六十此

三代之大略可言者也秦蕪諸侯官不師古漢
興多循其舊而其後頗有所改光武并官省職

以三公綜理庶務洎於其後事歸臺閣魏晉多

依漢制齊魏亦準江東後周及隋參漢魏而用

之貞觀裁定員數而大紊於天授景龍之間開

元懲弊其制恭家肅代以降無可言者宋襲唐

舊雖真仁盛時無所釐正有以他官互領不有

別勅不治本事者有以遙領不親州務者其因

與革可悉數歟元有中書省有樞密院有御史

槐軒文集

卷九 策問三

主

臺曰寺曰監曰衛曰府曰行省曰行臺曰司曰

路曰府曰州縣而虞集之論事在樞府不統於

吏部似有簡重之弊者其故何歟明制或做太

尉樞密而設或做六官而設列以寺監錯以百

司外則統郡邑嚴考勅其于前代得失何如也

夫監夏咨殷聖人不廢我

國家定官論級考課辨官將使分職率屬舉能其

官而且大破資格唯材器使天下絲粟之長皆

顧自見無鬱不得施之嘆矣徵之往事其為官

與事之或合或違名與實之或歆或避員與班之或繁或省治與聯之或互或分固博識者所務知也記曰官先事士先志將以是觀之

其三

問田賦之法始於禹貢自冀及雍凡有九等而賦出於田取之無過什一不欲盡其所育也唯宛一州田賦相當他如田高於賦賦高於田釐為上中下使得其平其貢自冀及雍亦有九等而貢因乎地貢有常制不欲強其所無也周法

槐軒文集

卷九 雜問四

五

尤備以致財賄則有賦以致邦用則有貢九賦任之九職九職之中以農穀為首通天下之田皆以井授井方一里而為九八家共之所以齊教化同力役均地產也而郊廟百神之祀祿食庶事之費車徒兵甲之役皆於是乎出何其取之節而用之裕也顧周之盛也其尤重者四分取一其次乃五而取一然後以次而輕後之取民使無急征橫歛則亦未至於五而取一四而取一之多而苦樂莫不相及獨何歟或謂唐法

最善而兩稅敗之馬端臨不以為然蘇氏兄弟

其論亦異自茲以後有君如宋仁宗蠲損苛細

而民不被惠有臣如朱考亭度量步畝畫圖造

帳欲使隨產均稅輕重齊同亦未及大行而嚴

坐使督迫被罪逡巡思避懸缺二百無顧就者

則當日之民窮可知兼之賢而同志者寡雖有

良法不足以集事又可知矣荀卿曰天地始者

今日是也百王之道後王是也居今日而論近

今之行故所操彌紛田賦之敝莫敝於茲亦不

槐軒文集

卷九 雜問五

古

自今日也初則因民繼則因吏已而無不受困

者患其欺隱日復一日那移逋負而不得息肩

既奉

俞旨以郡邑錢糧作十分通算庶乎吏民少得適

罪而尚未及檢田也昔嘗履畝丈田書其主名

四至如鱗相比謂之魚鱗圖又因戶推田因糧

編差謂之黃冊或可豫為前箸否諸士以之入

告我

后則忠居梓里則敬慎著於篇冊以滋擾

其四

問民之有盜猶苗之有莠此勝則彼消彼彊則此弱不可並存者也治盜必多為之備絕其萌孽之留在民則必擁護周防予之自全之地寧以虎狼在山幸其不犯而治械設罍置之不問哉然北土寇恃在馬南方寇恃在舟風利帆飛飄忽出沒則舟之為害劇於馬自海氛既靖傾巢內附吳地亦既安瀾矣顧大盜既平人不知戒有地勢之當扼者沿海遷入內地有佃漁故

槐軒文集

卷九 策問六

五

業可因者剽竊據之以為小盜夫小盜何可長也當治平無事之日雖欲為大盜將安所容其身而其貪暴頑梗之習則時時出而行劫其所以居要害嚴禁令密巡徼豈無可設者歟昔霸大立唐順之仇俊卿諸人周行海隅相度形勝或云吳淞所乃水陸之衝為蘇杭喉吭或云常鎮統水陸兵據江海之交或云淮揚界江淮之間東瀕大海三面制勝為難大抵周諮於衆熟慮竭能而為之者亦有可以踵事而增者歟夫

瀕海之民潢池竊弄近者鹽徒悍獷屢見告矣將見其犯則刑不犯則免天下固有日為不義而不可指名以附於法者其於去姦之令則已踈矣周之制有罪惡未麗於法而坐諸嘉石者必州里任之然後舍之所以小惡不容於鄉而錫去其不善此固非師武臣力也以吳言吳諳地利悉人情將藉以為弭盜和民之助

其五

問足國富民天時與人事交盡乃可爾人有勤

槐軒文集

卷九 策問七

五

惰地有膏腴鹵薄而望歲則均三代所書歲多豐穰即未嘗不早而以不瘠告未嘗不饑而又不害聞未嘗有所謂糴而自無所事糴也漢定天下民亡蓋藏賈誼務積貯蠲錯勸農功追功用煩興耗於武帝孝宣重更二千石歲豐穀賤農人大困司農丞白令邊郡皆築倉貴則減以糴賤則增以糴名曰常平此耿壽昌之議也隋開皇中諸州百姓及軍人勸課共立義倉隨其所得出粟及麥以豫賑給此長孫平之所奏也

唐之中葉國用耗散諸道置知院官每旬月具雨雪豐歉之狀豐取賤予率諸州常儲米三百萬斛此劉晏轉運使時之所建也蓋自三代既遠常平平物價義倉備凶荒雖古之遺制尚多而此二者兼舉之矣然而廢置無常未幾而散何居吏畏法而避事苟全封錫不復省歟無汲黯之忠視民瘼而莫敢發歟民怵於吏而下劫於胥甘貸富戶不敢一窺倉廩之門歟我

魏軒文集

卷九 策問八

七

免水旱奏報後時者罰矧夫聚之郡縣散之於民則亦人情之至便者且累年穀價大平奈何不為宿糧計也梅菴之記義倉曰鄉者青苗意非不善但不當以金不以穀其處之也不當以縣不以鄉則當日之任賑貸受粟計息存見米三千餘石其必有道矣諸士言必可行固當自民事始

請舉經筵疏

題為請舉

經筵之典以養

聖德以端化源事臣觀歷代帝王肇興必重經筵

之典匪徒隆慕道之文所以預養

君德而廣聞治道也自

太祖

太宗肇造丕基即設內三院衙門弘文秘書之名樂

然復古創業垂統模範率昭我

魏軒文集

卷九

經筵疏一

大

皇上聰睿天縱自

御極以來凡重大典禮業已漸次舉行邇來

躬親臨朝習勤

宵旰中外歡呼咸慶太平之靈長矣臣竊以為

聖德貴進於日新輔養不可以不廣查會典開載

每歲二月八月開舉

經筵一次以重臣董其事其禮不煩而有益於

治道甚大合無預

勅禮臣選擇吉日肇舉斯典進講之際擇令滿漢

大臣互詳其義於以啓沃

聖心周知治理所關匪淺又見近日

諭令各衙門詳察

太祖

太宗事實及前代開創成績誠治世安民之要若採

擇較定彙為成書再令近侍之臣每日講述

一二事習以為常尤覺簡便久之典故精熟

事事有據雍熙之治可計日而俟也臣山左

鄙儒蒙

魏軒文集

卷九

經筵疏二

五

世祖皇帝簡拔庶常矢報未伸茲荷

隆恩錄授諫垣自矢有聞必

告而先以

經筵之典進請者誠以

君心為萬事之本

皇極乃首善之原主德隆於上則軍國庶務之大

舉而措之裕如矣

順治十八年七月三十日題

恤災疎

題為恤災乃修省之實推恩而致和之本謹抒

藹論仰體

睿懷以廣

皇仁事臣伏見邇來直隸撫臣甘文焜題報真定

保定府屬水災等疏奉

旨爾部照例具議固是但今年水災比往年不同

於例外應另作何蠲免著再議具奏欽此仰見

戒

魏軒文集

卷九

恤災疏一

五

皇上愛民如子懷保如傷之至意也被災窮黎莫

不歡呼咸休

浩蕩之宏恩矣惟此一念即足以感召

天和而敬答

天心也微臣竊有請者真保等屬被災困苦情形皆

聖駕所親歷固在

直隸照臨之下矣其各省被災地方困苦最甚為

皇上所未及親見者如江南淮揚等屬之水災山

東青兗等屬之地震濟青等屬之水災河南

彰德之水災浙江溫台之颶風福建漳郡之水災饑寒陷溺顛連困苦之狀安能盡繪於至尊之前也同是

朝廷赤子同在

宸衷惻隱之中合無均邀

皇恩一視同仁

勅部於該督撫親勘被災分數題報到日即酌量輕重速為蠲免不必反覆屢駁耽延時日以孤窮黎之望庶於

欽此

奉 上諭

皇上加意軫恤之念暢然其有合也且被災地方

已經部覆奉

旨停其催徵目今將屆歲終錢糧奏銷有司考成所係正在此時若將來不在應蠲之數勢必倍加催比嚴行敲扑真免恭罰反不若未經停徵者猶得陸續辦納焚焚殘黎其何以堪伏請並

勅部議今歲被災地方錢糧見經停徵者作何分別考成其被災最甚者自在

睿慮照徹之下恩出

上裁非臣下所敢預覲也緣係條陳恤災事宜字多逾額伏祈

鑒宥施行

康熙七年十一月初五日題

欽此

奉 上諭

正朔疏

題為正朔關係最重成曆未可議更伏祈

睿斷仍用已頒之曆以誼天時事臣見禮部一疏

題為請更正朔之月事奉

旨據奏通行直隸各省將今年所頒閏十一月停

止應閏九年二月等語今又復行停止果否合

理二月應否有閏月爾部逐一詳開欽天監各

官議奏欽此仰見

皇上敬慎曆法之至意也臣愚以為頒曆授時

樞齋文集

卷九 正朔疏一 書

國典所最重一定而不可更易者也今八年之

曆既已頒行薄海內外家喻而戶曉者久矣

一旦忽欲除去一月另行改正中外遠近不

能無疑且十二月與正月之交為元旦改歲

之期四方之

朝賀於是乎集

郊廟之祀事於是乎舉凡一切大典禮所在皆於

是係焉乃將已定之期又行更變揆之於理

似未見其有當也即將九年曆日照依南懷

仁推算節氣行之則閏十二月與閏二月同

一節氣也何必改月為哉伏祈

皇上乾斷將八年已頒之曆所閏十二月不必更

改其南懷仁推算新曆即從九年正月為始

斯

國體與曆法兩得之矣

康熙八年二月三十日題

樞齋文集

卷九 正朔疏二 書

請寬遷海逋賦疏

題為敷陳末議以彰

皇仁事臣辦事垣中伏讀

上諭戶部前因江南浙江福建廣東嶺海地方逼近賊巢海逆不時侵犯以致民不獲寧宇故盡令遷移內地實為保全生民今若不速給田地房屋小民何以資生殊非令其遷徙保全之意四省遷移人民著各該督撫詳察酌給田地房屋務須親身料理安插得所使小民盡沾實惠

魏斯文集

卷九 雜賦疏一 重

不得但委屬員草率了事如料理不周小民不沾實惠或被民控告或別經發覺定行治罪爾部即遵諭速行特諭欽此仰見我

皇上視民如傷誠求保赤之至意

洪恩浩蕩海隅歡呼矣臣伏思宣布

德意上而督撫司道下而府州縣有司均有子民

之責今四省沿海百姓奉

旨遷移居民已失故土田廬荒廢其十七年分額

課民欠似難再問也雖奉有安插之

恩綸若其額賦未除則各官考成所關仍應不免

追呼司府按額督催有司畏懼叅罰勢必日

事敲朴焚焚于遺其何以堪臣愚以為安插

小民之得所必先寬其催科之

功令合無請

勅下該部將沿海棄置田地與未完額賦亟催造報清冊其司道府州縣各官考成姑緩其所議速將完欠清目逐一報明果係遷民失業

魏斯文集

卷九 雜賦疏二 主

者並與豁免則司道無督催之煩有司自無

敲朴之擾庶失業窮民盡霑浩蕩之

洪恩也臣仰沐

皇仁謬陳末議應否可採伏祈

勅部議覆施行
康熙元年四月二十二日題

請頒經書疏

題為請

頒官板經書以光科場

大典以襄同文之治事臣辦事垣中見順天府府

尹甘文焜題為經書官板現存

國學仰乞

勅部印頒以垂永久事禮科覆稱應如該府所請

即令宛大兩縣估值印書紙價及刷印工價

詳確報部印刷完畢交與順天府每通科場

槐軒文集

卷九

經書疏一

主

之時應用等因奉

旨依議欽遵在案臣思各省鄉試經書印板多有

不同每至舛錯臣於去年奉

命典試江南所取用出題四書五經各書亦非官

板江南大省尚且如此其餘兼遠小省果可

知矣合無請乞

勅部估值紙價工價動用該部項下錢糧多印幾

十部分頒各省布政司存貯每書兩部以備

殘缺遇科場時用以出題則字無錯訛而實

興

大典始為有光矣所費無多關係甚重是亦天下

同文之一大事也如果臣言不謬伏乞

勅部議覆施行

康熙三年二月二十九日題

槐軒文集

卷九

經書疏二

主

御試第一疏

題為慎選授以清流品嚴薦舉以得真才事竊

惟人才者國家之楨幹用舍者人主之大權

其始不可以不慎而立法不可以不嚴也自

虞廷三載考績黜陟惟允爰咨岳牧明明揚

側陋以亮天工而熙帝載法可為詳且簡矣

後世官人立政之法卒莫有外焉三代而下

累朝選舉之制代有不同究不越乎慎與嚴

而已故慎則網羅皆麟鳳不慎則統絢得濫

槐軒文集

卷九 御試疏一 主

竿嚴則彙征有茅茹不嚴則汲引多私人臣

竊謂一代之才自足供一代之用要在

皇上於取舍選擢之日加之意而已其一在流品

之當清也四方郡縣之人才除科目兩樹外

止有貢士一途尚可充民牧之選其餘雜職

吏貲槩不得陞正印是已而投誠之人實繁

有徒雜然並進銓法為之壅塞詎非所當清

者乎八旗子弟之俊秀者率皆養之成均准

其一體考試其才學優長者擢用翰林部院

科道等官可為盡其才矣而蔭生之年甫盛

童未諳文義者遽試以民社之任猶未能操

刀而使割所傷實多詎不可為之重惜乎伏

願

初部於選授之日必詳擇其流品優於文學者使

居文翰之地長於政事者使膺民社之責勿

枉其才勿訕其器則羣策畢放而衆益斯集

若驅襍襖以絃誦易大劍以毛鉗非其任矣

人各有能有所不能若用其所長而舍其所短

槐軒文集

卷八 御試疏二

主

則鉛刀皆有一割之用故慎之耶所以清之

也其一在薦舉之未真也外而州縣有司以

及方面皆有牧民之責其優劣賢否全在督

撫之舉劾間有奇才異能不在尋常之列者

特舉卓異以待不次之擢甚盛典也然循資

薦剡保無有催科有術而撫字則訕者乎愛

憎任意保無有匪類登庸而循良淹抑者乎

此不可不嚴為之防也至於地方人才以及

山林隱逸之士偶一舉

聖朝鼓舞人心之特典而我

皇上於資格科目之外大用其延攬者也然論薦
舉於今日抑有難焉者矣卿舉里選之法不
可復行於後世而保任連坐之例又復相戒
為世途斯薦舉所以不行而直才壅於上聞
也嚴之之法莫若於薦舉之始而別其真偽
其薦之真者則不惟進賢受上賞而用之惟
恐不盡其才也如其果偽則不惟其所薦之
人有負盛典而舉之者亦百罪莫贖矣故上

槐軒文集

卷九 雜著 三

之必如虞廷之岳牧交贊次之必如成周之
周召同心而後可語於薦舉之有真才也此
嚴之乃所以得之也斯二者固在銓臣之持
衡惟公惟明尤在

皇上於澄叙流品之日其難其慎有如不得已之
心斯思皇濟濟多士有藹吉之慶闢門穆穆
四方無豐蔀之患矣伏祈

皇上內懿于心正一身以正百官無之而不慎無
之而不嚴則無之而不清無往而不得真才

矣天下幸甚人才幸甚臣竊為賡

聖主澤賢臣頌於不取惟祈

睿鑒留意焉臣謹奏

用人之道在慎與嚴二語為千古不易之法中
如投誠任子薦舉三項侃侃鑒鑒切中時弊皆
人所不能言不敢言而先生默言之真具二
十分膽識者實宿識

槐軒文集

卷九 雜著 四

預籌賑災疏

題為預籌准揚賑災之方以廣

皇仁以救窮黎事竊臣伏見總漕臣帥顏保題為
恭報異常水患一疏奉

旨據奏准揚水患異常關係運道應責成該管官
作何料理著速議具奏該部知道欽此仰見我
皇上軫念災傷重視運道是即大聖饑溺由已惻
然不忍之盛心也臣愚仰體

皇仁更有未雨綢繆之計者竊以為運道固所當

槐軒文集

卷九 賑災疏一 辛丑

亟而災黎尤宜軫慮也伏思准揚為江南咽喉之地財賦於是乎出商旅於是乎集

特簡河漕兩臣經理其地誠重之也今兩郡之民
以連年洞降之餘又遭異常水患漂沒廬舍
田盡荒蕪將百萬生靈必致流離餒餒顛連
於煙波沮洳之中轉盼秋風戒塗饑寒切膚
哀訴無路呼

天莫聞或填死於溝壑或相聚為盜賊當有上履
睿慮者安可不預為之所乎伏乞

皇上勅諭河漕兩臣悉心籌畫詳具賑救事宜或

勸民出粟益以常平官廩如級黥之於河內

富弼之在青州或各方糴粥使饑民散處就

食等項視被災輕重實圖舉行或當照陝西

軍前輸納米豆之例紳衿舉貢監生富民其

復職加級紀錄先用送監讀書給與頂帶各

款比之陝西軍前米豆數目俱應各加一倍

因無事地方道途坦易準之秦省裒益適均

既可就功名之路極濟窮黎更不至以近地

槐軒文集

卷九 賑災疏二 辛丑

事例減省有妨秦省之輸納此實兩利之術
不費之惠而災民得以生全矣如果臣言可

採伏祈

睿慈施行

康熙十五年七月初八日題

表忠疏

題為敬陳表忠之典當議贈謚建祠以鼓人心而伸正氣事臣伏讀

上諭諭吏戶兵三部自吳逆煽亂以來各用兵地方文武官員或矢志固守勢窮莫支盡節封疆或身陷賊中堅志不屈橫被慘害或從容就義全家殉難視死如歸此皆為國捐軀克全忠節深為可憫其有骸骨不能歸家妻子尚寄遠方孤苦無倚更堪軫惻宜加恩卹以慰忠魂著各

槐軒文集

卷九 表忠疏一 三五

該督撫察明凡殉難文武大小官員骸骨妻子俱准動正項錢糧資送歸里以昭朕優卹忠節至意特諭欽此仰見我

皇上留意疆場垂憐忠節厚加軫恤更欲善全其身後也此真

聖主如天之恩盛世勸忠之典凡為臣子者一聞此言孰不感極涕零奮不顧身思報

國恩而立芳名於後世乎廼臣見部議卹忠之典雖已極渥而猶有所未盡者則以與謚建

祠之典猶未議及也竊今現行事例文武大臣歿後例有祭葬兼請贈謚固歷來酬庸之常典亦

聖朝體恤之大義也至於死節諸臣似不必以品級拘定凡有捐軀殉難以死報國者此其人即與古之忠烈等雖史冊所稱何以加焉應查照死節緣由酌其時勢之難易輕重擇其忠節之尤著者

槐軒文集

卷九 表忠疏二 三五

照以特謚乃所以慰貞魂而昭示於後世也夫人生而習書長而服官孰不欲以忠良自矢乃不幸適逢其難其在全軀保妻子之人可無論已即素以名節自負較然不惑而變起倉猝或臨時二三其心者有之若能利害不顧從容就義慷慨捐生此固

聖君願得以為臣後人樂取以為法者也即予之以易名之典夫何媿焉是諸臣報

皇上以赤心而

皇上即予之以令名一字之褒榮於華衮庶人心

有所激勸而死者亦含笑於地下矣似不必以官之大小品級之尊卑論也至於封疆大臣節烈顯赫者更宜

勅所在地方建祠褒揚以傳示千古而郡縣長吏亦得入其本地之名宦鄉賢祠從祀學宮是亦

聖朝褒忠之令典也臣又有請者自變亂以來節婦烈女死於兵革者亦復不少應請

勅下各省督撫體訪其死節最烈者予以旌表以

槐軒文集

卷九 表忠錄 三十七

為風化之勸則凡有血氣之倫習聞婦人女子尚且直知大義不肯偷生而況堂堂男子之軀食祿受爵乃或甘心從逆桀犬吠堯真禽獸之不如矣縱

皇上天心至仁憐而赦之特以不死彼亦何顏面立於人世乎此表揚節烈尤大有關於教化人心者也如果臣言不謬伏祈

勅部議覆施行

康熙十六年六月十二日題

河工議

今天下之事所最急者莫要於治河而所最難者亦莫過於治河內而廷臣外而總督河漕諸臣詳哉乎其言之矣臣復奚庸多贅然有一得之思不敢不為芻蕘之獻其一曰下流之當濬也昔人治河有三策曰疏曰濬曰塞今惟用塞而疏濬之術不講恐非所以清其源也頃年河決清水潭及七里溝涵洞新莊集一帶而下流則興化泰州之白駒場大龍港雲梯關當其衝

槐軒文集

卷九 河工議 一

地形如釜底不有以疏之則水潴而不能出非盈科而進則無以達于海待衆流將盡而民田之行萊沮洳者已不可勝計矣說者謂以防海之故壅閉海口故水失其故道以至汎濫而無所歸然而河自河而海自海海口之地山嶼嶮阻原不可以通舟楫彼賊舟大編豈能飛渡哉則瀕海諸口斷宜亟開也其一曰黃淮之當合也在昔以淮水之清汰黃河之濁故沙湍去而不留今則淮自淮而黃自黃不相為謀不相為

謀而勢自今矣法仍宜講求昔日之故道使黃河仍合於淮以淮之猛抵黃之強兩相濟而相為用而漕始不受其患則周家橋翟家壩一帶堤防以驅淮與黃會者不可不亟修也堤修而淮之勢自注于河而不至橫溢其其一曰但治漕而不必亟治河也今之治河以通漕耳漕通而河可不必亟治矣其可塞之處一面捍築以堅其防其不可塞者則聽其自去而不必與爭地始別開一渠以通糧艘以待其勢之自殺然

柳軒文集

卷九 河工議三 辛力

後從而塞之亦易為力矣今聞高堰一帶皆為巨浸湖水泛濫故涌激而為患耳若仍循其故道使歸黃者黃歸淮者淮則漸可就理此所謂因其勢而利導之者也夫大禹之治水行所無事非無事也不逆其性不爭其力不激其怒因利自然與為順導而已今之總督河臣身在地方經理有年必確然知其頭緒孰當急孰當緩如治亂然從容就理若操切而亟更張之則愈禁而無紀一人方竭蹶以從事而從有之人今

日進一說明日畫一策前工未竣後議又起然則功何日而可成耶所謂築室道旁者非歟臣愚以為不如責成總督河漕兩臣使之同心協力隨時酌宜不時奏聞一切動用錢糧以及調度機宜許其便宜行事地方官不得掣肘然後可責以成功或三年或五年總計其成效倘有推諉脫卸委靡懦怯與夫侵漁冒破諸弊或經覈實糾參或被劾人首出者即治以庸悞之罪復何辭哉昔漢永光中任河隄使者王延世三

柳軒文集

卷九 河工議三 四十

十六日而河堤成永平中樂浪王景能理水德棣之河復播為八水有所洩而力今偶合于禹功自東漢訖唐河無橫決之患任事者有成效非其明效大驗耶從來論大事者曰有治人無治法今日之河工何獨不然又何必紛紛論議以令任事者之心哉此芻蕘之見未審有合於

國計否

五署初筆

戊戌孟夏朔七日奉 簡命讀中秘書望九月乙酉初偕同人游翰苑由登瀛門升延英堂連款一亭觀所為先朝宸翰諸箴銘碑記未及卒讀同人接武而至各自卜舍以居悵然高眺仰見槐蔭碩而樂之乃占取東南之一枝樛然而最茂者如蚪龍之蜿蜒檐際也為念兩夕晴朝當得佳致因憶癸巳是月晦八日索居槐軒於時榴花盛敷槐蔭初成風吹楊葉淅淅有聲牆外兒女語嘈嘈然午槐軒文集 卷十五署初筆 一

枕未就疎雨數滴恍恍如昔年作會意語時也在當即援毫而識之曰不知玉堂中人亦能領畧此中閑況否他年晤同人當以是質之云云由今追之言不若左券耶曰歎人之窮達升沉無非定數而先幾之形每每流露于語言間者事後輒應真有人不可解者聊拈數端為友人述之甲申以後自甘乾落亦已久矣辛卯春念忽微動終病幾望夜若有所夢覺未拈青蓮語書於屏間是月小既而午而曉渡有所夢晨起識之曰數年不作繁

華夢今夜無緣特地來世路悠悠何足問一生懷抱幾時閒蓋亦漸漏春光矣比及秋初闌前數日濱有桂香將欲近柳汁漸侵衣之語同儕方笑以為誕不期月而兆于鄉書使騷婦之夢與巫姬之語不盡虛誑足為偶中杏花記則有感杜牧之語後亦微驗乙未春又有菜園之名杏花之咏與夫闌前窺筭闌後懸枝之語種種幾先亦少見其一班誠不自知其所以然者謂非天機之自動識兆之先見者乎因思天下事無不可期未至者驚為絕

槐軒文集

卷十五署初筆

二

奇既至者視君坦易氏事皆然君子明時達人知命烈士暮年壯心不已君子見幾不俟終日是在各自為適耳有志者竟成領不信耶爰為識之以徵吟

步趨皆有數方寸本無為花逐從人入秘書可詩窺槐陰諧風好藥火足深思畧述平生志報予舊侶知

北園初記

甲午歲孟夏之月偶於雨朝倚後檐而北望則見
卉木菁蔥平原沃衍意謂是固善地他年當營綠
野而老焉既而書沈會宗咏水閣一詞遺東齋弟
誌不忘也乙未北旋即將亟為此計而迫于時艱
有所未遑而申冬始購之其主盡其所欲焉丁酉
春爰興版築之役月餘告竣百堵皆作而曠然四
壁乃始成其為園地矣是春也取花于山移竹于
西邑採嘉卉于中野旁求之友人而茂草之中時

觀軒文集

卷一 北園初記 一

有翹然錯出者樹木而實落蕤蔭而華稀雖月夜
時至而寄興者亦不多得矣唯徂暑肅霽及相秋
始望宵月足稱快意耳墻下樹柳壕邊植椿雖有
生意率未可入目也今春又將比上園中諸卉會
當與別乃進場師而謂之曰榆柳間植於兩壁下
自南訖北移大槐數株分植于門之左右鑿池桑
蔭之西北枝下成即植蓮無浚時焉甃井一泉或
東或西不定其方唯度其泉脉取甘而可淪者為
佳耳桃杏諸果之類多多益善菊當成畦植之以

觀軒文集

卷一 北園初二

日庚申雨夕識

方為是語以為數月言旋猶及看荷池上耳不
意遂留于此未得過歸屈指諸品率成夢想或
理或廢聽之而已待槐里鳴騶之日而苑柳已
成蔭矣行踪未駐曷有定哉還以訊之同人其
有代予盱目者否厲阜八日甲辰晴朝又記

初正偶筆

人生何境是足唯當前快意適興而已矣友人
謂余曰子之生平大勢病在快意夫意有何窮
必欲快之將有不克盡如我意者則或反不快
余曰唯唯否否意固無窮而欲快之意則存
我也堂高數仞食前方丈一種濃艷豪華情興
則不顧田連阡陌金玉充積我則不喜燒丹煉形
跨鶴騎鸞之事我則企望而不敢學也我之所好
一曰山水一曰詩書一曰花月平生之快意盡是

初正偶筆

初正偶筆

五

矣獨不耐離家如佳山水非不欲盡意登覽但遠
在千里之外往返動經數旬者則不敢過而問之
矣詩書固可自怡而資性遲鈍人事多擾苦無暇
時則不能盡如其願也惟花不拘奇種隨意莠
植皆可娛目每一花開必賞玩累日坐守移時或
邀知己快友杯酒談心期不負光艷相贈之意而
後已若佳月則無旬無之但或有人事之擾或遇
當夕而露或不在家園而遠寓旅舍則雖有月亦
弗能盡歡也此即意之未必盡快者也由是觀之

余之意亦易快耳猶夫偃鼠之飲蜚菴之愛而已

矣余有園不必崇臺廣榭層巒奇觀也平原數畝
小屋數間雜木數十種夏日可蔭月夜可坐如是
而意快矣架上諸書隨意繙閱有暇則覽無則且
已不必定有約程如經生家之治應舉業計日而
課工也則意亦自可快也花月隨緣偶遇良辰美
景賞心樂事有快友論心或靜嘿獨坐則意自快
即未必然而隨在遣興逢場作戲亦何不可者余
之意亦不必為之弗快也若得時時快意則一日

初正偶筆

初正偶筆

五

消遣便是一日神仙人生苦不知足我則無之亦
足以自慰矣但春明之夢又須相催車塵之債多
為勸駕奈何奈何間有一二知己遙相謂曰倘東
山之興未關金門之詔稍遲姑優游林下亦未始
不可余又何為去其所適而尋所苦也哉若非大
有所迫則此盟亦可無負古人固有簞瓢鶉結以
自安者即同人相訂亦儘有入山恐不深入林期
不返者余亦何心鄙而不學哉吾知依往矣辛夷
陳肅宵坐文杏館識

二餘偶記

昔在窮僻苦無欲讀之書今又讀不能盡兼以質鈍閑少務雜心煩安能如嚮之靜守几案竟日不接人跡者耶今歲甫集唐律數百首冀將入誦而未之及冀覩百名家中有董廣川鮑明遠淵明子山諸集足供探討坡公詩文幸得全集昔所景慕而未得一觀者今乃狎而親之此一快也至對策習字則應制之必先尤所宜究心者圖史之餘澹花三徑雜著數篇聊以銷寐聊以永日回憶昔年

槐軒文集

卷十二 餘偶記

七

又

春夏之交風物清美庭樹鋪翠禽鳥變聲每于花朝月夜雨夕新晴之際間有會意輒為短言以志之時復自喜似欲作羲皇上人不復於世味中求之

槐窓漫錄

昧爽矢言

人之精神有數也以此之修煉形氣則可保順天和而全不毀之軀以此之吟唔著述亦可立身揚名而成顯親之業至於營商賈之行或佚游好戲日與閭巷俗子相徵逐徒勞一生終老無成此其誤用者耳哀哉慎無使它人曰秦人不暇自哀可矣

漫興

槐軒文集

卷十

八

二日戊午日中晏微露行田間見麥浪翻翻龍禾如鬣農人倡和於畛隰之上誠一時小康風景也子倚樹聽之愜然有懷人想亦不自知其所懷果誰氏之子良朋乎彼姝乎俱未及計驀然又如年六七歲時午節放塾歸相與尋窓侶遊樹蔭下戲闢草時也噫嘻日月催人流光若矢星移物換時事幾更傷心此地存耶沒耶榮辱得失付之天數而已縱鄉里小兒嘖嘖屬望而余心終淡然如秋溪之水顧乃營情菽粟瑣瑣為糊口計亦可羞也清夜夢覺不知予懷之曷能釋晚缸識

少時讀秦風蒹葭三章輒為緬然興思然亦復不自知其思之起止何故讀余兄此則正有同情耳 阮亭

鍊樵曰此天眞發露處故眼前所見所聞皆若有所感而卒不自知人生此景豈能多得

秋興

昔張翰因秋風思蓴羹昔予在東郡憶菊花又憶桑甚自謂與之同情今以試事淹留歷下幾踰四旬而歸期尚在彌月之間想應歸時東已剝矣禾

提軒文集

卷十

九

已獲矣豈非虛名誤人乎去夕觀嘉會京考未免與宴有移情之感將誅茅以力耕寧游大人以成名也吾將聽之闌前二日記

記事

西陂者西氏之右陂也余昔居博鄉每東歸必經此道或獨行或携小使朝朝暮暮蓋非一日後戎子之變率家人向此地於蘆葭深處匿焉自暇而入向夕而出周饑狼狽倉皇跋涉而西也危哉此行也至今猶令人病悸再踰年邑居方夏有事西

省歸經此地悠然有芳草之感蓋與殷之麥秀周之黍離興衷雖有不同而回首往事恍若疇昔一則以懼一則以幸矣因下騎玩草色移時江文通別賦曰春草碧色春水綠波送君南浦傷如之何此行雖非贈別而饒有深情又李青蓮有云平原蕙兮綺色愛芳草兮如剪漢之曲兮江之潭把酒草兮思何堪想遊女於峴北愁帝子於湘南恨無極兮心氤氲日眇眇兮憂紛紛披衛情於淇水結楚夢於陽雲千載而下實有同心癸巳五月八日

提軒文集

卷十

十

薄暮策馬東歸復經此道見芳草之猶昔感往事之如昨仍動懷舊之情於時清風颯颯天空月霽惜曜靈之已匿無暇憇枕於柳蔭之下也歸之明日甲戌晴風向夕述於槐軒之榴牕

似六一公小記

許士

字字深情緬然一往南史丘遲與陳伯之書云暮春三月江南草長雜花生樹羣鳥亂飛將軍獨無情乎此文情致正極相似 阮亭
漢人云衣不如新人不加故昔人尚有記故

者要非情深人不解耳又評

情深矣而詞不激髮豎矣而意復暇正如作詩

者得風人渾厚之旨錄

新秋懷舊癸巳

秋日多露風雨微寒每至斯際輒增一種淒況愴然如有遠人舊侶贈我以懷想也憶昔乙酉日匿影後室問漢史集古詩每遇疎雨蕭蕭聞瓜葉聲擬作荷聲見豈花紅白相間蔓延籬落間亦復欣然自喜仰見桑陰時作葉上風雨聲想中屏端

槐軒文集

卷十

十一

依之作室時丙戌秋暮避地東郡菊花期竟成虛度至今猶有餘惜丁亥往來西邑間雖時坐槐軒而踪跡未定戊子秋勞亂離驚竄不復知憂樂之易何知寒暑已丑以秋初歸田藜藿不充采蕭穫菽一嘗試之回思酉秋時事寧可復得耶庚寅歲邑居怏怏無可言者至卯秋赴試歷下淹滯數旬遂聽鹿鳴而來屈指數秋亦足少償艱辛辰歲閒居東濟西郡之間多所奔走秋日亦未覺有佳趣今年春杪始得一息肩復理舊業兼以抱疴謝務歷

夏以來出門遂少間取史記諸書及古今人詩集

日涉手錄多為探索而舊日佳致始勃勃然來矣

永日烘赫頗有庭槐可以翳景唯向夕始一揮汗

耳六月中暑盛乃覺至閏且則已稍降矣今歲復

備後室向晦安息亦未苦熱回憶舊居已還其處

矣求如故家室翕孺眠往年間開倉皇者不大遲

耶追思曠昔夜居栢齋次杜詩遣懷時相去幾

何也暇日風雨薄暮瀟瀟偶憶其事閏六月幾彌

壬辰也

槐軒文集

卷十

十一

少讀唐人詩翠嶺香臺出半天萬家煙樹滿晴川山僧近住不相識坐聽微鐘憶往年不禁掩卷惘然久之蓋今昔之感其能移人情如此惟余兄可與道此况阮亭

尺幅中可當秋興數十首其感慨悲涼俱在

言外兼葭耶白露耶水一方耶幽致遠心可與

知者道錄

起一段有洞庭始波木葉微脫之意○又似太

白悲清秋賦阮亭又記

跋

昔人有言太上忘情下愚不及情情之所鍾正在我輩僕既慚太上又非下愚讀此卷既終覺二十年中哀樂之感觸緒紛來不可斷絕但欲喚奈何耳

癸卯仲冬弟阮亭挑燈跋於廣陵之羈提閣中
時迅雷風雨

李鴻曰鏡花水月四字乃近日評文套語以之評北山先生詩文最為貼切試讀僑寓漫興懷舊

梅軒文集

卷十

十三

諸篇字字行雲流水曾有一語着實否兒時光景宛然在日妙在不記何年清夜悠然有懷妙在不知所懷為誰氏之子遠人舊侶贈我懷想其意若有所屬又妙在愴然如有四字使他人為此未有不求其人其年以實之者常見古人為文境取其極幻而情則貴手極真此以若隱若見之真情寫出不即不離之幻境可謂兩得之矣

瑞鳴兄云每閱登孺諸記知吾輩現前多少受用都是忙中蹉跎登孺只是片晷不肯放過遂為千

古情至人耳又云吾輩處處思量現前快活便已省却妄想許多此等消受終是得自吾家北山者

梅軒文集

卷十

十四

丁巳初度序

今 天子崇文覃飛龍之治羣公式叙脩振鷺之儀清問不輟於臨軒敷奏時勤夫佩華我北山王公以臺諫第一首簡宸衷唐識李嶠稱為才子宋登蘇軾選在正人而公以不世之才際有為之日方騎羊之歲幸必談棋追蔚豹之時張憑理揖金門射策入天祿以吹藜玉署揮毫上瀛洲而視草自甲至乙凡四庫讀人間未見之書襲六為七作一經是天下可行之語時推陸贄愛欲見之施

槐軒文集

卷十初度序一

一

行上識賈生遂以觀其諷誠烏鵲集升平之第乃應遷官白馬乘光武之朝還聞指佞魚頭比勁不憚批鱗虎領抒忠無嫌履尾趙忠獻三十六事一朱鎔韓魏公七十餘章頻頻白副然而存聖朝之寬厚靡尚風聞若乃陳民事之艱難偏多憂奏松到天而不屈葵向日而恒傾故事莫重於格君請經筵以崇正學惠無踰於愛物論清丈以豁浮逋軫畿輔之災而懼聲動地諫頌曆之失而鉅力回天膽落貌貅似溫造之彈李祐跡消狐鼠如

槐軒文集

卷十初度序二

二

元禮之按張成是以哲后改容鄙人斂手兩昇進賢之任皆收得士之功桃李悉入於公門梗梓盡登於天府門生脚跡傳衣鉢以金蓮公侯腹心得剋關於玉筍遂使獻聖主之頌賢臣允賴直臣歌王國之詩多士咸由一士蓋其政治原乎經術故朝野仰為真儒風節澤以文章故進退皆成學道當其聞慈幃之變廬處三年迨乎竹貴室之心累居數載淮南枕畔但有鴻文西蜀亭前惟多奇宇雖天人之已對尚下董帷即日月之云除仍親孫案滋蘭樹蕙時歌屈子一篇蒨柳栽花獨向元卿三徑被服有同乎寒素鄉關罕識為貴人斯其曠懷雅志渺矣難幾實則峻節清風確乎不拔也若夫天懷純孝南陔常自畊田至性友于北阮曾聞讓宅任彥升之祿米半乞親知徐孝穆之車裘恒資族黨都無介意推童子以赤心豈待論交埋故人之碧血微才可錄項斯頓引以登龍片語相知朱季何辭於嫁驚則挺峻望於一時寧讓昔人於千古哉憶余未申之閒遇公若雲之上瓊林玉

樹見太尉迥出風塵金馬碧雞信使者能操月旦
而公固談榮利謬許清游浮碧浪以連朝對愛山
而終夕共平原之坐十日壺觴汎清獻之舟一囊
圖書及乎今衿河上歸衮朝端泰斗維隆幸得覽
題於成鳳雲泥自遠猶蒙垂念於窮魚茲者歲值
疆國月居監德余友賀子天士千里致書謂夫會
起龍華香聞浴佛實當夢來麟級慶協生申瞻紫
氣於函關誕黃星於嵩嶽長齋偈節應律呂以全
昌大衍成著得乾坤之正策顧賤子秦南飛之曲
輒軒文集

卷十 初度序三

俾同人獻西望之觴爰考前人辛讜懷康濟之志
川稽此歲翁子富富貴之時而公姓名早著於彤
闕勲德已傳於青簡寧待熊經鳥伸之說麟塵鳳
集之祥但當開櫻筍之厨酌鬱金之酒為億萬人
而請命壽及蒼黎用五千言而養生道崇黃老爾
廣陵吳綺撰

辛亥初度寄祝序

不朽之謂壽而所稱不朽者有三立其一遂足昭
垂奕世以自壽於天壤間況兼而有之者乎兼而
有之者要亦聞其語未見其人也乃於北山王先
生見之其孝友篤於家庭仁義溥於族里秉義樂
善遇才士輒汲引而振拔之考為名儒姚為貞孝
德有淵源固足述也年未三十登成進士出入薇
天語掖間厥功猶未表見而遇事敢言封章屢上
如請開經筵畧諫田獵則功在朝廷議清蘆課及
輒軒文集

卷十 初度序四

獨賑饑菴則功在兆姓癸卯秋典試南國得人稱
最盛夫進賢受上賞非其功之尤著者乎若其槐
軒一集布於天下游履所至節義必為表章山水
必加紀述名賢必有題贈行間字裏功德寓焉誦
其詩讀其書者可僅僅以言時之也哉因思江左
名家首王次謝而會稽一派系本瑯琊自晉迄今
稱不朽者多人北山復無而有之蓋紹青箱之世
業接河汾之正傳為一代龍門晰疑則詞義風起
著作則動筆雲飛如椽之管館閣推重豈徒作詩

驚人已哉使紫陽遇之必稱曰光明正大磊磊落落君子人也非以風流雋望好為清談者可比將來展其經世之才照耀天下其人品且當在卿那伯仲耳余久飲香名未親芝宇向吾友賀子天士屬余為槐軒集序嘗誦其詩讀其書已知其人矣近天士自莊山還吳過婁東復與余言為北山薛余不敢侈為封人之詞但舉先生之生平文章事業為當世共見共聞者略為揭言遙當南山之祝北山先生見之請為余進一觴焉婁東吳偉業

槐軒文集

卷十 初度序 五

初度寄祝序

庚戌夏四月之八日為北山王先生維嶽誕辰鄉黨郡邑之士遠近咸集登堂而稱觴者踵相接也南國賀子從京師來於眾人之後執爵而言曰夫士大夫之為人所尊仰者豈以其勢位之隆哉惟其才與品之有足重也才從何見廟堂傳其封事海內誦其文章是也品從何見不貪位以躁進不苟合以謀利是也當今之世求其才與品之全者益甚難之嘗見有身致通顯即心厭林泉以詩文為可棄汲汲於仕宦而不知止其人雖位躋公卿乎吾無慕焉若北山先生以弱冠知名未三十歲進士十餘年間其文章之著於玉堂封事之留於畫省詩歌之紀於遊覽世人得其一字如南金大輅自縉紳大夫學士弟子與夫閭巷齊民莫不知先生姓氏而珍貴其詩文先生之言論丰采久已照耀一世則其才為何如也當世海內又安在廷之臣相與咏歌太平先生獨正色立朝不毀不隨東難進之志數年之間乞假者再家居之日與風

槐軒文集

卷十 初度序

六

昔知交尋花飲酒論文賦詩為樂每遇佳辰月夕
意與境會輒流連忘倦客至不以涼燠辭雖過夜
分非客莫能留不已夫尋花飲酒論文賦詩此上
林韋布所挾以傲富貴之人者先生獨兼之故官
受地不以仕宦累其性情如右軍之愛蘭亭右
丞之愛輞川雖出入承明所好嘗在丘壑則其品
為何如也其環璋之才既超絕一代清卓之品更
震動四方宜薄海之內無不聞聲相思千里景從
也何況乎鄉黨郡邑之人於覽揆稱觴之恐後哉
槐軒文集 卷十 勸學序 七

宿素辱先生隆禮殊遇有知己之感不敢以封人
之詞同於鄉黨之稱祝故侈陳導引養生之說先
生固有暇未暇但述先生之生平其才與品之兼
全有不可及者如此彼世之稱先生者或知其曠
達而不知其廣大知其廣大則知天之所以祚盛
德固未艾也吾聞古君子五十服政後踐三公今
先生年甫強仕久居諫垣其豐功大業自茲以往
又曷可量哉請加爵焉丹陽賀宿撰

蒙莊閣記

予昔客在平主北山先生先生授館於閒園之槐
軒垂一載當月夕花晨或鳥啼客散及風雨晦冥
兩人相對之際無不更倡迭和長歌短咏以盡一
時之歡既以思親南歸別後數月得先生手書云
近園中東南花窖地建一小樓於夏四月落成顏
以蒙莊閣屬予懸想其地而為之記予欣然從之
或曰夫記所以記勝也君未嘗登斯閣何能贊一
言予應之曰閒園予以遊地也槐軒予榻所下處
也軒後文杏館如船居予昔者觴咏眺望之所留
連也今閣旁於軒而前於館皆歷歷予意中景也
胡不可記之有按說文草木生聚曰蒙草木之華
曰莖茲合二義以名閣閣其峙百花之間乎園之
花悉予所經見猶憶如船居東北蔣木芍藥數晦
花踰千頭諸品略徧所可懸想而得者非耶原夫
清露晨流羣芳如沐閣之曉可記也已斜日倒影
頽容含醉閣之夕可記也已涼颼颼颼如酥露露
閣之風雨狎至靡不可記也已至若好香難掩翠

槐軒文集

卷十 蒙莊閣記 一八

帷密籠黃鳥掛枝粉蝶穿葉足以助閨中之吟咏
者斯則不勝殫記也已雖然先生用世人也優游
斯園予未能為先生信之也豈久於閒閒者哉抑
木芍藥神物也當呈瑞於宋世矣其華之兆適符
名宰相之數而茲復効靈斯園以彰先生致君澤
民之瑞是則可獻穆如之頌者耳俟驗於後當更
為先生記之丹陽賀宿撰

槐軒文集

卷十 雜記 二 本

壬寅初度雜集記

岱宗五嶽第一山也松石雲樹奇秀濟以南汶水
出焉環康子榆山經東武陽博望之西北至清河
與衛水會繇德水出津門而注於海近水諸名族
清文玉質磊落而疎宕感于其氣以然蓋亦澤祖
德焉 北山年兄兩槐舊姓世家荏山之陽 贈
常吉公仲翁老年伯以文章顯名東郡為先進領
袖北山九歲能讀父書受業 晴嵐韓先生之門
年十二即舉茂才異等已納交四方知名之士矣
槐軒集 卷十 壬寅初一 十
鷄鳴風雨叩子雲之亭倒中郎之履觀舛夜之碑
蕭歌于伯倫嗣宗頌酒永懷詩布衣華冠名聲藉
甚入則問 封太孺人季老年伯毋蘇水同修裕
炳孺斐竹諸金昆離經制舉業書不問爐扇辛卯
甲午與余先浚舉于鄉乙未戊戌又聯第成進士
同 廷對同官翰苑金馬門朝夕玉堂相與日益
親清風遠致如飲醇醪頌性尤條暢濯濯冠進賢
乃饒有長卿元龍之趣僦居數椽餘盆魚為沼置
簣成山蒔桃梅木藥以象林麓每退食從容坐讀

一卷書曲江苑外無車馬風塵之色既遷諫垣登
世之疏所刺舉多中當時利病內外亟稱之乃瀝
連山水求歲本及坊間書歌案點校不移他嗜好
一如官翰苑時雅游賢豪間知已時月來過從一
一皆禮接之縉衣食魚久而能敬無輕簡之意於
時辛壬冬春際歷山樂濟水以入 親至館陶耽
日泉竄仙兩竹林以購求遺書至平陰程震霖買
觀北肥城田履端順德李景新平山鄧元實博平
周徽元同里袁月三楊耀旂以大對至雲間路開
紀軒文集
壬寅初二
士
遠清源張彝庵聊攝朱鵠生同里張存古以游瑤
至昭邑邢命石越衛毛君平江都朱起之臨清劉
吉甫濮陽馮敬直晉蒲胡北莊或以游覽名勝或
以祿養或以大隱或以武功侯簡命并在京邸花
朝上已北山則以出暑餘閒一筍一上樽聯鑣二
三良伴予以纂修洗沐時叅坐其中看花豐臺聽
松于報國循西山登杯憩亭坐洪光陞道松檜下
尋龍湫退谷水津頭問西域婆羅種植汰濯纓玉
泉之珍珠湖各志以詩元白湖上之作松陵唱和

之篇月來紙讀都門矣合清和裕佛日為我北山
年兄覽揆令辰濟水乃贈襄陽玉露酒命石屑麟
芝為脯寓雲林山水為壁圖百泉巽菴依古韻為
歌詩存古寓仙扣松枝而誦雲中君湘妃之章路
賈程朱諸君子相從倚玉遂吹參差浮香兒之觴
北山半醉膝席傾余漱吟而笑兩令君奉袂倚酒
玉立森列如蘇家山予曰此盛會不可以無傳也
時壬寅清和月德祿年春弟蕭惟豫敬識

魏軒文集

卷十 壬寅初二

題槐軒僑寓記

僑寓記王子北山自序其歷年所遇也北山少有出塵之志不屑屑於富貴喜讀書尤喜留連村落花樹間性孝友與賢人君子游屢慨慕者久之今此記中所載自少賤以至壯歲初受書以至成名家居里居借宅借齋遠村近郊或庇蔭不相知之人有時削迹長往搖落遶次豺狼之所叫嗥如聞衰草殘月下長吟之聲浪浪也其一話一言飲酒論文一日問字之雅皆詳次之無有忘失於君

槐軒文集

卷十 題記新 一 十五

親大故俱謹書其時日兄弟子侄時時念之不去懷抱以山川間之不得常相把晤為恨予為之再三讀或讀之不終篇或感于一事不能竟行句遂投書以起如看好花竹如遊名山水如屏營于故宮舊都長隄曠野醉為之醒喜為之悲憤懣極為之歌而起舞猶記丙戌冬末東方冠峰起一日焚予三村庄秋入埽地還栖郡城樓東 祖宅依老母以居餅無儲粟厨中接日斷晨炊北山時餉予豚蹄及麥麪此意曷可忘耶今北山方官禁

知遇未報 太夫人康強難老兩令子婚宦未立

家請先與北山約異日功成名遂閒居作賦之際相從三山下攜楚詞二十五篇看方壺之白雲拾長洲之瑤草彼夫馬乳扁竹與夫緋桃月吉此人開之凡卉耳

康熙壬寅秋八月八日同學館陶耿道見隱之肅識時年五十

槐軒文集

卷十 題記新 二 十五

書槐軒續草後

余生平吶吶不善聲音笑貌獨吾王北山學長道
義相契不離而與之切劘猶記同館時曾序其槐
軒日記甲辰予大故南歸北山亦返家園兩地隔
絕幾七八年辛亥北山來京甫獲晤言適予復待
罪束裝北山語余曰歲且暮矣予可便道休歇槐
軒我當歸里作守歲主人及解維過鉅鹿見河水
冰凍順帆急流遂未踐歲寒前約僅得與即君握
手河干然予自此回籍習靜杜門王山定崇德老
槐軒文集 卷十 張一 五

其中甘心病廢不應攀援輦上巨公無隻字往來
至今日迺不自揣力疾出山復覩顏得與京門
諸公交道故哉北山古道肫摯無異往年因得悉
數載所未見諸作大約襟懷灑脫無一物足累其
中以與人交無疾言遽色所得篇什和雅春容如
其為人薛文清評少陵詩水流心不競雲在意俱
遲從容自在可以形容有道之氣象寂寂春將晚
欣欣物自私可以形容物各付物之氣象擬諸取
容一唱三嘆北山其庶幾乎留心正學紹述往哲

昔所重梓同邑張宏山孟子成趙素衷三先生語
錄洙泗脈絡粗豆重光宜其以有道之躬形而為
吉人之詞因思子成孟公當年與吾郡鄒忠介志
同道合相規相勸最久且深所贈有藍豫陽國學
赴選柬寄詩有寧陽留別詩其作孟集序末云甲
申扁舟訪孟先生蓬門譚學娓娓各未有契余曰
為泰山之遊可乎先生欣然隻身同遊旬日而返
時有開獎別去始知所以昂予不在登臨間屬望
余者意甚殷厚將何以報知已努力千古矢志聖
槐軒文集 卷十 張一 六

津孟為北山同里之先進鄒為張子同里之先進
觀其切切惓惓表裏如一今日所學雖各有宗世
異揆同聞風興起戒兩人寧有不可為孟鄒者試
就今日之論以驗於序槐軒日記時之道力淺深
北山定有以箴規我矣

康熙甲寅夏月同學弟張貞生書

跋槐軒集

文以怡情未有情不至而文至者也讀陳情表而
見孝思之至誦出師表而見蓋臣之誼覽蘭亭及
赤壁二賦千古名士風流鬚髯如覩此無化情為
至情故文即至文耳余與北山游有年習見其
為人也篤于孝友樂與賢士覈一言一事之投合
金石莫渝尤酷嗜墨兵武庫青箱靡弗羅而收之
腹中當諸生時窮困流離從寒蘆荒葦中狼狽
而出猶手持一卷不忍釋他可知已天懷曠逸喜
悅軒文集
卷十
七
陰咏每遇鳥啼花開風清月皎輒感慨悲歌情見
乎詞自里居以至登金馬列省垣如一日也茲所
著槐軒集自道其生平最詳余從燕郊中時取而
讀之如看遠山如聽秋蛩如成童時逢清明重午
馳逐於桃李桑甚之間樂自忘其為遊子也噫情
之移人固若此哉昔人云願讀盡天下好書交盡
天下好友覽盡天下好山水北山差足當之雖然
此特名士風期耳若夫垂紳正笏先天下之憂而
憂後天下之樂而樂北山當更有觸境生情而不

徒以文字見長者

郊

康熙甲辰暮春同學年盟弟張翕題於燕臺之南

槐軒文集

卷十 張翕一

十六

跋槐軒集

古人云七先器識而後文藝此不易之論也然亦有曰文藝而後器識者文藝又安可盡後耶吾友北山素崇大節有超然出俗之志其事 太夫人曲承歡心歷三十年如一日而於 太翁先生有終身之喪一飯未嘗忘蓋有不獨觸霜露而始動者移以作忠可知已至于為手足之愛厚一本之誼委曲為舉更有不可以常情測者同人之契則傾蓋而終身不易其於人也無疾言而亦無阿譽

槐軒集

卷十

傳跋一

十

至死生患難之際俠氣厚道真可於古人中求之生平大致大約情深於骨肉同氣而不以貧賤富貴易其操且曠懷逸度不同塵俗未嘗不詘貧賤而貧賤猶見其超致未嘗不震富貴而恒以富貴為寄趣讀其書者自能見之及春秋兩闋尤暢達之蓋將汲引同人而以是為鼓厲之資也知其情者可與聞其言矣觀其疏離艱辛備歷難堪之狀皆詳誌之而未嘗為欺人之語其不以富貴為榮名可推也行文則辭辭華華言如玉屑今其一字

一語皆足把玩不盡余不具論而備言其為人如其人則文愈重矣余習讀北山之文一日過其里獨與其弟炳孺遇其所遊之地一草一木一花一石皆若有一北山在如夙狎其地者乃悟其文有以引人於勝境也雖狀北山受知於 朝廷者最深而諸良友之期望于北山者最厚北山方富於年優于才知必有情深乎大於花石重於文藝以仰於 君恩克副友望者余拭目俟之矣

乙巳重陽後二日傅子潤題于河干竹隅

槐軒集

卷十

傳跋二

十

閱槐軒集日記後

余生平所著大抵皆率意之作無所為文也然生平不敢自欺亦不能自欺不敢負人亦不忍負人少時讀項羽本紀羽曰書足以記姓名而已五柳先生傳好讀書不求甚解心竊適之故平居自矢不必盡追蹤古人而一生閱歷無不可拈以告人者取其意盡而止不必其詞之工也若平生所不能忘者自君親師而外則有兄弟子姪良友至戚以及二山一水一花一木無非繫我情者則不厭

槐軒文集

卷十 記後一

廿

瑣細而津津言之且言之不一而散見於數處者不自知其言之頻復也今篇章具在見者自可悉之而暇日偶披不憚重為敘述者凡以自見其性情之所至而已少陵云文章千古事得失寸心知吾雖不敢自信然亦不暇外此而他求之矣溯自有生以來榮枯悲愉之事則有僑寓記 先君忌日記 兩大人行述略備之矣宗黨行輩則有族譜碑記及三兄大兄大弟二弟諸志銘頗詳世系姻戚則有劉晶白及兩孺人志銘董遂關張養亭

槐軒文集

卷十 記後二

廿

存古微垣傳穎伯薛巨公諸志銘備見交情矣同年友則有呂慈園鄒許士誅章張獻形陸冲默秦經伯諸志銘略見友誼近日輓章則有崔山公林兆麟薛韋經張紫垣諸篇生死交情亦可並見慶賀則有薛母壽序紫垣策子慶占子入泮元浩守說諸篇邑乘則有重脩邑志縣學序記邑侯李公關公邑政者都城則有東嶽廟碑西山遊記豐臺中頂海旋戒壇潭柘摩訶菴諸遊記稍見形勝之

世兄德輿天玉平子慶占汝涓寓仙公堅靜也大
來晏谿兆麟永如沛霖天士聞遠林峰蘭次長六
伯翰南關諸子無聲方外畢在焉同人則懷蓋作
庭扶桑點巖雲麓爾茂以除瑤山肇余夏章湘北
說巖止瀾介石雪洲篤生瑞鳴岳洲西樵阮亭兄
弟也平生之閱歷略備矣至于稍自寫胸臆者則
初正偶筆南行紀程及友人見贈初度四序慨盡
之天過此以往天假歲月所著固未可預計而約
略大概庶幾無虛此四十年流光耳除夕酒脯之
槐軒文集
卷十
三

供奚背繡裏之裝其何以酬此方寸耶丙辰冬杪
燈牕月夜甥記於敬脩閣寓舍

槐軒集者 先王父之所手著也 王父志在

君國大節自選木天遷鸞臺汲汲盡職幾於日不暇

給而性情篤嗜詩古文辭退食之頃亦未嘗與管

城子楮先生相契濶也故生平著作甚富迨年至

四十始舉宦遊及前後家居時之著述親加刪定

鐫彙成帙出而問世而一時之樹幟文壇者多繫

賞推重之今集中所錄前輩諸老先生弁跋具在

固無俟余小子之曉曉多言矣詎意無祿 王父

捐館後自庚辰至甲申先 君子與 季父相繼

槐軒集記後

即世家道中落梨東散失 三叔父亟欲修補歲

乙未復賣志歿嗚呼骨肉凋零繼述乏人每念箕

裘神悸心愴而已尚忍言哉念祖生也不辰早失

所怙雖材等機線然自羈貫時伏讀遺書輒思繼

先人志重鈐諸梓用成完書但遺籍散亡急切不

能得撫衷抱恨已廿年於茲矣客夏忽遭由兒之

變其能自解致有心疾惴惴焉恒以此集之失傳

是懼病稍痊愈思 王父一生心血所注盡在此

書不重為表章取罪滋深於是急加校定廣為搜

羅或覓諸親友之遺冊或檢諸篋笥之偶存訛者
正之失者補之文之無可尋者姑從而缺之若十
遊西山上方諸記則又所續入者也歷一歲月工
始告竣自此裝潢成帙用廣其傳斯集遂復為全
璧矣爰書始末質之海內垂之子孫庶小子之志
遂而我祖父及諸父在天之靈稍慰也夫

丁未菊月孫念祖謹識

槐軒集十卷

山東巡撫
採進本

國朝王曰高撰曰高字北山號槐軒在平人順治戊
戌進士由庶吉士改給事是集詩五卷文五卷
曰高與新城王士禎兄弟同倡和耳濡目染詩格
時復近之而才與學則未逮也